

Namo tassa bhagavato arahato sammāsambuddhassa

Sāsanavaṃsappadīpikā

Buddhaṃ sumālī dvipaduttamo tamo,
Hantvāna bodhesidha paṅkajaṃ kajaṃ;
Maggaggaselamhi suñatṭhito ṭhito,
So maṃ ciraṃ pātu sukhaṃ sadā sadā.

Sīhaḷaddīpatoyeva,
Āgatehi disantare;
Bhikkhūhi yācito kassaṃ,
Sāsnavaṃsappadīpikaṃ.

Kāmañca porāṇehi yā,
Sāsnavaṃsappadīpikā;
Vīthāra vācanāmaggā,
Viracitā vinicchayā.

Sā pana mrammasāsāya,
Katattāyeva etesaṃ;
Dīpantaraniṅvāsinaṃ,
Vahāti suṭṭhunātthaṃ.

Tasmā hi mūlabhāsāya,
Karissāmi ahaṃ have;
Saṃsanditvāna ganthehi,
Taṃ sallakkhentu sādhavoti.

Tatrāyaṃmātikā –

1. Navaṭṭhānāgatasāsanavaṃsakathāmaggo,
2. Sīhaḷadīpikasāsanavaṃsakathāmaggo,
3. Suvaṇṇabhūmisāsanavaṃsakathāmaggo,
4. Yonakaraṭṭhasāsanavaṃsakathāmaggo,
5. Vanavāsīraṭṭhasāsanavaṃsakathāmaggo,
6. Aparantaraṭṭhasāsanavaṃsakathāmaggo,
7. Kasmīragandhāraratṭhasāsanavaṃsakathāmaggo,
8. Mahiṃsakararāṭṭhasāsanavaṃsakathāmaggo,
9. Mahāraṭṭhasāsanavaṃsavathāmaggo,
10. Cinaratṭhasāsanavaṃsakathāmaggo cāti.

1. Navaṭṭhānāgatasāsanavaṃsakathāmaggo

1. Tattha ca navatthānāgatasāsanavaṃsakathāmaggo evaṃ veditabbo. Amhākañhi bhagavā sammāsambuddho veneyyānaṃ hitatthāya hatthagataṃ sukhaṃ anādiyitvā dīpaṅkarassa bhagavato pādamaṃ byākaraṇaṃ nāma mañjūsaka pupphaṃ pilandhitvā kappasatasahassādhikāni cattāri asakhye yāni anekāsu jātīsu attano khedaṃ anapekkhitvā samatīṃsapāramiyo pūretvā vessantarattabhāvato cavitvā tusitapure devasukhaṃ anubhavi.

Tadā devehi uyyojyamāno hutvā kapilavatthumhi hosamatarañña pabhuti asambhinnāttiyavaṃsikassa suddho dhanassanāma mahārañño aggamaheṣiyā asambhinnāttiyavaṃ sikāya māyāya kucchīsmiṃ āsālimāsassa puṇṇamiyaṃ guruvāre paṭisandhiṃ gahetvā asamāsaccayena vesākhamāsassa puṇṇamiyaṃ sukkavāre vijāyitvā soḷasavassikakāle rajjasampattiṃ patvā ekūnatiṃsavassāni atikkamitvā maṅgalauiyānaṃ nikkhamaṇakāle devehi dassitāni cattāri nimittāni passitvā saṃvegaṃ āpajjitvā mahābhinnikkhamaṇaṃ nikkhamitvā anomāyanāma nadiyā tīre bhamara vaṇṇasannibhāni kesāni chinditvā devadattiyakāsāvaṃ paṭicchādetvā ne rañjarāyanāma nadiyā tīre vesākhamāsassa puṇṇamiyaṃ paccūsakāle sujātāyanāma seṭṭhidhītāya dinnāṃ pāyāsaṃ ekūnapaṇṇāsavārena paribhuñjitvā purimikānaṃ sammāsambuddhānaṃ dhammatāya suvaṇṇapātīṃ nadiyaṃ otāretvā mahābodhimaṇḍaṃ upasaṅkamitvā aparājītapallaṅke nisīditvā anamataggaṃ sārato paṭṭhāya attānaṃ chāyā viya anuyantānaṃ anekasatakilesaverīnaṃ sīsaṃ catūhi maggasatthehi chinditvā tilokaggamahādhammarājattaṃ patvā pañcatālīsavassānaṃ tesu tesu thānesu tesam tesam sattānaṃ mahākaruṇāsamaṃpattijālaṃ patthāretvā desanāññaṃ vijambhetvā dhammaṃ desetvā sāsanaṃ patiṭṭhāpesi. Patiṭṭhāpetvā ca pana asītivassāyukakāle vijjotayitvā nibbāyanappa dāpajālaṃ viya anupādisesanibbānadhātuyā parinibbāyi. Maccu dhammassa ca nāma tīsu lokesu atimamāyitabbo esa, atigarukātabbo esa, atibhāyitabbo esāti vijānanasabhāvo natthi. Bhagavantamaṃyeva tāva tilokaggapuggalaṃ ādāya gacchati, kiṃmaṅgaṃ pana amhe yevā tevā, ahovataacchariyā saṅkhāraddhammoti. Honti cettha—

Maccudhammo ca nāmesa,
Nillajjo ca anottappī;
Tilokaggaṃva ādāya,
Gacchī pageva aññesu.

Yathā goghātako coro,
Māretumaṃyeva ārabhi;
Goṇaṃ laddhāna lokamhi,
Payojanaṃva ettakaṃ.

Tatheva maccurājā ca,
Hindagūnaṃ guṇaṃ idha;
Na vijānāti eso hi,
Māretumaṃyeva ārabhīti.

Sattāhāparinibbute ca bhagavati āyasmā mahākassapo tiyaḍḍhasatādhikehi sahasamatthehi bhikkhūhi saddhi pāvāto kusīnārāyaṃ āgacchanto antarāmagge bhagavā sammāsambuddho parinibbutoti sutvā avītasoka bhikkhū rodante disvā vuddhapabbajito subhaddānāma bhikkhu evaṃ vadati— mā āvuso paridevittha, natthettha socitabbonāmakoci, pubbe mayaṃ bhavāma samaṇena ge, bhamena upaddutā— idaṃ karotha idaṃ tumhākaṃ kappati, mā idaṃ karittha na idaṃ tumhākaṃ kappatīti, seyyathāpi iṇasādhikena dāsoti, idāni pana mayaṃ yaṃ yaṃ icchāma, taṃ taṃ sakkā kātuṃ, yaṃ yaṃ pana na icchāma, taṃ taṃ sakkā akātunti. Taṃ sutvā īdisaṃ pana verīpuggalaṃ paṭicca sammāsambuddhassa bhagavato sāsanaṃ khippaṃ antaradhāreyya, idāni suvaṇṇakkhandhasadiso sarīro saṃvijjamāno yeva dukkhena nipphādite sāsane mahābhayaṃ uppajji ca, īdiso puggalo aññaṃ īdisaṃ puggalaṃ sahāyaṃ labhitvā vuddhimāpajjanto hāpetuṃ sakkuṇeyya maññeti cittakkhedaṃ patvā dhammasaṃvegaṃ labhitvā imaṃ bhikkhuṃ idheva setavatthaṃ nivāsāpetvā sarīre bhasmena vikiritvā bahiddhā karissāmīti cintesi.

Tadā āyasmato mahākassapattherassa etadahosi,— idāni samaṇassa gotamassa sarīraṃ saṃvijjamānaṃyeva parisā vivādaṃ karontīti manussā upavadissantīti. Tato pacchā imaṃ vitakkaṃ

vūpasamētvā khamitvā sammāsambuddho bhagavā parinibbāyamānōpi tena pana desito dhammo saṃvijjati, tena desitassa dhammassa thiraṃ patitthāpanatthāya saṅgāyiyamānaṃ idisehi puggalehi sāsanaṃ na antaradhāyissati, ciraṃ thassati yevāti manasikarivā bhagavato dinnapaṃsu kūlacivarādivasena dhammānuggahaṃ anussarivā bhagavato parinibbānato tatiye māse āsālimāsassa puṇṇamito pañcama divase rājagahe sattapaṇṇiguhāyaṃ ājātasattumṇāma rājānaṃ nissāya pañcahi arahanta satehi saddhiṃ sattamāsehi paṭhamaṃ saṅgāyanaṃ akāsi.

Tadā aṭṭhacattālīsādhikasatakaliyugaṃ anavasesato apanētvā kaliyugena sāsanaṃ samaṃ katvā thapesi. Yadā pana ajātasattu rañño rajjaṃ patvā aṭṭhavassāni ahesuṃ, tadā marammaratthē taṅkosaṅgatvapure jambudīpadhajassanāma rañño rajjaṃ patvā atirekapañcavassāni ahesunti.

Imissañca paṭhamasaṅgītiyaṃ āyasmā mahākassapo āyasmā upāli āyasmā ānando āyasmā anuruddho cāti evamādayo pañcasatappamāṇā mahātherā paṭhamaṃ saṅgāyivā sāsanaṃ anuggahesuṃ. Evaṃ subhaddassa duṭṭhapabbajitassa duṭṭhavacanaṃ sāsanaṃ anuggahe kāraṇaṃnāma ahosi. Subhaddo ca nāma duṭṭhapabbajito ātumānagaravāsī ahosi kappakakuliko. So yadā bhagavā ātumānagaraṃ gacchati, tadā atteno putte dve sāmaṇere kappakakammaṃ kārapētvā laddhehi taṇḍulatelādīhi vatthūhi yāguṃ pacitvā sasaṅghassa buddhassa adāsi. Bhagavā pana tāni appaṭiggahetvā kāraṇaṃ pucchitvā vīgarahitvā akappiyasamādānadukkaṭāpattiṃ kappakapubbassa bhikkhussa khuradhāraṇadukkaṭāpattiṃca paññāpesi. Taṃ kāraṇaṃ paṭicca veraṃ bandhitvā sāsanaṃ viddhaṃsitukāmatāya tattakaayogulaṃ gilitvā uggīranto viya idisaduṭṭhavacanaṃ vadīti.

Ajātasatturājā ca tumhākaṃ dhammacakkaṃ hotu, mama āṇācakkaṃ pavattissāmi, vissaṭṭhā hutvā saṅgāyantūti anuggahesi. Tenesa paṭhamaṃ sāsanaṃnuggaho rājāti veditabbo, mahākassapādīnañca arahantānaṃ pañcasatānaṃ sisāparamparā anekā honti, gaṇanapathaṃ vītivattā. Yamettha ito paraṃ vattabbaṃ, taṃ aṭṭhakathāyaṃ vuttanayena veditabbaṃ. Te pana mahātherā saṅgāyivā parinibbāyimsūti. Honti cettha—

Iddhimanto ca ye therā,
Paṭhamassaṅgītiṃ katvā;
Sāsanaṃ paggahitvāna,
Maccūvasaṃva sampattā.

Kiñcāpi iddhiyo santi,
Tathāpi tā jahitvāna;
Nibbāyimsu vasaṃ maccu,
Patvā te chinnapakkhāva.

Kā kathāva ca amhākaṃ,
Amhākaṃ gahaṇe pana;
Maccuno natthi sāro ca,
Evaṃ dhāreyya paṇḍitoti.

Ayaṃ paṭhamasaṅgītikathā saṅkhepo.

Tato paraṃ vassasataṃ tesāṃ sissaparamparā sāsanaṃ dhāretvā āgamaṃsu. Athānukkamena gacchantesu rattidivesu vassasataparinibbute bhagavati vesālikā vajjiputtakā bhikkhū vesāliyaṃ kappati siṅgiloṇakappā, kappati dvaṅgulakappo, kappati gāmantarakappo, kappati āvāsakappo, kappati anumatikappo, kappati āciṇṇakappo, kappati āmathitakappo, kappati jaḷogim pātum, kappati adasakaṃ nisīdanaṃ, kappati jātarūparajatanti imāni dasavatthūni dīpesuṃ.

Tesaṃ susunāgaputto kālāsokonāma rājā pakkho ahosi. Tena kho pana samayena āyasmā yaso kākaṇḍakaputto vajjīsu cārikaṃ caramāno vesālikā kira vajjiputtakā bhikkhū vesāliyaṃ dasavatthūni dipentīti sutvā na kho panetaṃ ppatirūpaṃ, yvāhaṃ dasabalassa sāsanaṃvippattiṃ sutvā appossukko bhaveyyaṃ, sandhāhaṃ adhammavādino niggahetvā dhammaṃ dīpessāmīti cintayanto yena vesālī, tadavasari. Tadā āyasmā mahāyaso revatasabbakāmiādīhi sattaṣatehi arahantehi saddhiṃ

saṅgāyissāmīti vesāliyaṃ vālukārāmaṃ āgacchi. Vajjiputtakāca bhikkhū upārambhacittā kālāsokamañña rājānaṃ upasaṅkamitvā mayaṃ kho mahārāja imasmiṃ mahāvanārāme gandhakuṭiṃ rakkhitvā vassāma, idāni mahārāja adhammavādino aññe bhikkhū vilumpitukāmā viddhamṣitukāmā āgatāti ārocesuṃ. Kālāsoko ca mahārāja āgantukānaṃ bhikkhūnaṃ appavisaṇatthāya nivārethāti amacce pesesi. Amaccāca nivāretuṃ gacchantā devatānaṃ ānubhāvena bhikkhū na passanti. Tadaheva ca rattibhāge kālāsokamahārāja lohakumbhīniraye patanākārena supinaṃ passi. Tassa rañño bhagini nandānāma therī ākāseṇa āgacchanti dhammavādino mahāthere niggaṇhitvā adhammavādīnaṃ bhikkhūnaṃ paggaḥaṇe dosabahulataṃ pakāsetvā sāsanaṃ paggaḥaṇatthāya ovādaṃ akāsi.

Kālāsokarāja ca saṃvegappatto hutvā āyasmantānaṃ mahāyasattherādīnaṃ khamāpetvā ajātasatturājā viya saṅgāyane paggaḥaṇaṃ akāsi.

Mahāyasattherādayo ca kālāsokaṃ rājānaṃ nissāya vālukārāme vajjiputtakānaṃ bhikkhūnaṃ pakāsitāni adhammavattūni bhinditvā aṭṭhati māsehi dutiyasaṅgāyanaṃ akaṃsu.

Tadā ca majjhimadese pāṭaliputtanagare susunāgarañño puttabhūtassa kālāsokarañño atisekaṃ patvā dasavassāni ahesuṃ. Parammaraṭṭhe pana sirikhetanagare dvattagoṅkassanāma rañño abhisittakālato pure ekavassaṃ ahoṣi. Jinasānaṃ pana vassasataṃ ahoṣi.

Imissañca dutiyasaṅgītiyaṃ mahāyasa revata sabbakāmiṃpamukhā sattasatappamāṇā mahātherā dutiyaṃ saṅkhāyitvā dutiyaṃ sāsanaṃ paggaḥesuṃ.

Āyasmā mahāyasattherocanāma pañcahi etadaggaḷāne hi bhagavatā thomitassa ānandattherassa saddhivihāriko ahoṣi. Vajjiputtakānaṃ bhikkhūnaṃ adhammavattudīpanaṃ dutiyasaṅgītiyaṃ kāraṇameva. Kālāsokarājāca pageva adhammavādībhikkhūnaṃ sahāyopi samāno puna dhammavādībhikkhūnaṃ sahāyo hutvā anuggahaṃ akāsi. Tasmā dutiyasāsanapaggaḥo rājāti veditabbo.

Dutiyasaṅgītiyaṃ pana mahāyasatthera revata sabbakāmiṃpamukhānaṃ sattasatānaṃ mahātherānaṃ sissaparamparā anekā honti, gaṇanapathaṃ vītivattā. Yamettha ito paraṃ vattabba, taṃ aṭṭhakathāyaṃ vuttanayena veditabbaṃ. Te pana mahātherā dutiyaṃ saṅgāyitvā parinibbāyimsūti. Honti cettha—

Buddhimanto ca ye therā,
Dutiyasaṅgītiṃ katvā;
Sāsanaṃ paggaḥitvāna,
Maccūvasaṃva sampattā.

Iddhimantopi ye therā,
Maccuno tāva vasaṃ gamuṃ;
Kathaṃyeva mayaṃ muttā,
Tato āraka mucchanāti;

Ayaṃ dutiyasaṅgītikathāsankhepo.

Tato paraṃ aṭṭhatiṃsādhikāni dvevassasatāni sammāsabbuddhassa bhagavato sāsanaṃ nirākulamaṃ ahoṣi nirabbudaṃ. Aṭṭhatiṃsādhike pana dvivassasate sampatte pāṭaliputta nagare siridhammāsokassanāma rañño kāle nigrodhasāmaṇeraṃ paṭicca buddhasāsane pasīditvā bhikkhusaṅghassa lābhasakkāraṃ bāhullaṃ ahoṣi. Tadā saṭṭhisahassamattā titthiyā lābhasakkāraṃ apekkhitvā apabbajitāpi pabbajitāviya hutvā upāsathapavāraṇādīkammesu pavisanti, seyyathāpināma haṃsānaṃ majjhe bakā, yathā ca gunnaṃ majjhe gavajā, yathā ca sindhavānaṃ majjhe gadrabhāti.

Tadā bhikkhusaṅgho idāni aparisuddhā parisāti manasi karitvā uposathaṃ na akāsi. Sāsane abbudaṃ hutvā sattavassāni uposathapavāraṇāni chijjanti. Siridhammāso ko ca rājā taṃ sutvā taṃ

adhikaraṇaṃ vūpasamehi uposathaṃ kārāpehīti ekaṃ amaccaṃ pesesi. Amacco ca bhikkhū uposathaṃ akattukāme kiṃ karissāmīti rājānaṃ paṭipucchitūṃ avisahatāya sayāṃ mūḷo hutvā aññena mūḷena manthetvā sace bhikkhusaṅgho uposathaṃ na kareyya, bhikkhusaṅghaṃ ghātetukāmo mahārājāti sayāṃ mūḷo hutvā mūḷassa santikā mūḷavacanaṃ sutvā vihāraṃ gantvā uposathaṃ akattukāmaṃ bhikkhusaṅghaṃ ghātesi.

Rājā ca taṃ sutvā ayaṃ bālo mayā anāṇattova hutvā īdisaṃ luddakammaṃ akāsi, ahaṃ pāpakammato muccissāmivā māvāti dvaḷakajāto hutvā mahāmoggaliputta tissattheraṃ gaṅgāya patisotato ānetvā taṃ kāraṇaṃ therāṃ pucchi. Thero ca dīpakatittirajātakena acetanatāya pāpakammato mocessasīti vissajjesi, sattāhampi titthiyānaṃ vādaṃ siridhammāsokarañño sikkhāpesi, vādena vādaṃ tulayitvā satthisahassamatte titthiye sāsanaabāhiraṃ akāsi. Tadā pana uposathaṃ akāsi. Bhagavatā vuttaniyāmeneva kathāvattuṃca bhikkhusaṅghamajjhe byākāsi. Asokārāme ca sahasamattā mahātherā navahi māsehi saṅgāyimsuṃ.

Tadā majjhimadese pāḷaliputtanagare siridhammāsokarañño rajjaṃ patvā aṭṭhārasavassāni ahesuṃ. Marammaraṭṭhe pana sirikhettanagare ramboṅkassanāma rañño rajjaṃ patvā dvādasa vassāni ahesunti.

Imissaṅca tatiyaṅgītiyaṃ mahāmoggaliputtatissattheronāma dutiyaṅgāyakehi mahātherehi brahmalo kaṃ gantvā sāsanaṃ paggaḥaṇatthaṃ tissanāma mahābrahmānaṃ āyācita niyāmena tato cavitvā idha moggaliyānāma brāhmaṇiyā kucchimhi nibbattasatto.

Lābhasakkāraṃ apekkhitvā satthisahassamatānaṃ titthiyānaṃ samaṇālayaṃ katvā uposathapavāraṇādīsu kammesu pavesanaṃ parisāya asuddhattā sattavassāni uposathassa akaraṇaṅca sāsanaṃ paggaḥaṇe kāraṇameva. Mahāmoggaliputtatissa majjhantika mahārevappamukhā mahātherā tatiyaṃ saṅgāyitvā tatiyaṃ sāsanaṃ paggaḥesuṃ.

Siridhammāsokarājā ca titthiyānaṃ vādaṃ sallakkhetvā titthiye bahisāsanaḥāraṇādīhi sāsanaṃ paggaḥo rājāti veditabbo. Mahāmoggaliputtatissa majjhantika mahārevappamukhānaṃ sahasamattānaṃ mahātherānaṃ sissaparamparā anekā honti, gaṇanapathaṃ vītivattā. Yamettha ito paraṃ vattabbaṃ, taṃ aṭṭhakathāyaṃ vuttanayena veditabbaṃ. Te pana mahātherā tatiyaṃ saṅgāyitvā parinibbāyimsūti. Honti cettha—

Mahiddhikāpi ye therā,
Saṅgāyitvāna sāsane;
Maccūvasaṃva gacchiṃsu,
Abbhagabbhaṃva bhākarō.

Yathā eteca gacchanti,
Tathā mayampi gacchāma;
Konāma maccunā mucce,
Maccūparāyanā sattā.

Tasmā hi paṇḍito poso,
Nibbānaṃ pana accutaṃ;
Tasseva sacchikatthāya,
Puññaṃ kareyya sabbadāti.

Ayaṃ tatiyaṅgītikathāsāṅkhepo.

Tato paraṃ kattha sammāsambuddhassa bhagavato sāsanaṃ suṭṭhu patiṭṭhahissatīti vimaṃsitvā mahāmoggaliputtatissatthero paccantadese jinasāsanaṃ suppatiṭṭhiyamānabhāvaṃ passitvā navatṭhānāni jinasāsanaṃ patiṭṭhāpanatthāya visuṃ visuṃ mahāthere pesesi. Seyyathidaṃ. Mahāmahindattheraṃ sīhāladīpaṃ pesesi-tvaṃ etaṃ dīpaṃ gantvā tatttha sāsanaṃ patiṭṭhahēhīti, soṇattheraṃ uttarattheraṅcasuvaṇṇabhūmiṃ, mahārakkhitattheraṃ yonakalokaṃ, rakkhitattheraṃ

vanavāsīraṭṭhaṃ, yonakadhammarakkhitattheraṃ aparantaraṭṭhaṃ, majjhanti kattheraṃ kasmīragandhā raraṭṭhaṃ, mahārevattheraṃ mahiṃsakamaṇḍalaṃ, mahādhammarakkhitattheraṃ mahāraṭṭhaṃ, majjhimattheraṃ cīnaraṭṭhanti. Tattha ca upasampadapahonakena saṅghena saddhiṃ pesesi. Te ca mahātherā viṣuṃ viṣuṃ gantvā sāsanaṃ tattha tattha patiṭṭhāpesuṃ. Patiṭṭhāpetvā ca tesu tesu ṭhānesu bhikkhūnaṃ kāsāvapajjotena vijjotamānā abbhahimadhūrajaṇḍāhusaṅkhātehi vimatto viya nisānātho jinasāsanaṃ anantarāyaṃ hutvā patiṭṭhāsi.

Tesu pana navasu ṭhānesu suvaṇṇabhūmināma adhunā sudhammanagareva. Kasmā panetaṃ viññāyatīti ce. Maggānumānato ṭhānānumānato vā. Kathaṃ maggānumānato. Ito kira suvaṇṇabhūmiṃ sattamattāni yojanasatāni honti, ekena vāte na gacchantī nāvā sattahi ahorattehi gacchati, athekasmim samaye evaṃ gacchanti nāvā sattāhampi nadiyā vaṭṭamaccha piṭṭhe neva gatāti aṭṭhakathāyaṃ vuttana sīhaḷadīpato suvaṇṇabhūmiṃ gatamaggappamāṇena sukhammapurato sīhaḷadīpaṃ gatamaggappamāṇaṃ sameti. Sudhamme purato kira hi hiṃsaḷadīpaṃ sattamattāni yojanasatāni honti, ujuṃ vāyūāgamanakāle gacchanti vāyunāvā sattahi ahorattehi sampāpuṇāti. Evaṃmaggānumānato viññāyatīti.

Kathaṃ ṭhānānumānato. Suvaṇṇabhūmi kira mahāsamuddasamīpe tiṭṭhati, nānāverajjakānampi vāñijānaṃ upasaṅkamaṇaṭṭhānabhūtaṃ mahātitthaṃ hoti. Teneva mahājanakakumārādayo campānagarādito samvohāratthāya nāvāya suvaṇṇabhūmiṃ āgamaṃsūti. Sudhammapurampi adhunā mahāsamuddasamīpeyeva tiṭṭhati. Evaṃ ṭhānānumānato viññāyatīti.

Apare pana suvaṇṇabhūmināma haribhuñjaraṭṭhaṃyeva, tattha su vaṇṇassa bāhullattāti vadanti. Aññe pana siyāmaraṭṭhaṃyevāti vadanti. Taṃ sabbaṃ vimaṃsitabbaṃ.

Aparantaṃ nāma viṣuṃ ekaraṭṭhamevāti apare vadanti. Aññe pana aparantaṃnāma sunāparantaraṭṭhamevāti vadanti. Taṃ yuttameva. Kasmā aparantaṃ nāma sunāparantaraṭṭhamevāti viññāyatīti ce. Aṭṭhakathāsu dvīhi nāmehi vuttattā. Uparipaṇṇāsaṭṭhakathāyañhi saḷāyatanasamyuttaṭṭhakathāyañca aṭṭhakathācariyehi sunāparantaraṭṭhe koṇḍadhānattherena salākādānādhikāre laddhetadaggaṭṭhānataṃ dassantehi aparantaraṭṭhaṃ suna saddena yojetvā vuttaṃ. Dhammapadaṭṭhakathāyaṃ pana āguttaraṭṭhakathāyañca tameva raṭṭhaṃ vinā sunasaddena vuttaṃ. Sunasaddo cettha puttariyāyo. Mandhāturañño jeṭṭhaputto catuddīpavāsi no pakkosivā tesam viṣuṃ viṣuṃ nivāsaṭṭhānaṃ niyyādesi. Tattha uttaradīpavāsīnaṃ ṭhānaṃ kururaṭṭhaṃnāma, pubbadīpavāsīnaṃ pana vedeharaṭṭhaṃnāma, pacchimadīpavāsīnaṃ aparantaṃ nāma. Bhattapacchimadīpe jātattā te sunasaddena vuttā. Tatra jātāpi hi tesam puttātivā sunātivā vuttā, yathā vajjiputtakā bhikkhūti. Vatticchāvasena vā vācāsiliṭṭhavasena ca idameva sunasaddena visesetvā voharantīti daṭṭhabbaṃ.

Yonakaraṭṭhaṃnāma yavanamanussānaṃ nivāsaṭṭhānameva, yaṃjaṅgamaṅghaiti vuccati.

Vanavāsīraṭṭhaṃnāma sirikhettanagaraṭṭhānamo. Keci pana vanavāsīraṭṭhaṃnāma ekaṃ raṭṭhameva, na sirikhettanagaraṭṭhānanti vadanti. Taṃ na sundaraṃ. Sirikhettanagaraṭṭhānameva hi vanavāsīraṭṭhaṃ nāma. Kasmā panetaṃ viññāyatīti ce. Imassa amhākaṃ rañño bhātikarañño kāle sirikhettanagare gumbhehi paṭicchādite ekasmim pathavipuṇje anto nimmujjivā ṭhitaṃ porāṇikaṃ ekaṃ lohamayabuddhapaṭipibbaṃ paṭilabhi, tassa ca pallaṅke idaṃ vanavāsīraṭṭhavāsīnaṃ pūjanatthāyātiadinā porāṇalekhaṇaṃ dissati, tasmā yevetaṃ viññāyatīti.

Kasmīragandhāraṭṭhaṃnāma kasmīraṭṭhaṃ gandhāraṭṭhaṃ. Tāni pana raṭṭhāni ekābaddhāni hutvā tiṭṭhanti. Teneva majjhanti kattheraṃ ekaṃ dvīsu raṭṭhesu pesesi. Janapadattā pana napuṃsakekattaṃ bhavati. Tadā pana ekassa rañño āṇāya patiṭṭhānavisayattā ekattavacanena aṭṭhakathāyaṃ vuttantīpi vadanti.

Mahiṃsakamaṇḍalaṃnāma andhakarāṭṭhaṃ, yaṃ yakkhapuraraṭṭhanti vuccati.

Mahāraṭṭhaṃnāma mahānagararaṭṭhaṃ. Adhunā hi mahāraṭṭhameva na garasaddena yojetvā mahānagararaṭṭhanti voharantīti. Siyāmaraṭṭhantīpi vadanti ācariyā.

Cinaraṭṭhaṃnāma himavantena ekābaddhaṃ hutvā ṭhitam cīnaraṭṭham ye vāti.

Idaṃ sāsanaṃ navasu ṭhānesu viṣuṃ viṣuṃ paṭiṭṭhānaṃ.

Idāni ādito paṭṭhāya theraparamparakathā vattabbā. Sammāsambuddhassa hi bhagavato saddhivihāriko upālitthe ro, tassa sisso dāsakatthero, tassa sisso soṇakatthero, tassa sisso siggavatthero candavajjitthe ro ca, tesam sisso moggaliputtatissattheroti ime pañcamahātherā sāsanaṃse ādibhūtā ācariyaparamparānāma. Tesañhi sissaparamparabhūtā theraparamparā yāvajjatanā na upacchindhanti. Ācariyaparamparāya ca lajjibhikkhū yeva pavesetvā kathetabbā no alajjibhikkhū. Alajjibhikkhū nāma hi bahussutāpi samānā lābhagarulokagaruādihi dhammatanti nāsetvā sāsanaṃ mahābhayaṃ uppādentīti. Sāsanaṃ rakkhanakammaṃnāma hi lajjīnaṃyeva viṣayo no alajjīnaṃ. Tenāhu porāṇā therā, anāgate sāsanaṃ ko nāma rakkhissatīti anupekkhitvā anāgate sāsanaṃ lajjino rakkhissanti, lajjino rakkhissanti, lajjino rakkhissanti tikkhātuṃ vācaṃ nicchāresuṃ. Evaṃ majjhimadesepi alajjīpuggalā bahu santīti veditabbā.

Parinibbānato hi bhagavato vassasatānaṃ upari pubbe vuttanayeneva vajjiputtakā bhikkhū adhammavattḥūni dīpetvā paṭhamasaṅgītikāle bahikatehi pāpabhikkhūhi saddhīṃ mantetvā sahāyaṃ gavesetvā mahāsaṅgītivohārena mahātherā viya saṅgītiṃ akāṃsu. Katvā ca viṣuṃ gaṇā ahesuṃ. Ahovata idaṃ hāsītābbaṃ, seyyathāpi nāma jarasiṅgālo catupadasāmaññaṃ mānaṃ jappetvā attānaṃ sīhaṃ viya maññitvā sīho viya sīhanādaṃ nadīti. Te pāvacaṃ yathā bhūtaṃ ajānitvā saddacchāyāmatteṇa yathābhūtaṃ atthaṃ nāma siṃsu. Kiñci pāvacaṃ apānesuṃ. Tañca sakagaṇeyeva hoti, na dhammavādīgaṇe. Dhammavinayaṃ vikopetvā yathicchita vaseneva carīsu. Ayaṃ pana mahāsaṅgītināma eko adhammavādīgaṇo.

Tato pacchā kālaṃ atikkante tatoyeva aññaṃaññaṃ vādato bhijjitvā gokulikonāma eko gaṇo ekabyohāronāma ekoti dve gaṇā bhijjīsu. Tato pacchā gokulikagaṇagaṇatoyeva aññaṃaññaṃ bhijjitvā bahussutikonāma eko gaṇo paññattivādonāma ekoti dve gaṇā bhijjīsu. Punapi tehiyeva gaṇehi cetiyavādonāma eko gaṇo bhijji.

Tato pacchā cirakālaṃ atikkante dhammavādīgaṇehi visabhāgagaṇaṃ pavisitvā mahīmsāsakonāma ekogaṇo vajjiputtakonāma ekoti dve gaṇā bhijjīsu. Tato pacchāpi vajjiputtakagaṇatoyeva aññaṃaññaṃ bhijjitvā dhammuttarikonāma eko gaṇo, bhaddayānikonāma eko, channāgārikonāma eko, samutikonāma ekoti cattāro gaṇā bhijjīsu.

Punapi mahīmsāsakagaṇato aññaṃaññaṃ bhijjitvā sabbatthivādonāma eko gaṇo, dhammaguttikonāma eko, kassapiyonāma eko, saṅkantikonāma eko, suttavādo nāma ekoti pañca gaṇā bhijjīsu.

Evaṃ majjhimadesa dutiyasaṅgītiṃ saṅgāyantānaṃ mahātherānaṃ dhammavādītheravādagaṇato viṣuṃ viṣuṃ bhijjamānā adhammavādīgaṇā sattarasa ahesuṃ. Te ca adhammavādīgaṇā sāsane theraparamparāya ananto gadhā. Te hi sāsane upakārā na honti, theraparamparāya ca pavesetvā gaṇhituṃ na sakkā, yathā haṃsagaṇe bako, yathā ca go gaṇe gavajo, yathā ca suvaṇṇagaṇe hāraṇuṭoti.

Mahākassapattherādito pana āgatā theraparamparā upāli dāsako cevātiadinā parivārakhandhake samantapāsādikaṭṭhakathāyañca āgatanayeneva veditabbā.

Upālittherādīnaṃ parisuddhācārādīni anumānetvā yāva moggaliputtatissattherā, tāva tesam therānaṃ parisuddhā cārādīnīti sakkā ñātuṃ, seyyathāpi nadiyā uparisote meghavassāni anumānetvā adhosote nadiyā udakassa bāhullabhāvo viññātuṃ sakkāti ayaṃ kāraṇānumānanayo nāma.

Yāva pana moggaliputtatissattherā, tāva therānaṃ parisuddhācārādīni anumānetvā upālittherassa parisuddhācārādīnīti sakkā ñātuṃ, seyyathāpi nāma uparidhūmaṃ passitvā anumānetvā aggi atthīti sakkā ñātuntī ayaṃ phalānumānana yo nāma.

Adibhūtaṣṣa pana upālittherassa avasānabhūtaṣṣa ca moggaliputtatissattherassa parisuddhācārādīni anumānetvā majjhe dāsakasoṇasiggavādīnaṃ therānaṃ parisuddhācārādīni sakkā ñātum, seyyathāpi nāma silāpaṭṭassa orabhāge pārabhāge ca migapadavaḷaṅjanaṃ disvā anumānetvā majjhe apākaṭaṃ padavaḷaṅcanaṃ atthīti sakkā ñātunti ayaṃ migapadavaḷaṅjana nayo nāma.

Evamaṃ tīhi nayehi ayaṃ theravādagaṇo dhammavādīlajjipesaloti veditabbo. Evamuparipi nayo netabbo. Theraparamparā ca yāva potthakāruḷā parivārakhandhake samanta pāsādikāyaṅca tato mahindo iṭṭiyotiādīnā vutta nayena veditabbāti.

Iti sāsanaṃse navatṭhānāgatasāsanaṃsakathāmaggo

Nāma paṭhamo paricchedo.

2. Sīhaḷadīpasāsanaṃsakathāmaggo

2. Idāni sīhaḷadīpasāsanaṃsakathāmaggaṃ vattum okāso anupatto, tasmā taṃ vakkhāmi.

Sīhaḷadīpaṅhi sāsanaṃsa patiṭṭhānabhūtaṭṭā cetiyagabbhasadisaṃ hoti. Sammāsambuddho kira sīhaḷadīpaṃ dharamānakālepi tikkhattum agamāsi. Paṭhamaṃ yakkhānaṃ damanattaṃ ekakova gantvā yakkhe dametvā mayi parinibbute sīhaḷadīpe sāsanaṃ patiṭṭhahissatīti tambapaṇṇidīpe ārakkhaṃ karonto tikkhattum dīpaṃ āviñchi. Dutiyamaṃ mātulabhāgineyyānaṃ nāgarā jūnaṃ damanattāya ekakova gantvā te dametvā agamāsi. Tatiyaṃ pañcabhikkhusataparivāro gantvā mahācetiyaṭṭhāne ca thūpārāmacetiyaṭṭhāne ca mahābodhipatiṭṭhitaṭṭhāne ca mahiyaṅgaṇacetiyaṭṭhāne ca mudīṅgaṇacetiyaṭṭhāne ca dīghavāpi cetiyaṭṭhāne ca kalyāṇiyacetiyaṭṭhāne ca nirodhasamāpattim samāpajjitvā nisīdi.

Tadā ca pana sāsanaṃ ogāhetvāna tāva tiṭṭhati. Pacchā pana yathāvuttattheraparamparāya samabhinivīṭṭhena mahāmoggaliputtatissattherena pesito mahindatthero jinacakke pañcatimsādhike dvisate sampatte dutiyakattikamāse iṭṭiyena uttiyena sambulena bhaddasālena cāti etehi therehi saddhim sīhaḷadīpaṃ agamāsi. Soṇuttarattherādayo jinacakke pañcatimsādhike dvisate sampatte dutiyakattikamāseyeva sāsanaṃsa patiṭṭhāpanattāya attano attano sampattabhārahūtaṃ taṃ taṃ ṭhānaṃ agamaṃsu.

Mahāmahindatthero pana sattamāsāni āgametvā jinacakke chattimsādhike dvisate sampatte jeṭṭhamāsassa puṇṇamiyaṃ sīhaḷadīpaṃ sāsanaṃsa patiṭṭhāpanattāya agamāsi. Teneva tesu navasu ṭhānesu sīhaḷadīpaṃ chattimsādhike dvisa te agamāsi. Aññāni pana aṭṭha ṭhānāni pañcatimsādhikadvisateyeva agamāsīti visumva vatthapetabbo.

Kasmā pana mahāmahindatthero sattamāsāni āgametvā sabbapacchā sīhaḷadīpaṃ gacchatīti. Sīhaḷadīpe muṭabhivo nāma rājā jarādubbalo ahoti, sāsanaṃ paggahetum asamatto, tassa pana putto devānaṃ piya tisso nāma rājakumāro daharo sāsanaṃ paggahetum samatto bhavissati, so ca devānaṃ viyatisso rajjaṃ tāva labhatu vedissakagirinagare mātuyā saddhim ṇātake tāva passāmīti apekkhitvā sattamāsāni āgametvā chattimsādhikadvisateyeva jinacakke mahāmahindatthero sīhaḷadīpaṃ gacchatīti veditabbaṃ.

Mahāmahindatthero ca iṭṭiyādīhi therehi catūhi bhāgineyyena sumanasāmaṇerena bhaṇḍukena nāma upāsake na cāti etehi saddhim chattimsādhike dvisate jinacakke jeṭṭhamāsapuṇṇamiyaṃ suvaṇṇaṃsā viya jeṭṭhamāse nabhaṃ uggantvā ākāsamaṅgena anurādhapurassa puratthimadisābhāge missa kapabbatakūṭe patiṭṭhāsi.

Jeṭṭhamāsassa ca puṇṇamiyaṃ laṅkādīpe jeṭṭhamūlanakkhattasabhā hutvā manussā chaṇaṃ akaṃsu. Tenevāha sārattadīpaniyaṃ nāma vinayaḍḍikāyaṃ, jeṭṭhamāsassa puṇṇamiyaṃ jeṭṭhanakkhattaṃ mūlanakkhattaṃ vā hotīti. Tattha ca puṇṇaminakkhattaṃ rājamattante

punṇaminakkhattavicāraṇanayena vuttanti daṭṭhabbaṃ.

Devānaṃ piya tisso ca rājā nakkhattaṃ nāma ghoṣāpetvā chaṇaṃ kārethāti amacce āṇāpetvā cattālī sapurisasahassaparivāro nagaramhā nikkhamitvā yena missa kapabbato, tena pāyāsi migavaṃ kīlitukāmo. Atha tasmim̐ pabbate adhivatthā ekā devatā migarūpena rājānaṃ phalobhetvā pakkositvā therassa abhimukhaṃ akāsi.

Thero rājānaṃ āgacchantaṃ disvā mamaṃyeva rājā passatu mā itareti adhiṭṭhahitvā tissa tissa ito ehīti āha. Rājā taṃ sutvā cintesi, imasmim̐ dīpe jāto sakalopi manusso maṃ tissoti nāmaṃ gahetvā ālapituṃ samattho nāma natthi, ayaṃ pana bhinnabhinnapaṭadharo bhaṇḍukāsāva vasano maṃ nāmena ālapati, ko nukho ayaṃ bhavissati, manusso vā amanusso vāti. Thero āha,—

Samaṇā mayaṃ mahārāja, dhammarājassa sāvakā;
Taveva anukampāya, jambudīpā idhāgatāti.

Tadā ca devānaṃ piyatisso rājā asokaraññā pesitena abhisekena ekamāsābhisitto ahoṣi. Visākhapuṇṇamāyaṃ hissa abhisekamakamsu. So ca asokaraññā pesite dhammapaṇṇākāre ratanattayaḅuṇṇappaṭisaṃyuttaṃ sāsanappavattiṃ acirasutaṃ anussaramāno taṃ therassa samaṇā mayaṃ mahārāja, dhammarājassa sāvakāti vacanaṃ sutvā ayyā nukho āgatāti tāvadeva āvudhaṃ nikkhipitvā ekamantaṃ nisīdi sammodanīyaṃ kathaṃ kathayamāno. Yathāha,—

Āvudhaṃ nikkhipitvāna, ekamantaṃ upāvisi;
Nisajja rājā sammodi, bahuṃ atthūpasañhitanti.

Sammodanīyaṃ kathaṃca kurumāneyeva tasmim̐ tānipi cattālīsapurisasahassāni āgantvā samparivāresuṃ. Tadāthero itarepi cha jane dassesi. Rājā disvā ime kadā āgatāti āha. Mayā saddhiṃyeva mahārājāti. Idāni pana jambudīpe aññepi evarūpā samaṇā santīti. Santi mahārāja etarahijambudīpo kālavapajjoto isivātaṭṭhāvato, tasmim̐—

Tevijjā iddhipattā ca, cetopariyakovidā;
Khīṇāsavā arahanto, bahū buddhassa sāvakāti.

Bhante kena āgatattthāti. Neva mahārāja udakena, na thalenāti. Rājā ākāsenā āgatāti aññāsi. Thero atthi nukho rañño passāveyyattikanti vīmaṃsanattthāya āsannaṃ ambarukkhaṃ ārabba pañhaṃ pucchi, —

Kinnāmo mahārāja ayaṃ rukkhoti. Ambarukkho nāma bhanteti. Imaṃ pana mahārāja ambaṃ muñcitvā añño ambo atthi vā natthi vāti. Atthi bhante aññepi bahū ambarukkhāti. Imaṃca ambaṃ te ca ambe muñcitvā atthi nukho mahārāja aññe rukkhāti. Atthi bhante, te pana na ambarukkhāti. Aññe ca ambe anambe ca muñcitvā atthi pana añño rukkhoti. Ayameva bhante amba rukkhoti. Sādhu mahārāja paṇḍitosīti.

Atthi pana mahārāja te ñātakāti. Atthi bhante bahūjanāti. Te muñcitvā keci aññātakāpi atthi mahārājāti. Aññātakā bhante ñātakehi bahutarāti. Tavaññātake ca aññātake ca muñcitvā atthañño koci mahārājāti. Ahameva bhanteti. Sādhu mahārāja attā nāma attano neva ñātake na aññātakoti.

Atha thero paṇḍito rājā sakkhissati dhammaṃ aññātunti cūlahatthipadopamasuttaṃ kathesi. Kathāpariyosāne rājā tīsu saraṇesu patiṭṭhahi saddhiṃ cattālīsāya pāṇasahassehīti. Tato paraṃ yaṃ yaṃ vattabbaṃ, taṃ taṃ samantapāsādikādīsu vuttanayena veditabbaṃ.

Icevaṃ sīhaḷadīpe sāsanānuggahaṇa mahindattherato āgatā sissaparamparā bahū honti, gaṇanapathaṃ vīti vattā. Kathaṃ. Mahāmahindattherassa sisso ariṭṭho nāma thero, tassa sisso tīssadatto, tassa sisso kāḷasumano, tassa sisso dīgho, tassa sisso dīgha sumano, tassa sisso kāḷasumano, tassa sisso nāgo, tassa sisso buddharakkhito, tassa sisso tisso, tassa sisso revo, tassa

sisso sumano, tassa sisso cūlanāgo, tassa sisso dhammapāli etā, tassa sisso khemo, tassa sisso upalisso, tassa sisso phussadevo, tassa sisso sumano, tassa sisso mahāpadumo, tassa sisso mahāsīvo, tassa sisso upāli, tassa sisso mahānāgo, tassa sisso abhayo, tassa sisso tisso, tassa sisso sumano, tassa sisso cūlābhayo, tassa sisso tisso, tassa sisso cūladevo, tassa sisso sīvoti. Ayaṃ yāva potthakāruḷasaṅkhātā catutthasaṅgītikā, tāva theraparamparāti daṭṭhabbā.

Vuttañhetam aṭṭhakathāyaṃ,— yāvajjabhanā tesameva antevāsikaparamparabhūtāya ācariyaparamparāya ābhatantīti veditabbanti.

Evam tesam sissaparamparabhūtā ācariyaparamparā yāvajjatanā sāsane pākaṭā hutvā āgacchantīti veditabba.

Sāsane vinayadharehi nāma tilakkhaṇasampannehi bhavitabbaṃ. Tīṇi hi vinayadharassa lakkhaṇāni icchi tabbāni. Katamāni tīṇi. Suttañcassa svāgataṃ hoti suppavatti suvinicchitaṃ suddato anubyañjanatoti idamekaṃ lakkhaṇaṃ, vinaye kho pana tṭhito hoti asaṃhīroti idaṃ dutiyaṃ, ācariyaparamparā kho panassa suggahitā hoti sumanasikatā supadhāritāti idaṃ tatiyaṃ.

Tattha ācariyaparamparā kho panassa suggahitā hotīti theraparamparā vaṃsaparamparā cassa suṭṭhugahitā hoti. Sumanasikatāti suṭṭhu manasikatā, āvajjitamatte ñajjali tappadīpo viya hoti.

Supadhāritāti suṭṭhu upadhāritā, pubbāparānusandhito atthato kāraṇato ca upa dhāritā. Attano matim pahāya ācariyasuddhiyā vattā hoti, mayham ācariyo asukācariyassa santike uggaṇhi, so asukassāti evaṃ sabbaṃ ācariyaparamparaṃ thera vādaṅgaṃ āharitvā yāva upālitthero sammāsambuddhassa santike uggaṇhīti pāpetvā tṭhabeti. Tatopi āharitvā upālitthero sammāsambuddhassa santike uggaṇhi, dāsakatthero attano upajjhāyassa upālittherassa, soṇakatthero attano upajjhāyassa dosakattherassa, siggavatthero attano upajjhāyassa soṇakattherassa, moggaliputtatissatthero attano upajjhāyassa siggavattherassa caṇḍa vajjittherassa cāti evaṃ sabbaṃ ācariyaparamparaṃ theravādaṅgaṃ āharitvā attano ācariyaṃ pāpetvā tṭhabeti. Evaṃ uggaṇhīti hi ācariyaparamparā suggahitā hoti.

Evaṃ asakkontena pana dve tayo parivaṭṭā uggaṇhetabbā. Sabbapacchimena hi nayena yathā ācariyo ca ācariyācariyo ca pālīṇca paripuñchaṇca vadanti, tathā ñātuṃ vattaṭīti.

Yathā vuttattheraparamparā pana bhagavato dharamānakālato paṭṭhāya yāva potthakāruḷā mukhapāṭheneva piṭakattayaṃ dhāresuṃ, paripuṇṇaṃ pana katvā potthake likhitvā na tṭhabeti. Evaṃ mahātherā dukkarakammaṃ katvā sāsanaṃ paggaṇhimsu. Tatrīdaṃ vatthu,—

Sīhaḷadīpe kira caṇḍālatissabhayena saṅkhubbhitvā devo ca avassitvā dubbhikkhabhayaṃ uppajji. Tadā akko devānamindo āgantvā tumhe bhante piṭakaṃ dhāretuṃ na sakkhissatha, nāvaṃ pana ārūhitvā jambudīpaṃ gacchatha, sace nāvā appahonakā bhavēyya, kaṭṭhena vā veḷunā vā taratha, abhayatthāya pana mayaṃ rakkhissāmāti āha.

Tadā saṭṭhimattā bhikkhū samuddatīraṃ gantvā puna etadahosi,— mayaṃ jambudīpaṃ na gacchissāma, idheva vasitvā tepiṭakaṃ dhārissāmāti. Tato pacchā nāvā titthato nivattitvā sīhaḷadīpekadesaṃ malayanapadaṃ gantvā mūlaphalādīhiyeva yāpetvā sajjhāyaṃ akaṃsu. Chātakabhayena atipīḷitā hutvā evampi kātuṃ asakkonto vāḷukatale uraṃ tṭhabetvā sīsena sīsama abhimukhaṃ katvā vācaṃ anicchāretvā manasāyeva akaṃsu. Evaṃ dvādasavassāni saddhim aṭṭhakathāya tepiṭakaṃ rakkhitvā sāsanaṃ anuggahesuṃ.

Dvādasavassesu pana atikkantesu taṃ bhayaṃ vūpasamitvā pubbe jambudīpaṃ gacchantā sattabhikkhusatā āgantvā sīhaḷadīpekadesaṃ rāmajanapade maṇḍalārāmahārahāya āpajjimsu. Tepi saṭṭhimattā bhikkhū tameva vihāraṃ gantvā aññamaññaṃ sammantetvā sajjhāyimsu. Tadā aññamaññaṃ samenti, na virujjhanti, gaṅgādakena viya yamunodakaṃ saṃsanti. Evaṃ piṭakattayaṃ mukhapāṭheneva dhāretvā mahātherā dukkarakammaṃ karontīti veditabbā.

Yampi pariyattim ekapadamattampi avirajjhivā dhārenti, taṃ dukkarakammameva.

Sīhaḷadīpe kira punabbasukassa nāma kuṭumbikassa putto tissatthero buddhavacanaṃ uggaṇhitvā imaṃ jambudīpaṃ āgantvā yonakadhammarakkhitattherassa santike buddhavacanaṃ uggaṇhitvā gacchanto nāvaṃ abhirūhanatitthe ekasmiṃ pade uppannakaṅkho yojanasatamaggaṃ nivattitvā ācariyassa santikaṃ āgacchanto antarāmagge ekassa kuṭumbikassa pañhaṃ kathesi. So pasīditvā satahassagghanakaṃ kampalaṃ adāsi. Sopi taṃ āharitvā ācariyassa adāsi. Thero vā siyā koṭṭetvā nisīdanatthāne paribhaṇḍaṃ kāresi. Kimatthāyāti. Pacchimāya janatāya anuggahatthāya. Evaṃ kirassa ahosi,— amhākaṃ gatamaggaṃ āvajjitvā anāgate sabrahmacārino paṭipattim pūretabbaṃ maññissantīti. Tissattheropi ācariyassa santike kaṅkhaṃ chinditvā sīhaḷadīpameva sakaṭṭhānaṃ āgamāsīti. Icevaṃ pariyattim ekapadamattampi avirajjhivā dhāraṇampi dukkarakammamevāti daṭṭhabbaṃ.

Yampi yebhuyyena paguṇaṃ na karonti, tassa anantaradhānatthāya asammosatthāya uggahadhāraṇādivasena rakkhanampi karonti, taṃ dukkarakammameva.

Sīhaḷadīpeyeva kira mahābhaye ekasseva bhikkhuno mahāniddeṣo paguṇo ahosi. Atha catunikāyikatissattherassa upajjhāyo mahātipiṭakatthero nāma mahārakkhitattheramaṃha,— āvuso mahārakkhita asukassa santike mahāniddeṣaṃ gaṇhāhīti. Pāpokirāyaṃ bhante na gaṇhāmīti. Gaṇhāvuso ahaṃ te santike nisīdissāmīti. Sādhu bhante tumhesu nisennesu gaṇhissāmīti paṭṭhapatvā rattindivaṃ nirantaraṃ pariyāpuṇanto osānadivase heṭṭhāmañce itthim disvā bhante sutamaṃ me pubbe, sacāhaṃ evaṃ jāneyyaṃ, na īdisassa santike dhammaṃ pariyāpuṇeyyanti āha. Tassa pana santike bahū mahātherā uggaṇhitvā mahāniddeṣaṃ patiṭṭhāpesuṃ. Evaṃ yaṃ yebhuyyena paguṇaṃ na karonti, tassa anantaradhānatthāya asammosattāya uggahadhāraṇādivasena rakkhanampi dukkarakammaṃ yevāti daṭṭhabbaṃ.

Icevaṃ bhagavato dharamānakālato pabhuti cirakālaṃ yathāvuttamahātheraparamparā pariyattim mukhapāṭheneva dhāresuṃ. Ahovata porāṇikānaṃ mahātherānaṃ satipaṇṇāsamaḍhivepullatāya hi te mukhapāṭheneva dhāretu sakkāti. Mukhapāṭheneva porāṇakattherānaṃ pariyattidhāraṇaṃ pañcanavutādhikāni catusatāni ahosi.

Bhagavato parinibbānato mahāvamaṃsasāratthasaṅgahesu āgatanayena jinacakke paṇṇāsādhike catusate sampatte tambapaṇṇidīpe rājūnaṃ aṭṭhārasamako'saddhātissassa nāma rañño putto vaṭṭagāmaṇi nāma rājā rajjaṃ patvā chavassakāle anāgate sattā hīnasatipaṇṇāsamaḍhikā hutvā na sakkhissanti mukhapāṭhena dhāretunti upaparikkhitvā pubbe vuttehi mahātherehi anupubbena āgatā pañcamattā mahātherasatā vaṭṭagāmaṇirājānaṃ nissāya tambapaṇṇidīpekadesa malayajanapade ālokaleṇe aṭṭhakathāya sahaṇṇakattayaṃ potthake āropesuṃ.

Taṅca yathāvuttasaṅgītiyo upanidhāya catutthasaṅgītiyeva nāmāti veditabbā. Vuttañhetam sārattadīpaniyaṃ nāma vinayaṭīkāyaṃ,— catutthasaṅgītisadisā hi potthakārohasaṅgīti.

Sīhaḷadīpe pana vaṭṭagāmaṇirājā marammaratṭhe sirikhetanagare eko nāma kukkuṭasīsārājā ca ekakālena rajjaṃ kāresi. Amarapuramāpakassa rañño kāle sīhaḷadīpabhikkhuhi idha pesitasandesakathāyaṃ pana tettiṃsādhikacatusate sampatte potthakāruḷaṃ akaṃsūti āgataṃ. Vuttañhetam tattha,— tettiṃsādhikacatusataparimāṇakālanti.

Idaṃ sīhaḷadīpe yāva potthakāruḷhā

Sāsanassa patiṭṭhānaṃ.

Athāparaṃ jambudīpe sīhaḷadīpe ca bhikkhū visuṃ visuṃ gaṇavasena bhijjimsu, yathā anotattadahato nikkhamananadiyā gaṅgāyamunādivasena bhijjantīti. Tattha jambudīpe gaṇānaṃ bhijjamānataṃ upariyeva vakkhāma.

Sīhaḷadīpe pana gaṇānaṃ bhijjamānatā evaṃ daṭṭhabbā. Kathaṃ. Sīhaḷadīpe hi sāsanassa

patiṭṭhamānakālato aṭṭhārasādhi kadvivassasate sampatte vaṭṭagāmaṇirañña kārāvite abhayagirivihāre parivārakhandhakam pāṭhato ca atthato ca vipallāsam katvā mahāvihāravāsigaṇato puthu hutvā eko gaṇo bhijji, so abhayagirivāsigaṇo nāma, dhammarucigaṇoti ca tasseva nāmaṃ.

Abhayagirivāsigaṇassa bhijjamānato dvecattālīsādhikativassasate sampatte mahāsenena nāma rañña kārāpīte jetavanavihāre bhikkhū ubhatovisaṅgapāṭhe viparītavasena abhisāṅkharitvā abhayagirivāsigaṇato visum eko gaṇo ahoṣi, so jetavanavāsigaṇo nāma, sāgaliyagaṇoti ca tasseva nāmaṃ.

Jetavana vāsigaṇassa bhijjamānakālato ekapaññāsavassādhikānaṃ tiṇṇaṃ vassasatānaṃ upari kurundavāsino ca kolambavāsino ca bhikkhū bhāgineyyaṃ dāṭhāpatiṃ nāma rājānaṃ nissāya ubhatovibhaṅgaparivārakhandhakapāṭhe viparītavasena abhisāṅkharitvā vuttehi dvīhi gaṇehi visum hutvā mahāvihāra vāsigaṇhattamaṃ tulayitvā upadhāretvā mahāvihāranāmaṃ gahetvā eko gaṇo bhijji. Evaṃ sīhaḷadīpe mahāmahindattherādīnaṃ vaṃsabhūtena mahāvihāravāsi gaṇena saddhiṃ cattāro gaṇā bhijjimsu.

Tattha mahāvihāravāsi gaṇoyeva eko dhammavādī ahoṣi, sesā pana adhammavādino. Te ca tayo adhammavādino gaṇā bhūtattaṃ pahāya abhūtattena dhammaṃ agaruṃ katvā carimsūti vacanato sīhaḷadīpe adhammavādino tayopi alajjino gaṇā parimaṅḍalasuppaṭicchannādisikkhāpadāni anādiyitvā vicarimsu. Tato paṭṭhāya sāsane ekaccānaṃ bhikkhūnaṃ nānappakāravasena nivāsanapārupanādīni dissantiti vedittabbaṃ.

Adhammavādigaṇānaṃ bhijjamānakālato sattavīsādhikānaṃ pañcasatānaṃ vassānañca upari sirisaṅghabodhi nāma rājā mahāvihāra gaṇassa pakkho hutvā adhammavādīnaṃ tayo gaṇe niggahitvā jinasāsanam paggahesi. So ca sirisaṅgha bodhirājā amhākaṃ marammaraṭṭhe arimandanaganare anuruddhena nāma rañña samakālavasena rajjasampattiṃ anubhavi.

Tato pacchā sīhaḷadīpe vohārakatissassa nāma rañño kāle kapilena nāma amaccena saddhiṃ mantetvā mahāvihāra vāsino bhikkhū nissāya adhammavādigaṇe niggaṇhitvā jinasāsanam paggaṇhāti.

Tato pacchā ca goṭṭhābhayassa nāma rañño kāle abhayagiri vāsino bhikkhū parasamuddam pabbājetvā mahāvihāra vāsino bhikkhū nissāya sāsanaṃ visodhayi.

Tato pacchāpi goṭṭhābhayarañño puttabhūtassa mahāsenassa nāma rañño kāle abhayagirivāsīnaṃ bhikkhūnaṃ abbhantare saṅghamitto nāma eko bhikkhu rañño padhānācariyo hutvā mahāmahindattherādīnaṃ arahantānaṃ nivāsaṭṭhānabhūtaṃ mahāvihārāramaṃ vinassitum mahāsenarañña mantetvā ārabhi. Tadā navavassāni mahāvihāre bhikkhu sañña ahoṣi. Ahovata mahātherānaṃ mahiddhikānaṃ nivāsaṭṭhānaṃ alajjino bhikkhū vinassāpesum, suvaṇṇaḥamaṃssānaṃ nivāsaṭṭhānaṃ kākā viyāti.

Jetavanavāsīnañca bhikkhūnaṃ abbhantare eko tisso nāma bhikkhu teneva rañña mantetvā mahāvihāre sīmaṃ samūhani. Achehattā pana tesam sīmasamūhanakammaṃ na sampajjīti. Ahovata dussīlānaṃ pāpakānaṃ kammaṃ acchariyaṃ, seyyathāpi nāma sākhamigo aggaggho kāsivattham mahagghaṃ bhinnati, evameva bhinditabbavatthunā bhedakapuggalo ativiya dūro ahoṣīti. Bhavanti cettha, –

Yathā sākhamigo pāpo, appagghoyeva kāsikaṃ;
Mahagghaṃ kacca bhinnaṃbhinnaṃ, mahussāhena chindati.

Evaṃ adhammavādī pāpo, dhammavādigaṇaṃ subhaṃ;
Mahussāhena bhindayi, aho acchariyo ayaṃ.

Ārakā dūrato āsum, bhinditabbhehi bhedakā;
Bhūmitova bhavagganto, aho kammaṃ ajānatanti.

Icevaṃ adhammavādigāṇaṃ balavatāya dhammavādiḅaṇo parihāyati. Yathā hi gijjhasakuṇassa pakkhavātena suvaṇṇahaṃsā pakatiyā ṭhātuṃ na sakkonti, evameva adhammavādināṃ balavatāya dhammavādī parihāyati. Byagghavane viya suvaṇṇamigo nillayitvā gocaraṃ gaṇhāti, yathārucivasena dhammaṃ carituṃ okāsaṃ na labhi.

Sīhaḷadīpe sāsanaṃ patiṭṭhānato dvisattatādhikānaṃ catusatānaṃ vassasahassānaṃ upari sammāsambuddhassa parinibbānato aṭṭhasattasatādhikānaṃ vassasahassānaṃ upari mahārājā nāma bhūpālo rajjaṃ kāresi. So pana rājā ṇadumbaragirivāsikassapattheraggamukhā mahāvihāravāsino bhikkhū tameva rājānaṃ nissāya sāsane malaṃ visodhesuṃ, yathā herañṇiko hiraṇṇe malanti.

Mahāvihāravāsigaṇato añṇe adhammavādinā uppabbā jetvā visodhesuṃ. So ca mahārājā amhākaṃ marammaraṭṭhe arimaddananagare narapaticañṇisūnā nāma raṇṇā samakāla vasena rajjaṃ kāresīti veditabbo.

Tato pacchā vi vijayabāhurājānaṃ parakkamabāhurājānaṃ nissāya mahāvihāra vāsino bhikkhū sāsanaṃ parisuddhaṃ akaṃsu, adhammavādino sabbepi uppabbājetvā mahāvihāravāsigaṇoyeva eko patiṭṭhahi, yathā abbhādiupakkilesamalehi vimutto nisānāthoti.

Sirisaṅghabodhirājā vohārikatissarājā gotṭhābhayarājāti ete rājāno sāsanaṃ visodhentopi sabbena sabbaṃ adhammavādigāṇaṃ avinassanato sāsanaṃ parisuddhaṃ na tāva ahoṃ. Sirisaṅghabodhiraṇṇo mahāraṇṇo vijayabāhuraṇṇo parakkamabāhuraṇṇoti etesaṃyeva rājūnaṃ kāle sabbena sabbaṃ adhammavādināṃ vinassanato sāsanaṃ parisuddhaṃ ahoṃ. Tadā pana adhammavādinā sīsampi utṭhahituṃ na sakkā, yathā aruṇugge kosiyāti.

Aparabhāge pana ciraṃ kālaṃ atikkante micchādīṭṭhikānaṃ vijātiyānaṃ bhayena laṅkāḷīpe sāsanaṃ osakkītvā gaṇapūraṇamattassapi bhikkhusaṅghassa avijjamaṇatāya mahāvijayabāhuraṇṇo kāle rāmaṇṇadesato saṅghaṃ ānetvā sāsanaṃ patiṭṭhāpesi.

Tato pacchā ca vimaladhammasūriyassa nāma raṇṇo kāle rakkhāpuraraṭṭhato saṅghaṃ ānetvā sāsanaṃ patiṭṭhāpesi. Tato pacchā ca vimalassa nāma raṇṇo kāle tatoyeva saṅghaṃ ānetvā sāsanaṃ patiṭṭhāpesi. Tato pacchā ca kittissirirājasīhassa nāma raṇṇo kāle syāmaraṭṭhato saṅghaṃ ānetvā tatheva akāsīti.

Ayaṃ sīhaḷadīpe sāsanaṃ osakkanakathā.

Tato pacchā jinasāsane navutādhike aṭṭhavassasate sampatte buddhadāsassa nāma raṇṇo kāle eko dhamma kathikatthero ṭhapetvā vinayapiṭakaṃ abhidhammapiṭakaṃ avasesaṃ suttantapiṭakaṃ sīhaḷabhāsāya parivattitvā abhisankharitvā ṭhapesi. Taṅca kāraṇaṃ cūḷavaṃse vuttaṃ.

Tassa kira buddhadāsassa raṇṇo puttā asītimattā asītimahāsāvākānaṃ nāmeneva vohāritā ahesuṃ. Tesu puttesu sārīputtattherassa nāmena vohārito eko upatisso nāma rājakumāro pitari devaṅgate dvecattālīsavassāni rajjaṃ karesi.

Tato pacchā kaniṭṭho mahānāmo nāma rājakumāro dvāvīsavassāni rajjaṃ kāresi. Tassa raṇṇo kāle jina cakke tettiṃsādhikanavasatavasse sīhaḷadīpe chasaṭṭhimattānaṃ rājūnaṃ pūraṇakāle buddhaghoso nāma thero sīhaḷadīpaṃ gantvā sīhaḷabhāsāya likhite aṭṭhakathāganthe māgadhabhāsāya parivattitvā likhi.

So pana mahānāma rājā amhākaṃ marammaraṭṭhe siripaccayanagare savilaṇṇikrovi nāmakena raṇṇā samakālo hutvā rajjaṃ kāresi. Parittaniddāne pana brūmavi?Thī? Nāmakena raṇṇā samakālo hutvā rajjaṃ kāresīti vuttaṃ. Taṃ na yujjatiyeva.

Sīhaḷadīpe pana kittissirimegho nāma rājā hutvā navame vasse tasmīmyeva dīpe rājūnaṃ dvasaṭṭhimattānaṃ pūraṇakāle jinacakke tiṃsādhike aṭṭhasatavasse jambudīpe kaliṅgapurato

kuhasivassa nāma rañño jāmātā dantakumāro hemamālaṃ nāma rājadhītaṃ gahetvā dāṭhādhatuṃ thenetvā navāya taritvā sīhaḷadīpaṃ agamāsi. Jinacakke tiṃsādhikaatṭhavassasate jeṭṭhatissarājā navavassāni rajjaṃ kāresi.

Buddhadāsarājā ekūnatimsati vassāni upalissarājā cadvicattālīsavassāni mahānāmarājā dvāvīsavassānīti sabbāni sampiṇḍitvā jinasāsanam dvattimsādhikanavavassasatappamaṇam hoti.

Tasmiṃca kāle yadā dvīhi vassehi ūnam ahosi, tadā mahānāmarañño kāle tiṃsādhikanavavassasatamate sāsane buddhaghoso nāma thero laṅkādīpaṃ agamāsi.

Amarapuramāpakassa rañño kāle sīhaḷadīpikēhi bhikkhūhi pesitasannesapaṇṇe pana chapaṇṇāsādhikanavavassasatātikkante sūti vuttaṃ.

Ettha ṭhatvā buddhaghosattherassa aṭṭhuppattimsaṅkhepamattaṃ vakkhāma. Kathaṃ. Sīhaḷabhāsakkharehi parivattitaṃ pariyattisāsanam māgadhasāsakkharena ko nāma puggalo parivattituṃ sakkhissatīti mahātherā nimantayitvā tāvatimsabhavanam gantvā ghosam devaputtaṃ disvā saddhiṃ sakkena devānamindena taṃ yācitvā bodhirukkhasamīpe ghosagāme kesassa nāma brāhmaṇassa kesiyā nāma brāhmaṇiyā kucchimhi paṭisandhiṃ gaṇhāpesuṃ. Khādatha bhonto pivatha bhontotiādinaṃ brāhmaṇānam aññamaññaṃ ghosakāle vijāyanattā ghosoti nāmam akāsi. Sattavassikakāle so tiṇṇam vedānam pāragū ahosi.

Atha kho ekena arahantena saddhiṃ vedakathaṃ sallapanto taṃ kathaṃ niṭṭhāpetvā kusalā dhammā akusalā dhammā abyākatā dhammātiādinaṃ paramatthavedaṃ nāma buddhamantaṃ pucchi. Tadā so sutvā uggaṇhitukāmo hutvā tassa arahantassa santike pabbajitvā devasikaṃ devasikaṃ piṭakattayaṃ saṭṭhimattehi padasahashehi sajjhāyaṃ akāsi, vācuggataṃ akāsi. Ekamāseneva tiṇṇam piṭakānam pāragū ahosi.

Tato paccā raho ekakova nisinnassa etadahosi,– buddhabhāsate piṭakattaye mama vā paññā adhikā, udāhu upajjhāyassa vāti. Taṃ kāraṇam ṇatvā upajjhācariyo niggahaṃ katvā ovadi. So saṃvegappatto hutvā khamāpetuṃ vandi. Upajjhācariyo tvaṃ āvuso sīhaḷadīpaṃ gantvā piṭakattayaṃ sīhaḷassāsakkharena likhitaṃ māgadhabhāsakkharena likhāhi, evaṃ sati ahaṃ khamissāmīti āha.

Buddhaghoso ca pitaraṃ micchādīṭṭhibhāvato mocetvā ācariyassa vacanam siraṣā paṭiggahetvā piṭakattayaṃ likhituṃ sīhaḷadīpaṃ nāvāya agamāsi. Tadā samuddamajjhe tīhi divasehi tarante buddhadattatthero ca sīhaḷadīpato nāvāya āgacchanto antarāmagge devāna ānubhāvena aññamaññaṃ passitvā kāraṇam pucchitvā jāni. Jānitvā ca buddhadattatthero evamāha,– mayā āvuso kato jinālaṅkāro appassāroti maññitvā piṭakattayaṃ parivattituṃ likhituṃ okāsam nādāsuṃ, tvaṃ pana piṭakattayaṃ saṃvaṇṇehīti vatvā attano sakkena devānamindena dinnam haritakiphalaṃ ayomayalekhana daṇḍam nisitasilañca buddhaghosattherassa adāsi. Evaṃ tesam dvinnaṃ therānam aññamaññaṃ sallapantānaṃyeva nāvā sayameva apanetvā gacchiṃsu.

Buddhaghosatthero ca sīhaḷadīpaṃ patvā paṭhamaṃ saṅghapālattheraṃ passitvā piṭakattayaṃ māgadhabhāsakkharena parivattetuṃ āgatomhīti kāraṇam ārocetvā sīhaḷabhikkhū ca sīle patiṭṭhāyātiādigaṭhaṃ niyyādetvā imissā gāthāya atthaṃ piṭakattayaṃ āloletvā saṃvaṇṇehīti uyyojesuṃ, tasmiṃyeva divase sāyanhakālato paṭṭhāya yathāvuttagaṭhaṃ pamukhaṃ katvā visuddhimaggaṃ akāsi. Katvā taṃ kammaṃ nipphādetvā tassa ṇāṇappabhavaṃ vīmaṃsetukāmo devānamindo taṃca ganthaṃ antaradhāpesi. Punāpi thero akāsi. Tatheva devānamindo antaradhāpesi. Punāpi thero akāsi. Evaṃ tikkhattuṃ kārapetvā pubbaganthepe dassesi. Tiṇṇampi ganthānam aññamaññaṃ ekapadamattenapi visesatā natthi saṅghapālatthero ca taṃ ārādhayitvā piṭakattayaṃ niyyādesi. Evaṃ visuddhimagge saṅghapālattherassa yācanaṃ ārabba visuddhimaggo katoti āgataṃ. Buddhaghosuppattikathāyaṃ pana saṅgharājattherassa āyācanaṃ ārabbhāti āgataṃ.

Ayaṃ buddhaghosuppattikathāyaṃ āgatanayena dassitabuddhaghosuppattikathāsankhepo.

Cūlavamse panevaṃ āgato. Buddhaghosatto nāma mahābodhirukkhasamīpe ekasmiṃ brāhmaṇagāme vijāto tiṇṇampi vedānaṃ pāragū ahoṣi tesu tesu vādesu ca atichecko. So aññehi ca saddhiṃ pucchābyākaraṇakammaṃ kattukāmo jambunīpatale āhiṇḍanto ekaṃ vihāraṃ patvā tasmīṃ vā āgantukabhāvena nisīdi. Tasmīṃca vihāre revato nāma thero vasi. Tena therena saddhiṃ bhallapanto so brāhmaṇamaṇavo tīsu vedesu aloletvā pañhaṃ pucchi. Pucchitaṃ pucchitaṃ thero byākāsi. Therassa pana pucchitaṃ pañhaṃ māṇavo na sakkā byākātuṃ. Atha māṇavo pucchi,—ko nāmāyaṃ bhante mantoti. Buddhanto nāmāyanti vutte uggaṇhitukāmo hutvā therassa santike pabbajitvā piṭakattayaṃ uggaṇhi. Aciraneva tiṇṇampi piṭakānaṃ pāragū ahoṣi. Buddhasseva ghoṣo yassa atthīti buddhaghosoti nāmena pākaṭo ahoṣi.

Buddhaghoso ca āyasmato revatassa santike nisīdanto ñāṇodayaṃ nāma ganthaṃ aṭṭhassāliniṃca nāma ganthaṃ akāsi. Tato pacchā parittaṭṭhakathaṃ kattukāmo hutvā ārabhi. Tadā ācariyo evamaṃha,—jambudīpe pana āvuso pālimattaṃyeva atthi, aṭṭhakathā pana natthi, ācariyavādo ca bhinno hutvā atthi, teneva mahāmahindhattherena ānitā aṭṭhakathā tīsu ca saṅgītīsu āruḷo pāliyo sārīputtatherādīhi desito kathāmaggo sīhaḷadīpe atthi, tvaṃ gantvā māgadhabhāsakkharena likhehīti uyyojyamāno buddhaghosatto sīhaḷadīpaṃ gantvā anurādhapure mahāvihāraṃ pavisitvā saṅghapālattherassa santike saddhiṃ sīhaḷaṭṭhakathāya theravāde sutvā aṭṭhakathaṃ karissamīti ārocesi. Sīhaḷabhikkhū ca pubbe vuttanayeneva sīle patiṭṭhāyātīdi gāthā niyyādesuṃ. Buddhaghoso ca saddhiṃ aṭṭhakathāya piṭakattayaṃ saṅkhipitvā visuddhimaggaṃ akāsi.

Pubbe vuttanayeneva sakko antaradhāpetvā tikkhattuṃ kārāpesi. Saṅghapālattheropi arādhayitvā piṭakattayaṃ niyyādesīti.

Kiñcāpi nānā ganthesu nānākārehi buddhaghosuppatti āgatā, tathāpi buddhaghosattherassa sīhaḷadīpaṃ gantvā piṭakattayassa likhanaṃ aṭṭhakathānaṃca karaṇameva pamāṇanti manokiliṭṭhaṃ na uppādetabbanti. Buddhaghosatto vikaṭattayaṃ likhitvā jambudīpaṃ paccāgamāsi.

Icevaṃ pālibhāsāya pariyattim parivattitvā pacchā ācariyaparamparasissānusissavasena sīhaḷadīpe jinacakkaṃ majjhanti kaṃsumāsī viya atidibbati, anekakoṭṭippamānehi sotāpannasakadāgāmiānāgāmiarahantehi laṅkādīpaṃ atisobhati, sabbapālipullena tiyojanikapāricchattakarukkheṇa tāvatimsabhavanaṃ viya satapattapadumādīhi mahāpokkharāṇī viya tesu tesu ṭhānesu maggamahāmaggaāpakagharadvāratitthavanapabbataguhamandiravihārasālādīsu aladdhamaggaphalaṭṭhānaṃ nāma kiñci natthi, thokaṃ āgametvā piṇḍāya patiṭṭhamānapadesepi maggaphalāni labhiṃsuyeva.

Maggaphalāni sacchikarontānaṃ puggalānaṃ bāhullatāya ayaṃ puthujjano ayaṃ puthujjanoti aṅgulim pasāretvā dassetabbo hoti. Ekasmiṃ kāle sīhaḷadīpe puthujjana bhikkhu nāma natthi. Tathā hi vuttaṃ vibhaṅgaṭṭhakathāyaṃ, ekavāraṃ puthujjanabhikkhu nāma natthīti.

Abhiññālābhīnaṃ kira mahiddhikānaṃ gamanāgamanavasena sūriyossāsaṃ alabhitvā dhaññakoṭṭakā mātuḡamā dhaññakoṭṭitūṃ okāsaṃ na labhiṃsu.

Devalokato sumanasāmaṇero dakkhiṇakkhakaṃ sīhaḷadīpaṃ anetvā tassa pāṭihāriyaṃ dassanavasena uddhakabindhūhi tiyojanasataṃ sakalampi laṅkādīpaṃ byāpatvā bhagavatā paribhuttacetiyāṅgaṇaṃ viya hutvā navāya gacchantā mahāsamudde udakato nāḷikeramattampi disvā sakalāṅkādīpaṃ pūjenti, mahāmahindattherassa santike ariṭṭhattherena saddhiṃ pañcamattā bhikkhusatā paṭhamāṃ tāva vinayapiṭakaṃ uggaṇhiṃsūti imehi kāraṇehi laṅkādīpaṃ jinacakkassa patiṭṭhānaṃ hutvā varadīpanti nāmaṃ paṭilabhi.

Sīhaḷadīpeyeva piṭakattayaṃ potthakāruḷavasena patiṭṭhāpetvā tato pacchā coranāgassa nāma rañño kāle sakalalaṅkādīpaṃ dubbhikkhabhayena piḷetvā piṭakattayaṃ dhārentā bhikkhū jambudīpaṃ āgamaṃsu. Anāgantvā tattheva ṭhitāpi bhikkhū chātakabhayena piḷetvā udarapaṭalaṃ bandhitvā kucchiṃ vālukarāsīmhi ṭhapetvā piṭakattayaṃ dhāresuṃ.

Kuṭa kaṇṇatissassa rañño kāleyeva dubbhikkhabhayaṃ vūpasamitvā jambudīpato bhikkhū puna

gantvā sīhaḷadīpe ṭhitehi bhikkhūhi saddhiṃ mahāvihāre piṭakattayaṃ avirodhāpetvā samasamaṃ katvā ṭhapesuṃ. Ṭhapetvā ca pana sīhaḷadīpeyeva suṭṭhu dhāresuṃ.

Tattheva aṭṭhakathāyo buddhaghosattthero māgadhabhāsāya parivattetvā viraci. Pacchā ca yebhuyyena tattheva aṭṭhakathāṭīkānumadhulakkhaṇagaṇṭhiganthantarāni akaṃsu. Puna sāsanaṃ nabhe ravinduva pākaṇṭi.

Tattha buddhavaṃsaṭṭhakathaṃ buddhadattatthere akāsi. Itivuttodānacariyāpiṭakatherātherīvimānavatthupetavattthunettiaṭṭhakathāyo ācariyadhammapālatthero akāsi. So ca ācariyadhammapālatthero sīhaḷadīpassa samīpe damilaraṭṭhe badaratitthamhi nivāsitatā sīhaḷadīpeyeva saṅgahetvā vattabbo.

Paṭisambhidāmaggaṭṭhakathaṃ mahānāmo nāma thero akāsi. Mahāniddesaṭṭhakathaṃ upaseno nāma thero akāsi. Abhidhammaṭīkaṃ pana ānandatthero akāsi. Sā ca sabbāsaṃ ṭīkānaṃ ādibhūtattā mūlaṭīkāti pākaṇṭi.

Visuddhimaggassa mahāṭīkaṃ dīghanikāyaṭṭhakathāya ṭīkaṃ majjhimanikāyaṭṭhakathāya ṭīkaṃ saṃyuttanikāyaṭṭhakathāya ṭīkaṇṭhāti imāyo ācariyadhammapālatthero akāsi.

Sāratthadīpaniṃ nāma vinayaṭīkaṃ aṅguttaranikāyaṭīkaṇca parakkamabāhuraññā yācito sārīputtatthero akāsi. Vimativinodaniṃ nāma vinayaṭīkaṃ damilaraṭṭhavāsikassapatthero akāsi.

Anuṭīkaṃ pana ācariyadhammapālatthero. Sā ca mūlaṭīkāya anuttānatthāni uttānāni saṃvaṇṇitattā anuṭīkā tivuccati.

Visuddhimaggassa cūlaṭīkaṃ makhudīpaniṇca aññetarā therā akaṃsu. Sā ca mūlaṭīkāya atthāvasesāti ca anuttānatthāti ca katvā mūlaṭīkāya saddhiṃ saṃsanditvā katattā madhura sattā ca madhudīpaninti vuccati. Mohavicchedaniṃ pana lakkhaṇaganthaṃ kassapatthero akāsi.

Ābhidhammāvatāraṃ pana rupārūpavibhāgaṃ vinayavinicchayaṇca buddha dattatthero. Vinayaṅgahaṃ sārīputtatthero. Khuddasikkhaṃ dhammasiritthero. Paramatthavinicchayaṃ nāmarūpaparicchedaṃ abhidhammatthasaṅgaṇca anuruddhatthero. Saccasaṅkhepaṃ dhammapālatthero. Khemaṃ khematthero. Te ca saṅkhepato saṃvaṇṇitattā sukkena ca lakkhaṇiyattā lakkhaṇaganthāti vuccanti.

Tesaṃ pana saṃvaṇṇanāsu abhidhammatthasaṅgahassa porāṇaṭīkaṃ navavimalabuddhitthero akāsi. Saccasaṅkhepanāmarūpaparicchedakhemābhidhammāvatārānaṃ porāṇaṭīkaṃ vācissaramahāsāmitthero. Paramatthavinicchayassa porāṇaṭīkaṃ mahābodhitthero.

Abhidhammatthasaṅgahābhidhammāvatārābhinava ṭīkāyo sumaṅgalasāmitthero. Saccasaṅkhepābhinavaṭīkaṃ araṇṇāvāsītthero. Nāmarūpaparicchedābhinavaṭīkaṃ mahāsāmitthero. Paramatthavinicchayābhinavaṭīkaṃ aññataratthero. Vinayavinicchayaṭīkaṃ revatatthero. Khuddasikkhāya purāṇaṭīkaṃ mahāyasatthero. Tāyayeva abhinavaṭīkaṃ saṅgharakkhitattheroti.

Vajirabuddhiṃ nāma vinayaṅgaṇṭhipadatthaṃ vajirabuddhitthero. Cūlagaṇṭhiṃ majjhimaṅgaṇṭhiṃ mahāgaṇṭhiṇca sīhaḷadīpavāsino therā. Te ca padakkamena asaṃvaṇṇetvā anuttānatthāyeve saṃvaṇṇitattā gaṇṭhipadatthāti vuccanti.

Abhidhānappadīpikaṃ pana mahāmoggalānatthero. Atthabyakkhānaṃ cūlabuddhatthero. Vuttodayaṃ sambandhacintanaṃ subodhālaṅkāraṇca saṅgharakkhitatthero. Byākaraṇaṃ moggalānatthero.

Mahāvamsaṃ cūlavamsaṃ dīpavamsaṃ thūpavamsaṃ bodhivamsaṃ dhātuvamaṃ saṅca sīhaḷadīpavāsino therā. Dāṭṭhādātuvamaṃ pana dhammakittitthero akāsi. Ete ca pālimuttakavasena

vuttattā ganthantarāti vuccanti.

Icevaṃ buddhaghosādayo therā varā yathābalaṃ yathāsattiṃ pariyattiṃ sāsanaṃ upatthambhetvā bahūhi mūlehi bahuhiṣākhāhi bahūhi ca viṭapehi upatthambhīyamāno vepullamā pajjamāno mahānigrodharukkho viya thiraṃ hutvā cirakālaṃ tiṭṭhatīti veditabbaṃ.

Idaṃ sīhaḷadīpe potthakāruḷhato pacchā sāsanaṃ patiṭṭhānaṃ.

Etepi ca mahāthero, yathāsattiṃ yathābalaṃ;
Aṭṭhakathādayo katvā, maccumukhaṃ upāgamuṃ.

Seyyathāpi ca lokasmiṃ, obhāsivāna candimā;
Āvahitvāna sattānaṃ, hitaṃ atthaṃva gacchati.

Evameva mahātherā, nāṇobhāsehi bhāsiya;
Āvahitvāna sattānaṃ, hitaṃ atthaṃva gacchati.

Iti sāsanaṃse sīhaḷadīpikasāsanaṃsakathāmaggo

Nāma dutiyo paricchedo.

3. Suvanṇabhūmisāsanaṃsakathāmaggo

3. Idāni yathāṭṭhapitamātikāvasena suvaṇṇabhūmi raṭṭhe sāsanaṃsakathāmaggaṃ vatthūṃ okāso anuppattho, tasmā suvaṇṇabhūmiratṭhasāsanaṃsakathāmaggaṃ ārabhissāmi.

Tattha suvaṇṇabhūmīti tīsu rāmaññaraṭṭhesu ekassa nāmaṃ. Tīṇihi rāmaññaraṭṭhāni honti haṃsāvātīmuttīmasuvaṇṇabhūmivasena ekadesena sabbampi rāmaññaraṭṭhaṃ gahetabbaṃ. Tattha pana ukkalāpajanapade tapussabhāllike ādiṃ katvā bhagavato abhisambujjhivā sattasattāhesu atikkantesuyeva āsāḷhimāsassa juṇhapakkhapañcamadivasato paṭṭhāya rāmaññaraṭṭhe sāsanaṃ patiṭṭhati.

Idaṃ rāmaññaraṭṭhe paṭṭhamāṃ sāsanaṃ patiṭṭhānaṃ.

Bhagavato abhisambuddhakālato pubbeyeva aparāṇakaraṭṭhe subhinnanagare tissarañño kāle ekassa amaccassa tīso jayo cāti dveputtā ahesuṃ. Te gihibhāve saṃvegaṃ labhitvā mahāsamuddassa samīpe gajjagirimhi nāma pabbate itthusipabbaṃ pabbajitvā nisīdisuṃ. Tadā nāgiyā vijjādhāro santavaṃ katvā dve aṇḍāni vijāyitvā sā nāgī lajjāya tāni vijahitvā gacchi.

Tadā jeṭṭho tissakumāro tāni labhitvā kaniṭṭhena saddhiṃ vibhajitvā ekaṃ ekassa santike ṭhapesi. Kāle atikkante tehi aṇḍehi dve manussā vijāyimsu. Te dasa vassavaye sampatte kaniṭṭhassa aṇḍato vijāyanadāro kālaṃ katvā majjhimadesa mithilanagare gavampati nāma kumāro upajji. So sattavassikāle buddhassa bhagavato santike niyyādetvā pabbājetvā acireneva arahā ahoṣi.

Jeṭṭhassa pana aṇḍato vijāyanadāro dvādasavassikāle sakko devānamindo āgantvā rāmaññaraṭṭhe sudhammapuraṃ nāma nagaraṃ māpetvā sīharājāti nāmena tattha rajjaṃ kārapesi. Silālone pana sirimāsokoti nāmenāti vuttaṃ. Gavampatitthero ca attanā mātaraṃ daṭṭhukāmo mithilanagarato āgantūṃ ārabhi. Tadā dibbacakkhunā mātuyā kālaṅkatabhāvaṃ ṇatvā idāni me mātā kuhiṃ uppajjatīti āvajjanto bāhullena nesādekevaṭṭānaṃ nivāsanaṭṭhānabhūte dese uppajjatīti ṇatvā sacāhaṃ gantvā na ovādeyyaṃ, mātā me apāyagamaniyaṃ apuññaṃ vicinitvā catūsu apāyesu uppajjeyyāti cintevā bhagavantaṃ yācitvā rāmaññaraṭṭhaṃ vehāsamaggena āgacchi. Rāmaññaraṭṭhe sudhammaparaṃ patvā attano bhātunā sīharājena saddhiṃ raṭṭhavāsīnaṃ dhammaṃ desetvā pañcasu sīlesu patiṭṭhāpesi.

Atha sīharājā āha, lokesu bhante tvamasi aggataro puggaloti. Na mahārāja ahaṃ aggataro, tīsu pana bhavesu sabbesaṃ sattānaṃ makūṭasaṅkāso gotamo nāma mayhaṃ satthā atthi, idāni majjhimaḍḍesaṃ rājagahaṃ paṭivasatīti. Evaṃ pana bhante sati tumhākaṃ ācariyaṃ mayhaṃ daṭṭhumaṃ arahāma vā no vāti pucchi. Gavampatittheroca āma mahārāja arahatha bhagavantaṃ daṭṭhumaṃ, ahaṃ yācivā āgacchāmi vā bhagavantaṃ yāci. Bhagavā ca abhisambujjhivā aṭṭhame vasse saddhiṃ anekasatabhikkhūhi rāmaññaraṭṭhe sukhammapuraṃ ākāseṇa āgamāsi. Rājamaṃse pañcahi bhikkhusatehi āgamāsīti vuttaṃ. Silālekhane pana vīsatisahassamattehi bhikkhūhīti vuttaṃ. Ettha ca yasmā bhagavā sapaṇṇoyeva āgacchi, na ekakoti ettakameva icchitabbaṃ, tasmā nānā vādatamaṃ paṭicca cittassākulitā na uppādetabbāti.

Atha āgantvā ratanamaṇḍape nisīditvā sarājikānaṃ raṭṭhavāsīnaṃ amatarasaṃ adāsi. Tīsu sapaṇṇesu pañcasu ca sīlesu paṭiṭṭhāpesi. Atha bhagavā dassanattāya āgatānaṃ channaṃ tāpasānaṃ cha kesadhātuyo pūjanattāya adāsi. Tato pacchāsattatimsavassāni pūretvā parinibbānakālepi bhagavato adhiṭṭhānānurūpena citakaṭṭhānato tettiṃsa dante gahetvā gavampatitthero sudhammapuraṃ ānetvā sīharañño datvā tettiṃsacetiyāni paṭiṭṭhāpesi. Evaṃ bhagavato parinibbānato aṭṭhameyeva vasse gavampatitthero rāmañña raṭṭhe sudhammapure sāsanaṃ paṭiṭṭhāpesi.

Idaṃ rāmaññaraṭṭhe dutiyaṃ sāsanaṃ paṭiṭṭhānaṃ.

Bhagavato parinibbutapañcatimsādhikānaṃ dvinnamaṃ satānaṃ uparisuvaṇṇabhūmiṃ nāma rāmaññaraṭṭhaṃ āgantvā soṇatthero uttarattherocāti dve therā pañcavaggakammārahehi bhikkhūhi saddhiṃ sāsanaṃ paṭiṭṭhāpesuṃ. Te ca therā mahāmoggaliputtatissattherassa saddhivihārikāti aṭṭhakathāyaṃ āgatā.

Tapussabhallike gavampatittheraṅca paṭicca sāsanaṃ tāva paṭiṭṭhahi. Taṅca na sabbena sabbamaṃ ogāhetvā ye ye pana saddhā pasannā, te te attano icchāvaseneva sāsanaṃ pasīdimsu. Pacchā pana soṇuttarattherā mahussāhena ācariya āṇattiyā sāsanaṃ paṭiṭṭhāpanattāya ussukkaṃ āpannā paṭiṭṭhāpesuṃ. Tena aṭṭhakathāyaṃ etaṃ raṭṭhaṃ gantvā ettha sāsanaṃ paṭiṭṭhāpehīti kārītipaccayavasena āṇattivibhattivasenaca vuttaṃ.

Tadā pana suvaṇṇabhūmiratṭhe sudhammapure sirimāsoko nāma rājā rajjaṃ kāresi. Taṅca sudhammapuraṃ nāma kelāsapabbatamuddhani dakkhiṇāya anudisāya pubbaḍḍhabhāgena pabbatamuddhani aparāḍḍhabhāgena bhūmitale tiṭṭhati. Taṃyeva guḷapācakānaṃ massānaṃ gehasadisāni gehāni yebhuyena, teneva goḷamittika nāmenāpi vohāriyati. Tassa pana nagarassa mahāsamuddasamīpe ṭhitattā dakayakkhinī sabbadā āgantvā rājagehe jāte jāte kumāre khādi.

Soṇuttarattherānaṃ sampattadivasayeva rājagehe ekaṃ puttaṃ vijāyi. Dakayakkhinīca khādissāmīti saha pañcahi yakkhinisatehi āgatā. Taṃ disvā manussā bhāyivā mahāviraṃsaṃ ravanti. Tadā therā bhayānaṃ sīhasīvasena ekasīsasarīradvayasambandhasaṅghānaṃ manusīharūpaṃ māpetvā dassetvā taṃ yakkhinaṃ sapaṇṇamaṃ palāpesuṃ.

Therā ca puna yakkhiniyā anāgamanattāya parittaṃ akaṃsutasmīnaṃ samāgame āgatānaṃ manussānaṃ brahmajālasuttaṃ adesayyumaṃ. Saṭṭhimattasahassā sotāpannādīparāyaṇā ahesuṃ. Kuladārakānaṃ aḍḍhuḍḍhāni sahasāni pabbajimsu. Kuladhītaṃ pana dighaḍḍhasahassamaṃ. Rājakumārānaṃ pañcasatādhikasahassamattaṃ pabbajimsu. Avasesāpi manussā sapaṇṇaṃ paṭiṭṭhāhimsu. Evaṃ so tattha sāsanaṃ paṭiṭṭhāpesīti. Vuttaṅca aṭṭhakathāyaṃ,—

Suvaṇṇabhūmiṃ gantvāna, soṇuttarā mahiddhikā;
Pisāce niddhamitvāna, brahmajāle madesisunti.

Tato paṭṭhāya rājakumārānaṃ soṇuttaranāmehiyeva nāmaṃ akaṃsu. Avasesadvārakānaṃpi rakkhasabhayato vimocanattamaṃ tālapattabhujapattesu therehi māpitaṃ manusīharūpaṃ dassetvā matthake ṭhapesuṃ. Manussāca silāmayamaṃ manusīharūpaṃ katvā sudhammapurassa esanne padese ṭhapesuṃ. Taṃ yāvajjatanā atthīti. Iccevaṃ bhagavato parinibbānato pañcatimsādhike dvivassasate

sampatte soñuttarattherā āgantvā sāsanaṃ paṭiṭṭhāpetvā sāsanaṃ paṭiṭṭhāpetvā anuggahaṃ akamaṃsūti.

Idaṃ rāmaññaṃ tatiyaṃ sāsanaṃ paṭiṭṭhānaṃ.

Tato pacchā chasatādhiḷe sahasse sampatte pubbe vuttehi tīhi kāraṇehi sāsanaṃ uppattiṭṭhānabhūtaṃ rāmaññaṃ dāmarikacorabhayena pajjararogabhayena sāsanaṃ accatthikabhayena cāti tīhi bhayehi ākūlitaṃ ahoṣi. Tadā ca tatta sāsanaṃ dubbalaṃ ahoṣi, yathā udaye maṇḍe tatrajātaṃ uppalaṃ dubbalaṃ dubbalaṃ. Tatta bhikkhūpi sāsanaṃ yathā kāmaṃ pūreṃ na sakkā.

Sūriyakumārassa nāma maṇḍaraññaṃ pana kāle sāsanaṃ ativiya dubbalaṃ ahoṣi. Jinacakke ekachasatādhiḷe vassasahasse sampatte kaliyugecā ekūnavīsatādhiḷe catuvassasate sampatte arimaddanaṃ anuruddhā nāma rājā tato saha piṭakena bhikkhusaṅghaṃ āneṣi.

Tato pacchā jinacakke navādhiḷe sattaṣate sahasse ca sampatte lankādīpe siriṣaṅghabodhiparakkamaḷamahārājā sāsanaṃ soḍheṣi.

Tato chaṇṇaṃ vassānaṃ upari kaliyuge dvattimsādhiḷe pañcaṣate sampatte uttarājīvo nāma thero sāsane pākaṭo ahoṣi.

So pana rāmaññaṃ ariyāvamsattheraṣa saddhivihāriko. Ariyāvamsatthero pana kappuṅṅanaṃ mahākāḷattheraṣa saddhivihāriko. Mahākāḷatthero pana sudhammapuravāsino prānadassittheraṣa saddhivihāriko. Ayaṃ pana uttarājīvaḷhapadaṭṭherānaṃ vaṃsadīpanatthaṃ vuttā.

So pana prānadassitthero lokiyābhīññaṃ labhivā niccaṃ abhiṇṇaṃ pātova magadharatthe uruvelanigame maḷābodiḷe gantvā maḷābodiyaṅgaṇaṃ sammajjitvā puna āgantvā sudhammapure piṇḍāya cari. Idaṃ therassa nibaddhavattaṃ. Ayaṇca attha sudhammapurato magadharatthaṃ gantvā uruvelanigame vāṇijakammaṃ karontā tadākāraṃ passivā paccāgamaṃ kāle sudhammapura vāsīnaṃ kathaṣuṃ, tasmā viññāyati.

Tasmiṇca kāle uttarājīvatthero pariḷḷaṅgaṃ sativassaṇa chaḷpadena nāma sāmānerena saddhiṃ sīhaḷadīpaṃ gacchi. Sīhaḷadīpavāsino ca bhikkhū mayaṃ maḷāmaḷindattheraṣa vaṃsikā bhavāma, tumhepi soñuttarattherānaṃ vaṃsikā bhavatha, tasmā mayaṃ ekavaṃsikā bhavāma samāna vādīkāti vatvā chaḷpadaṣāmaṇeraṣa upasampadaḷkammaṃ akamaṣu. Tato pacchā cetiya vandanādīni kammaṇi niṭṭhāpetvā uttarājīvatthero saddhiṃ bhikkhusaṅghena arimaddanaṃ paccāgamaṃhi.

Chappadassa pana etadahosi, - sacāhaṃ ācariyena saha jambudīpaṃ gaccheyyaṃ, baḷūhi ṇātibalībodhehi pariyattuggahaṇe antaraṃ bhavyeṃ, tena hi sīhaḷadīpeveṃ vasiṭvā pariyattimuggahetvā paccāgamaṃsūti.

Tato ācariyassa okāsaṃ yācitvā sīhaḷadīpeveṃ paṭivasi. Sīhaḷadīpe vasiṭvā yāva laddhattheraṣaṃ mutikā pariyattim pariyāpuṇivā puna jambudīpaṃ paccāgantukāmo ahoṣi. Atha tassa etadahosi, - ahaṃ ekakova gacchanta sace mama ācariyo natthi, sacepi jambudīpavāsīnaḷ bhikkhusaṅghena saddhiṃ vinayakammaṃ kātuṃ na iccheyyaṃ, evaṃ sati viṣuṃ kammaṃ kātuṃ na sakkūṇeyyaṃ, tasmā piṭakadharehi catūhi therehi saddhiṃ gaccheyyaṃ, iccetaṃ kusalaṃti.

Evaṃ pana cintevā tāmalittigāmavāsīnaḷ sivalittitherena kambaḷaraññaṃ puttabhūtena tāmalindattherena kiṅcīpuravāsīnaḷ ānandattherena rāhulatttherena cāti imehi catūhi therehi saddhiṃ nāvāya paccāgacchi. Te ca therā piṭakadhare ahesuṃ dakkhā thāmasampannā ca. Tesu viṣato rāhulattthero thāmasampanno. Kusīmaṇaḷaṃ sampattakāle upakattavassūpaḷamaṇakālo hutvā arimaddanaṃ ācariyassa santikaṃ asaṃpāpuṇivā kusīmaṇaḷaḷeṃ vassaṃ upaḷamaṃsu. Tesuṃ vassūpaḷamaṇaviḷaravatthu āramapākāro ca kusīmaṇaḷaḷeṃ dakkhiṇadisāsāge yāvajjatanā atthi.

Vassaṃvuṭṭhakāle pana mahāpavāraṇāya pavāretvā te pañca therā arimaddananagaraṃ agamaṃsu. Uttarājīvattheroca arimaddananagara vāsīhi bhikkhūhi visuṃ hutvā saṅghakammāni akāsi. Kiñcāpi cetha uttarājīvattherādayo sīhaḷadīpato paccāgantvā arimaddananagare vasitvā sāsanam anuggahesum, rāmaññaraṭṭhe pana jātatā pubbe ca tattha nivāsattā idha dassitāti daṭṭhabbā.

Tasmiṃca kāle dalanagare padīpajeyyagāme jāto sārīputto nāma mahallakassamaṇero eko arimaddananagaraṃ gantvā ānandattherassa santike upasampajjivā pariyatti pariyapuṇi. So bahussuto ahoṣi dakkho thāmasampanno ca. Tamatthaṃ sutvā narapaticaññisūrājā cintesi, - saceso aṅgapaccaṅgasampanno bhavēyya, ācariyaṃ katvā ṭhapessāmi anuggahessāmīti. Rājā evaṃ cintevā rājapurise pesetvā vīmaṃsāpesi. Rājapurisā ca tassa chinnaṃpādaṅguṭṭhaggaṃ passitvā tamatthaṃ rañño ārocesum. Rājā taṃ sutvā evaṃ vikalaṅgapaccaṅgo bhavēyya, padhānācariyaṭṭhāne ṭhapetum na yuttoti katvā padhānācariyabhāvaṃ na akāsi. Pūjāsakkā ramatteneva anuggahaṃ akāsi. Ekasmiṃca kāle dhammavilāsoti lañchaṃ datvā rāmaññaraṭṭhe sāsanam sodhetvā parisuddham karohīti rāmaññaraṭṭhaṃ pesesi.

Soca rāmaññaraṭṭhaṃ gantvā dalanagare bahunam bhikkhūnam dhamma vinayaṃ vācetvā sāsanam paggahesi. Tattha ca rāmaññamanussā tassa dhammavilāsattherassa sissānusissā sīhaḷabhikkhu gaṇāti vohāranti. Icevaṃ sīhaḷadīpikassa ānandattherassa sissaṃ dhammavilāsaṃ paṭicca rāmaññaraṭṭhe sīhaḷadīpato sāsanassa āgatamaggoti.

Idaṃ rāmaññaraṭṭhe catutthaṃ sāsanassa paṭiṭṭhānam.

Tasmiṃca kāle muttīmanagare aggamahesiyā ācariyā buddhavaṃsattheramahānāgattherā sīhaḷadīpaṃ gantvā mahāhāravāsigaṇavaṃsabhūtānam bhikkhūnam santike puna sikkhaṃ gaṇhitvā muttīmanagaraṃ paccāgantvā muttīmanagaravāsīti bhikkhūhi visuṃ hutvā saṅghakammāni katvā sāsanam paggahesum. Teca there paṭicca rāmaññaraṭṭhe puna sīhaḷadīpato sāsanam āgantanti.

Idaṃ rāmaññaraṭṭhe pañcamaṃ sāsanassa paṭiṭṭhānam.

Tato pacchāca muttīmanagare setibhindassa rañño mātuyā ācariyo medhaṅkaro nāma thero sīhaḷadīpaṃ gantvā sīhaḷadīpe araññavāsīnam mahātherānam santike puna sikkhaṃ gahetvā pariyattim pariyāpuṇitvā suvaṇṇarajataṃ maye tipuṣīsacchane setibhindassa rañño mātuyā kāravite vihāre nisiditvā sāsanam anuggahesi. Lokadīpakasārañca nāma ganthaṃ akāsi. Athāparimpi muttīmanagareyeva suvaṇṇasobhaṇo nāma thero sīhaḷadīpaṃ gantvā mahāvihāravāsigaṇavaṃsabhūtānam therānam santike puna sikkhaṃ gahetvā muttīmanagareyeva paccāgacchi.

So pana thero araññeyeva vasi. Dhutaṅgadhāro ca ahoṣi appiccho santuṭṭho lajjī kukkucako sikkhā kāmo dakkho thāmasampanno ca. Sīhaḷadīpe kalambumhi nāma jātassare udakukkhepasīmāyaṃ atirekapañcavaggena vanaratanam nāma saṅgharājāyaṃ upajjhāyaṃ katvā rāhulabhaddam nāma vijayabāhurañño ācariyabhūtam theram kammavācācariyaṃ katvā upasampajji. Soca thero punāgantvā muttīmanagareyeva vasitvā gaṇam vaḍḍhetvā sāsanam anuggahesi. Ete ca dve there paṭicca rāmaññaraṭṭhe sīhaḷadīpato sāsanam āgataṃ.

Idaṃ rāmaññaraṭṭhe chaṭṭhaṃ sāsanassa paṭiṭṭhānam.

Tato pacchā sāsanavasena dvivassādhike dvisahasā kalīyugato ekāsītike sampatte haṃsāvātīnagare sirīparamamahādhammarājāti laddhanāmo dhammacetiyaṃ rājā kusimamaṇḍale haṃsāvātīmaṇḍale muttīmaṇḍale ca raṭṭhavāsīno sapajamviya dhammena samena rakkhitvā rajjam kāresi. So ca rājā tīsu piṭakesu catūsu ca vedesu byākaraṇacchandālānkārādīsu ca cheko sikkhitanānāsippo nānābhāsāsu ca pasuto saddhāsīlādiguṇopeto kumudakundasaradacandikāsamanāsītapajapatibhūto ca sāsanam ca atippasanno ahoṣi.

Ekasmiṃca kāle so cintesi, bhagavato sāsanam nāma pabbajjaupasampadātāvena sambandham, upasampadabhāvo ca sīmaparisavatthu ñattikammavācāsampattīhi sambandhoti. Evañca pana

cintetvā sīmavinicchayaṃ tassaṃ vaṇṇanaṃ vinayasaṅgahaṃ tassaṃvaṇṇanaṃ sīmālaṅkāra sīmasaṅgahañca saddato atthato ca punappunaṃ upaparikkhitvā aññaṃaññaṃ saṃsanditvā pubbāparaṃ tulayitvā bhagavato adhippāyo īdiso ganthakārānaṃ adhippāyo īdisoti passitvā amhākaṃ rāmaññaṃraṭṭhe baddhanadīsamuddajātesarādayo sīmāyo bahukāpi samānā ayaṃ parisuddhāti vavathapetaṃ dukkaraṃ, evaṃ sati sīmaparisāparisuddhā bhavituṃ dukkarāti paṭibhāti.

Tato pacchā rāmaññaṃraṭṭhe tipītakadharabyattappaṭibalattherehi mantetvā rañño paṭibhānānurūpaṃ sīmaparisā parisuddhā bhavituṃ dukkarāti therā vinicchanimsu.

Atha rājā evampi cintesi,— ahovata sammāsambuddhassa sāsanaṃ pañcavassasahassāni paṭiṭṭhatissatīti ganthesu vuttopi samāno abhisambuddhato catusaṭṭhādhikadvisahassamatteneva kālena sāsane malaṃ hutvā upasampadakamme kaṅkhāṭṭhānaṃ tāva uppajji, kathaṃ pana pañcavassasahassāni sāsanaṃ paṭiṭṭhānaṃ bhavissatīti. Evaṃ dhammasaṃvegaṃ uppādetvā punāpi evaṃ cintesi,— evaṃ ettakaṃ sāsane malaṃ dissamānopi samāno upasampadakamme kaṅkhāṭṭhānaṃ dissamānopi samāno parisuddhatthāya anārabhitvā mādiso appossukko majjhatto nisīdituṃ ayutto, evaṃhi sati bhagavati saddho pasannomhīti vattabbaṃ anāpajjeyyaṃ, tasmā sāsanaṃ nimmalaṃ kātuṃ ārabhissāmīti.

Kuto nukho dāni sāsanaṃ āharitvā thiraṃ paṭiṭṭhā peyyanti āvajjanto evaṃ cintesi,— bhagavato kira parinibbānato chattiṃsādhike dvisate sampatte mahāmoggali puttatisatthero mahāmahindattheraṃ pesetvā sīhaḷadīpe sāsanaṃ paṭiṭṭhāpesi, tadā devānaṃ piyatissarājā mahāvihāraṃ kārapetvā adāsi, sāsanaṃvaraṅga ekāsītādhikāni dvivassasatāni vimalaṃ hutvā paṭiṭṭhahi, bhikkhusaṅghopi mahāvihāra vāsigaṇavasena ekatova aṭṭhāsi, tato pacchā abhayagirivāsije tavanavāsivasena dvedhā hutvā bhijji, jinacakke aṭṭhasattasatādhike sahasse sampatte siriṅghabodhiparakkamabāhumahārājā udumbaragirivāsi mahākassapattherappamukhaṃ mahāvihāra vāsigaṇaṃ anuggahetvā yathāvutte dvegaṇe visodhesi, sāsanaṃ nimmalaṃ akāsi, tato pacchā vijayabāhuparakkamabāhurājūnaṃ dvinnaṃ kālepi sāsanaṃ nimmalaṃ hutvāyeva aṭṭhāsi, teneva byattappaṭibalabhikkhū āyācitvā sīhaḷadīpaṃ gantvā puna sikkhaṃ gaṇhā pessāmi, tesāṃ pana paramparavasena pavattānaṃ bhikkhūnaṃ vasena amhākaṃ rāmaññaṃraṭṭhe sāsanaṃ nimmalaṃ hutvā paṭiṭṭhahissatīti. Evaṃ pana cintetvā moggalānattheraṃ somattheraṅga sīhaḷadīpaṃ gamanattāya yāci. Therāca sāsanaṃpaṭiyattakammamanti manasikaritvā paṭiññaṃ akāmsu.

Rājā ca dāṭhādhātupūjanattāya bhikkhusaṅghassa pūjanattāya bhūvanekabāhurañño paṇṇākāratthāya deyyadhammapaṇṇākāravatthūni paṭiyādetvā citradūtaṃ rāmadūtanti ime dve amacce dvīsu nāvāsu nāyakaṭṭhāne ṭhapetvā kaliyuge sattatiṃsādhike aṭṭhavassasate sampatte māghamāsassa puṇṇamito ekādasamiyaṃ sūravāre citradūtaṃ saddhiṃ moggalānattherappamukhehi bhikkhūhi ekāya nāvāya gamāpesi. Phagguṇamāsassa aṭṭhamiyaṃ sīhaḷadīpe kalambutitthaṃ pāyāsi.

Rāmadūtaṃ pana tasmīmyeva vasse māghamāsassa puṇṇamito dvādasamiyaṃ candavāre saddhiṃ somattherappamukhehi bhikkhūhi ekāya nāvāya gamāpesi. Ujukaṃ pana vātaṃ alabhitvā citramāsassa juṅhapakkhanavamiyaṃ sīhaḷadīpe valligāmaṃ pāyāsi.

Tato pacchā tepi dve amaccā dvīsu nāvāsu ābhatāni dātabbapaṇṇākāravatthūni sandesapaṇṇāni ca bhūvanekabāhurañño bhikkhusaṅghassa ca adāsi. Rañña pesitabhikkhūnaṅga sandesapaṇṇe kathitaniyāmeneva kalyāṇiyaṃ nāma nadiyaṃ udakukkhepasīmāyaṃ sāmaṇerabhūmiyaṃ paṭiṭṭhāpetvā puna upasampadakammaṃ akāmsu.

Upasampajjitvā ca bhūvanekabāhurājā nānāppakāre bhikkhūnaṃ sārūpe parikkhāre datvā idaṃ pana āmisadānaṃ yāva jīvitapariyosānāyeva paribhuñjitabbaṃ bhavissati, nāmalañchaṃ pana na jīrissatīti katvā rāmadūtassa nāvāya pakānabhūtassa somattherassa siriṅghabodhisāmīti nāmaṃ adāsi. Avasesānaṃ pana dasanaṃ therānaṃ kittisirimeghasāmi parakkamabāhusāmi buddhaghosāsāmi sīhaḷadīpavisuddhasāmi guṇaratanadharasāmi jinālaṅkārasāmi ratanamālisāmi saddhammatejasāmi dhammarāmasāmi bhūvanekabāhusāmīti nāmāni adāsi.

Citradūtassa nāvāya pakhānabhūtassa moggalānatherassa dhammakittilokagarusāmīti nāmaṃ adāsi. Avasesānaṃ pana sirivanaratanasāmi maṅgalattherassāmi kalyāṇatissassāmi candagirisāmi siridantadhātusāmi vanavāsītissasāmi ratanalaṅkārasāmi mahādevasāmi udumbaragirisāmi cūlābhayātissasāmīti nāmāni adāsi. Bāvīsatiyā pana pacchā samaṇānaṃ nāmaṃ na adāsi. Abhinavasikkhaṃ pana sabbesaṃyeva adāsi.

Tato pacchā cetiyapūjanādīni katvā taṃtaṃkiccaṃ nipphādetvā puna āgamaṃsu. Bhūvanekabāhurājā citradūtaṃ evamāha, rāmādhīpatirañño paṇṇākāraṃ paṭidātuṃ icchāmi, paṭidūtañca pesetuṃ tava tvam āgamehīti. Evaṃ pana vatvā pacchā āgamanakāle caṇḍavātabhayena mahāsamuddamajjhe nāvā avagacchati. Tena sīhaḷarañña pesitanāvāya sabbe sannipatitvā āruhitvā āgacchantā tīṇi divasāni atikkamitvā puna caṇḍavātabhayena agambhīraṭṭhāne silāya ghaṭṭetvā laggitvā gantuṃ asakkuṇitvā ekaṃ uḷumpaṃ bandhitvā jaṅgheneva agamaṃsu. Sīhaḷarañño ca dūto paṇṇākāraṃ datvā paccāgamāsi. Bhikkhūsu ca bhikkhū antarāmaggeyeva maccu ādāya gacchati. Aho aniccā vata saṅkhārāti. Honti cettha,—

Imesaṃ pana āraddhaṃ, na kiccaṃ yāva niṭṭhitam;
Na tāva ādiyissanti, maccu natthi āpekkhanā.

Nikkāruṇiko hi esa, balakkārena ādiya;
Rodamaṇaṃva ñātīnaṃ anicchantaṃva gacchatīti.

Rāmādhīpatirājāca tesam bhikkhūnaṃ pattakāle haṃsāvātīnagarassa pacchimasmiṃ disābhāge narasūrena nāma amaccena paribhutte gāmakhette pāliatṭhakathālikādayo punappunaṃ passitvā upaparikkhitvā sīmasamūhanasīmasammutikammāni kārapesi. Sīhaḷadīpe bhagavatā nhāyitapubbāya kalyāṇiyā nāma nadiyaṃ udakukkhepasīmaṃ katvā tattha mahāvihāravāsīnaṃ bhikkhūnaṃ santike upaladdhaupasampadabhāvehi bhikkhūhi katattā kalyāṇīsīmāti samaññaṃ akāsi. Icevaṃ rāmādhīpatirājā pattalaṅke bhikkhū nissāya sāsanaṃ suṭṭhu paṭiṭṭhitam akāsi. Kaliyugassa aṭṭhatimsādhikaatṭhavassasatakālato yāva ekacattālīsādhikaatṭhavassasatā tesam bhikkhūnaṃ vaṃse asītīmattā gaṇapāmokkhattherā ahesuṃ. Tesam sissajātāni pana chabbisādhikāni dvisatāni catusahassāni dasasahassāni ahesuṃ. Evaṃ bhagavato sāsanaṃ rāmaññaraṭṭhe vuḍḍhiṃ rāmaññaraṭṭhe vuḍḍhiṃ virūḷiṃ vepullamāpajjiti.

Idaṃ rāmaññaraṭṭhe sattamaṃ sāsanaṃ paṭiṭṭhānaṃ.

Yadā pana arimaddananagare anuruddho nāma rājā sudhammapuraṃ sarājikaṃ abhibhavitvā viddhaṃsi, tadā rāmaññaraṭṭhaṃ rājasuññaṃ hutvā paṭiṭṭhahi. Rāmaññaraṭṭhe muttīmanagare soṇuttaravaṃso eko gaṇo, sivalivaṃso eko, tāmālinavaṃso eko, ānandavaṃso eko, buddhavaṃso eko, mahānāgavaṃso ekoti chaggaṇā visuṃ visuṃ hutvā aṭṭhaṃsu nānāsaṃvāsakā nānānikāyā.

Dhammacetiyarañña pana kārapitasāsanaṃ abhijjamaṇaṃ hutvā aṭṭhāsi. Samānasaṃvāso ekanikāyoyeva ahosi. Haṃsāvātīmuttimasuvaseṇa tīṇipi rāmaññaraṭṭhāni sunāparanta saṅkhātena ekābaddhāni hutvā tiṭṭhanti. Pubbeva marammaraṭṭhīndarājūnaṃ āṇāpavattanaṭṭhānāni ahesuṃ. Tasmā marammaraṭṭhato ekacce bhikkhū rāmaññaraṭṭhaṃ gantvā kalyāṇīsīmāyaṃ puna sikkhaṃ gaṇhiṃsu. Dhammacetiyarañña kāravitasāsanaṃ sakalaṃ marammaraṭṭhampi byāpetvā ogāhetvā tiṭṭhati.

Rāmaññaraṭṭhe soṇuttarattherānaṃ sāsanaṃ paṭiṭṭhāpitakālato paṭṭhāya yāva sudhammapure manoharirañña arahantānaṃ saṃvijjamaṇatā veditabbā. Tato pacchā pana uttarā jīvāriyāvamsamahākālaprānadassittherānaṃ kāle lokiyajjhānābhīññālābhīyoyeva saṃvijjamsūti. Adhunā pana tīsupi rāmaññaraṭṭhesu dhammacetiyarañña kāravitasāsanaṃyeva tiṭṭhati. Etthaca hetuphalasambandhavasena ādiantavasene ca sāsanaṃvaṃsaṃ paññāya tulayitvā āditova dassitehi tīhi nayehi yathāpaveṇi ghaṭṭiyati, tathā gaṇheyyāti. Ayañca sāsanaṃvaṃso lajjipesalasikkhākāmaṇaṃyeva vasena vutto, nālajjīnaṃ vasenāti daṭṭhabbo.

Tāya ca theraparamparāya muttīmanagaravāsīmedhankaratthero lokadīpakasāraṃ nāma

ganthaṃ akāsi. Haṃsāvatinagaravāsī pana ānandatthero madhusāratthadīpaniṃ nāma abhidhammaṭṭikāya saṃvaṇṇanaṃ, haṃsāvatinagaravāsīyeva dhammabuddhatthero kavissāraṃ nāma chandovaṇṇanaṃ, haṃsāvatinagaravāsīyeva saddhammālaṅkāratthero paṭṭhānasāradīpaniṃ nāma pakaraṇaṃ, tatheva aññataro thero apheggusāraṃ nāma ganthaṃ akāsi. Evaṃ anekappakāraṇaṃ ganthakāraṇaṃ mahātherānaṃ vasaṇṭṭhānaṃ hutvā sāsanaṃ ogāhetvā virūḷaṭṭhānaṃ mahosīti.

Iti sāsanaṃ suvaṇṇabhūmisāsanaṃ sakathāmaggā nāma

Tatiyo paricchedo.

4. Yonakaraṭṭhasāsanaṃ sakathāmaggo

4. Idāni pana yonakaraṭṭhe sāsanaṃ suppatthiṃ kathessāmi. Bhagavā hi veneyyāhitāvaho yonakaraṭṭhe mamasāsanaṃ cirakālaṃ pabhiṭṭhahissatīti āpekkhitvā saddhiṃ bhikkhu saṅghena desacārikaṃ āhiṇḍanto labhuṅgaṃ nāma nagaraṃ agamāsi. Tadā eko nesādo hariphalaṃ datvā taṃ paribhuṅgitvā haribīje khipite pathaviyaṃ apatitvā ākāseyeva patiṭṭhāsi. Taṃ disvā sitaṃ patvākāsi. Tamatthaṃ disvā ānandatthero pucchi. Anāgate kho ānanda imasmiṃ ṭhāne mama dhātucetiyaṃ patiṭṭhahissati, sāsanaṃ virūḷamāpajjissatīti byākāsi. Bhagavatā pana hariphālassa bhūñjitaṭṭhānattāharibhuṅgoti tassa raṭṭhassa nāmaṃ ahoṣi. Dvinnāṃ tāpasānaṃ ṭhapitaṃ jalasuttikaṃ paṭicca yonakānaṃ bhāsāya labhuṅgoti nāmaṃ ahoṣi.

Tadā tattha mapinnāya nāma ekissā mātikāya samīpe nisinna eko lavakulikaṃ jettako attano puttaṃ sattavassikaṃ bhagavato niyyādetvā pabbājesi. Kammatṭhānānuyogavasena acireneva arahattaṃ pāpuṇi. Sattavassī kassaca sāmaṇerassa arahattaṃ sacchikataṭṭhānataṃ paṭicca yonakabhāsāya etaṃ ṭhānaṃ caṅgamaṅgha itī vuccati. Cirakāla vasena jaṅgamaṅgha itī vuccati. Tato paṭṭhāyeva yonakaraṭṭhe sāsanaṃ patiṭṭhātīti.

Idaṃ yonakaraṭṭhe paṭhamāṃ sāsanaṃ patiṭṭhānaṃ.

Sāsane pana pañcatimsādhike dvivassasate sampatte mahārakkhitatthero yonakaraṭṭhaṃ gantvā kambojakhemāvāra haribhuṅgāyuddhayādīsū anekesu raṭṭhesu sāsanaṃ patiṭṭhāpeti. Tāni hi sabbāni raṭṭhāni saṅgahetvā dassentehi aṭṭhakathācariyehi yonakalokanti okāsakālokavācakena sāmaññasaddena vuttaṃ. Pakati hesā ganthakāraṇaṃ yena kenacākārena atthantarassa viññāpanāti.

Mahārakkhitatthero ca saddhiṃ pañcahi bhikkhūhi pāṭaliputtato anilapathamaggena yonakalokaṃ āgantvā kālakārāmasuttēna yonake pasādesi. Sattatisahassādhikapaṇasatasahassaṃ maggaphalālaṅkāraṃ adāsi. Santike cassa dasasahassāni pabbajimsu. Evaṃ so tatthasāsanaṃ patiṭṭhāpesi. Tathā ca vuttaṃ aṭṭhakathāyaṃ,—

Yonakaraṭṭhaṃ tadā gantvā, so mahārakkhito isi;
Kālakārāmasuttēna, te pasādesi yonaketi.

Tato paṭṭhāya tesāṃ sissaparamparā bahū honti, gaṇanapathaṃ vītivattā.

Idaṃ yonakaraṭṭhe mahārakkhitattherādayo paṭicca

Dutiyaṃ sāsanaṃ patiṭṭhānaṃ.

Yonakaraṭṭhe lakunnaṅgare jinacakke pañcavassasate maṇimayaṃ buddhappaṭimaṃ māpetvā visukammadevaputto nāgasenattherassa adāsi. Nāgasenatthero ca tasmīṃ paṭimamhi dhātu āgantvā patiṭṭhātīti adhiṭṭhāsi. Adhiṭṭhānavaseneva sattadhātuyo āgantvā tattha patiṭṭhahitvā pāṭihāriyaṃ dassesunti rājavāse vuttaṃ.

Tañca vacanaṃ mama parinibbānato pañcavassasate atikkante ete uppajjissantīti

milindapañhāyaṃ vuttavacanena kālāparimāṇavasena ca sameti. Yonakaraṭṭhe milindarañño kāle jinacakke pañcavassasateyeva nāgasenattheraṃ paṭissa jinacakkaṃ virūlaṃ hutvā paṭiṭṭhāsi.

Idaṃ yonakaraṭṭhe nāgasenattheraṃ paṭicca tatiyaṃ

Sāsanassa paṭiṭṭhānaṃ.

Kaliyuge pañcasatṭhivasselabhuñjanagara to saṅkamtivā kyūṅgaranagare māpikassa baññācomaṅgara nāmakassa rañño kāle majjhimadesato kassapatthero pañcahi therehi saddhiṃ āgacchi.

Tadā so rājā vihāraṃ katvā tesāṃ adāsi. Sīhaḷadīpato ca dhātuyo ānetvā eko thero āgacchi. Dhātuto pāṭihāriyaṃ disvā pasīditvā labhuñjacetiya nidhānaṃ akāsi. Te ca there paṭicca yonakaraṭṭhe sāsana vaṃso āgato.

Idaṃ yonakaraṭṭhe catutthaṃ sāsanaṃ paṭiṭṭhānaṃ.

Kaliyuge dvāsatṭhādhihike sattaṣaṭṭhe cinaraṭṭhindo rājā abhibhavitvā sakalampi yonakaraṭṭhaṃ saṅkhubhitaṃ hoti. Tadā mahādhammagambhīratthero mahāmedhaṅkaratṭhe rocāti dve thero yonakaraṭṭhato saddhiṃ bahūhi bhikkhūhi sīhaḷadīpaṃ agamaṃsu. Tadā ca sīhaḷadīpe dubbhikkhabhayena abhibhūto hutvā tato syāmaratṭhe sokkatayanagaraṃ puna agamaṃsu.

Tato pacchā lakunnaṅgaram gantvā sāsanaṃ paggaṇhantānaṃ lajjipesalānaṃ bhikkhūnaṃ santike puna sikkhaṃ gaṇhiṃsu. Te ca thero syāmaratṭhe yonakaraṭṭhe ca sabbattha sāsanaṃ paṭiṭṭhāpesunti.

Idaṃ yonakaraṭṭhe pattalaṅke dve there paṭicca pañcamāṃ

Sāsanassa paṭiṭṭhānaṃ.

Kaliyuge pañcavīsādhihike aṭṭhavassasate sampatte sirisaddhammalokapaticakkavattirājā labhuñjacetiyaṃ puna mahantaṃ katvā tassa cetiyassa samīpe cattāro vihāre kārapetvā mahāmedhaṅkarattherassa sārīputtattherassa ca adāsi. Tadāpi te dve therā sāsanaṃ parisuddhaṃ katvā paṭiṭṭhāpesunti.

Idaṃ yonakaraṭṭhe mahāmedhaṅkarasārīputtatthere

Paṭicca chaṭṭhaṃ sāsanaṃ paṭiṭṭhānaṃ.

Kaliyuge tecattālīsādhihike navavassasate sampatte haṃsāvātīnagare anekasetibhindo nāma rājā yonakaraṭṭhaṃ abhibhavitvā attano hatthagataṃ katvā balī bhūñjanatthāya jeṭṭhaputtassa anuruddhassa nāma rājakumārassa datvā bahūhi amaccehi saddhiṃ tattha gantvā anurājatāvena rajjaṃ kārapesi. Sāsanaṅca visodhāpetuṃ saddhammacakkasāmittheraṃ tena saddhiṃ paṇiṇi.

Anekasetibhinno kira rājā yonakaraṭṭhaṃ vijayakāle paṭhamaṃ sāsanaṃ paṭiṭṭhānabhūtamidanti katvā taṃratṭhavāsino karamarānītabhāvena na aggahesīti.

Yathāvuttattheravaṃsesu ca eko lakunnaṅgare araññāvāsī thero tattha nagare ajja asukasmim ṭhāne eko matoti gihīnaṃ kathetvā yathākathitaṃ bhūtaṃ hutvā ayaṃ abhiññālābhīti pākaṭo ahoṣi.

Tasmimyeva ca nagare mahāmaṅgalo nāma thero anekasetibhindassa rañño yujjhitaṃ āgatakāle anekasetibhindo rājā maṃ pakkosissati, samānājātikaṃ dūtaṃ pessessatīti pakkositakālato paṭhamamevavadi. Yathāvuttaniyāmeneva pakkosanato ayaṃ abhiññā lābhīti kitti ghoso ahoṣi.

Tattha nagare ñāṇavilāsatthero saṅkhyāpakāsakaṃ nāma pakaraṇaṃ akāsi. Taṃlikāṃ pana pattalaṅkattherassa vihāre vasanto sirimaṅgalonāma thero akāsi.

Visuddhimaggadīpaniṃ pana saṃññivattaaraññavāsī uttarārāmo nāma eko thero. Maṅgaladīpaniṃ sirimaṅgalatthero. Uppātasantiṃ aññataro thero. Taṃ kira uppātasantiṃ sajjhāyitvā cīnarañño senaṃ ajinīti. Iccevaṃ yonakaraṭṭhe abhiññālābhīnaṃ ganthakārānañca therānaṃ ānubhāvena jinasāsaṇaṃ parisuddhaṃ hutvā patiṭṭhāti. Evaṃ hetuphalasambandhavasena ādi anta sambandhavasena ca yathāvuttehi tīhi nayehi theraparamparā ghaṭṭetvā gahetabbā.

Iti sāsanaṃse yonakaraṭṭhasāsanaṃsakathā

Maggo nāma catuttho paricchedo.

5. Navavāsīraṭṭhasāsanaṃsakathāmaggo

5. Idāni vanavāsīraṭṭhe sirikhettanagaraśāsanaṃsaṃ vakkhāmi. Jinacakke hi ekādhike vassasate sampatte jaṭilo sakko nāgo garuḷo kumbhaṇḍo candī paramīsvaroḍāti ime satta sirikhettaṃ nāma nagaraṃ māpesuṃ. Tattha dvattaponko nāma rājā rajjaṃ kāresi. Tassa kira tīṇi akkhīni santīti. Tadā bhagavato sāvaka arahantā tisahassamattā tattha vasiṃsu. So rājā tesāṃ arahantaṃ devasikaṃ catūhi paccayehi upatthambhi. Cha sarīradhātuyo ca ekekaṃ ekekasiṃ nidahitvā cha cetiyāni kārapesi. Dakkhīṇabāhuṃ pana nidahitvā ekampi cetiyaṃ kārapesi.

Uṇhīsadhātuṃ pana kaṅgarannagara to ānetvā ekampi cetiyaṃ kārapesi. Taṃ pana tāva na niṭṭhitaṃ. Pacchā anuruddharājā gahetvā arimaddananagaraṃ ānetvā caññīnkhu nāma cetiye nidhānaṃ akāsi. Tasmā rakkhitattherassa āgamanato pubbepi sāsanaṃ patiṭṭhāsīti daṭṭhabbaṃ. Tato pacchā sāsanaṃ dubbalaṃ hutvā aṭṭhāsī.

Idaṃ vanavāsīraṭṭhe paṭhamāṃ sāsanaṃ patiṭṭhānaṃ.

Mahāmoggaliputtatissattherena pana pesito rakkhitatthero vanavāsīraṭṭhaṃ gantvā ākāse ṭhatvā anamataggapariyāyakathāya vanavāsīke pasādesi. Kathāpariyosāne panassa saṭṭhisahassānaṃ dhammābhisaṃmayo ahoṣi. Sattatisahassamattā pabbajīṃsu. Pañcavihārasatāni patiṭṭhāpesuṃ. Evaṃ so tattha sāsanaṃ patiṭṭhāpesi. Teneva aṭṭha kathāyaṃ –

Gantvāna rakkhitatthero,
Vanavāsīṃ mahiddhiko;
Antalikkhe ṭhito tattha,
Desesi anamataggiyanti vuttaṃ.

Evaṃ vanavāsīraṭṭhe pubbeyeva sāsanaṃ ogāhetvā patiṭṭhahi. Na pana tāva sakalaṃ byāpetvā patiṭṭhahi.

Idaṃ tāva vanavāsīraṭṭhe sirikhettanagare dutiyaṃ

Sāsanaṃ patiṭṭhānaṃ.

Jinacakke pana tettiṃsādhike catuvassasate kukkuṭa sīso nāma eko rājā rajjaṃ kāresi. Tassa rañño kāle bhagavato sāvaka arahantā pañcasatamattā ahesuṃ. Tesampi so rājā devasikaṃ catūhi paccayehi upatthambhesi. Sotāpannasakadāgāṃianāgāmino pana gaṇanapathaṃ vītivattā ahesuṃ.

Idaṃ vanavāsīraṭṭhe sirikhettanagare paramparābhatavasena

Tatiyaṃ sāsanaṃ patiṭṭhānaṃ.

Icevaṃ vanavāsīraṭṭhe anekasatehi arahantattherehi sāsanaṃ puññindusankāsaṃ hutvā ativiya vijjotesi. Sāsānika ganthakārā pana mahātherā tattha na sandissanti. Arahantattherā pana rājūnaṃ āyācanaṃ ārabba dhammasatthaṃ ekaṃ viracayiṃsūti porāṇā vadantīti. Icevaṃ—

Teca therā mahāpaññā,
Paggahetvāna sāsanaṃ;
Sūriyo viya atthaṅgo,
Upagā maccusantikaṃ.

Tasmā hi paṇḍito poso,
Yāva maccu nacāgato;
Tāva puññaṃ kare niccaṃ,
Mā pamajjeyya sabbadāti.

Iti sāsanaṃ vanavāsīraṭṭhasāsanaṃ sakathāmaggo

Nāma pañcamaṃ paricchedo.

6. Aparantaṭṭhasāsanaṃ sakathāmaggo

6. Idāni pana marammaṇḍale aparantaṭṭhe sāsanaṃ vakkhāmi. Amhākañhi marammaṇḍale suppadakatitthe vāñijagāme vasante cūlapuñña mahāpuññedve bhātike paṭicca bhagavato dharmānasseva atirekavīsativassakālato pabhuti sāsanaṃ patiṭṭhāsi. Na pana tāva byāpetvā patiṭṭhāsi. Teneva puna sāsanaṃ patiṭṭhāpanatthāya mahāmoggaliputtatissatthero yonakadhammarakkhitattheraṃ pesesīti.

Bhagavā pana lohitacandanavihāraṃ paṭiggahetvā sattasattāhāni nisīditvā samāgatānaṃ devamanussānaṃ dhammarasaṃ adāsi. Sattāhesu ca ekasmiṃ ahu caturāsītipāṇasahassānaṃ dhammābhisaṃmayo ahoṣi. Pañcasatamattehi ca pāsādehi āgacchanta antarāmagge saccabandhapabbate nisinnassa saccabandhassa nāma isino dhammaṃ desetvā chahi abhiññāhi saddhiṃ arahantaṃ pāyesi. Vāñijagāme ca isidinnasetṭhi ādīnampi dhammarasaṃ pāyesi. Icevaṃ saccabandhaisidinnamahāpuññādayo paṭicca amhākaṃ marammaṇḍale sāsanaṃ patiṭṭhāsi.

Idaṃ marammaṇḍale aparantaṭṭhe paṭhamaṃ sāsanaṃ

Patiṭṭhānaṃ.

Bhagavato parinibbutato pañcatimsādhike dvivassasate sampatte tatiyaṅgītiṃ saṅgāyitvā avasāne mahāmoggaliputtatissatthero attano saddhivihārikaṃ yonakadhammarakkhitattheraṃ saddhiṃ catūhi bhikkhūhi aparantaṭṭhaṃ pesesī. Aparantaṭṭhañca nāma amhākaṃ marammaṇḍale sunāparantaṭṭhameva. Tamatthaṃ pana heṭṭhā avocumhā.

Yonakadhammarakkhitattheropi aparantaṭṭhaṃ āgantvā aggikkhandhopamasuttēna raṭṭhavāsīnaṃ pasādesi. Sattatimattānaṃ pāṇasahassānaṃ dhammarasaṃ pāyesi. Raṭṭhavāsīno ca bahavo sāsane pabbajimsu. Rājakulatoṃ saṃsamattā pabbajimsu. Itthīnaṃ pana atirekasatṭhisahassamattā pabbajimsu. Tañca na aggikkhandhopamasuttantaṃ sutvā pabbajantīnaṃ itthīnaṃ vasena vuttaṃ, atha kho ādito paṭṭhāya yāvāciraṅgā sāsanaṃ pasīditvā pabbajantīnaṃ itthīnaṃ vasena vuttanti daṭṭhabbaṃ. Kasmāti ce, itthīnaṃ bhikkhūnaṃ santikeveva pabbajitūṃ yuttatā yonakadhammarakkhitattherena ca saddhiṃ bhikkhūnaṃ anāgatattā. Evaṃ ciraṅgā atikkamitvā pacchā bhikkhuniyo āgantvā tāsāṃ santike pabbajitānaṃ vasena vuttanti daṭṭhabbaṃ. Sīhaḍāḍe anuḷādeviyo pabbajitakāle mahāmahindattherassa saṅghamittātheriyā pakkosantā idha ñāpakāti. Evaṃ yonakadhammarakkhitattheraṃ paṭicca aparantaṭṭhe sattānaṃ bahupakāro ahoṣi. Tenevaṭṭhakathāyaṃ—

Aparantaṃ vigāhitvā, yonako dhammarakkhito;
Aggikkhandhūpamenettha, pasādesi jane bahūti.

Tatthāyaṃ adhippāya viseso gahetabbo. Kathaṃ. Aggikkhandhopamasuttantaṃ nāma bhikkhūnaṃ paṭipattivasena vuttaṃ, taṃ bhikkhūnaṃyeva desetum vaṭṭati, theropi tattha taṃ desesi, tasmā puññasaccabandhādayo paṭicca bhagavato dharamānassa vīsativassakāleyeva sāsanaṃ aparantaraṭṭhe patiṭṭhahitvā kasmīñci kasmīñci ṭhāne bhikkhūnaṃ saṃvijjamānattā tesam bhikkhūnaṃ saṅgahetvā desetum pacchā āgatānañca bhikkhūnaṃ parisuddhācāratam viññāpetum aggikkhandhopamasuttaṃ thero desesīti. Evañca sati arimaddananagare samaṇakuttakānaṃ saṃvijjamānabhāvaṃ vakkhamānena vacanena sameti.

Idaṃ marammaṇḍale aparantaraṭṭhe dutiyaṃ

Sāsanaṃ patiṭṭhānaṃ.

Yasmā pana buddhe, bhagavā puñnattherassa yācanamārabba aparantaraṭṭhaṃ āgantvā vāñje hi kārite candanavihāre vasitvā ekasmiṃ samaye ānandena pacchāsamaṇena tambadīparaṭṭhampi desacārikaṃ āhiṇḍi. Āhiṇḍitvā arimaddananagaraṭṭhānasamīpaṃ patvā pabbatamuddhani ṭhatvā anāgate kho ānanda imasmiṃ padese sammuti nāma rājā arimaddanaṃ nāma nagaraṃ māpessati, tasmīñca nagare mama sāsanaṃ virūlaṃ hutvā patiṭṭhahissatīti byākāsi. Ayamatto porāṇavedapaṭṭhakesu vutto.

Yonakadhammarakkhitatthero ca aparantaraṭṭhaṃ āgantvā tambadīparaṭṭhampi āhiṇḍitvā tambadīparaṭṭhavāsīnampi dhammarasaṃ pāyesiyeva. Ayamatto khattiyakulato eva purisasahassāni pabbajimsūti aṭṭhakathāyaṃ vuttattā viññāyati. Tadā hi aparantaraṭṭhe khattiyō natthi, tambadīparaṭṭhindoyeva taṃ anusāsetvā ati vasati, khattiyē ca āsante kuto khattiyakulāni bhavissanti, teneva tambadīparaṭṭhato purisasahassāni pabbajimsūti viññātabbaṃ. Tasmā tambadīpikasāsanaṃvamsampi idha vattum yujjati.

Tenidāni tambadīpikāsāsanaṃvamsaṃ pavakkhāmi. Amhākañhi marammaṇḍale tambadīparaṭṭhe arimaddananagare sammutirājā nāma bhūpālo rajjaṃ karesi. Tato paṭṭhāya yāva anuruddharaññā samathi nāmake dese nisinnānaṃ tiṃsamattānaṃ samaṇakuttakānaṃ saṭṭhisahassamattānaṃ sissānaṃ ovādaṃ datvā carimsu.

Tesaṃ pana samaṇakuttakānaṃ ayaṃ vādo,- sace yo pāṇātipātaṃ kareyya, so īdisaṃ parittaṃ bhaṇanto tamhā pāpakammā parimucceyya, sace pana yo mātāpītaṃ hantvā anantariyakammato parimuccitukāmo bhaveyya, īdisaṃ parittaṃ bhaṇeyya, sacepi puttadhitānaṃ āvāhavivāhakammaṃ kattukāmo bhaveyya, ācariyānaṃ paṭṭhamaṃ niyyādetvā āvāhavivāhakammaṃ kātabbaṃ, yo idaṃ cārittaṃ atikkameyya, bahu apuññaṃ pasaveyyāti evamādīhi micchāvādehi attano attano upagatānaṃ ovādaṃ adamsu. Tamatthaṃ sutvā anuruddharājā paricitapuñño tesam vādaṃ na ruci. Ayaṃ tesam micchāvādoti.

Tadā ca arimaddananagare arahanto nāma thero āgantvā sāsanaṃ patiṭṭhāpesi. Ayaṃ arahantattherassa aṭṭhuppatti,- rājavamsāgataparittanidānāgatāsāsanappaveṇiyāgatavasena tividhā hoti.

Tatthāyaṃ rājavamsāgataṭṭhuppatti,- tadā hi sunāparantatambadīparaṭṭhesu sabbena sabbam sabbadā thiraṃ sāsanaṃ na tāva patiṭṭhāsi. Teneva bhagavato byākataniyāmena sāsanaṃ patiṭṭhāpessāmāti cintevā mahātherā sakkassa devānamindassa santikaṃ gantvā sāsanaṃ anuggahitum samatthaṃ puggalaṃ dehīti yācimsu. Sakkoca devānamindo tāvatimsabhavane ekaṃ devaputtaṃ yācitvā ekissā brāhmaṇiyā kucchimhi paṭisandhiṃ gaṇhāpesi. Dasamāsaccayena vijāyanakāle sīlabuddhi nāma thero anurakkhitvā vaye sampatte pabbājesi. Tīsu piṭakesu ativiya cheko hutvā arahattaṃ pāpuṇi. Arahantoti nāmena pākaṭo ahoṣi.

Soca thero marammaṇḍale jinasāsanaṃ vijjotāpetum arimaddananagaraṃ āgantvā nagarato

avidūre ekasmiṃ araṇṇe nisīdi. Tadā sakko devānamindo ekaṃ nesādaṃ palobhetvā tassa therāṃ dassesi. Atha nesādassa etadahosi,— ayaṃ pana amanusso yakkho bhavēyya, sace pana manusso bhavēyya, evaṃ sati milakkhujātiko bhavēyyāti. Evaṃ pana cintetvā raṇṇo dassanattāya nagaraṃ ānesi. Thero ca aṭṭhaparikkhāre gahetvā anugacchi. Nesādā ca therāṃ ānetvā raṇṇo dassesi.

Rājā disvā santindriyo ayaṃ, na milakkhujātiko, imassa abbhantare sāraddhammo atthi maññeti laddhasūriyobhāsaṃviya padumaṃ phullacittaṃ hutvā vīmaṃsetukāmo therāṃ āha,— attano sārappaṃ āsanaṃ ṇatvā nisīdāhīti.

Thero ca rājapallāṅkaṃ āruhitvā nasīdi. Rājā ca ayaṃ aggāsane nisīdi, avassaṃ aggapuggalo bhavēyyāti cintetvā tvaṃ kassa ṇāti, kassa bhisso, kuto āgatosīti pucchi. Thero ca evamāha,— lokasmiṃ yo navaguṇasampanno bhagavā sammāsambuddho, tassāhaṃ ṇāti, sobhagavāyeva mamācariyo, bhikkhusaṅghassa nisinnaṭṭhānato āgatomhīti.

Rājā ca somanassappatto hutvā āha, tava ācariyena desitaṃ dhammaṃ ekadesato desehīti. Atha yathā siridhammāsokaraṇṇo nigrodhasāmaṇereṇa appamādadhammo desito, evaṃ appamādadhammaṃyeva thero desesi.

Rājā ca puna āha,— kuhiṃ dāni sammāsambuddho nisīdati, tena pana desito dhammo katippamaṇo, tassa sāvakā pana katippamaṇā, tumhādisā aṇṇe atthi vā mā vāti. Idāni amhākaṃ ācariyo sammāsambuddho parinibbuto, dhātuyoyeva idāni atthi, tena pana desito dhammo caturāsītiddhamakkhandhasahassappamaṇo, sudhammapure piṭakattayaṃ yugaḷavasena tiṃsaviddhā atthi, mayā aṇṇo paramattha sammutivasena duvidhopi saṅgho atthīti.

Taṃ sutvā rājā bhiyyosomattāya pasanno hutvā puna ārocesi,— mama bhante imasmiṃ paccakkhe natthi tayā aṇṇo nātho, ajjabhagge pāṇupetaṃ maṃ upāsakoti dhārehi, tava ovādaṃ ahaṃ sirasā paṭiggaṇhissāmīti.

Tato pacchā araṇṇakaṅgārahe ṭhāne vihāraṃ kārāpetvā adāsi. Samaṇakuttakānampii vādaṃ bhindi, yathā pana suvaṇṇapātiṃ labhitvā suvaṇṇabhājanāṃ labhitvā mattikābhājananti. Sakalepi ca raṭṭhe samaṇakuttakānaṃ vādaṃ jahāpesi. Tasmīṅca kāle samaṇakuttakā hīnalābhā hutvā therassa upanāhaṃ bandhiṃsu. Te pana samaṇakuttakā araṇṇe nissāmikāviya koleyakā sunakhā anāthā hutvā kāyikacetasikadukkhaṃ labhiṃsu.

Rājā ca tamatthaṃ ṇatvā yathā samaṇakuttakā nābhibhavanti, tathā ārakkhaṃ ṭhapesi. Te ca samaṇakuttake setavatthaṃ nivāsāpetvā āvudhagāhayodhabhāvena rājakamme niyojāpesi. Thero ca sāsane pasanne jane pabbājetvā upasampādetvā sāsanaṃ visodhāpesi. Rājā ca imasmiṃ raṭṭhe porāṇikā rājāno samaṇakuttakānaṃ vādaṃ gahetvā rajjaṃ kāresuṃ, sace hi pana tesāṃ anattakarajjaṃ puna gaṇhāpetuṃ sakkuṇeyyaṃ, evaṃ sati ahaṃ tesāṃ anattakarajjaṃ apanetvā sātthakarajjaṃ gaṇhāpetumicchāmīti anusocīti.

Ayaṃ pana parittanidānāgataṭṭhuppatti, —

Sīhaḷāḍipe kira vippavāsīnagare nisinno eko bhikkhuupadvārāvāṭīnagaraṃ gantvā pariyattim uggaṇhi. Tato pacchā sudhamma puraṃ gantvā pariyattim uggaṇhi. Tasmīṅca kāle sirikhettanagare pāṭalirukkhe eko gantho atthīti sutvā sudhammapurato sirikhettanagaraṃ agamāsi. Antarāmagge luddhako therāṃ passivā ayaṃ yakkhoti maññitvā gahetvā anuruddharaṇṇo dassesi.

Tadā rājā therāṃ pucchi,— ko pana tvanti. Ahaṃ mahārāja gobhamassa sāvakoti. Puna rājā pucchi,—tiṇṇaṃ pana ratanānaṃ kīdisoti. Thero āha,— mahosadhapaṇḍitoviya mahārāja buddho daṭṭhabbo, umaṅgoviya dhammo, videhasenā viya saṅghoti. Evaṃ upamāhi pakāsito rājā puna pucchi,—kiṃ nukho ime gotamassa sāvakāti. Na kho mahārāja ime gotamassa sāvakā, ime pana amhehi visabhāgā samaṇakuttakāye vāti. Evaṃ vutte tato paṭṭhāya te samaṇakuttake vijahi, tiṇṇaṃ viya nātimaññi. Pāṭalirukkhasu siratopi laddhaṃ tesāṃ ganthaṃ laddhaṭṭhāneyeva agginā jhāpesi. Tampi ṭhānaṃ yāvajjatanā aggijjhāpanathalanti pākāṭanti.

Thero ca vimāna vatthum rañño desesi. Rājā ca pasīditvā sirikhettanagarato arimaddananagaraṃ paccāgamanakāle ānesi.

Idaṃ pana pāṭālisusire laddhaganthassa kāraṇaṃ,- tesañhi samaṇakuttakānaṃ abbhantare eko upāyaccheke samaṇakuttako attano vādānurūpaṃ ganthaṃ katvā sirikhettanagare dvattiṃsaratanakkhandhassa pāṭalirukkhaṃ susire pavesetvā punappunaṃ udakena temetvā mattikāya limpetvā puna tacamaṃ uppādetvā utṭhāpesi. Tadā mayaṃ supine pāṭalirukkhe sāragantho atthabyañjanasampanno eko atthīti passāmāti kolāhalaṃ uppādesuṃ. Taṃ sutvā rājā sirikhettanagaraṃ gantvā taṃ pāṭalirukkhaṃ bhinditvā gavesento taṃ ganthaṃ labhi. Ganthe pana sakavādasena samaṇakuttakasāmaññatā īdisāyeva, ete gotamāsāvakā hontii, etesaṃyeva ācāro saggamaggapathabhūtoti evamādīhi kāraṇehi vuttaṃ. Rājā ca pasīditvā samaṇakuttakānaṃ bahūni dātābbāni adāsi. Tato pacchā therassa dhammakathaṃ sutvā taṃ agginā jhāpesīti evaṃ samaṇakuttakānaṃ vacanaṃ sutvā sirikhettanagaraṃ gantvā arimaddananagaraṃ paccāgacchanto theram ānesīti daṭṭhabbaṃ. Arimaddananagaraṃ sampattakāle jetavanaṃ nāma vihāraṃ kārapetvā adāsi. Thero ca tatha sāsānaṃ visodhetvā nisīdi. Rājā devasikaṃ udakaṃ ānetvā aggamaheṣī pana devasikaṃyeva piṇḍapātaṃ ānetvā bhojesi. Uppannakāṅkhā kālepi taṃtaṃkaṅkhāṭṭhānaṃ pucchīti.

Ayaṃ pana sāsanaṃpaveṇiyāgatataṭṭhuppatti,-

Sudhammapure hi samāpattilābhī anomadassī nāma thero soṇuttarattherānaṃ vaṃsānurukkhaṇavasena saddhiṃ pañcāhi bhikkhu satehi nisīdi. Tassa pana padhānasisso adhisīlonāma, tassa padhānasisso prānadassī nāma, tassa padhānasisso kāḷo nāma, tassa padhānasisso arahanto nāma, tassa padhānasisso ariyavaṃso nāmāti.

Idaṅca vacanaṃ-ko panesa uttarājīvamahātheroti. Ayañhi thero rāmaññadesiyaputto ariyavaṃsattherassa sisso. Ariyavaṃsatthero pana kappuṅganagaravāsī mahākāḷattherassa sisso. So pana sudhammanagaravāsino prānadassī mahātherassa sissoti kalyāṇī silālekhane vuttavacanena na sameti. Evampi satī yathicchita adhippāyo na nassatīti daṭṭhabbaṃ.

Evaṃ nānācariyānaṃ vādo nānākārena dissamānopi arahantattherassa arimaddananagare sāsanaṃ anuggahetvā patiṭṭhānatāyevettha pamāṇanti katvā nāvamaññitabbo. Sabbesañhi ācariyānaṃ vādepi arahantatthero arimaddananagaraṃ āgantvā sāsanaṃ patiṭṭhāpesīti attho icchitabboevāti.

Arahantatthero pana mūlanāmena dhammadassīti pākaṭo sudhammapuravāsī silābuddhittherassa sissoti daṭṭhabbo. So ca thero pubbeva pabbajakālato catūsu vedesu sikkhitasippo. Pabbajitvā pana sālākathaṃ piṭakattayaṃ uggaṇhitvā pāraṃ gantvā sabbattha pākaṭo. Sokkatayanagaraṃ anetvā manussā pūjenti. Tatha dasavassāni vasitvā puna sudhammapuraṃ āgantvā araññāvāsaṃ samādiyi.

Tato pacchā jinacacce ekasatṭhādhiḥke pañcasate sahasseca sampatte kaliyuge ekūnāsītādhiḥke tisate sampatte anuruddharājā rajjaṃ pāpuṇi. Tadā arimaddananagare samaṇakuttakā mayaṃ gotamāsāvakāti vatvā tiṃsatīṃsavaggā hutvā nisīdiṃsu. Vaggavasena kira sahasamattāti. Anuruddharājā ca tesam samaṇakuttakānaṃ āgāriyābrahmacariyādīni sutvā na pasīdi. Evampi paveṇiyā āgabhattā na pajahi. Arahantaṃ pana theram passitvā tato paṭṭhāya tesam samaṇakuttakānaṃ nibaddhavattāni bhinditvā sāsane pasīdi.

Idaṃ marammanaṇḍale tambadīparaṭṭhe arimaddananagare arahantaṃ.

Nāma theram paṭicca tatiyaṃ sāsanaṃ patiṭṭhānaṃ.

Tasmiṅca kāle arahantatthero anuruddharājānaṃ āha,-tīsu sāsanesu pariyattisāsane tiṭṭhanteyeva paṭipatti sāsanaṃ tiṭṭhati, paṭipattisāsane tiṭṭhanteyeva paṭivedhasāsanaṃ tiṭṭhati, yathā hi gunnaṃ satepi sahassepi vijjamāne paveṇipa,likāya dhenuyā asati so vaṃso sāvaveṇī na ghaḷiyāti, evamevaṃ dhutaṅgadharānaṃ bhikkhūnaṃ satepi sahassepi vijjamāne pariyattiyā antarahitāya paṭivedho nāma na hoti, yathā pana nimikumbhiyo jānanatthāya pāsāna piṭṭhe akkharesu ṭhapitesu

yāva akkharāni dharanti, tāva nidhikumbhiyo natthā nāma na honti, evamevaṃ pariyattiyā dharamānāya sāsanaṃ anantarahitaṃ nāma hoti, yathā ca mahato taḷākassa pāḷiyā thirāya udakaṃ na ṭhassatīti na vattabbaṃ, udake sati padumādīni pupphāni na pupphissantīti na vattabbaṃ, evamevaṃ mahātaḷākassa thirapāḷisadise teṭṭake buddhavacane sati udakasadisā paṭipattipūrakā kulaputtā natthīti na vattabbaṃ, tesu sati padumādīpupphasadiso paṭivedho natthīti na vattabbaṃ, evaṃ ekantato pariyattimeva pamāṇaṃ, tasmā antamaso dvīsu pātimokkhasu vattamānesupi sāsanaṃ anantarahitameva, pariyattiyā antarahitāya suppaṭipannassāpi dhammābhisamayo natthi, anantarahitāya eva dhammābhisamayo atthi, idānīpi amhākaṃ pariyattisāsanaṃ paripuṇṇaṃ natthi, sarīradhātuyo ca natthi, tasmā yattha pariyattisāsanaṃ sarīradhātuyo ca atthi, tattha paṇṇākārena saddhiṃ dūtaṃ pesetvā ānetabbā, evaṃ sati amhākaṃ raṭṭhe jinasāsanaṃ cīrakālaṃ paṭiṭṭhahissatīti.

Evam pana bhante sati kattha yācissāmāti. Suvanṇabhūmiratṭhe mahārāja sudhammapure tīhi vārehi piṭakattayaṃ likhitvā ṭhapesi, sarīradhātuyo ca bahū tattha atthīti. Rājā evaṃ bhanteti paṭiggaṇhitvā bahū paṇṇākāre paṭiyādetvā rājalekhaṇaṃ likhitvā aṭṭhaṅgasamannāgataṃ ekaṃ amaccaṃ dūtaṃ katvā pesesi.

Sudhammapurindo manohari nāma rājāpi maccheracitto hutvā tumhādisānaṃ micchādīṭṭhīnaṃ ṭhāne piṭakattayaṃ sarīradhātuyo ca pahīṇitūṃ na yuttā, tilokaggassa hi sammāsambuddhassa sāsanaṃ sammādīṭṭhīnaṃ ṭhāneyeva paṭiṭṭhahissati, yathā nāma kesarasīharājassa vasā suvaṇṇapāṭiyamaṃyeva, na mattikābhājaneti.

Dūtā paccāgantvā anuruddharañño tamatthaṃ ārocesuṃ. Taṃ sutvā anuruddharājā kujjhi, tattakakapāle pakkhattatilaṃviya taṭa taṭāyi.

Atha rājā nadīmaggena nāvānaṃ asītisatasahasseehi nāvīkānaṃ yodhānaṃ aṭṭhakoṭṭhi senaṃ byūhitvā thalamaggena saddhiṃ catūhi mahāyodhanāyakehi hatthīnaṃ asīti sahasseehi assānaṃ navutīsatasahasseehi yodhānaṃ asītikoṭṭiyā senaṃ byūhitvā sayameva yujjhitūṃ sudhammaparaṃ gacchi.

Taṃ sutvā manoharirājā sītatasito hutvā attano bahū yodhe saṃvidahitvā sudhammapuraye va paṭisenaṃ katvā nisīdi.

Atha athabbaṇavede āgatappayogavasena punappunaṃ vāyamantāpi nagaramūlaṃ upasaṅkamtūṃ na sakkā. Tadā rājā vedañño pucchi, –kasmā panettha nagaramūlaṃ upasaṅkamtūṃ na sakkomāti. Vedañño āhaṃsu, –athabbaṇavedavidhānaṃ mahārāja atthi maññeti. Atha rājā pathaviyaṃ nidahitvā matakaḷevaraṃ uddharitvā mahāsamudde khipesi.

Ekaṃ kira manussaṃ hindukulaṃ jeṅgunāmakāṃ kīṭaṃ khādāpetvā taṃ māretvā hatthapādādīni āṅgapaccaṅgāni gahetvā chinnachinnāni katvā nagarassa sāmantā pathaviyaṃ nadahitvā ṭhapesi. Tadā pana nagaraṃ upasaṅkamtūṃ sakkā. Nagarañca pavisitvā anuruddharājā manoharirājānaṃ jīvaggāhaṃ gaṇhi. Sudhammapure porāṇīkānaṃ rājūnaṃ pavenāgatavasena ratanamayamañjūsāyaṃ ṭhapetvā pūjitaṃ sahadhātūhi piṭakattayaṃ gahetvā manoharirañño santakānaṃ dvattiṃsahatthīnaṃ piṭṭhiyaṃ āropetvā ānesi.

Arimaddananagaraṃ pana patvā dhātuyo ratanamayamañjūsāyaṃ ṭhapetvā sirisayanagabbhe ratanamañce sīsopadesassa samīpe ṭhapesi. Piṭakattayaṃpi ratanamaye pāsāde ṭhapetvā bhikkhusaṅghassa ugghadhāraṇādīatthāya niyyādesi. Tato kira ānītaṃ piṭakattayaṃ uggaṇhantānaṃ ariyānaṃ sahasamattaṃ ahoṣīti.

Sudhammanagaraṃ vijayitvā piṭakena saddhiṃ bhikkhusaṅghaṃ ānetvā sāsanaṃ paṭiṭṭhāpanaṃ jinacakke ekādhike chasate vassasahassee kaliyuge ca soḷasādhike catusate sampatteti silālekhanesu vuttaṃ.

Anuruddharañño kāle puññānubhāvena tiṇṇaṃ ratanānaṃ paripuṇṇattā puṇṇagāmotii samaññā ahoṣi. Cīrakālaṃ atikkante ṇṇakāraṃ lopavasena makārassa ca niggaḥita vasena pugamīti

maramabhāsāya vohārīyatīti anāgatavaṃsarājavāṃsesu vuttaṃ.

Anuruddharājāyeva cattāro mahāyodhe sīhaḷadīpaṃ pesetvā tatopi piṭakattayaṃ ānesi. Sīhaḷadīpato ānītapīṭakattayena sudhammapurato ānītapīṭakattayaṃ aññamaññaṃ yojetvā saṃsandetvā arahantatthero vīmaṃsesi. Tadā gaṅgādakenaviya yamunodakaṃ aññamaññaṃ anūnaṃ anadhikaṃ ahosi. Tehi piṭakehi aññānīpi vaḍḍhetvā tipīṭakagabbhe ṭhapetvā pūjesi. Tesu tesu ṭhānesupi patīṭṭhāpesi.

Manoharirājānampi mraṅkapā nāma dese upaṭṭhākehi saha ṭhapesi. Tassa ca kira rañño mukhaṃ viravitvā kathaṃ sallāpentassa mukhato obhāso pajjalitvā nikkhami. So kadāci kadāci anuruddharañño santikaṃ āgantvā gāravavasena vandanādīni akāsi. Tadā anuruddharañño lomahaṃso uppajji ubbiggo ca. Tasmā tassa rañño nitthejathāya buddharūpassa cetiyassa bhattaṃ pūjetvā taṃ gahetvā manoharirañño bhājesi. Tadā tassa tadānubhāvo antaradhāyi. Manoharirājā saṃvegaṃ āpajjitvā saṃsāre saṃsaranto yāva nibbānaṃ na pāpuṇāmi, tāva paravase nānuvatteyyanti patthanaṃ akāsi. Sudhammapurato ābhataṃ attano santakaṃ manomaya maṇiṃ ekassa seṭṭhino santike vikkiṇitvā laddhamūlena pañcavāharajatena abhujitapallaṅkavasena ekaṃ mahantaṃ buddha bimbāṃ parinibbānākārena ekanti dve buddhappaṭibimbāni kārāpesi. Yāvajjatanā tāni santīti. Icevaṃ anuruddharājā sudhammapurato sīhaḷadīpato ca sāsanaṃ ānetvā arimaddananagare patīṭṭhāpesīti.

Idaṃ amhākaṃ marammamaṅḍale tambadīparaṭṭhe arimaddananagare

Anuruddharājānaṃ paṭicca catutthaṃ sāsanaṃ patīṭṭhānaṃ.

Uttarājīvattheropi soṇuttarānaṃ vaṃsato sāsanaṃ gahetvā sudhammapurato arimaddananagaraṃ āgantvā sāsanaṃ patīṭṭhāpesi.

Idaṃ amhākaṃ marammamaṅḍale tambadīparaṭṭhe arimaddananagare uttarājīvattheraṃ paṭicca pañcamaṃ sāsanaṃ patīṭṭhānaṃ.

Uttarājīvattherassa sīhaḷadīpaṃ gatakāle tena saddhiṃ gataṃ chappadaṃ nāma sāmaṇeraṃ sīhaḷadīpeyeva sīhaḷadīpikā pabbajīṃsu. Pabbajitvā ca chappadasāmaṇero pariyattīṃ uggaṇhitvā dasavassaṃ tattha vasitvā arimaddananagaraṃ paccāgacchi. Sivalittheraṅca tāmālinattheraṅca ānandattheraṅca rāhulatthe raṅca anesi. Te pana therā tipīṭakadharā honti byattā dakkhā ca. Ayañcattho vitthārena heṭṭhā vutto.

Arimaddananagaraṃ patvā arimaddana vāsīhi bhikkhūhi saddhiṃ vinayakammāni akatvā puthu hutvā nisīdiṃsu. Narapatirājā ca tesu thesu ativiya pasīdi. Erāvatīnadiyaṃ uḷumpaṃ bandhitvā tattheva upasampadakkamaṃ kārāpesi. Cirakālaṃ atikkamitvā so gaṇo vuḍḍhi hutvā uppajji.

Narapatirājā ca te there saddhiṃ saṅghena nimantetvā mahādānaṃ adāsi. Tadā chaṇe ākappasampannaṃ rūpasobhaggappakkaṃ ekaṃ nātakittīṃ disvā rāhulatthero paṭibaddhacitto lepe laggitavānaroviya kaddame laggitamātaṅgoviya ca kāma guṇalepakaddamesu laggito sāsane viramitvā hī nāyāvattītuṃ ārabhi. Maraṇanti karogena abhibhūto viya atekiccho hutvā sesattheresu ovādaṃ dīnnesu pinādiyi. Tadā sesattherā taṃ evamāhaṃsu,-mā tvaṃ ekaṃ taṃ paṭicca sabbepe amhe lajjāpetuṃ na arahasi, mā idha hīnāyā vattehi, mallārudīpaṃ gantvā yathārucciṃ karohīti pesesuṃ. Rāhulatthero ca kusimatitthato nāvaṃ āruya mallārudīpaṃ agamāsi. Mallārudīpaṃ pattakāle mallārurājā vinayaṃ jānitukāmo saha ṭikāya khuddasikkhāpakaraṇaṃ tassa santike uggaṇhitvā ekapattamattaṃ maṇiṃ adāsi. Soca taṃ labhitvā hīnāyāvattīti. Honti cetta,-

Atidūreva hotabbaṃ, bhikkhūnā nāma itthibhi;
Itthiyo nāma bhikkhūnaṃ, bhavanti idha verino.

Tāva tiṭṭhantu duppaññā, mayaṃ porāṇikāpi ca;
Mahāpaññā vināsaṃ, pattā haritacādayo.

Tasmā hi paṇḍito bhikkhu, antamasova itthibhi;
Vissāsaṃ na kare loke, rāgo ca duppavāritoti.

Sesesu ca theresu chappado nāma thero paṭhamaṃ kālaṅkato. Sivalitāmalindānandattherāyeva tayo pariyattiuggahaṇadhāraṇādivasena sāsanaṃ upatthambhetvā arimaddananagare nisīdiṃsu. Ekasmiṅca kāle rājā tesam tiṇṇaṃ therānaṃ ekekaṃ hatthiṃ adāsi. Sivalitāmalindattherā paṭiggahetvā vane vissajjāpesuṃ. Ānandatthero pana kiñcipuranagaraṃ pahiṇitvā ñātakānaṃ dehīti kusimatitthaṃ gantvā nāvaṃ āropesi. Taṃ kāraṇaṃ ñatvā sivalitāmalindattherātaṃ evamāhaṃsu, – mayam pana āvuso hatthīnaṃ sukhatthāya vane vissajjema, tvam pana adhammikaṃ karosīti. Kinnāma bhante ñābhakānaṃ saṅgaho na vaṭṭati, nanu ñātakānaṃ saṅgahoti bhagavatā vuttanti.

Therā āhaṃsu, – sace tvam ambhākaṃ vacanaṃ nakareyyāsi, bhava icchānurūpaṃ karohi, mayam pana tayā saddhiṃ saṃvāsaṃ na karissāmāti visuṃ nisīdiṃsu.

Tato paṭṭhāya dve gaṇā bhijjīṃsu. Tato pacchākāle atikkante tāmālinatthero bahussutānaṃ byattibalānaṃ sissānaṃ anuggahatthāya gahaṭṭhānaṃ santike ayam bahussuto ayam mahāpaññoti evamādinā vacīviññattiṃ samuṭṭhāpeti, evaṃ kate kulaputtā sulabhapaccayavasena sāsanaṃ hitaṃ āvahibhūmsakkhissantīti katvā. Taṃ kāraṇaṃ sutvā sivalitthero evamāha, – kasmā tvam vacīviññattiṃ samuṭṭhāpetvā buddhappaṭikucchitaṃ kammaṃ karosīti. Bhagavatā attano atthāyayeva vacīviññattiṃ paṭikkhittā, aham pana paresaṃyeva atthāya vacīviññattiṃsamuṭṭhāpemi, nāttano atthāya, sāsanaṃ hi vepullatthāya evaṃ vacīviññattiṃsamuṭṭhāpemi. Sivalittheropi na tvam mama vacanaṃ karosi, yaṃ yaṃ tvam icchasi, taṃ taṃ karohi, aham pana tayā saddhiṃ saṃvāsaṃ nakarissāmāti visuṃ hutvā saddhiṃ sakapakkhena nisīdi. Tato paṭṭhāya tayo gaṇā bhijjīṃsu.

Evaṃ arimaddananagare arahantattherassa eko vaṃso, sivalittherassa eko, tāmālinattherassa eko, ānandattherassa ekoti cattāro gaṇā ahesuṃ.

Tesu arahantattheragaṇo sudhammapurato paṭhamaṃ āgatattā purimagaṇoti vohāriyati, aññe pana pacchā āgatattā pacchāgaṇāti.

Sivalitthero arimaddananagare yāvijīvaṃ sāsanaṃ paggaṇhitvā kaliyuge navutādhike pañcavassasate kāle kālamakāsi.

Ānandatthero pana arimaddananagareyeva catucattālīsa vassāni sāsanaṃ paggaṇhitvā chanavutādhike pañcavassasate kāle kālamakāsi.

Tāmālinattheropi yāvajīvaṃ sāsanaṃ paggaṇhitvā atthana vutādhike pañcavassasate kāle kālamakāsi. Aho saṅkhārasabhāvoti.

Seyyathājagarasseva, nābhiyā cakkamaṇḍale;
Laggo saso samitvāpi, disaṃ gacchati taṃ mukhaṃ.

Tatheva sabbasattāpi, maccucakkesu laggitā;
Yāvajīvampi dhāvītvā, maccumukhaṃ upāgamunti.

Icevaṃ arimaddanapure arahantehi ca ganthakārehi ca puthujjanehi jinasāsanaṃ nabhe candoviya vijjotati.

Tattha hi yadā anuruddharājā sudhammapurato sāsanaṃ ānesi, tadā arahantā chasatasahassamattā āgatā, sotāpannasakadāgāmianāgāmīno pana gaṇanapathaṃ vīti vattāti.

Chattaguhindassa nāma rañño kālepi himavante gandhamādanapabbatato atthā arahantā piṇḍāya rājagehaṃ āgamaṃsu. Rājā ca pattam gahetvā piṇḍapātena bhojetvā idāni kuto āgatatthābhi pucchi. Himavante mahārāja gandha mādanapabbatatoti. Atha rājā atippasanno hutvā idha temāsaṃ vassaṃ

upagacchathāti yācivā vihāraṃ kārāpetvā adāsi. Temāsampi antogehe nimantetvā piṇḍapātena bhojesi.

Ekam samayaṃ arahantānaṃ gandhamādanapabbate nandamūlaguhaṃ viya ekam guhaṃ māpetvā dassēhīti yāci. Te ca arahantā nandamūlaguhaṃviya ekam guhaṃ iddhiyā māpetvā dassesum. Rājā ca tāya guhāya sadisaṃ ekam guhaṃ kārāpesi. Nandamūlaguhākārena pana katattā nandāti nāmampi akāsi. Icevaṃ chattaguhindassa rañño kāle gandhamādanapabbate nandamūlaguhato āgantvā arahantā sāsanaṃ patiṭṭhāpesum.

Arahantabhāvo ca nāmesa yathābhūtaṃ jānituṃ dukkaro, anupasampannānaṃ uttarimanussadhammadassanassa paṭikkhittattā, arahattaṃ vā patvāpi vāsānāya appajahitattā. Arahāpi hi samāno ahaṃ arahāti anupasampannānaṃ kathetuṃ na vaṭṭati, arahattaṃ patvāpi ekacco vāsanaṃ pajahituṃ na sakkā, pilindavacchattheravatthucettha ñāpakam. Evaṃ loke arahanta bhāvo jānituṃ dukkaro. Teneva mahākassapattherassa upaṭṭhāko eko bhikkhu attano upajjhāyassa mahākassapattherassa santike vasitvāpi tassa arahanta bhāvaṃ na jāni.

Mahākassapattherañhi ekena saddhivihārikaena saddhiṃ araññavihārato gāmaṃ piṇḍāya carantaṃ antarāmagge pattā diparikkhāre gahetvā pacchā gacchantoyeva ekosaddhi vihāriko evamāha,—lokasmim bhante arahā arahāti pākaṭo, sutamattovāhaṃ bhavāmi, na kadāci diṭṭhapubboti. Taṃ sutvā thero pacchā parivattatvā olokeno parikkhāre āvuso gahetvā arahantassa pacchāgacchantoyeva arahantabhāvaṃ na jānātīti āhāti.

Arimaddananagarepi sīlabuddhipolloṅkasumedhattherādayopi arahantāyeva ahesum. Narapatirājā hi khaṇṭhi pādapabbataṃ gantvā paccāgamanakāle antarāmagge ekissā mātikāya maṇobhāsaṃ disvā idha puññaṃ kāretukāmo sakko dasseti maññeti manasikarivā cetiyaṃ kārāpessāmīti tattha raṭṭhavāsīti samaṃ bhūmibhāgaṃ kārāpesi.

Atha eko sīlabuddhi nāma thero evamāha,— puññaṃ mahārāja karissāmīti idaṃ bhūmiparikammaṃ kārāpesi, evaṃ kārāpentassa te apuññaṃyeva bhavati, nopuññanti vatvā bahū sattā mā kilamantūti manasikatvā rañño daṇḍakammaena tajjanatthāya raññā dinnam piṇḍapātaṃ nabhuñji. Rājā ca sace tvaṃ mayā dinnam piṇḍapātaṃ abhuñjitukāmo bhavēyyāsi, mama vijite vasantoyeva tvaṃ mama piṇḍapātā na mucceyyāsi, raṭṭhavāsīhipi dinnapiṇḍapāto mayhameva santako, nanu nāma mama piṇḍapātaṃyeva tvaṃ bhuñjasīti āha.

Sīlabuddhittheropi sace ahaṃ evaṃ bhavēyyāmi, sīhaladīpaṃ gantvā vasissāmīti cintetvā araññe vasi.

Atha tamatthaṃ jānitvā nagaradvāre ārakkho eko yakkho rañño āgatakāle abhimukhaṃ ṭhitova bhayānakarūpaṃ nisīdi. Atha nānāvijjākammehi apantopi na sakkā apantetuṃ.

Atha rājā nimittapāṭhake pakkosāpetvā pucchi,—kena kāraṇena ayaṃ yakkho idha nisinnoti. Tvaṃ mahārāja sīlabuddhittheraṃ agāravavasena pubbe kathesi, yakkhāpi there ativiya pasannāti amhehi sutapubbā, taṃ paṭicca yakkho bhayānakarūpaṃ dassetvā nisinnō bhavissatīti āha.

Rājāpi amacce āṇāpesi theram pakkāsathāti. Thero nāgacchi. Sīhaladīpaṃyeva gamissāmīti ārabhi. Tamatthaṃ sutvā rājā ekam caturaṅgapaccayaṃ nāma amaccaṃ pakkosāpetvā tvaṃ gantvā theram pakkosāhīti pesesi. Caturaṅgapaccayo ca chekatāya ekam suvaṇṇamayam buddhappaṭibimbaṃ nāvāya ṭhapetvā mahāsamuddatitthaṃ agamāsi. Atha theram sampāpuṇitvā idāni idha bhagavā sammāsambuddho agamāsi, sīlabuddhitthero bhagavato sammāsambuddhassa dassanatthāya āgacchatūti dūtaṃ pesesi. Theropi bhagavato sammāsambuddhassa dassanatthāya āgacchatūti vacanaṃ paṭikkhipituṃ buddhagāravavasena avisatāya āgacchīti.

Porāṇikānaṃva therānaṃ, buddhe sagāraṃ idha;
Paṇḍito gāraṃ buddhe, kare pasannacetāsati.

Nāvaṃ abhirūhitvā thero bhagavato sammāsambuddhassa vandanāmānapūjāsakkārādīni akāsi. Therassa evaṃ vandanāmānapūjāsakkārādīni karontasseva vegena nāvaṃ ānetvā gacchi. Atha caturāṅgapaccayo evamāha,— idāni bhante tumhākaṃ ācariyassa sammāsambuddhassa sāsanaṃ paggaṇhituṃ yuttoti. Rājā ca amaccehi parivārito paccuggacchi. Nāvāya therassa hatthe gahetvā rājagehaṃ ānesi. Dvāraṃ pattakāle yakkho pathaviyaṃ nisīditvā theram vandi.

Rājā rājagehaṃ patvā theram nānābhojanehi bhojesi. Evañca avoca,—ajjatagge bhante tvamasi mamācariyo, bhagavatova ovādaṃ sirasā paṭiggahetvā anuvattissāmāti attano pañcaputtepi therassa adāsi. Te ca pañcakumārā therena saddhiṃ anuvattiṃsu. Thero te pakkosetvā vihāraṃ agamāsi. Antarāmagge kappiyapathaviyaṃ pañca parimaṇḍalākārāni likhitvā tesam rājakumārānaṃ dassetvā nivattāpesi. Rājakumārā paṭinivattitvā taṃ kāraṇaṃ rañño ārocesuṃ. Rājā ca tumhākaṃ puññaṃ kārapanathāya dassētīti vatvā tulāvasena tehi rājakumārehi suvaṇṇaṃ samaṃ katvā tena suvaṇṇena mūlaṃ katvā bhagavato dharamānakāle passenadikosalaraññā kārapitaṃ candanappaṭibimbaṃviya visuṃ visuṃ paṭibimbaṃ kārapesi.

Tesam nidhānaṭṭhānabhūtāni pañca cetiyānipi sakko kamma vidhāyako hutvā paṭiṭṭhāpesi. Ettha ca pubbe raññā pasīditvā therassa rājakumārā dinnā, mūlaṃ ratanattayassa datvā puna rājakumāre bhūjisse kāretukāmatāya thero evaṃ saññaṃ adāsīti daṭṭhabbaṃ.

So ca sīlabuddhitthero arahantaṅgaṇavamsoti daṭṭhabbo.

Arimaddananagareyeva narapati rañño kāle kassapo nāma thero desacārikaṃ caramāno polloṅkanāmaṃ desam, tadavasari. Atha dve mahallakapolloṅkā manussā there atippasannatāya dve putte upaṭṭhakatthāya niyyādesuṃ.

Polloṅkamanussānaṃ atippasannataṃ paṭicca theropi polloṅkattheroti vohāriyati. Yadā ca pana so thero sīhaḷadīpaṃ gantukāmo ahoṣi, tadā sakko devānamindo byaggharūpaṃ māpetvā piṭṭhiyā yāva mahāsamuddatīraṃ ānesi. Mahāsamuddatīraṃ pana patvā nāvaṃ abhirūhitvā vāṇijehi saddhiṃ tari.

Mahāsamuddamajjhe pana patvā sā nāvā na gacchi, niccalāva aṭṭhāsi. Atha vāṇijā mantesuṃ,— ambhākaṃ nāvāya alakkhī pāpajano atthi maññeti. Evaṃ pana mantetvā salākādānaṃ akaṃsu. Yāva tatiyampi therasseva hatthe salākā pubbe katakammavipākavasena nipati. Idaṃ pana therassa pubbe katakammaṃ,—thero hi tato attabhāvato sattame bhava ekasmiṃ gāme kuladārako hutvā kīlanatthāya ekaṃ sunakhaṃ nadiyaṃ otāretvā udake kīlamāpesi. Evaṃ kīlamantaṃ sunakhaṃ sayameva urena uggahetvā tīraṃ ānesīti evaṃ pubbe katakammavipākavasena therasseva hatthe salākā nipati.

Tadā vāṇijā udakapiṭṭhe khipiṃsu. Atha sakko devānamindo kumbhīlarūpaṃ māpetvā piṭṭhiyaṃ āropetvā ānesi. Thero yakkhadīpaṃ patvā andhacakkhukānaṃ yakkhānaṃ mettānubhāvena cakkhuṃ labhāpesi. Yakkhā ca therassa guṇaṃ ṇatvā dve yakkhabhātike adamsu. Thero ca sīhaḷadīpaṃ gantvā mahācetiyaṃ rūpaṃ lohapāsādarūpaṃ sarīradhātuṃ mahābodhibijāni ca ānetvā paccāgamāsīti.

Sumedhatthero ca halaṅkassa nāma nagarassa dakkhiṇadisābhāge mhattipāme puratthimāya anudisāya dinnanāmike vihāre vasi. Ṭhānassa pana nāmasena therassopi dinnavihāro tveva nāmaṃ ahoṣi. Sopi thero paṃsukūlika lajjīpesalo sikkhākāmo jhānalābhī arahāyeva. So hi devasikaṃ devasikaṃ aṭṭhanavayojanappamāṇe pādacetiyaṃ gantvā vandī. Cetiyaṅgaṇavattañca akāsi. Tato āgantvā mhattigāme piṇḍāya cari. Idaṃ therassa nibaddhavattaṃ.

Aparānipi vatthūni bahūni santi, sabbāni pana tāni vitthāretvā vattabbānipi ganthapāravabhayena na vakkhāma. Sabbānipi hi vuccamānāni ayaṃ sāsanaṃsappadīpikā atippapañcā bhavissati.

Sammāsambuddhassa hi parinibbānato yāvajjatanā therānaṃ paramparavasena saṅghaṭṭetvā ānayanamevettha adhippetam. Yathāvuttāni pana vatthūni adhunā abhiññālābhīnaṃ puggalānaṃ akhettabhāvena pasaṅgañāṇappaṭibāhaṇatthaṃ arimaddananagare ca bahūnaṃ abhiññālābhīnaṃ

puggalānaṃ nivāsaṭṭhānatā dassanatthaṃ vuttāni. Vuttañcetamaṃ bhikkhunikhandhakaṭṭhakathāyaṃ,—

Paṭisambhidāpattehi vassasahassaṃ sukkhavipassakehi vassasahassaṃ anāgāmīhi vassasahassaṃ sakadāgāmīhi vassasahassaṃ sotāpannehi vassasahassanti evaṃ pañcavassasahassāni paṭivedhadhammo ṭhassatīti.

Dīghanikāyaṭṭhakathāyaṃ pana saṃyuttanikāyaṭṭhakathāyañca paṭisambhidāpattehi vassasahassaṃ chaḷābhiññehi vassasahassaṃ tevijjehi vassasahassaṃ sukkhavipassakehi vassasahassaṃ pātimokkkena vassasahassanti vuttaṃ.

Aṅguttaranikāyaṭṭhakathāyaṃ pana vibhaṅgakathāyañca buddhānaṃ parinibbānato vassasahassameva paṭisambhidā nibbattetuṃ sakkonti, tato paraṃ cha abhiññā, tatopi asakkontā tisso vijjā nibbattimsu. Gacchante kāle tāpi nibbattetuṃ asakkontā sukkhavipassakā honti. Eteneva nayena anāgāmino sakadāgāmino sotāpannāti vuttaṃ.

Evaṃ nānāyehi aṭṭhakathāyapi āgatattā adhunā loke ariyapuggalā bhavituṃ na sakkāti na vattabbaṃ. Ariyānameva khettassa adhunāpi sambhavato, sace āraddhavipassako bhavēyya so arahā bhavituṃ sakkāyevāti niṭṭhametthāvagantabbaṃ. Aṭṭhakathāsu pana nānābhāṇakattherānaṃ nānāvādavasena vuttanti daṭṭhabbaṃ. Ettakeneva pana nānākārena vādo bhinnopi sāsanaṃ bhijjatiyeva. Sāsanaṃ abhinnaṃyeva hi ettha pamāṇanti.

Evaṃ marammaṇḍale arimaddananagare anekehi arahantasatehi sāsanaṃ vijjotati. Bhagavato pana parinibbānato tiṃsādhikānaṃ navavassasatānaṃ upari parammaratṭhe seṇilaññikrodhināmena raññā samakālavasena sīhaḷadīpe rajjaṃ pattassa mahānāmarañño kāle buddhaghosabuddhadattattherehi pabhuti tetemahātherā teteganthe akaṃsu.

Tato pacchā satisamādhipaññāmandavasena sukhāvabodhanatthaṃ ṭīkāyo akaṃsu. Arimaddananagare jinacakkesattanavutādhihike chasate sahasse ca sampatte tiṇṇaṃ piṭakānaṃ mūlabhūtesu saddanayesu sotārānaṃ chekatthāya mahāsamuddeviya ānando nāma mahāmaccho tīsu piṭakesu sātṭhakathesu viloletvā aggavaṃso nāma thero saddanītipakaraṇaṃ akāsi. Arimaddananagare hi uttarājīvatttherādīnaṃ sīhaḷadīpaṃ gamanato pubbēyeva tayo mahātherā pariyattivīsārādā, mahāaggapaṇḍito, tassa saddhivihāriko dutiyaaggapaṇḍito, tassa bhāgineyyo tatiyaaggapaṇḍitoti. Tatiyaaggapaṇḍito pana aggavaṃsotipi vohāriyati.

Tasmiñca kāle arimaddananagaravāsino saddakovidā bahavo santīti yāva laṅkādīpā kittighoso patthari. Tasmā sīhaḷadīpikā saddakovidā vīmaṃsetukāmā hutvā arimaddananagaraṃ āgamaṃsu. Tadā arimaddananagaravāsino bhikkhū saddanītipakaraṇaṃ dassesu.

Sīhaḷadīpikā ca taṃ disvā upadhārentā saddavisaye ayaṃ ganthoviya sīhaḷadīpe gantho itthi, imasmim pakaraṇe āgatavinicchayampi sakalaṃ na jānimhāti nānāppakārehi thomesunti yāvajjabhanā kathāmaggo na upacchinnoti.

Arimaddananagare sīhaḷadīpaṃ gantvā paccāgato chappado nāma saddhammajotipālatthero saddanaye chekatāya suttaniddesaṃ akāsi. Paramatthadhamme ca chekatāya saṅkhepavaṇṇanaṃ nāmacārādīpakañca. Vinaye chekatāya vinayagūḷatthadīpaniṃ sīmālaṅkārañca akāsi. Attanā kathānaṃ ganthānaṃ nigame saddhamma jotipāloti mūlanāmena vuttaṃ. Kusimanagare pana chappada gāme jātattā ṭhānassa nāmena chappadoti pākāto.

Kukhananagare pana chappadoti vohāritopi eko thero atthi. So alajjī dussīlo. Ekacce pana nāmasāmaññalesamattena pattalaṅkaṃ silavantaṃ pesalaṃ sikkhākāmaṃ chappadatttheraṃ alajjidussīlabhāvena upavadanti, yathā nāma sāmaññalesamattena mallaputtaṃ āyasmantaṃ dabbamaṃ asamācārenāti.

Arimaddananagarayeva aloṅgacaññisūnāmakassa rañño kāle mahāvimalabuddhitthero

cūlavimalabuddhittheroti dve therā pariyattivīsārādā ahesuṃ. Tesu mahāvimalabuddhitthero kaccāyanassa saṃvaṇṇanaṃ nyāsaganthamakāsi.

Keci pana sīhaḷadīpavāsī vimalabuddhitthero tamakāsīti vadanti. Cūlavimalabuddhitthero pana vuttodayassa porāṇaṭīkamakāsi. Chandosāratthavikāsiniṃ saddhammañāṇatthero akāsi. Vacanatthajotiṃ pana vepullatthero akāsi. Nyāsaganthassaporāṇaṭīkaṃ narapatirañño kāle eko amacco akāsi.

So hi rañño ekaṃ orodhaṃ paṭicca jātaṃ ekaṃ dhītaraṃ disvā vānaroviya lepe laggito tissaṃ paṭibandhacitto hutvā laggi. Tamatthaṃ jānitvā rājā evamāha,— sace etaṃ iccheyyāsi, ekaṃ ganthaṃ paripuṇṇavinicchayaṃ gūḷatthaṃ karohi, sace tvaṃ tādisaṃ ganthaṃ kātuṃ sakkuṇeyyāsi, etaṃ labhissasīti. Atha so nyāsassa saṃvaṇṇanaṃ porāṇaṭīkaṃ akāsi.

Tato pacchā hīnāyāvattitvā dhītaraṃ datvā rajjuggāhāmaccaṭṭhāne ṭhapesi, yaṃ marammavohārena saṃpyaṅgaiti vuccati. Tena pana katattā soṇi gantho taṃ nāmena vuccati. Kārikaṃ tassā ca saṃvaṇṇanaṃ chattaḡuhindassa nāma rañño kāledhammasenāpatitthero akāsi. Tena kira kārapite nandaguhāya samīpe nandavihāre nisīditvā akāsi.

Tasmiṅcakāle ganthamādanapabbate nandamūlaguhato arahantā āgantvā tasmiṃ vihāre vassaṃ upagacchimsu. Tesaṃ sammukhe katattā te ca ganthā paṇḍitehi sārato paccetabbāti ācariyā vadanti.

Vāccavācakaṃ pana dhammadassī nāma sāmaṇero akāsi.

Saddatthabhedacintaṃ pana arimaddananagarasamīpe ṭhitassa khaṇittipādapabbatassa samīpe ekasmiṃ gāme vasanto saddhammasiri nāma thero akāsi. Soyeva thero brahajaṃ nāma vedasatthampi marammabhāsāya parivattesi.

Ekakkharakosaṃ pana saddhammakittitthero akāsi. So hi kaliyuge sattāsītādhike aṭṭhasate sampatte micchā diṭṭhikānaṃ jalumasaññitānaṃ kulānaṃ bhayena sakalepi tambadīparaṭṭhe sāsano bhāso milāyati. Bahūnipi potthakāni aggibhayena nassesuṃ.

Tadā taṃ pavattiṃ passitvā sace pariyattidhammovinasseyya, paṭipattidhammopi nassissati, paṭipattidhamme nassante kuto paṭivedhadhammo bhavissatīti saṃvegaṃ apajjitvā imaṃ ganthaṃ akāsīti taṭṭikāyaṃ vuttaṃ.

Mukhamattasāraṃ sāgaratthero akāsi.

Kaliyuge ekāsītādhike pañcasate sampatte ekaṃ daharaputtaṃ kālaṅkataṃ paṭicca saṃvegaṃ āpajjitvā paccekabuddhattaṃ patthayantassa jeyyasiṅkhanāmakassa rañño putto kyacvānāmakako rājā rajjaṃ kāresi. Dhammarājātipi nāmalañchaṃ paṭiggaṇhi. Tīsu pana piṭakesu yathābhūtaṃ vijānakatāya marammavohārena kyacvāti vohāriyati.

So ca kira rājā pāḷiaṭṭhakathāṭīkāganthantaresu aticheckatāya piṭakattaye sākacchamattampi kātuṃ samattho nāma natthīti uggahitapiṭako hutvā bhikkhusaṅghampi divase sattahi vārehi ganthaṃ vāceti.

Khaṇittipādapabbatassa samīpepi ekaṃ taḷākaṃ kārapetvā tattha rājāgāraṃ kārapetvā tattha nisīditvā ganthaṃ vāceti. Sabbāni pana rājūnaṃ kiccāni puttasseva uparājassa niyyādesi. Ganthaṃ uggaṇhantānaṃ orodhānamatthāya saṅkhepato saddabinduṃ nāma pakaraṇaṃ paramatthabinduṅca nāma pakaraṇaṃ akāsi. Tassa hi cittaṃ pariyattiyamyeva ramati. Aññaṃ pana rājakiccaṃ suṇitumpi na icchi. Anuruddharājā anāgate ahaṃ rājā bhavyeyāmi, tadāyeva imāni tāḷibījāni uṭṭhahantūti adhiṭṭhahitvā ropesi. Tāni tassa rañño kāle uṭṭhahimsu. Teneva anuruddharājāyevāyanti raṭṭhavāsino sañjāniṃsu. Sammutirājā hi anuruddharājā kyacvārājāti ime tayo ekasantānāti vadanti.

So rājā ekampi cetiyaṃ akāsi, na taṃ niṭṭhaṃ agamāsi, pariyattiyaṃyeva paricārakattāti rājāvaṃse āgataṃ. Lokasammutivasena kakkhaḷadine iṭṭhakāni kārāpetvā tasmīṃyeva dine bhūmisamaṃ katvā tasmīṃyeva dine aññaṃpi sabbaṃ kārāpesi. Tena marammavohārena prasadā cetiyanti yāvajjabhanā pākaṭaṃ.

Tassa rañño ekā dhibhā vibhatyatthaṃ nāma ganthaṃ akāsīti.

Pubbe kira arimaddananagare uggahadhāraṇādivasena sāsanaṃ ativiya virūḷamāpajji. Arimaddananagareyeva hi eko vuḍḍhapabbajito bhikkhu ganthaṃ likhitaṃ silālekhanadaṇḍena icchanta rājagehaṃ pāvīsi. Rājā kena āgatosīti pucchi. Ganthaṃ likhitaṃ silālekhanadaṇḍena icchanta āgato mhīti. Evaṃ mahallako tvaṃ ganthaṃ mahussāhena pariyāpuṇantopi ganthesu chekassa okāsaṃ na passāmi, sace himusalo aṅkuraṃ uṭṭhāpetvā rūheyya, evaṃ sati tvaṃ ganthesu chekataṃ āpajjeyyāsīti āha.

Tato pacchā vihāraṃ gantvā devasikaṃ devasikaṃ ekadantakaṭṭhappamāṇattaṃ lekhanam uggahetvā kaccāyanaabhidhammetthasaṅghapapakaraṇaṃ ādim katvā ācariyassa santike uggaṇhi. So acireneva ganthesu chekataṃ patvā musale jamburukkhaṅkuraṃ bandhitvā ussāpetvā rājagehaṃ pāvīsi.

Atha taṃ rājā pucchi,-kenaāgatosīti. Ayaṃ mahāraja musalo aṅkuraṃ uṭṭhāpetvā rūhatīti ācikkhitaṃ āgatomhīti vutte rājā etassa ganthesu chekataṃ pattomhīti vuttaṃ hotīti jānāsi. Taṃ saccaṃ vā alikaṃ vāti vīmaṃsanatthāya mahātherānaṃ santikaṃ pahīni. Mahātherāpi gūḷaṭṭhānaṃ pucchīṃsu. Sopi pucchitaṃ pucchitaṃ byākāsi.

Aatha so bhikkhu mahāthere evamāha,-tumhe bhante maṃ bahū pucchatha, ahampi tumhe pucchitaṃ icchāmi, okāsaṃ dethāti yācitvā aññasamānacetāsikanti ettha aññasaddassa avadhyāpekkhattā avadhipadaṃ uddharitvā dassethāti pucchi. Mahātherāpi pubbe amanasikatattā sīghaṃ vissajjitaṃ na sakkhīṃsu. Rājā tamatthaṃ sutvā tuṭṭhacitto hutvā disā pāmokkhanamena ācariyaṭṭhāne ṭhapesi. So pana bhikkhu aganthakārakopi ganthakārakoviya pacchimānaṃ janatānaṃ dinnopadesavasena upakāraṃ katvā sāsane uppajjīti. Honti cettha,-

Ahaṃ mahallako homi, duppañño pariyattikaṃ;
Uggaṃ mahussāhena, na sakkhissāmi jānitaṃ.

Evañca nātimaññeyya,
Nāpissukkatamāpajje;
Saddhamme chekakāmova,
Ussāhaṃva kare poso.

Vuḍḍhapabbajito bhikkhu,
Mahallakopi duppañño;
Āpajji chekataṃ dhamme,
Tamapekkhantu sotāroti.

Pubbe kira arimaddananagare mātuḡāmāpi ganthaṃ uggaṇhiṃsu. Yebhuyyena uggahadhāraṇādivasena pariyattisāsanaṃ paggaheṣuṃ. Mātuḡāmā hi aññaṃmaññaṃ passantā tumhe kittakaṃ ganthaṃ uggaṇhatha, kittakaṃ ganthaṃ vācuggataṃ karoṭhāti pucchi sunti.

Eko kira mātuḡāmo ekaṃ mātuḡā,maṃ pucchi,-tvaṃ idāni kittakaṃ ganthaṃ vācuggataṃ karosīti. Ahaṃ pana idāni daharaputtehi balibodhattā byākulaṃ patvā bahuṃ ganthaṃ vācuggataṃ kātuṃ nasakkā,samantamahāpaṭṭhāne pana kusalattikamattaṃva vācuggataṃ karomīti āhāti.

Idampi arimaddananagaravāsīnaṃ mātuḡāmānampi pariyattuggahaṇe ekaṃ vatthu,-

Ekam kira bhikkhum piṇḍāya carantaṃ ekā dvādasavassikā daharittī pucchi,-kinnāmosi tvaṃ bhanteti. Khemānāmāhanti. Kathañhi bhante pumāva samāno itthilingena nāmaṃ akāsīti āha. Atha antogehe nisinnā mātā sutvā dhītaraṃ āha,-tvaṃ rājādigaṇassa lakkhaṇaṃ na jānāsīti. Āma jānāmi, ayaṃ pana khemasaddo na rājādigaṇapakkaṃ bhajātīti. Atha mātā evamāha,-ayaṃ pana khemasaddo ekadeseneva rājādigaṇapakkaṃ bhajātīti.

Ayaṃ panettha dhītu adhippāyo,-na rājādisaddo kadāci rājoti paccattavacanavasena okāranto dissati vinā devarājotiādisamāsavisayaṃ, khemasaddo pana katthaci khemoti ca khemanti ca līngantaravasena rūpantaraṃ dissati, teneva khemasaddo na rājādigaṇoti veditabboti.

Ayaṃ pana mātu adhippāyo,-khemasaddo abhidheyyalingattā tilingako,yadā pana saññāsaddādhikāre paccattavacanavasena khemāti ākāranto dissati, tadā ekadesena khemasaddo rājādigaṇapakkaṃ bhajātīti.

Idampi ekam vatthu,-

Arimaddananagare kira ekassa kuṭumbikassa eko putto dve dhītaro ahesuṃ. Ekasmiṃca kāle ghammābhībūtattā gehassa uparitale nahāyitvā nisīdi. Atha ekā dāsī gehassa heṭṭhā thatvā kiñci kammaṃ karontī tassa kuṭumbikassa guyhaṭṭhānaṃ olokesi. Tamatthaṃ jānitvā kuṭumbiko sākhaṃ olokesīti ekam vākyam bandhitvā puttassa dassesi,imassa atthayojanaṃ karohīti. Atha putto atthayojanaṃ akāsi,-sākhaṃ rukkasākhaṃ olekesi udikkhatīti. Atha pacchā ekāya dhītuyā dassesi, imassa atthayojanaṃ karohīti. Sāpi atthayojanaṃ akāsi,- sā sunakho khaṃ ākāsaṃ olokesi udikkhatīti. Atha pacchā ekāya dhītuyā dassesi, imassa attha yojanaṃ karohīti. Sāpi atthayojanaṃ akāsi,-sā itthī khaṃ aṅgajātaṃ olokesi mukhaṃ uddhaṃ katvā olokesīti.

Idampi ekam vatthu,-

Eko kira sāmaṇero ratanapūravāsī arimaddananagare mātugāmāpi saddanayesu atikovidāti sutvā ahaṃ tattha gantvā jānissāmīti arimaddananagaraṃ gato. Atha antarāmagge arimaddananagaraṃ samīpe ekam daharittim kappāsavattum rakkhitvā nisinnaṃ passi. Atha sāmaṇero tassā santikaṃ maggapucchanaṭṭhāya gacchi. Atha daharittī sāmaṇeraṃ pucchi,-kuto āgatosīti.

Sāmaṇero āha,-ratanapūrato ahaṃ āgacchatīti. Kuhiṃ gatosīti vutte arimaddananagaraṃ gacchatīti āha. Atha daharittī evamāha,-tvaṃ bhante saddayogavinicchayaṃ anupadhāretvā kathesi, amhayogaṭṭhāne hi tvaṃ nāma yogasaddena yojetvā kathesi, nanu paṇḍitānaṃ vacanena nāma paripuṇṇatthena aviruddhasaddanayena puṇṇindusaṅkāsenā bhavitabbanti. Atha sāmaṇero khattavatthūni rakkhanti duggatā daharittīpi tāva saddanayakovidā hoti, kimaṅgaṃ pana bhogasampannā mahallakittiyoti lajjitvā tatoyeva paṇinivattitvā paccāgamāsīti.

Idaṃ marammaṇḍale tambadīparaṭṭhe arimaddananagare theraparamparavasena sāsanassa patiṭṭhānaṃ.

Idāni marammaṇḍaleyeva jeyyavaḍḍhanaraṭṭhe ketumatīnagare sāsanavaṃsaṃ vakkhāmi.

Kaliyuge hi dvisattatādhike aṭṭhavassasate sampatte jeyyavaḍḍhanaraṭṭhe ketumatīnagare mahāsiriṇṇe nāma rājā rajjaṃ kāresi. Ekam aticheckam devanāga nāmakaṃ ekam hatthim nissāya vijitaṃ vitthāramakāsi. Tassa pana rañño kāle kaliyuge dvinavutādhike aṭṭhavassasate sampatte mahāparakkamo nāma thero sīhaḍḍipato nāvāya āgantvā ketumatīnagaraṃ sampatto. Rājā ca dvārā vaṭṭinagaraṃ dakkhiṇadisābhāge mahāvihāraṃ kārapetvā tassa adāsī niccabhattampi. Tasmīna vihāre sīmaṃ sammannitvā tissaṃ sīmāyaṃ tulāvasena attanā samaṃ katvā lohamayabuddhappaṭibimbaṃ kārapesi. Tañca buddhappaṭibimbim sampattalaṅkāḍḍipanti nāmena pākāṭaṃ ahoṣi.

Tassa rañño kāle surāmerayasikkhāpadaṃ paṭicca vipādo ahoṣi. Kathaṃ. Bījato paṭṭhāyāti sambhāre paṭiyā detvā cāṭiyam pakkhattakālato paṭṭhāya tālanālikerādīnaṃ puppharaso pupphato

galitābhinavakālato paṭṭhāya ca na pātabboti kaṅkhāvitaranīṭikādīsu vuttavacane adhippāyaṃ vipallāsato gahetvā tālanālikerādīnaṃ raso galitābhinavato paṭṭhāya pivituṃ na vaṭṭatīti ekacce vadanti. Ekacce pana evaṃ vadanti,—tālanālikerādīnaṃ raso galitābhinavakāle pivituṃ vaṭṭatīti.

Tattha pubbpakkhe ācariyānaṃ ayamadhippāyo,—

Bījato paṭṭhāyāti ettha sambhāre paṭiyādetvā cāṭiyaṃ pakkhittakālato paṭṭhāya na pātabbo. Tālanālikerādīnaṃ puppharaso ca galitābhinavakālatoyeva na pātabboti.

Ayaṃ pana aparapakkhe ācariyānamadhippāyo,—

Bījato paṭṭhāyāti ettha sambhāre paṭiyādetvā cāṭiyaṃ pakkhittakālato paṭṭhāya na pātabbo. Tālanālikerādīnaṃ sambhārehi paṭiyādito puppharaso pupphato galitābhinavakālato na pātabboti.

Evaṃ tālanālikerādīnaṃ raso galitābhinavakālato paṭṭhāya pātuṃ vaṭṭati na vaṭṭatīti vivādaṃ karontānaṃ majjhe nisīditvā sampattalaṅko mahāparakkamatthero tādiso pivituṃ vaṭṭatīti vinicchindī, surāvinicchayaṅca nāma ganthaṃ akāsi. Evaṃ ketumatīnagaraṃ māpentaṃ mahāsiriṇeyyasūraṃ nāma rājānaṃ nissāya ketumatīyaṃ sāsanaṃ paṭiṭṭhahi.

Idaṃ marammaṇḍaleya ketumatīnagare

Sāsanaṃ paṭiṭṭhānaṃ.

Idāni marammaṇḍale tambadīparaṭṭheya khandhapurasāsanaṃ vakkhāmi.

Kaliyuge hi catusaṭṭhādhiḥ chavassasate tayo bhātikā kittitaranāmakāṃ rājānaṃ rajjato cāvetvā khandhapuranagare rajjaṃ kāresuṃ. Tadā kittitaranāmakassa rañño eko putto cīnaraṭṭhindaṃ rājānaṃ yācitvā bahūhi senaṅgehi khandhapuranagaraṃ samparivāretvā aṭṭhāsi. Atha tīsu piṭakesu chekaṃ ekaṃ mahātheraṃ pakkosetvā mantesuṃ. Thero evamāha,— janapadāyattamidaṃ kammaṃ samaṇānaṃ na kappati vicāretuṃ, ahampi samaṇo, nātakehi pana saddhiṃ mantethāti. Atha nātake pakkosetvā mantesuṃ. Nātakāpi sace kāraṇaṃ natthi, evaṃ sati phalaṃ na bhavēyya, sace pūti natthi, makkhikā na sannipateyyunti gītaṃ gāyitvā udake kīlanti.

Atha teca tayo bhātikā taṃ sutvā kittitaranāmakāṃ rājānaṃ bandhanāgārato gahetvā māretvā idāni yaṃ rajje ṭhapayissāmāti cintetvā tumhe gacchatha, ayaṃ tassa sīso, idāni esa paralokaṃ gatoti sīsaṃ dassesuṃ. Atha cīnaraṭṭhasenāyopi idāni rājavaṃsiko natthi, te nahi yujjhituṃ na icchāma, yaṃ rajje ṭhapayissāmāti katvā mayaṃ āgatā, idāni so natthīti vatvā nivattetvā agamaṃsu.

So ca thero nātakehi saddhiṃ mantethāti ettakameva vuttattā bhikkhubhāvato na mocetīti daṭṭhabbaṃ. Vuttañcetam,—

Pariyāyoca āṇatti, tatiye dutiye pana;
Āṇattiyeva sesesu, dvayametaṃ na labbhatīti.

Tasmīṃ pana khandhapure arimaddananagare arahantagaṇavaṃsikā chappadagaṇavaṃsikā ānanda gaṇavaṃsikā ca therā bahavo vasanti. Tehi pana katagantho nāma koci natthīti.

Idaṃ khandhapure sāsanaṃ paṭiṭṭhānaṃ.

Idāni marammaṇḍale tambadīpareṭṭheya vijayapure sāsanaṃ vakkhāmi.

Kaliyuge hi catusattatādhiḥ chavassasate sīhasūro nāma rājā vijayapuraṃ māpesi. Tato pacchā dvīsu saṃvacchaesu atikkantesu camuṇṇadiyaṃ matasetibhaṃ ekaṃ labhitvā ekasetibhinnoti tassa nāmaṃ pākaṭaṃ ahosi. Tassa rañño kāle vijayapure sīlavantā lajjīpesalā bhikkhū bahavo natthi.

Arimaddananagarato anuruddharājakāle rājabhayena nilīyitvā avasesā samaṇakuttakāyeva bahavo atthi. Pacchā cūlaarahantattheradibbacakkhutterānaṃ āgatakāleyeva lajjīpesalā bhikkhū balavantā hutvā gaṇaṃ vaḍḍhāpesuṃ. Rājā ca dibbacakkhutteraṃ antepuraṃ pavesetvā devasikaṃ piṇḍapātena bhojesi. Anuruddharaññā tambulamañjūsāyaṃ ṭhapetvā pūjitā satta dhātuyo labhitvā tāsāṃ pañcadhātuyo caññīnkhucetiye nidhānaṃ akāsi. Avasesā pana dve dhātuyo puññassa nāma amaccassa pūjanatthāya niyyādesi. Soca amacco jeyyapure puññacetiye nidhānaṃ akāsi.

Tadā ca kira samaṇakuttakā gahaṭṭhāviya rājarājamahāmattānaṃ santike upaṭṭhānaṃ akaṃsu. Kaliyuge catuasītādhike chavassasate sampatte sīsasūrarañño jeṭṭha putto ujano nāma rājā rajjaṃ kāresi. So pana avapaṅkyā nāmake dese campakakaṭṭhamaye sattavihāre kārāpesi. Dvi vassādhike sattavassasate kāle te vihārā niṭṭhaṃ agamaṃsu.

Tesu vihāresu campakaṃ nāma padhānavihāraṃ amaccaputtassa sudhammamahāsāmittherassa adāsi. So pana thero arimaddananagare arahantattherassa vaṃsikoti daṭṭhabbo.

Veḷūvanaṃ nāma parivāravihāraṃ pana ābhidhammikassa ñāṇadhajassa nāma therassa adāsi. Sopi arahantattherassa vaṃsiko.

Jetavanaṃ nāma parivāravihāraṃ pana sakalavinayapiṭakaṃ vācuggataṃ karontassa guṇārāmattherassa adāsi. So pana thero arimaddananagareyeve ānandattherassa vaṃsiko.

Kulavihāraṃ nāma parivāravihāraṃ ādiccamaṃsino nāma therassa adāsi. Sopi ānandattherassa vaṃsikoyeva.

Suvaṇṇavihāraṃ nāma parivāravihāraṃ sudhammālankārassa nāma therassa adāsi. Sopi ānandattheravaṃsikoyeva.

Nīcagehaṃ nāma parivāravihāraṃ varapattassa nāma therassa adāsi. So pana sudhammamahāsāmittherassa antevāsiko.

Dakkhiṇakoṭiṃ nāma parivāravihāraṃ siripuññāvāsino nāma therassa adāsi. Sopi sudhammamahāsāmittherassa antevāsikoti.

Tesaṃ vihārānaṃ esanaṭṭhāne rājā sayameva hatthena gahetvā mahābodhirukkhaṃ ropesi. Tesaṃ vihārānaṃ paṭi jagganattāya bahūni khettavatthūni adāsi āramagopaka kulāni ca.

Tesaṃ pana therānaṃ sudhammapurārimaddanapurabhikkhuvāṃsikattālaṃsalatā viññātabbā. Teneva vijayapure sāsanaṃ ativiya parisuddhaṃ ahoṣīti daṭṭhabbaṃ.

Tesaṃpi sissaparamparā anekasahassappamāṇā ahesuṃ. Evaṃ lajjīpesalānaṃyo bhikkhūnaṃ santikā keci saddhivihārikā kīṭāgirimhi assajipunabbasukāviya alajjī dussilā uppajjimsu, seyyathāpi nāma madhurambarukkhatō ambilaphalanti. Te pana bahuanācāraṃ carimsuyeva. Idaṃ pana tesaṃ mūlauppatti dassanaṃ.

Rājā hi tadā tesaṃ vihārānaṃ paṭijagganattāya bahūni khettavatthūni adāsi. Tesu khettavatthūsu balivicāraṇattāya sudhammamahāsāmitthero ekacce bhikkhū ārakkhaṇaṭṭhāne ṭhapesi. Ārakkhaṇabhikkhū pana dhammānulomavasena kassakānaṃ ovādāpesi, khettavatthusāmibhāgampi paṭiggaṇhāpesi. Tasmañca kāle khettavatthūni paṭicca bhikkhū vivādaṃ akaṃsu. Atha taṃ vivādaṃ sutvā sāsanaḍḍharatthero ca dve parakkamattherā ca tato nikkhamimsu. Nikkhamitvā sāsanaḍḍharatthero khaṇṭi pādapabbate nisīdi. Dve parakkamattherā ca caṅgakiṅgapabbatakandare nisīdiṃsu. Tesañhi nivāsaṭṭhānattā yāvajjatanā taṃ ṭhānaṃ parakkamatthānanti pākātaṃ ahoṣi. Te pana therā ekacārāti vohāriṃsu. Avasesā pana bhikkhū gāmaṃvāsībahucārāti vohāriṃsu. Tato paṭṭhāya araññāvāsīgāmaṃvāsīvasena visuṃ gaṇā honti. Vihārassa ninnānaṃ khettavatthūnaṃ balippaṭṭigāhakabhikkhūnaṃpi saṅghajātisamaññā ahoṣi.

Kaliyuge catuvassādhike sattasate ujanassa rañño dharamānasseva kaniṭṭhabhātiko kyecvā nāma rājā kumāro rajjaṃ gaṇhi.

Ayaṃ pana tassa aṭṭhuppatti,– ujanō nāma rājā tvaṃ samuddamajjhaṃ nāma gāmaṃ gantvā tatha nisīditvā tatrappādabaliṃ bhuñjāhīti niyyādesi. So pana rājakumāro luddakammesuyeva abhirammaṇasīlo. Ekasmiṃ samaye pigavaṃ gantvā paccāgatakāle rattiyaṃ supinaṃ passi,– sakko devānamindo āgantvā uposathasīlaṃ samādiyāhi, evaṃ sati acireneva setibhe labhissasatīti vatvā tāvatimsabhavanaṃ puna gatoti.

Soca rājakumāro tato paṭṭhāya uposathasīlaṃ samādiyi. Pacchā kālepi attano hatthe guthena kilinnaṃ bhavatīti puna supinaṃ passi. So acireneva pañca setibhe labhi. Atha eko amacco gantvā rañño tamatthaṃ ārocesi. Rājā tuṭṭhacitto hutvā mama kira bhonto kaniṭṭhabhātiko pañca setibhe labhīti rājapurisānaṃ majjhe saṃvaṇṇesi. Amacco puna rājakumārassa santikaṃ gantvā tamatthaṃ ārocesi. Rājakumāropi mama bhātiko rājā akathitapubbaṃ vācāpeyyaṃ vadatīti ārādhayitvā puna gantvā tamatthaṃ rañño ārocāpesi. Rājāpi tatheva vadatīti. Taṃ sutvā rājakumāro bhiyyoso pasīdi.

Kasmā pana ujanō rājā kittitaraṃ nāma rājakumāraṃ kaniṭṭhavohārena na vadatīti. Ekasetibhindo hi rājā aparassa rañño devīṃ gabbhīṃ ānetvā aggamaheṣiṭṭhāne ṭhapesi, ṭhapetvā acireneva ujanaṃ vijāyi, teneva na ujanō ekasetibhindassa putto, kittitaro nāma rājakumāroyeva ekasetibhindassa putto, tasmā taṃ kāraṇaṃ paṭicca so taṃ kaniṭṭhavohārena na vadatīti.

Kaniṭṭho pañcasetibhe labhatīti sutvā rājā bhāyitvā kaniṭṭhassa rajjaṃ upaniyyādesi. Rājā rājagehassa pacchimaadvārena nikkhami. Kaniṭṭho purimadvārena pāvīsi. Pañcannaṃ pana setibhānaṃ laddhattā pañcasetibhindoti pākaṭo. Mūlanāmaṃ panassa sīhasūroti daṭṭhabbaṃ. Tassa rañño kāle bahū alajjino gāmasāmantā vihāre vasitvā anekavidhaṃ ānācāraṃ carimṃsu. Sudhammapuraarimaddanapurato paramparavasena āgatā bhikkhūpi bahū lajjino sikkhākāmā santi.

Atha tassa rañño bhattaṃ paribhuñjanakāle eko samaṇakuttako aṭṭha parikkhāre gahetvā āgantvā rañño sammukhe aṭṭhāsi. Kimatthāya āgatosīti pucchite piṇḍapātattāya āgatomhīti āha. Atha rājā sayāṃ bhuñjissāmīti ārabhitvāpi atippasannatāya pana suvaṇṇapātiyā paṭiyāditaṃ sakalampi bhattaṃ adāsi. Atha rājā evaṃ cintesi,– ayaṃ bhikkhu piṇḍapātattāya upamajjhanti kayeva āgantvā aṭṭhāsi, na so puthujjanabhikkhu, atha kho abhiññālābhī arahā bhavēyya, mama puññatthāya āgato bhavēyya maṃ anukampaṃ upādāyāti.

Evaṃ pana cintetvā ekaṃ rājapurisaṃ āṇāpesi tassa pacchā anugantvā oloketuṃ. So pana samaṇakuttako sayāṃ alajjibhūtattāva attano bhariyā paccuggantvā pattaṃ gaṇhi. Taṃ disvā rājapuriso rañño santikaṃ gantvā paṭhamameva evaṃ cintesi,– sace yathābhūtaṃ āroceyyaṃ, rañño pasādo vinasēyya, evaṃ pana anārocetvā yathā rañño passādo bhiyyosomattāya bhavēyya, mayhampi lābho uppajjēyya, samaṇakuttakopi rājaparādhato vimucceyya, evaṃ ārocessāmīti. Evaṃ pana cintetvā ahaṃ mahārāja taṃ anugantvā olokesi, atha mama evaṃ oloketassava antaradhāyīti ārocesi. Rājā bhiyyosomattāya pasīditvā hatthaṃ pasāretvā yathāhaṃ maññami, tathā avirajjhanamevatanti tikkhattuṃ vācaṃ nicchāresi, rājapurisassa ca dātabbaṃ adāsi.

Tasmīṃyeva divase eko amacco rañño paṇṇākāratthāya velāhakaṃ nāma ekaṃ turaṅgamaṃ adāsi. Atha rājā mama puññānubhāvena esa laddhoti sampahaṃsi. Taṃ pana turaṅgamaṃ ārohitvā ekaṃ hatthārohaṃ pājāpesi. Atha mahājanassa oloketassa hatthārohassa sīseveṭṭhanadussamēyya passitvā ākāse pakkhandho bakoviya paññāyati. So pana turaṅgamo pātova vijayapurato gacchanto pabbatabbhantaranagaraṃ sāyanhasamaye pāpuṇi. Abbha vijabbhanaassotipi nāmaṃ akāsi.

Icevaṃ samaṇakuttakā dārampi posesuṃ, pageva itaraṃ anācāraṃ. Teneva te samaṇakuttakā rañño mallaraṅgampi pavisitvā mallāṃ yujjhesuṃ. Tesu pana samaṇakuttakesu ovicaṅgākhuṃsaṅghajo nāma samaṇakuttako mallakamme ativiya cheko adhiko. So kira saṃvacchare saṃvacchare rañño mallaraṅge jayitvā pannarasa vā vīsati vā asse paṭilabhīti.

Ratanapūranagare mallakamme aticheko adhiko eko kambojakulo atthi. So ratanapūranagare

jeyyapuranagara ca attanā samathāmaṃ mallapurisaṃ asabhitvā vijaya puraṃ āgantvā campakavihārassa dvārasamīpe mallasabhāmaṇḍape pavisitvā mallakammaṃ kātuṃ icchāmīti rañño ārocesi. Atha rājā taṃ saṅghajaṃ āmantetvā evamāha,- idāni bho tvam iminā saddhiṃ mallayuddhaṃ kātuṃ sakkhissasīti. Āmamahārāja pubbe ahaṃ dahare hutvā kīlanatthāyayeva mallakammaṃ akāsiṃ, idāni pana ekūnasattativasso ahaṃ ito pacchā mallayuddhaṃ kātuṃ sakkhissāmi vā mā vāti na jānāmi, idāni parapakkaṃ mallapurisaṃ mallakammena māressāmīti vadati.

Atha rājūnaṃ mallakammaṃ nāma kīlanatthāyayeva bhavati, mā māretuṃ ussāhaṃ karohīti vatvā aññaṃaññaṃ mallayuddhaṃ kārāpesi. Saporisassa rañño olokentasseva te mallākārena naccitvā aññaṃaññaṃ samīpaṃ upagacchiṃsu. Atha saṅghajo mallo kambojamallassa pādena paharaṇākāraṃ dassetvā dakkhiṇahatthamuṭṭhinā kapāle pahāraṃ adāsi. Atha kambojamallassa mukhaṃ pacchato ahoṣi. Tadā saporiso rājā īdisā pana vimukhato maraṇameva seyyo idāni pana imaṃ passituṃ na visahāmīti vadati. Puna saṅghajo vāmahattha muṭṭhinā pahāraṃ adāsi. Atha kambojamallassa mukhaṃ parivaṭṭetvā yathā pubbe, tathā patiṭṭhāsi.

Tasmiṃca kāle saporiso khattiyō taṃ acchariyaṃ disvā dve asse tiṃsamattāni vattāni satakahāpaṇaṃca adāsīti. Idaṃca vacanaṃ porāṇapotthakesu āgatattā sādhujanānaṃca saṃvejaniyaṭṭhānattā vuttaṃ. Ṭhapetvā hi saṃvegalābhaṃ natthi aññaṃ kiñci payoṇanti.

Kaliyuge terasādhike sattavassasate vijayapureyeva tassa putto kittitaranāmako rājā rajjaṃ kāresi. Vitarā sadisanāmavaseneva sīhasūroti nāmaṃ paṭiggaṇhi. Pitu rañño kāle laddhesu pañcasu setihesu catunnaṃyeva avasesattā catusetibhindoti nāmaṃ pākātaṃ. Tene vāha abhidhānappadīpikāṭikāyaṃ catusetibhindoti. Tassa rañño kāle caturaṅgabalo nāma mahāamacco ganthakovido abhidhānappadīpikāsaṃ vaṇṇanaṃ akāsi. So pana sakalabyākaraṇavanāsaṅgañāñācārī ahoṣi.

Ekasmiṃca samaye rājā ekaṃ mahantaṃ vihāraṃ kārāpetvā asukaraññā ayaṃ vihāro kārāpito, imasmiṃ vihāre sīlavantāyeva nisīdantūti kolāhalaṃ uppādesi. Atha sācaññīnāmagāmaṃvāsī eko thero āgantvā nisīdi.

Ayaṃ pana tassa therassa aṭṭhuppatti,-

Sācaññīgāme kira eko gahapati attano puttaṃ sippuggahaṇatthāya vihāre ekassa bhikkhussa santike niyyādesi. Puttassa pana vihāraṃ agantukāmassa tajjanatthāya sakaṇṭakagacchassa upari khapati. So ca daharo nikkhamitvā geḥaṃ anāgatvā vihāreyeva nisīdi. Mātāpitūnaṃ santikaṃ anāgantvā thokaṃ thokaṃ dūraṃ gantvā sāmaṇera bhūmito upasampadabhūmiṃ patvā arimaddananagaraṃ gacchi. Atipaññavantatāya pana pattappattaṭṭhāne mahāthero saṅgaṇhiṃsu. Tenevesa sakalamarammaratthe pākāto ahoṣi. Atha mātāpitāro puttassa āgamaṃ apekhitvāyeva nisīdiṃsu. Tamatthaṃ pana sutvā esa amhākaṃ putto bhavissati vā no vāti vīmaṃsitukāmo pitā anugacchi. Arimaddananagare taṃ sampāpuṇitvā upaṭṭhapetvā nisīdi. Sopi bhikkhu yathāupaṭṭhāneneva santappetvā ganthaṃ uggaṇhi. Aparasmiṃ pana kāleso bhikkhu ajja sūpo appaloṇotiādinā punappunaṃ bhaṇati.

Atha pitā evamāha,- na pubbe piyaputtaka tayā īdisaṃ vacanaṃ kathitaṃ, idāni pana tvam abhiṇhaṃ īdisaṃ vacanaṃ chaṇasi, kāraṇamettha kinti pucchi. Pubbe ganthesu chekattaṃ appatvā ganthesu chekatthaṃ byāpannacittatāya na vuttaṃ, idāni pana mayā icchito attho matthakaṃ patto, tasmā kāyabalapariggahaṇatthāya mayā īdisaṃ vacanaṃ vuttanti vadati. Taṃ vacanaṃ sutvā pitā mātuyā santikaṃ gamanatthāya okāsaṃ yācitvā pitarā saddhiṃ sakatṭhānaṃ āgacchanto vijayapuraṃ cetiyavandanatthāya pāvīsi.

Tadā raññā vuttavacanaṃ sutvā tasmim vihāre aruhitvā nisīdi. Ārakkhapurisā ca taṃ bhikkhuṃ vihāre nisinnaṃ disvā tamatthaṃ rañño ārocesuṃ. Rājā ca caturaṅgabalaṃ amaccaṃ ānepesi,-gantvā tassa bhikkhussa ñāṇathāmaṃ upadhārehīti. Caturaṅgabalo ca gantvā taṃ bhikkhuṃ gūlagūlatṭhānaṃ pucchi. Sopi pucchitaṃ pucchitaṃ vissajjesi. Caturaṅgabalo ca tamatthaṃ rañño

ārocesi. Rājā tuṭṭhacitto hutvā taṃ vihāraṃ tassa bhikkhussa adāsi. Tassa pana bhikkhussa daharakāle sakaṇṭakagacche pituno khipanaṃ paṭicca kaṇḍakakhipattheroti samañña ahoṣi, mūlanāmaṃ panassa nāgitoti. Sotasmim vihare nisīditvā saddasāratthajalinim nāma ganthaṃ akāsi. Tassa kira therassa kāle tasmim nagare āradhā vipassanādhurā mahallakā bhikkhū saḥassamattā ahesuṃ. Āradhaganthadhurā pana daharabhikkhū gaṇanapathaṃ vītivattā.

Tassa pana pitarampi seṭṭhiṭṭhāne ṭhapesi. Teneva taṃ gāmaṃ seṭṭhigāmoti nāmena vohariṃsu.

Kaccāyanavaṇṇanaṃ pana vijayapureyeva abhayagiripabbate nisinno mahāvijitāpī nāma thero akāsi. Vācako padesampi soyeva akāsi. Saddavuttiṃ pana saddhammagurutthero akāsi.

Icevaṃ vijayapure anekehi ganthakārehi sāsanaṃ vipulaṃ ahoṣi.

Kaliyuge pana pañcāsītādhike chavassasate sampatte asaṅkhayācoyonnāmakō rājā jeyyapuranagaraṃ māpetvā tattha rajjaṃ kāresi. Tattha pana rājūnaṃ kāle therehi katagantho nāma natthi.

Kaliyuge chabbisādhike sattavassasate vesākhamāse jeyyapuranagaraṃ vinassi. Tasmimyeva saṃvacchare jeṭṭhamāse vijayapuraṃ vinassi. Tasmimyeva saṃvacchare phaggunamāse satvivarājā ratanapūraṃ nāma nagaraṃ māpetvā rajjaṃ kāresīti.

Idaṃ vijayapurajeyyapuresu sāsanaṃ patiṭṭhānaṃ.

Idāni marammaṇḍale tambanīparaṭṭheya ratanapūranagare sāsanaṃsaṃ vakkhāmi.

Kaliyuge hi aṭṭhāsītādhike sattavassasate narapatirañño dhitāya saddhim aloṅgacaññisūrañño putto ānandasūriyo nāma santhavaṃ katvā ekaṃ (siddhikaṃ nāma puttaṃ vijāyi. So vaye sampatte rajjasampattiṃ labhi. Tato pabhuti yāva mrenacodighā rañña arimaddananagare rajjaṃ akaṃsu). Tato pacchā sirisudhammarājādhipatīti laddhanāmo satvivarājā ratanapūranagare rajjaṃ kāresi. Tassa rañño kāle kaliyuge ekanavutādhike sattavassasate sampatte laṅkādhīpato sirisaddhammalāṅkāratthero sīhaḷamahāsāmittherocāti ime dve therā pañca sarīradhātuyo ānetvā nāvāya kusimatitthaṃ pāpuṇitvā rāmaññaraṭṭhe baññārani nāmena rañña nivāritā anisīdisvā tato soyeva rājā there yāva sirikhetanagarā paṇi. Tamatthaṃ ṇatvā ratanapūrinde rājā cattālīsāya nāvāhi yāva sirikhetanagaraṃ paccuggantvā ānesi. Ānetvā ca mahānavagāmaṃ pattakāle saha orodhehi amaccehi ca sayameva rājā paccuggacchi. Ratanapūraṃ ppana pattakāle mahāpathavī calī, paṇinādañca nadi. Tadā rājā sammāsambuddhassa tilokaggassa sāsanaṃ paggaṇhissāmīti cintetvā sarīradhātum ānetvā idha pattakāle ayaṃ mahāpathavī calati, paṇinādañca nadati, idaṃ amhākaṃ raṭṭhe jinasāsanaṃ cirakālaṃ patiṭṭhānabhāve pubbanimittanti sayameva nimittapaṭṭhaṃ akāsi.

Tāva tiṭṭhatu jīvamānassa sammāsambuddhassa ānubhāvo, ahovata sarīradhātuyāyeva anubhāvoti bahuraṭṭha vāsino pasidiṃsu. Honti cettha, –

Sarīradhātuyā tāva, mahantocchariyō hoti;
Kā kathā pana buddhassa, jīvamānassa seṭṭhassa.

Evam anussarivāna, uppādeyya pasādakaṃ;
Buddhagūṇesu bāhullaṃ, gāraṇaṃ kare janoti.

Kaliyuge dvenavutādhike sattavassasate tā pañca dhātuyo nidahitvā jeyyapuranagarato pacchimadisābhāge samabhūmibhāge cetiyam patiṭṭhāpesi. Tañca cetiyam ratanacetiyanti paññāpesi, hatthirūpabāhullatāya pana anakibhindoti pākāṭam hoti. Tīhi sirigabbhehi sattahi dvārehī ca alaṅkataṃ nāma mahāvihāraṃ kārapetvā dvinnam sīhaḷadīpikattherānaṃ adāsi. Tato pacchā tesu mahantatthero sakavihārasamīpe pabbatamuddhani attano sissepi appavesetvā lajjipesalabahussutasikkhākāmehi sabbehi tīhi therehi saddhim sīmaṃ sammannati. Icevaṃ

sīmasammutipariyattivācanādikammehi marammaraṭṭhe sāsanaṃ virūlaṃ katvā paṭiṭṭhāpesi.

Idaṃ marammamaṇḍale ratanapūranagare sīhaḷadīpīke

Dve there paṭicca paṭhamamaṃ sāsanaṃ paṭiṭṭhānaṃ.

Kaliyuge chabbīsādhike sattavassasate sampatte phaggunamāse satvavarājā ratanapūranagaraṃ māpesi. Tassa rañño kāle jeyyapuranagare ekā pūpikā itthi alajjino ekassa bhikkhussa santike dhanamaṃ upanidahi. Aparabhāgesā taṃ dhanamaṃ yāci. Atha so bhikkhu tava dhanamaṃ ahaṃ na paṭiggaṇhāmīti musā bhaṇati. Evaṃ vivādaṃ katvā taṃ kāraṇamaṃ rañño ārocesi. Rājā pakkosāpetvā sayameva taṃ bhikkhumaṃ pucchi,-tvaṃ bhante tassā itthiyā dhanamaṃ paṭiggaṇhāsi vā mā vāti. Ahaṃ mahārāja samaṇo alikaṃ bhaṇitumaṃ na vaṭṭati, na paṭiggaṇhāmīti vadati. Taṃ kāraṇamaṃ rājā ca punappunaṃ pucchitvā vīmaṃsanto bhikkhussa kerāṭikabhāvaṃ jānitvā taṃ samaṇo samāno bhagavato paññattaṃ sikkhāpadaṃ akkamitvā musā bhaṇatīti kujjhivā sayameva aparādhānurūpaṃ sīyamaṃ chinditvā rājagehato heṭṭhā khipi.

Taṃca kāraṇamaṃ sakalamarammaraṭṭhe pākaṭamaṃ. Alajjībhikkhūpi aññe pāpakammaṃ kātumaṃ na viśahiṃsu. Raññā bhāyitvāyeva sikkhāpadaṃ na akkamesumaṃ.

Kaliyuge tiṃsādhike sattavassasate sampatte maṅgakricvāconka nāma rājā rajjamaṃ kāresi. So pana rājā raṭṭhavāsīnaṃ sukhatthāya nimittaṃ gahetvā tālavaṇṭamaṃ gahetvā rājagehamaṃ paṭiggaṇhi. So ca rājā sakkarāje pañcacattālīsādhike sattavassasate sampatte caññīnkhumaṃ nāma cetiyamaṃ paṭiṭṭhāpesi. Yaṅgaranāmakassa silāpabbatassa samīpe porāṇikaṃ ekaṃ cetiyamaṃ nadīudakaṃ bhindi. Tadā sakaraṇḍakā pañca dhātuyo uduke nimmujjantiyo erāpatho nāma nāgo gahetvā pacchā caññīnkhumaṃ nāma cetiyamaṃ paṭiṭṭhāpessāmīti raññā āraddhakāleyeva dāṭhānāgassa nāma therassa saha karaṇḍakena pañca dhātuyo niyyādesi. So ca thero rañño adāsi. Rājā dve dhātuyo muṭṭhocetiye nidhānaṃ akāsi. Tisso pana caññīnkhumaṃ cetiyeti porāṇapotthakesu vuttaṃ.

So rājā kumārakāle sikkhāpakassa ācariyassa setacchattaṃ datvā saṅghanāyakaṭṭhānaṃ niyyādesi. Khemācāro nāma eko thero rattibhāge majjhantikakāle cetiyāṅgaṇe olambetvā ṭhapitaṃ bheriṃ anekavāraṃ pahari. Atha rājā rājagehatoyeva sutvā yathāṭhapitantiyāmasena vihāre koci bhikkhu kālaṃ kato bhaveyyāti maññitvā vihāraṃ gantvā pucchāhīti dūtaṃ pesesi. Dūto vihāraṃ gantvā kāraṇamaṃ pucchi. Bhikkhū ca evamaṃsaṃsu,- na amhesu kālaṅkatabhikkhu nāma atthi, atha kho sakko devānamindo idāni kālaṅkatoti bahūnaṃ manussānaṃ nāpanatthāya bheriṃ paharimhāti. Puna rājā bhikkhū pakkosāpetvā pucchi,-kasmā pana bhante tumhe sakkassa devānamindassa kālaṅkatabhāvaṃ jānāthāti. Atha bhikkhū evamaṃsaṃsu,-bhagalato parinibbānakāle sāsanaṃ rakkhissāmīti sakko devānamindo paṭiññaṃ katvāpi idāni sāsane vasantānaṃ amhākaṃ anupālanakammaṃ nāma kiñci na akāsi, sace pana sakko devānamindo jīvamāno bhaveyya, sammāsambuddhassa santike paṭiññaṃ daḷamaṃ katvā idāni apposukkaṃ na bhaveyya. Idāni pana sakkassa devānamindassa ārakkhaṇakammaṃ nāma kiñci na dissati, tasmā idāni sakko devānamindo kālaṅkatoti jānimhāti.

Rājā taṃ sutvā khemācārattherassa pasīditvā vihāraṃ kārapetvā adāsi. So ca thero sudhammapuravāsīnaṃ sīhaḷavaṃsikānaṃ mahātherānaṃ vaṃse bhavati lajjī pesalo hotīti.

Ratanapūranagareyeva adhikarañño kāle ratanapūranagaraṃ dakkhiṇadisābhāge mahāsetumaṃ kārapesi. Tassa pana ācariyo saṅgharājā lajjīpakkhamaṃ na bhajati. Teneva theraparamparāya esa na saṅghatabbo.

Tassa rañño kāle chasaṭṭhādhike sattavassasate kaliyuge rājādhirājā nāma rāmaññaraṭṭhindo bhūpāloti saḥassappamaṇḍāsu nāvāsu saṭṭhisatasahashehi yodhehi saddhiṃ nadīmaggena yujjhanatthāya ratanapūrābhimukhamaṃ āgato.

Atha adhikarājā bahavo amacceca bhikkhū ca sannipāṭāpetvā mantesi,-idāni rāmaññaraṭṭhino rājā yujjhanatthāya idha āgacchati, yuddhamaṃ akatvā kenupāyena taṃ paṭinivattāpetumaṃ sakkhissāmāti.

Atha sabbe kiñci akathetvā tuñhībhāveneva nisīdiṃsu.

Atha jātavassena ekattiṃsavassiko upasampadāvasena pana ekādasavassiko eko bhikkhu evamāha,-eko pana rāmaññaratthindo rājādhirājā tāva tiṭṭhatu, sace sakalepi jambudīpe sabbe rājāno āgaccheyyūṃ, evampi kathāsallāpeneva yuddhaṃ akatvā paṭinivattāpesuṃ sakkomīti.

Atha adhikarājā tuṭṭhacitto hutvā āha,- yathā bhante tvaṃ sakkosi rājādhirājāṃ yathāsallāpena paṭini vatthāpetuṃ, tathā karohīti.

Atha so bhikkhu mettāsandesapaṇṇaṃ pesetvā okāsaṃ yāci tassa rājādhirājassa santikaṃ pavisitukāmo. Rājādhirājā ca tassa bhikkhussa mettāsandesapaṇṇaṃ passitvā taṃ bhikkhuṃ sīṅghaṃ ānethāti dūtaṃ pesesi. Dūto ānetvā rañño dassesi. Atha so bhikkhu rājādhirājāṃ dhammadesanāya ovādaṃ datvā sakaṭṭhānaṃ paṭinivattāpesi. Ayañca bhikkhu arimaddananagare catūsu gaṇesu arahantagaṇavaṃso sikkhākāmo lajjī pesalo. Arimaddananagare cāgahe nāma dese pana jātattā cāgruhi bhikkhūti vohāriyati.

Kaliyuge aṭṭhāsītādhike sattavassasate sampatte miññaṅga dhammarājā ratanapūreya rajjaṃ sampatto. Tassa rañño kāle sīhaḷadīpato dve mahātherā ratanapūraṃ āgantvā sāsaṇaṃ anuggahetvā nisīdiṃsu.

Tadā kaliyuge aṭṭhasate sampuñṇe porāṇakaṃ kaliyugaṃ apānetvā abhinavaṃ ṭhapetuṃ okāso anuppatto. Atha cāgrihi thero ca rājavihāravāsithero ca evamāhaṃsu,- apānītabbakāle mahārāja sampatte anapanetuṃ na vaṭṭatīti.

Atha rājā puna evamāha,-apānītabbe sampatte anapanetvā ajjupekkhitvā vasantassa ko dosoti. Sace apānītabbe sampatte anapanetvā ajjupekkhitvā nisīdeyya, raṭṭhavāsīnaṃ dukkhaṃ bhavissatīti vedasatthesu āgataṃ, sakkarājaṃ apānetopi rājā tasmīṃyeva vasse divaṅgato bhavyeyyāti āhaṃsu.

Atha rājā sattānaṃ sukhaṃ labhīyamānataṃ jānantoyeva mādiso attano bhayaṃ apekkhitvā apānītabbaṃ anapanetvā nisīdituṃ na vaṭṭati, kammaṃ khīyitvāpi mama aḡuṇaṃ loke pattharivā patīṭṭhahissatīti manasikarivā sakkarāje aṭṭhavassasate sampuñṇe basyuchidramunisakhyaṃ apānetvā cammāvasesaṃ ṭhapesi. Atha mahāmaṇḍapaṃ kārapetvā mahāchaṇaṃ katvā mahādānampi adāsi.

Cāgrihithero rājavihāra vāsithero cāti arimaddana nagare arahantagaṇaṃsiko lajjī pesalo sikkhākāmo.

Īdisaṃ pana vacanaṃ sāsanappaṭiyattattā ca raṭṭhavāsikāyattattā ca dhammānulomavasena vuttaṃ.

Kaliyuge catuvassādhike aṭṭhasate mahānarapati rājā ratanapūranagare rajjaṃ kāresi. So ca rājā thūpārāmacetiyaṃ kārapesi. Tassa pana ācariyo mahāsāmitthero nāma. So pana thero sīhaḷadīpaṃ gantvā sīhaḷindassa rañño ācariyassa sārīputtattherassa santike sikkhaṃ gahetvā paccāgatatheravaṃsikoti daṭṭhabbo. Tassa rañño kāle ratanapūranagare mahāariyavaṃso nāma eko thero atthi. So pana pariyaṭṭivīsārado arimaddananagare chappadagaṇato āgatavaṃsiko.

Ekasmiṃ samaye jeyyapuranagaraṃ gantvā reṅga iti pākāṭassa mahātherassa santike saddanayaṃ uggaṇhitvā nisīdi. So pana kira mahāthero aññehi saddhiṃ yaṃvā taṃvā kathaṃ asallapitukāmatāya mukhe udakaṃ ṭhapetvā yebhuyyena nisīdati. Tenevesa marammavohārena reṅgu iti pākāṭo ahoṣi.

So kira ariyavaṃsatthero reṅguṃ therassa santikaṃ ganthaṃ vācāpetu okāsaṃ yācissāmīti upagacchantopi kathāsallāpaṃ akatvā dve ahāni vattaṃ paripūretvāyeva paccāgacchi. Tatiyadvase pana cammakhaṇḍaṃ ākoṭunattā saddaṃ sutvā mukhato udakaṃ uggiritvā kāraṇaṃ pucchi. Ganthaṃ

uggahaṇatthāya āgatabhāvaṃ ārocesi.

Atha thero evamāha,-ahaṃ āvuso divase divavase tikkhattuṃ ganthaṃ vācemi, majjhanti kātikkamakālepi paññacetiyaṃ gantvā cetiyaṅgaṇe sammajjanakiccaṃ karomi, okāsaṃ na labhāmi, evampi tvaṃ bahūganthe uggahetvāpi ācariyehi dinnopadesaṃ alabhitvā puna mama santikaṃ āgacchasi, tasmāyaṅgaṇe sammajjanavattaṃ tāvakālikaṃ vikopetvā ganthuggahaṇatthāya okāsaṃ dassāmīti vatvā abhidhammatthavisāvinīṃ nāma lakkhaṇaṭīkaṃ uggaṇhāpesi. Nānāyehi upadesaṃ datvā vācesi. Vācetvā ca tatiyadivase ācariyassa santikaṃ nāgacchi. Mahātheropi kāraṇaṃ akallatāya anāgato bhaveyyāti maññitvā pucchanatthāya bhikkhū pesesi.

Ariyavaṃsattheroca ācariyassa santikaṃ gamissāmīti āgato, antarāmaggeyeva dūtabhikkhū passitvā tehi saddhiṃ mahātherassa santikaṃ āgamaṃsu. Ācariyassa santikaṃ patvā ācariyā ariyavaṃsattheraṃ pucchi,-kasmā pana tvaṃ na uggahaṇatthāya āgatosīti. Ahaṃ bhante tumhehi dinnopadesaṃ nissāya idāni sabbaṃ nayaṃ jānāmīti. Atha ācariyo āha, yaṃ pana ganthaṃ nissāya tvaṃ chekataṃ pattosi, tassa saṃvaṇṇanaṃ katvā upakāraṃ karohīti. Atha ariyavaṃsatthero ācariyassa vacanaṃ sirasā paṭiggahetvā abhidhammatthavibhāvinīyā maṇisāramañjūsaṃ nāma anusamvaṇṇanaṃ akāsi. Niṭṭhitaniṭṭhitapālaṃ uposathadivase uposathadivase puññacetiyaṃ cetiyaṅgaṇe bhikkhusaṅghaṃ sannipāṭapetvā bhikkhusaṅghassa majjhe vācāpetvā suṇāpesi,- sace koci doso atthi, taṃ vadathāti.

Atha arimaddananagarato cetiyavandanatthāya eko bhikkhu āgantvā parisakoṭiyaṃ suṇitvā nisīdi. Atha so bhikkhu dve vāraṃ eeti saddaṃ akāsi. Taṃ ṭhānaṃ sallakkhetvā ṭhapesi. Nivāsanaṭṭhānaṅca pucchi. Ariyavaṃsattheropi sakavihāraṃ patvā tasmīṃ ṭhāne upadhāronto ekasmiṃ ṭhāne ekassa atthassa dvikkhattuṃ vuttattā punaruttidoso dissati, ekasmiṃ ṭhāne imaṃ ganthanti pulliṅgarūpena vattabbaṭṭhāne idaṃ ganthanti napuṃsakaliṅgena vuttattā liṅgavirodhidoso dissati.

Atha taṃ puggalaṃ pakkosāpetvā evamāha,-ahaṃ āvuso imaṃ ganthaṃ mahussāhena karomi, taṅca vivekakāle rattibhāgeyeva potthakaṃ pattharitvā likhāmi, evaṃ mahussāhena karontampi tvaṃ aruccanākārena saddaṃ karosi, kīdisaṃ pana dosaṃ sutvā evaṃ karosīti pucchi. Atha so bhikkhu evamāha,- tayo bhante mahussāhena kate ganthe dosavasena bahuvattabbaṭṭhānaṃ natthi, saddatoceva atthato ca paripuṇṇoyevesa gantho, atha kho pana ekasmiṃ ṭhāne ekassa atthassa dvikkhattuṃ vuttattā puranuttidoso dissati, ekasmiṃ pana imaṃ ganthanti pulliṅgena vattabbaṭṭhāne idaṃ ganthanti napuṃsakaliṅgena vuttattā liṅgavirodhidoso dissati, evaṃ ettakaṃyeva dosaṃ disvā īdisaṃ aruccanākāraṃ dassemīti.

Atha ariyavaṃsatthero tuṭṭhacitto hutvā attano sarīrapārupitaṃ dupaṭṭacīvaraṃ imināhaṃ tava ṇānaṃ pūjemīti vatvā adāsi. Pacchākāle adhikarājā tamatthaṃ sutvā nāma lañchaṃ adāsi.

So ca ariyavaṃsatthero maṇidīpaṃ nāma ganthaṃ ganthā bharaṇaṅceva jātakavisodhanaṅca pālībhāsāya akāsi. Anuṭṭikāya pana atthayojanaṃ marammabhāsāya akāsi.

Ekaṃ samayaṃ adhikarājā vihāraṃ gantvā dhammaṃ suṇi. Thero dhammaṃ desetvā niṭṭhitakāle yānabaliṃ sukhatthāya yāci. Rājā adatvā nāvaṃ abhirūhitvā paccāgacchi. Antarāmagge nāvāya phiyaṃ eko saṃsumāro mukhena gaṇhitvā nicalaṃ katvā ṭhapesi. Therena yācitaṃ yānabaliṃ dadāmīti mahāsaddaṃ katvā rājapurise tikkhattuṃ nicchāresi. Atha saṃsumāro nāvaṃ muñcivā gacchi. Ekasmiṅca kāle rājā vihāraṃ nikkhami. Atha eko hatthinī vihārasamīpe bandhitvā ṭhapesi. Sā bodhirukkhasākhaṃ chinditvā khādi. Sā tattheva bhūmiyaṃ pati. Atha thero saccakiriyaṃ katvā mettābhāvanaṃ bhāvetvā mettodakena bhiñci. Taṃ khaṇaṅṅeva sā uṭṭhahi. Rājā ca taṃ acchariyaṃ disvā tassā agghanakamūlaṃ datvā vihārato nadī tittthaṃ gamanamagge silāpaṭṭaṃ cinitvā setuṃ akāsīti.

Saddhammakittitthero pana ariyavaṃsattherassa saddhivihāriko jetavanavihāravāsī. Te pana therā chappadagaṇavaṃsikāti daṭṭhabbā.

Kaliyuge dvecattālīsādhike aṭṭhavassasate sampatte ratanapūranagareyeva sirisudhammarājādhipati nāma dutiyādhikarājā rajjam kāresi. Tasmiñca kāle pabbatabbhantarānagarato mahāsīlavamso nāma thero pañcattālīsādhike aṭṭhavassasate sampatte sumedhakatham kabyālañkāravasena bandhitvā buddhālañkārañca nāma kabyālañkāram pabbatabbhantarappaṭisaṃyuttañceva kabyālañkāram bandhitvā te gahetvā ratanapūranagaraṃ āgacchi.

Atha rājā thūpārāmacetiyassa esannaṭṭhāne ratanavimānavihāre nisīdāpesi. So ca thero tattha sotārānaṃ pariyattim vācetvā nisīdi. So ca thero tattha nisinnānaṃ therānaṃ aṭṭhamako hoti. So ca mahāsīlavamso thero kaliyugassa pannarasādhike aṭṭhavassasate jāto. Timsavassakāle ratanapūranagaraṃ āgatoti porānapotthakesu vuttam. So pana thero nettipāliya attha yojanaṃ maramabhāsāya akāsi pārāyanavattuñca.

Ratanapūranagareyeva raṭṭhasāro nāma eko thero atthi, mahāsīlavamso therenā samaññānathāmo. So pana ratanapūranagareyeva kaliyugassa timsādhike aṭṭhavassasate kāle jāto. Bhūridattajātakaṃ hatthipālajātakaṃ saṃvarajātakañca kabyālañkāravasena bandhi aññañca anekavidhaṃ kabyālañkāram. Te pana dve therā kabyālañkāraṃ rakāti theraparamparāya pavesetvā na gaṇenti porāṇā.

Ettha ca kiñcāpi samañānaṃ uposathikānañca kabyālañkāram bandhitum vācetuṃ vā kappākkappavicāraṇaṃ vattum okāso laddho, sāsanavaṃsaṃ pana vattum okāsassa ativittārovasesattā taṃ avatvā ajjupekkhissāma. Uposathavinicchaye pana naccagītādisikkhāpadassa visaye vitthārena mayaṃ avocumhā.

Kaliyugassa gate tesatṭhādhike aṭṭhavassasate ratanapūranagareyeva siritribhavanādityanarapatipavaramahādhamma rājādhipatirājā rajjam kāresi. Tassa rañño kāletisāsanadhājo nāma bhikkhu saddhammakittittherassa santike ganthaṃ uggaṇhi. Atha arimaddananagarato eko mahātherosotunaṃ vācivā ratanapūranagare nisīdissāmīti āgato. Atha saddhammakittittherassa ganthaṃ vācentasseva vihārassa heṭṭhā nisīditvā so mahāthero saddaṃ suṇitvā evaṃ cintesi,-etassa santike ahaṃ navakaṭṭhāne ṭhatvā thokaṃ ganthaṃ uggaṇhissāmīti. Atha so mahāthero saddhammakittittherassa santikaṃ pavisitvā ganthaṃ vācāpetum okāsaṃ yāci. Atha saddhammakittitthero vassapamaṇaṃ pucchitvā tvaṃ bhante mayā vuḍḍhatarosīti āha. Ahaṃ tayā vuḍḍhataropi samāno navakaṭṭhāne ṭhatvā ganthaṃ uggaṇhissāmīti āha. Atha saddhammakittitthero tassa ganthaṃ vācesi. Atipasīditvā pana taṃ mahātheraṃ mahāsādhujjanoti nāmena vohāraṭi.

Atha pacchā marammaraṭṭhaṃ kaliyugassa pañcāsītādhikaatṭhasatakālato paṭṭhāya yāva aṭṭhāsītādhikaatṭhasatavassakālaṃ nānābhayehi sañkhubbhitam ahoṣi. Tadā kambojaraṭṭhato sihanisvā nāma bhinnakuto āgantvā ratana pūranagare rajjam gaṇhi. Atha so evaṃ cintesi,- bhikkhū adārā aputtikā hutvā puna sisse posetvā parivāraṃ gavesanti, sace bhikkhū parivāraṃ vicinitvā rājabhāvaṃ gaṇheyyum, evaṃ sati rajjam gahetum sakkhissanti, idāneva bhikkhū gahetvā māretum vaṭṭatīti. Evaṃ pana cintetvā tovisīlū nāmake khattavane bahū maṇḍape kārapetvā gomahisakukkuṭasūkarādayo mārapetvā bhikkhū bhojessāmīti vatvā jeyyapuravijayapuraranapūranagaresu sabbe mahāthere bahūhi antevāsikehi saddhiṃ pakkosāpetvā tesu maṇḍapesu nisīdāpetvā hatthiassādisenāṅgehi parivāretvā māresi. Tadā kira tisahassappamaṇā bhikkhū mariṃsūti. Bhikkhū ca māretvā bahūpi potthake agginā jhāpesi, cetiyānipi bhedāpesi. Ahovata pāpajanassa pāpakammanti. Honti cettha,-

Sāsaṇaṃ nāma rājānaṃ, nissāya tiṭṭhate idha;
Micchādiṭṭhikarājāno, sāsaṇaṃ dūsentī satthuno.

Sammādiṭṭhī ca rājāno, paggaṇhanteva sāsaṇaṃ;
Evañca sati ākāse, ulūrājāva dibbatīti.

Atha kaliyuge ekavassādhike navavassasate sampatte ākāse bahūhi tārakāhi dhūmā nikkhamiṃsu. Caññiñkhu cetiyepi buddhappaṭibimbassa akkhikūpato udakadhārānettajalāniviya

nikkhamiṃsūti rājavamse vuttam.

Atha saddhammakittitthero saddhiṃ mahāsādhujjanatisāya nadhajattherehi ketumatīnagaraṃ agamāsi. Raṭṭhasārattheropi sirikhettanagaraṃ sayameva agamāsīti porāṇapotthakesu vuttam. Taṃ pana rājavamse sirikhettanagarindo satva varājā taṃ ānesīti vuttavacanena na sameti.

Saddhammakittittheropi ketumatīnagare kālaṅkato. Tato pacchā thokaṃ kālaṃ atikkamivā mahāsādhujjanatthero tattheva kālamakāsi.

Tisāsanadhajatthero pana kaliyuge dvādasādhike navavassasate sampatte haṃsāvātīnagare anekasetibhindassa rañño kāle ketumatīnagarato haṃsāvātīnagaraṃ agamāsi.

Tato pacchā ticattālīsavassiko hutvā kaliyuge terasādhike navavassasate miṅgha brahmanarapatiraññokāle puna jeyyapuranagaraṃ sampatto hutvā jetavanavihārasamīpe ekissaṃ guhāyaṃ disīdi. Mahāariyavaṃsagaṇikassa jetavanattherassa santike upasaṅkami.

Tasmiṅca kāle jetavanatthero gilāno hutvā mayi kālaṅkate mama ṭhānaṃ adhunā haṃsāvātīnagarato āgato tisāsanadhajo nāma thero pariggaṇhituṃ samattho bhavissati, tassa niyyādessāmīti cintesi. Tasmiṃ khaṇe tisāsanadhajatthero purimayāme supinaṃ massi,– matakaḷevaraṃ samīpaṃ āgacchatīti, majjhimayāme pana taṃ matakaḷevaraṃ guhāyaṃ pavisaṭīti, pacchimayāme matakaḷevaraṃ maṃsaṃ satthena chindaṭīti. Atha supinaṃ passitabhāvaṃ attano samīpe sayantassa ekassa sāmaṇerassa ārocesi. Ārocetvā ca parittaṃ bhaṇetvā nisīdantasappa jetavanatthero taṃ pakkosivā jetavanavihāraṃ tassa niyyādesi. Tisāsanadhajatthero ca jetavanavihāre nisīditvā ganthaṃ vācetvā nisīdi. Miṅgha brahmanarapatirājā ca tassa anuggahitaṃ akāsi.

Pacchā kaliyuge soḷasādhike navavassasate sampatte haṃsāvātīnagarindo anekasetibhindo nāma rājā ratanapūranagaraṃ vijayitvā ekaṃ vihāraṃ kārāpetvā tassa adāsi.

So ca tisāsanadhajatthero arimaddananagare arahanta gaṇavaṃsikoti daṭṭhabbo.

Tassa pana sissā anekasatappamāṇā lajjino ahesuṃ. Tesu pana sissesu varabāhutthero bhūminikhānena garavāsītthero mahāraṭṭhagāmaṃvāsino tayo mahātherāti ime pañca therā visesato pariyattikovidāti.

Tisāsanadhajatthero ca mahallakakāle anāpāna satikammaṭṭhānaṃ gahetvā araññaṃ pavisitvā vivekaṭṭhānaṃ gaṇhi. Tadā jetavanagaṇādayo arahanta gaṇavaṃsāyeva. Aparabhāgeyeva tesu sissānusissaparamparāsu keci bhikkhū siracchādanaṃ nānavaṇṇappaṭimaṇḍitaṅca tālavaṇṇaṃ gahetvā ācāravikāraṃ āpajjimsu.

Kaliyuge ekavassādhike sahasse sampatte ukkaṃsiko nāma rājā vihāraṃ kārāpetvā tisāsanadhajattherassa sissabhūtassa varabāhuttherassa sissabhūtassa mahāratanaṅkarassa nāma therassa adāsi.

So ca mahāratanaṅkaratthero ukkaṃsikarañño sirisudhammarājāmahādhipatīti nāmalañchaṃ chandālaṅkārasaddanetti nayehi alaṅkaritvā dassitaṃ rajindarājanāmābhidheyādīpaniṃ nāma ganthaṃ akāsi.

Taṅca ganthaṃ parivisodhanatthāya tiropabbatābhidheyassa mahātherassa niyyādesi. Tisāsanadhajattherassa sissabhūtesu mahāraṭṭhagāmaṃvāsīsu tīsu bhātikattheresu jeṭṭho tiṃsaguhāsuvāsanto pariyattim vācetvā nisīdi. Satvavarājā ca tasmiṃ there ativiya pasanno ahosi. Ññoṅkarami nāmakassa rañño kālepi cūḷapitā ekaṃ vihāraṃ kārāpetvā tasseeva adāsi. Ukkāṃsikarañño kālepi maṅgavaṃnāmake pabbate vihāraṃ kārāpetvā tasseeva adāsi.

Tesu mahāraṭṭhagāmaṅgāsiṭṭheresu majjhimattheropi tisāsanadhajatttherassa jetṭhabhātikattherassa ca nivāsaṭṭhānabhūte jetavanavihāreyeva ganthaṃ vācētvā nisīdi. Kaniṭṭhattheropi tesam nivāsaṭṭhānabhūtesuyeva vihāresu ganthaṃ vācētvā nisīdi. Ettha ca tisāsanadhajattthero nāma lajjialajjivasena dubbidho. Yathāvuttatthero pana lajjīye vāti daṭṭhabbo. Alajjī pana imasmiṃ theraparamparādassane na icchi tabbo. Alajjībhūtassa pana tisāsanadhajatttherassa vatthum idha avatvā ajjupekkhissāma, payoṇābhāvā ganthassa ca papañcūpagamanattāti.

Yogiraṅga nāmakassa rañño kāle jeyyapure suvaṇṇaguhavāsī mahāthero dakkhiṇārāmaṅgavihāravāsī mahāthero catubhūmikavihāravāsī mahāthero toṅgabhīlū vihāravāsī mahāthero ca tisāsanadhajamahātherassa saddhivihārikāyeva. Tesam pana vatthumpi ganthavitthārabhayena na vadāma. Lajjigaṇavaṃsikā eteti vijānanameva hettha pamāṇanti.

Kaliyuge ekasaṭṭhādhiṅkhe navavassasate sampatte phaggunamāsassa juṅhapakkhadutiyaṅgavase sukkavāre ratanapūranagaraṃ dutiyaṃ māpetvā ṅṅogiraṅga nāma rājā rajjaṃ kāresi. Sīhasūradhammarājātīpi nāmalañchaṃ paṭiggaṇhi. Tocabhīlū vihāravāsīmahātheraṃ uddissa catubhūmikavihāraṃ kārapesi. Cattāri mahāmunicetiyaṅgāni kārapesi. Vihāra cetiyesu anīṭṭhitesuyeva sinnānagaraṃ nikkhamitvā tattha veraṃ vūpasamāpetvā paccāgatakāle saṅkhārasabhāvaṃ anatikkamanato divaṅgato ahoṣi. Ahovata saṅkhāradhammāti. Honti cettha,—

Seyyathā vāṇijānaṃva, gharagoḷikarūpakam;
Taṃtaṃdisaṃ bhamitvāva, sīsaṃ ṭhapeti uttaram;

Evam lokamhi sattā ca, sandhicutīnamantare;
Yathā tathā bhamitvāva, ante ṭhapenti santanunti;

Kaliyuge sattaṣaṭṭhādhiṅkhe navavassasate phaggunamāsassa kāḷapakkhaterasamiyaṃ tassa jetṭhaputto pitu santakaṃ rajjaṃ gaṇhi. Mahādhammarājātī nāmalañchampi paṭiggaṇhi. Pitu kāle anīṭṭhitāni cetiyāni puna kārapesi. Catubhūmikavihāraṅga niṭṭhaṃ gamāpetvā tovibhīlū mahātherassa paralokaṃ gantvā avijjamaṇatāya catubhūmikavihāravāsī mahātherassa dassamīti antepuraṃ pakkosāpesi. Thero dve vārāni pakkosiyamānopi nāgacchi. Tatiya vāre pana bahū saddhivihārikā antepuraṃ gantvā pavisatha, na hi sakkā rañña pakkosite paṭikkhipituntī āhaṃsu.

Atha thero evamāha,- ahaṃ āvuso raṭṭhapīḷanapiṇḍapātāṃ bhuñjitum na icchāmi, evampi sace tumhe icchatha rañño santikaṃ gantum, evaṃ sati idāni rañño santikaṃ ahaṃ gamissāmīti antepuraṃ pāvisi. Pavisitvā rañña saddhiṃ sallāpaṃ katvā ayaṃ vihāro araṇṇavāsīnaṃ bhikkhūnaṃ asappāyoti paṭikkhipi. Evaṃ pana bhante sati tasmim vihāre nisīdiyamānaṃ theram upadissathāti. Khanittipādavihāravāsī mahārāja thero pariyattivissārado sikkhākāmo, tassa dātuṃ vaṭṭatīti. Atha rājā tassa vihāraṃ adāsi. Mahāsaṅghanātho nāmalañchampi adāsi. So tattha pariyattim vācētvā nisīdi.

Tassa pana vihārasa parivārabhūtesu cattālīsāya vihāresu uttarāya anudisāya ekasmiṃ vihāre vasanto varābhisaṅghanātho nāma thero maṅkūṇḍalavatthum marammabhāsāya akāsi. Pacchimāya anudisāya ekasmiṃ vihāre vasanto eko thero sattarājadhammavatthum akāsi.

Tasmiṅka kāle bhāmaṅkyo ācāraṅkyoti dvinnaṃ bhikkhūnaṅga lokadhammesu chekatāya dve vihāre katvā adāsi. Te pana dve therā vedasatthakovidā, pariyattipaṭipattīsu pana mandā, rāmaññaṅgāraṭṭhato āgatā. Te pana theraparamparāya na gaṇanti porāṇā.

Kaliyuge tisattatādhiṅkhe navavassasate sampatte mahāmunicetiyaṅgassa puratthimadisābhāge cattāro vihāre kārapētvā catunnaṃ therānaṃ adāsi. Te ca therā tattha nisīditvā sāsanaṃ paggaṇhiṃsu.

Tasmiṅyeva kāle badaravanavāsī nāma ekopi thero atthi. Sopi pariyattivissārado chappadavaṃsiko. So ca thero yāvajīvaṃ yathābalaṃ sāsanaṃ paggaṇhitvā dutiyabhāve calaṅganagare ekissā itthiyā kucchimhi paṭisaṅghim gaṇhi. Dasamāsaccayena kaliyuge cattālīsādhiṅkhe

navavassasate sampatte budhavāre vijāyitvā terasavassikakāle sāsane pabbajitvā pariyattim uggaṇhi. Sirikhettanagarindo rājā sirikhettanagaraṃ ānetvā sirikhettanagare sāmaṇeroti nāmena pākaṭo hutvā kaliyuge catupaṇṇāsādhike navavassasate sampatte pannarasavassikakāle vessantarajābhakaṃ kabyālaṅkāravasena bandhi. Paripuṇṇavāsativassakāle sirikhettanagareyeva sirikhettanagarindo veravijayo nāma rājā anuggahetvā upasampadabhūmiyaṃ paṭiṭṭhāti. Pacchimapakkhādhiko nāma rājā sirikhettanagaraṃ attano hatthagataṃ akāsi. Tasmiṅca kāle taṃ therāṃ ānetvā ratanapūranagare vasāpesi. Sūrakitti nāma rañño kaniṭṭhabhātiko erāvātīnadīṭṭire catubhūmikavihāraṃ kārapetvā tassa therassa adāsi. Rājā ca tipīṭakālaṅkāroti nāmalañchaṃ adāsi.

Kaliyuge vassasahassee sampatte phaggunamāsassa puṇṇamiyaṃ saṭṭhivassiko hutvā tiriyapabbataṃ gantvā araṇṇavāsaṃ vasi. Dve vassādhike vassasahassee rājā tasmiṃ vihāraṃ kārapetvā tasseva therassa adāsi. So pana tipīṭakālaṅkāratthero sirikhettanagare navāṅgakandare pattalaṅkassa atulavaṃsattherassa vaṃsiko. Sirikhettanagare navāṅgakandare suvaṇṇavihāre vasantassa therassa kittighoso sabbattha patthari. Jeyyapure erāvātīnadīṭṭire catubhūmikavihāre vasanakāle aṭṭhasāliniyā ādīto vīsati gāthānaṃ saṃvaṇṇanaṃ akāsi. Sūrakittināmakassa kaniṭṭhabhātikassa yācanamārabba yasavaḍḍhanavattuṅca akāsi. Tiriyapabbate vasanakāle vinayālaṅkāraṭīkaṃ akāsi. Pacchimapakkhādhikarañño kāle mahāsaṅghanāthatheraṃ saṅgharājabhāve ṭhapesi. So ca saṅgharājā ativiya pariyatti visārado. Tasmiṅca kāle ratanapūranagarepi ariyālaṅkārattharo nāma eko atthi. So pana tipīṭakālaṅkārattherena samaññāṇathāmo. Vayasāpi samānavassikā.

Tesu tipīṭakālaṅkāratthero ganthantarabahussutaṭṭhāne adhiko, ariyālaṅkāratthero pana dhātupaccayavibhāgaṭṭhāne adhikoti daṭṭhabbo. Pacchā pana ukkaṃsikaraññokāle tepi dve therā rañño ācariyā hutvā sāsanaṃ paggaṇhimsu. Tesu ariyālaṅkāratthero aparabhāge kālaṅkaritvā tassa therassa saddhivihārikassa dutiyāriyālaṅkārattherassa rājamaṇicūlacetiyassa samīpe dakkhiṇavanārāmaṃ nāma vihāraṃ kārapetvā adāsi.

Ukkaṃsiko nāma rājā pana sāsane bahuppakāro. So ca kaliyuge chanavutādhike navavassasate rajjaṃ patto. Rajjaṃ pana patvā siridhammasokarājāviya cattāri vassāni atikkamitvā muddhābhisekaṃ paṭiggahetvā sirisudhamma rājāmahādhipatīti nāmalañchampi paṭigganhi. Ekasmiṃ pana samaye haṃsāvātīnagaraṃ gantvā tattha nisīdī. Atha rāmaññaraṭṭhavāsino evamāhaṃsu,- marammikabhikkhū nāma pariyattikovidā vedasatthañño natthīti. Taṃ sutvā rājā catubhūmikavihāravāsittherassa santikaṃ sāsanaṃ pesesi,-tiṃsavassikā cattālīsavassikā vā pariyattikovidā vedasatthañño bhikkhū rāmaññaraṭṭhaṃ mama santikaṃ pesethāti. Atha catubhūmi kavīhāravāsitthero tipīṭakālaṅkāraṃ tilokālaṅkāraṃ tisāsanālaṅkāraṅca saddhiṃ tiṃsamatthehi bhikkhūhi pesesi. Haṃsāvātīnagaraṃ pana patvā modhocetiyassa puratthimabhāge vihāre kārapetvā tesāṃ adāsi.

Uposathadivasesu sudhammasālāyaṃ rāmaññaraṭṭhavāsino pariyattikovide vedasatthañño sannipātāpetvā tehi tīhi therehi saddhiṃ kathāsallāpaṃ kārapesi. Atha rāmaññaraṭṭhavāsino bhikkhū evamāhaṃsu,- pubbe pana mayaṃ marammaratṭhe pariyattikovidā vedasatthañño natthīti maññāma, idāni marammaratṭhavāsino ativiya pariyatti kovidā vedasatthañño noti. Aparabhāge kaliyuge chanavutādhike navavassasate sampatte rājā ratanapūranagaraṃ paccāgacchi.

Tepi therā paccāgantukāmā rāmaññaraṭṭhe padhānabhūtassa tilokagarūti nāmadheyyassa mahātherassa santikaṃ vandanatthāya agamaṃsu.

Tadā tilokagaruttheropi tehi saddhiṃ sallāpaṃ katvā evamāha,-tumhesu pana tipīṭakālaṅkāratthero paṭhamāṃ āvāsavihāraṃ labhissatīti. Kasmā pana bhante evama vocāti vutte ayaṃ pana piṇḍāya carantopi antarāmagge veḷuvettādīni labhitvā gahetvā vihāre paṭisaṅkharaṇaṃ akāsi, tasmāhaṃ evaṃ vadāmi, loke vihāre paṭisaṅkharaṇasīlā bhikkhū sīghameva āvāsavihāraṃ labhantīti hi porānattherā āhaṃsūti āha.

Tepi ratanapūranagaraṃ paccāgacchimsu. Tilokagaruttherassa vacanānurūpameva tipīṭakālaṅkāratthero sabbapaṭhamāṃ āvāsavihāraṃ labhīti.

Kaliyuge pana navavassādhike vassasahassee sampatte rañño kaniṭṭho kālamakāsi. Athaṃ rañño putto uccanagarabhojako bālajanehi santhavaṃ katvā tesam vacanaṃ ādiyitvā paccūsakāle pitaraṃ ghātetukāmo antepuraṃ sahasā pavisi.

Rājāva anaggaṃ muddikaṃ gahetvā nandajeyyena nāma amaccena rājayodhena nāma amaccenaca saddhiṃ aññataravesena nagarato nikkhamitvā rajatavālukanadiṃ sampatto.

Tasmiṃca kāle eko sāmaṇero mātāpitūnaṃ gehe piṇḍapātaṃ ānessāmīti khuddakanāvāya nadiyaṃ āgacchi. Atha taṃ sāmaṇeraṃ disvā rājā evamāha,- amhe bhante paratīraṃ nāvāya ānehīti. Sāmaṇero ca āha,-sace upāsaka tumhe paratīraṃ āneyyaṃ, bhattakālaṃ atikkameyyanti. Atha rājā amheveva sīghaṃ ānehi, imaṃ muddikaṃ dassāmīti assāsetvā ānetuṃ okāsaṃ yāci. Atha sāmaṇero kāruṇṇappattaṃ vacanaṃ sutvā paratīraṃ ānesi.

Atha catubhūmikavihāraṃ patvā tasmim vihāre therassa sabbampi kāraṇaṃ ārocetvā evamāha,- sace bhante amhe gaṇhituṃ āgacchayya, te nivārethāti. Theroca mayaṃ mahārāja samaṇā na sakkā evaṃ nivāretuṃ, evampi eko upāyo atthi,-nisinnavihāravāsithero pana gihikammesu ativiya cheko, taṃ pakkosetvā kāraṇaṃ cintetuṃ yuttanti. Atha taṃ pakkosetvā tamatthaṃ ārocetvā rājā idamavo ca,- sace bhante amhe gaṇhituṃ āgaccheyyuṃ, atha kenacideva upāyena te nivārethāti. Atha so thero evamāha,-tena hi mahārāja mā kiñci soci mābhāyi vihāramajjhe sirigabbhaṃ pavisitvā nisidathāti vatvā piṇḍāya acarante bhikkhusāmaṇere sannipātāpetvā visuṃ visuṃ daṇḍahatthā hutvā ekassapi purisassa vihāraṃ pavisitū okāsaṃ mā dethāti vatvā senaṃviya byūhesi. Sāmantavihāresupi vasante bhikkhusāmaṇere pakkosi. Tadā kira āgantvā sannipātānaṃ bhikkhusāmaṇerānaṃ atirekasahassamattaṃ ahoṣi. Thero te vihāre dvārakoṭṭhakesu āgatamagge ca visuṃ visuṃ daṇḍahatthā hutvā ārakkhaṇatthāya ṭhapesi, yathā vadḍhakī sūkaro byagghassa nivāraṇatthāya visuṃ visuṃ sūkare saṃvidhāya ṭhapesīti. Atha puttassa yodhāpi rājānaṃ gahetuṃ na sakkā, bhikkhu sāmaṇerānaṃ gāravavasena balakkārena māretvā pavisitū na visahanti, bhikkhu sāmaṇerānaṃ bāhullatāya ca.

Tasmiṃyeva saṃvacchare assayujamāsassa kālapakkhapañcamito yāva kattikamāsassa kālapakkhapañcamī vihāreyeva rājā niliyitvā nisīdi. Atha antepuravāsikā amaccā puttaṃ apantvā rājānaṃ ānetvā rajje ṭhapesuṃ. Rājā ca puna rajjaṃ patvā vihāre nisinnakāle mā bhāyi mahārāja tvaṃ jinessatīti rañño ārocentassa vedasatthañño ekassa bhikkhussa caññiṅkhucetiyassa esannaṭṭhāne ekaṃ vihāraṃ kārapetvā adāsi. Dhammanandarājagurūti nāmalañchampi adāsi. Tassa pana vijātaṭṭhānabhūtaṃ gāmaṃ nissāya marammavohārena ‘ye ne nā se yaṃ va’ iti samaññā ahoṣi.

Rājā ca puna rajjaṃ patvā tasmiṃyeva saṃvacchare kattikamāsassa kālapakkhacuddasamiyaṃ sabbepi mahāthere nimantetvā rājagehaṃ pavesetvā piṇḍapātena bhojesi. Atha rājā evamāha,- catubhūmikavihāravāsithero samparāyikatthāvaho ācariyo, nisinnavihāravāsithero pana diṭṭhadhammikathāvahoti evaṃ rājāvaṃse vuttaṃ. Porāṇapotthakesu pana catubhūmikavihāra vāsithero ekantasamaṇo ācariyo, nisinnavihāravāsithero pana yodhāraho yodhakamme chekoti rājā ahāti vuttaṃ. Rājā kira samparāyikatthaṃ anupekkhitvā dinnakāle nisinnavihārattherassa na adāsi, kadāci kadāci pana diṭṭhadhammikathāṃ anupekkhitvā tassa visuṃ adāsīti. Ettha ca yasmā nisinnavihāra vāsithero rañño bhīyehi nivāraṇatthāya ārakkhaṃ akāsi, na paresaṃ vihetṭhanatthāya, āṇattikappayogā ca na dissati, tasmā natthi āpattidoso. Saddhātissarañño bhayehi nivāraṇatthaṃ arahantehi therehi katappayogoviya daṭṭhabbo.

Catubhūmikavihāra vāsithero pana khaṇittipādagaṃe jāto, arimaddanapure arahantattheragaṇappabhavo, yatha katthaci gantvā aññesaṃ bhikkhūnaṃ ācāraṃ yathābhūtaṃ jānitvā tehi catupaccayasambhogo na kabhapubbo, antamaso udakampi na pivitapubbo, taṃtaṃṭṭhānampi cammakhaṇḍaṃ gahetvāyeva gamanasīlo. Ukkamsikarājā pana sirikhettanagare dvattaponkāraññā kāravitacetiyasaṅṭhānaṃ gahetvā rājamaṇicūlaṃ nāma cetiyaṃ akāsi. Taṃ pana cetiyaṃ parimaṇḍalato tihatthasatappamaṇaṃ, ubbedhatopi ettakameva. Tassa pana cetiyassa catūsu passesu cattāro vihārepi kārapesi, puratthimapasse pubbavanārāmo nāma vihāro, dakkhiṇapasse pana dakkhiṇavanārāmo nāma, pacchimapasse pacchimavanārāmo nāma, uttarapasse uttaravanārāmo nāma. Tesu catūsu vihāresu uttaravanārāmo nāma vihāro asanipābhagginā ḍayhitvā vinassi. Avasese

pana tayo vihāre pariyattikovidānaṃ tiṇṇaṃ mahātherānaṃ adāsi. Nāma lañchampi tesam adāsi. Pacchimassa rañño kāleyeva uttarapasse vihāraṃ kārāpesi.

Tasmiṃ pana cetiye chattaṃ anāropetvāyeva so rājā divaṅgato. Tesu pana catūsu vihāresu nisinnānaṃ therānaṃ dakkhiṇavanārāmavihāravāsīmahāthero kaccāyanaganthassa atthaṃ chabbidhehi saṃvaṇṇanāyehi alaṅkaritvā marammabhāsāya saṃvaṇṇesi. Pacchimavanārāmavihāra vāsithero pana nyāsassa saṃvaṇṇanaṃ chahi nayehi alaṅkaritvā akāsi.

Kaliyuge pana dasavassādhike sahasse sampatte tassa rañño putto sirinandasudhammarājāpavarādhīpati rajjaṃ kāresi. Pituno rājagehaṃ bhinditvā vihāraṃ kārāpetvā tilokālaṅkāraṃ nāma mahātherassa adāsi. Tilokālaṅkāratthero ca nāma tipīṭakālaṅkārattherena samaññāṇathāmassa ariyālaṅkārattherassa sissoti daṭṭhabbo. Ayañcattho heṭṭhā dassito. Jeyyapure catubhūmikaatulavihāraṃ kārāpetvā dāṭṭhānāgarājaguruttherassa adāsi. So ca thero niruttisāramañjūsam nāma nyāsasaṃvaṇṇanaṃ akāsī.

Kaliyuge dvādasādhike vassasahassee sampatte phaggunamāse sotāpannā nāma ārakkhadevatā aññattha gamissāmāti āhaṃsūti nagarā supinaṃ passantā hutvā bahūsannipatitvā devapūjaṃ akāmsu. Devatānaṃ pana saṅkamaṇaṃ nāma natthi, pubbanimittamevatanti daṭṭhabbaṃ.

Tasmiṅca kāle cinarañño yodhā āgantvā marammaratṭhaṃ dūsesuṃ. Sāsanaṃ abbhappaṭicchanno viya cando dubbalaṃ ahosi.

Kaliyuge tevīsādhike vassasahassee sampatte tassa rañño kaniṭṭho mahāpavaradhammarājālokādhipati nāma rājā rajjaṃ kāresi. Tasmiṅca kāle lokasaṅketavasena puññaṃ maṇḍaṃ bhavissatīti vedasatthaññūhi ārocitattā lokasaṅketavaseneva abhinavapuññuppādanatthaṃ khandhavāragehaṃ kārāpetvā tāvakālikavasena saṅkamitvā nisīdi. Tato aparabhāge uttaragehaṃ bhinditvā tasmiṃyeva ṭhāne vihāraṃ kārāpetvā ekassa mahātherassa adāsi.

Dakkhiṇagehaṃ pana nagarassa puratthimadisābhāge vihāraṃ kārāpetvā aggaṇammālaṅkārattherassa adāsi. So ca thero kaccāyanaganthasaceva abhidhammatthasaṅgahassa ca mātikhādhatukathāyamakapaṭṭhānānaṃca atthaṃ marammabhāsāya yojesi.

Uparājā ca mahāsetuno pamukhe ṭhāne sovaṇṇamayavihāraṃ kārāpetvā uttaragehavihāra vāsitherasa antevāsikassa jinārāmattherassa adāsi. Tasmiṃyeva ṭhāne nānāratanaṃ vicitraṃ vihāraṃ kārāpetvā tasseva therassa antevāsikassa guṇagandhattherassa adāsi.

So pana thero ‘china vḍina’ gāme vijāto. Vaye pana sampatte ratanapūranagaraṃ gantvā pariyattim uggaṇhitvā tato puna nivattitvā badunanagare badaragāme nisīditvā pacchā ‘china vḍina’ gāme catūhi paccayehi kilamatho hutvā vasati. Tasmiṅca kāle gāme mokkhassa nāma purisassa santike ekaṃ anaggaṃ maṇiṃ rājā labhitvā ativa mamāyi. ‘China vḍina’ mokkhamañīti pākaṭo ahosi.

Atha uttaragehavihāravāsithero āha,- ‘china vḍina’ gāmake na maṇiyeva anaggaṃ, atha kho ekopi thero guṇagandho nāma pariyattikovidō anagghoyevāti.

Atha taṃ sutvā rājā taṃ pakkosetvā catūhi paccayehi upatthambhetvā pūjaṃ akāsi.

Sahassorodhagāme guṇasāro nāma thero paṇiṇagāme sujāto nāma thero ca guṇagandhattherassa sissāyeva ahesuṃ.

Ekasmiṅca kāle tiriyaṇṇapabbatavihāravāsīmahāthero bhikkhusaṅghamajjhe aggadhammālaṅkārattheraṃ kīḷanavasena evamāha,- amhesu āvuso antaradhārayamānesu tvaṃ loke eko ganthakovidatthero bhavissasi maññeti. Atha aggadhammālaṅkāro ca evamāha,-tumhesu bhante antaradhārayamānesu mayaṃ ganthakovidāna bhavēyyāmaṃko nāma puggalo loke ganthakovidō

bhavissatīti. Porāṇapotthakesu pana ariyālaṅkāratthero nanu panidāni mayaṃ ganthakovidā na tāva bhavāmāti evamāhāti vuttaṃ. So aggadhammālaṅkārattheroyeva raññā yācito rājavaṃsa. Saṅkhepampi akāsi. So ppana thero amaccaputto.

Ekasmiṅca kāle hīnāyāvattako eko mahāamacco rañño santikā attanā upaladdhaparibhogam sabbam gahetvā vihāram āgantvā aggadhammālaṅkārattherena saddhim sallāpam akāsi. Sallāpam pana katvā sabbam paribhogam therassa dassetvā sace bhante tvam gihi bhaveyyāsi, ettakam paribhogam labhissatīti āha. Theropi evamāha,-tumhākam pana ettako paribhogo amhākam samaṇānam vaccakuṭim asubhabhāvanam bhāvetvā pavisantānam puñnam kalam nāgghati soḷasinti. Kiñcāpi idaṅca pana vacanam sāsanavaṃse appadhānam hoti, pubbācariyasīhehi pana vutta vacanam yāva apāṇakoṭikā saritabbamevāti manasikarontena vuttanti.

Kaliyuge pana catuttimsādhike vassasahassee sampatte tassa putto narāvaro nāma rājā rajjam kāresi. Mahāsīhasūradhammarājāti nāmalañcam paṭiggaṇhi. Tassa rañño kāle 'sī khom' cetiyassa samīpe jetavanavihāre gantham uggaṇhanto eko daharabhikkhu ganthachekopi samāno bālakāle bālacittena ākulito hutvā vaccakūpe vātātapehi bahisukkhabhāvena paṭicchādite daṇḍena ālulitvā duggandhoviya cittasantāne pariyattivātātapehi bahisukkhabhāvena paṭicchādite kenacideva rūpārammaṇādina ālulitvā kilesasattisaṅkhāto duggandho vāyitvā hīnāyāvattissāmīti cintetvā gihivatthāni gahetvā saddhim sahāyabhikkhuhi nadittittham agamāsi. Antarāmagge tāva bhikkhubhāveneveva cetiyam vandissāmīti gihivatthāni sahāyakānam hatthe ṭhapetvā cetiyappamukhe leṇam pavisitvā vanditvā nisīdi. Atha ekā daharittihī cetiyaṇaṇam āgantvā bahi leṇam nisīdisvā udakam siñcitvā patthanam akāsi,-iminā puññakammena sabbehi apāyādinukkhehi moceyyāmi, bhav bhav ca hīnāyāvattakassa purisassa pādacārikā na bhaveyyāmīti.

Atha tam sutvā daharabhikkhu evam cintesi,-idāni ahamhīnāyāvattissāmīti cintetvā āgato, ayampi daharittihī hīnāyāvattakassa purisassa pādacārikā na bhaveyyā mīti patthanam akāsi, idāni tam daharittim kāraṇam pucchissāmīti. Evam pana cintetvā bahi leṇam nikkhamitvā tam daharittimkāraṇam pucchi,-kasmā pana tvam hīnāyāvattakassa purisassa pādacārikā na bhaveyyāmīti patthanam karosīti. Hīnāyāvattakassa bhante purisassa pādacārikā na bhaveyyāmīti vuttavacanam bālapurisassa pādacārikā na bhaveyyāmīti vuttavacanena nānā na hoti, sadisatthakamevāti nanu hīnāyā vattako bāloyeva nāma, sace pana bhante hīnāyāvattako bālo nāma na bhaveyya, ko nāma loke bālo bhaveyya, bhikkhu nāma hi parehi dinnam cīvarapiṇḍapātasenāsanam paribhuñjitvā sukham vasati, sace gantham uggaṇhitu kāmo bhaveyya, yathākāmaṃyeva gantham uggaṇhitum okāsam labhati, evam pana ahutvā alasikoyeva bhūñjitvā sayitvā nisīditum iccheyya, evampi yathākāmaṃ bhūñjitum sayitum okāsam labhati, evampi samāno parassa dāso bhavissāmi, dārassa kiṃkaro bhavissāmīti akathentopi kathentoviya hutvā hīnāyāvattetvā, so loke aññehi bālehi adhiko bāloti aham maññāmi, sace pana bālatarassa bhariyā bhaveyya, aham bālatarī bhaveyyanti vutte so daharabhikkhu samvegam āpajjitvā bahinagaradvāram nikkhamitvā vānaraṇena vinā jhāyantoviya vānaro jhāyitvā nisīdi.

Atha sahāyakā āgantvā gihivatthāni gaṇhāhīti pakkosimsu. Tasmim kāle so daharabhikkhu āgacchatha bhavantoti vatvā sabbam kāraṇam tesam ācikkhitvā idāni pana bhavanto hīnāyāvattetvā sace yo koci āgantvā mama sīsam muggarena pahāreyya, evam santepi hīnāyāvattitum na icchāmi, ito paṭṭhāya yāva jīvitapariyantā hīnāyāvattitum manasāpi na cintayissāmīti vatvā erāvatīnamdim taritvā jeyyapuram agamāsi. Tadā kira daharittihī devalābhavayya, na manussitthīti vadanti paṇḍitāti.

Jeyyapuram pana patvā pariyattikovidānam mahātherānam santike nayam gahetvā puññacetiyassa dakkhiṇadisābhāge ekasmiṃ vihāre nisīdi. Pariyattim vācetvā atha kamena tamtamdisāhi bhikkhusāmaṇerā āgantvā tassa santike pariyattim uggaṇhimsu. Āvāsam pana alabhitvā keci bhikkhusāmaṇerā chattānipi chādītva nisīdimsu.

Ekasmiṃ kāle rājā nikkhamitvā puññacetiyam vandissāmīti cetiyaṅgaṇam pāvīsi. Atha chattāni chādetvā nisinne bhikkhū disvā guhāya saddhim vihāram kārapetvā tassa bhikkhusa adāsi. Tilokagarūtipi nāmalañcam adāsi. Sukhavohārattham pana kakāralopam katvā tilogarūti voharimsu.

Tassa pana saddhivihāriko sattavassiko tejodīpo nāma bhikkhu parittaṭṭikam akāsi. Aparabhāge pana tilokālaṅkāroti nāmalañchaṃ adāsi. Evaṃ tejedīpo nāma bhikkhu narāvararañño kāle parittaṭṭikam akāsīti daṭṭhabbam. Keci pana pacchimapakkhādhikarañño kāleti vadanti.

Ekasmiṃ pana kāle tiriyaṃpabbatavihāravāsīmahāthero pādacetiyam vandanatthāya gantvā paccāgatakāle kukhananagare suvaṇṇaguhāyam jambudhajattherassa santikam pavisitvā tena saddhim sallāpam akāsi. Te ca mahātherā aññamaññaṃ passitvā sallapitvā ativiya pamodimsu. Lokasmiñhi bālo bālena paṇḍito paṇḍitena saddhim ativiya pamodatīti. Te ca dve therā samānavassikā. Tiriyaṃpabbatavihāra vāsīmahāthero tena saddhim sallāpam katvā paccāgacchi. Jambudhajatthero ca maggam acikkhitum anugacchi. Atha tiriyaṃpabbatavihāravāsīmahāthero jambudhajattheram āha,- aham bhante rājavallabho homi rājaguru,tvaṃyeva mama purato gacchāhīti. Atha jambudhajattheropi tiriyaṃpabbatavihāravāsītheram āha,-tvaṃ bhante rājavallabho bhavasirājaguru, loke rājaguru nāma padhānabhāve ṭhito, tasmā tvaṃyeva mama purato gacchāhīti. Ettha ca dvepi mahātherā aññamaññaṃ gāravavasena lokavattam apekkhitvā evamāhamsūti daṭṭhabbam. Tiriyaṃpabbatavihāravāsīmahātheropi ratanapūranagaraṃ patvā rājavamsapabbatam gantvā araññavāsam vasi.

Atha ukkaṃsīkarājā kaniṭṭhena sūrakittināmena saddhim mantesi,-sace tvaṃ vane theram paṭhamam passasi, tvaṃyeva vihāram kārapetvā therassa dadāhi, sace panāham paṭhamam passeyya, aham vihāram kārapetvā dadāmīti.

Atha kaniṭṭhā paṭhamam passitvā tiriyaṃpabbatakandare jetavanam nāma vihāram kārapetvā adāsi. Idañca vacanam sādhuṃjanānam guṇam evakāram pītisomanassam uppajji, tena puññakammena tena pītisomanassena sattakkhattum devarajjasampattim sattakkhattum manussarajjasampattim paṭilabhīti vuttatā sādhuṃjanānam guṇam anussaritvā puññavisesalābhatthāya vuttam.

Tiriyaṃpabbatavihāravāsīmahāthero ca jambudhajattherassa guṇam ukkaṃsīkarañño ārocesi. Rājā ca ativiya pasīditvā jambudhajoti mūlanāme dīpasaddena yojetvā jambudīpadhajoti nāmalañchaṃ adāsi.

Jambudhajatthero ca nāma dhammanandattherassa saddhivihārikā. Dhammanandatthero ca jotipuññattherassa saddhivihāriko. Te ca therā arahantagaṇavaṃsīkā.

Jambudhajatthero pana vinayapāliya atthakathāya ca attha yojanam marammabhāsāya akāsi. Maṇiratano nāma pana thero atthasālinīsammohavinodanīkañkhāvitaraṇāatthakathānam abhidhammatthavibhāvanīsañkhapavaṇṇanāṭṭikānañca attham maramma bhāsāya yojesi.

Mūlavāsagāme ca pubbārāmaṃvihāravāsīthero gūḷattha dīpanim nāma gantham visuddhimaggagaṇṭhipadatthānaṃ mūlabhāsāya akāsi, nettipāliya ca attham marammabhāsāya yojesi. So pana thero pubbe gāmaṃvāsī hutvā sīsaveṭhanatālapattāni gahetvā ācariyappaveṇīvasena vinayavilomācāram cari. Pacchā pana tam ācāram vissajjitvā araññavāsam vasi. Sopi thero gambhīraññiko saddatthāyeyo ativiya cheko.

Kaliyuge pana pañcatimśādhike vassasahassee sampatte kaniṭṭho siripavaramahādhammarājā nāma bhūpālo rajjam kāresi. Dabbimukhajātassare pana geham kārapetvā nisīdanato dabbimukhajātassaroti nāmaṃ pākaṭam ahoṣi. Tasmim pana jātassare jeyyabhūmikittim nāma vihāram kārapetvā sirisaddhammapālattherassa adāsi. Bahūnampi gāmaṃvāsī araññavāsī bhikkhūnam anuggaṃham akāsi. Ratanapūranagaraṃsmiñhi dasasu 'ñyaum yam' rājāmsesu ppacchimā pañca rājāno avicinitvāyeva alajjilajjīmissakavasena sāsanam paggaṇhimsu. Tadā jinasāsanam abhantare candoviya atiparisuddham na ahoṣi. Evampi lajjino attano attano vaṃsānurakkhaṇavasena dhammam pūretum anivāritatā lajjīgaṇavaṃso na chijjati. Tathā alajjinopi attano attano ācariyappaveṇīvasena vicarimsu, tena alajjīgaṇavaṃsopi na chijjatīti daṭṭhabbam. Tassa rañño kāle devacakkobhāso nāma eko thero atthi, vedasatthāññū piṭakesu pana mandoti.

Kaliyuge pana aṭṭhatimsādhike vassasahassee sampatte vesākhamāsassa kālapakkhaaṭṭhamito paṭṭhāya lokasaṅketavasena uppajjamānaṃ bhayaṃ nivāretuṃ navaguhāyaṃ tena devacakkobhāsatherena kathitanīyāmena paṭṭhamaṃ marammikabhikkhū paṭṭhānappakaraṇaṃ vācāpesi. Tato pacchā jeṭṭhamāsassa juṇhapakkhapāṭipadadivasato rāmaññaraṭṭhavāsike bhikkhū paṭṭhānappakaraṇaṃ vācāpesi. Mahāchaṇaṇca kārāpesi. Raṭṭhavāsinopi bahupūjāsakkāraṃ kārāpesi. Tassa kira rañño kāle potthakaṃ aṭṭhibhallikarukkhanīyāsehi parimaṭṭhaṃ katvā manosilāya likhitvā suvaṇṇena limpetvā piṭakaṃ paṭiṭṭhāpesi. Tato paṭṭhāya yāvajjatanā idam potthakakammaṃ marammaratṭhe akaṃsūti.

Kaliyuge saṭṭhādhike vassasahassee sampatte (assayujamāsassa kālapakkhachāṭṭhamiyaṃ aṅgāravāre) tassa putto rajjaṃ kāresi. Sirihāsīhasūrasudhammarājāti nāmalañchampi paṭiggaṇhi. Pitu rañño gehaṭṭhāne cetiyaṃ kārāpesi. Tassa pana mārajeyyaratanaṃ samaññā ahoṣi. Tassa pana rañño kāle sallāvatiyā nāma nadiyā pacchimbhāge tunnanāmake gāme guṇābhilānkāro nāma thero sāmaṇerānaṃ gāmagavesanakāle ekaṃsaṃ uttarāsaṅgaṃ kārāpetvā sīsaveṭṭhanatālapattāni pana na gaṇhāpetvā tālavaṇṭameva gaṇhāpesi. Eko gaṇo hutvā saparivārena saddhim tunnagāme nisīdi. Tunnagaṇoti tassa samaññā ahoṣi. So pana thero pāliatṭhakathāṭṭikāganthantaresu adhippāyaṃ yathābhūtaṃ na jānāti, abhidhammapiṭakaṃyeva sissānaṃ vācetaṃ nisīdi.

Tasmiṇca kāle ketumatīnagare nisinnā baddhannā buddhaṅkuratthera cittattherā, dīpayaṅganagare uḷugāme nisinnā sunandatthero, taluppanagare jeyyabahuandhagāme kalyāṇattheroti ime cattāro therā sāmaṇerānaṃ gāmapavesanakāle ekaṃsaṃ uttarāsaṅgaṃ akārāpetvā sīsaveṭṭhanatālapattāni aggaṇhāpetvā cīvaraṃ pārupāpetvā tālavaṇṭaṃ gaṇhāpetvā sakalākagaṇaṃ ovādaṃ katvā nisīdiṃsu. Te pana therā pāliatṭhakathāṭṭikāganthantaresu adhippāyaṃ yathābhūbhaṃ jāniṃsu, tīsupi piṭakesu kovidā ahesuṃ. Icevaṃ sirimahāsīhasūrasudhammarañño kāle pārupanabhikkhūhi nānā hutvā virūpaṃ āpajjitvā ekaṃsikaṅgaṇo nāma viṣuṃ bhijji, yathā pana ayamalaṃ ayato uṭṭhahitvā visadisāṃ hutvā viruddhaṃ hotīti. Evaṃ bhijjamānāpi gaṇā rājā pamādo anussukko hutvā attano attano rucivaseneva caritvā nisīdiṃsu.

Tesu ca dvīsu gaṇesu pārupanagaṇe therā pāliatṭhakathāṭṭikāganthantaresu nītatthavasena vuttaṃ vacanaṃ nissāya nikkāṅkhā niddosāva hutvā nisīdiṃsu. Ekaṃsikaṅgaṇe pana therā attano attano vādo na pāliyaṃ na ca aṭṭhakathāsu neva ṭīkāsu nāpi ganthanteresu dissati, imamatthaṃ aṅjanantā idameva saccaṃ moghamaññanti vatvā keci pana sakasakasissānaṃ ovādaṃ adāsu. Evarūpāpi sissā ovādaṃ paṭiggaṇhiṃsu.

Keci pana pāliyaḍīsu sakavādassa anāgatabhāvaṃ ṇatvāyeva aparisuddhacittā hutvā sammāsambuddhassa bhagavato mukhaṃ anoloketvā sammāsambuddhasseva bhagavato guṇaṃ anussaritvā sakavāde ākāse pasārīta hatthoviya appaṭiṭṭhānoti jānitvāyeva amhākaṃ vādo sampattalaṅkassa saddhammacārittherassa vaṃsappabhavoti anissāyabhūbhampi nissayaṃ akaṃsu. Abhūtena mahātheraṃ sīlavantaṃ abbhācikkhiṃsu. Phyaṣīnāmake gāme diṭṭhadhammikasamparāyi katthaṃ anapekkhantassa hīnāyāvattakassa dussīlassa upāsakassa lañjaṃ datvā amhākaṃ vādānūrūpaṃ ekaṃ ganthaṃ karohīti uyyojetvā anāgate anubhaviyamānadukkhatō abhāyitvā nissayaṃ gavesiṃsūti.

Tasmiṇca kāle nigrodhapālisuvaṇṇavihāravāsitthero gāmaṃvāsībikkhū gaṇaṃ samitiṃ katvā tassa nāyako hutvā sīsaveṭṭhanaṃ adhārentā amaṅgalabhikkhū sāsane mātiṭṭhantūti araññavāsīnaṃ bhikkhūnaṃ ganthaṃ vikopetvā tato tato pabbajesuṃ. Atha hatthisīlagāmassa puratthimāya anudisāya seṭṭhitaḷākassa dakkhiṇāya anudisāya vihāre nisinne atirekapaṇṇāsabhikkhūpi pabbājessāmāsi cintetvā gāmaṃvāsībikkhū sannahitvā agamāsi. Atha rājā tamatthaṃ sutvā gāmaṃvāsīgaṇopi eko, araññavāsīgaṇopi eko, gāmaṃvāsībikkhū araññavāsībikkhū viheṭṭhesuṃ na sakkā, sakasakavādavasena sakasakaṭṭhāne nisīdi tabbanti rājalekhaṇaṃ pesesi. Atha araññavāsībikkhū sukhaṃ vasitūṃ okāsaṃ labhiṃsu.

Kaliyuge chasattatādhike vassasahassee sampatte tassa rañño putto mahāsīhasūradhammarājādhirājā nāma rajjaṃ kāresi. Soyeva sūrajjarājāti ca setibhindoti ca vohāriyati.

Tassa rañño kâle suvaṇṇayānolokanagāmvāsīukkamaṣamālaṃ nāma theramaṃ antoyudhanāyako eko amacco ānetvā ratanapūranagaraṃ patvā suvaṇṇakukkuṭācale vihāraṃ kārāpetvā ṭhapesi.

So pāliatṭhakathāṭīkāganthantaresu ativiya cheko. Vaṇṇabodhanaṃ nāma likhananayañca akāsi. Tassa gāmassa rājūhi dinnavasena cetiyajagganakamme yuttakulattā pana rañño ācariyatṭhāne atṭhapetvā antoyudhanāya kasseva pūjanatṭhāya niyyādesi. Tassāpi rañño kâle sāmaṇerehi gāmappavasanakāle pārūpetvā pavisitabbanti ekacce vadimsu. Ekacce pana ekamaṣaṃ uttarāsaṅgaṃ katvā pavisitabbanti vadimsu. Evaṃ aññamaññaṃ kalahaṃ akaṃsu.

Tattha ukkamaṣamālānāmakō thero pārūpanagaṇe padhāno hutvā nānāganthesu pārūpanavattameva āgatanti pakāsimsu. Ekamaṣikagaṇe pana tiriyapabbatavihāravāsīmahātherā ācariyappaṇḍissanavasena pārūpanavādaṃ paṭikkhipimsu.

Atha rājā ca phalikhacitavihāravāsīttheramaṃ meghuccanavihāravāsīttheramaṃ suhatthatheramaṃ buddhānkuraththeraṅcāti ime cattāro there vinayavinicchakatṭhāne ṭhapetvā dve pakkhā attano attano vādaṃ dassentūti āha.

Te ca cattāro therā pāliatṭhakathāṭīkāganthantaresu akovidā. Tesañhi ṭhapetvā rājavallabhamattaṃ añño koci guṇaviseso natthi rājagurubhāvattṭhāya, yathā byagghā rukkhagacchalatādippaṭicchanne duggatṭhāne nisinne mige khuddakattā dubbalepi gaṇhetuṃ na sakkonti, evameva te ekamaṣikatthere rājānaṃ nissāya ṭhite ganthesu anāgatattā dubbalepi vādavasena abhibhavituṃ na sakkhimsu. Teneva parasenāya balavataṃ jānitvā nipaccakāraṃ dassetvā veraṃ sametvā nisino paṇḍitayodhoviya vādaṃ niṭṭhaṃ appāpetvāyeva pārūpanagaṇā nisīdīmsūti.

Kaliyuge pana pañcanavutādhihe vassasahassee sampatte tassa putto mahārājādhipati nāma rajjaṃ kāresi. Pacchā pana kâle terasādhihe sate vassasahassee ca sampatte rāmaññaraṭṭhino rājā taṃ abhibhavitvāva anītatā pattahaṃsāvātīti pākataṃ ahoṣi.

Tassa rañño kâle kukhananagare jālayutta gāmato ñāṇavaraṃ nāma theramaṃ ānetvā ācariyatṭhāne ṭhapesi. So pana thero pāliatṭhakathāṭīkāganthantaresu ativiya cheko. Sudhammasabhāyaṃ pariyaṭṭivācakaṇaṃ sotārānaṃ atṭhāya abhidhammatṭhasaṅghappakaraṇassa gaṇṭhipadatṭhaṃ paṭṭhamaṃ akāsi. Tato pacchā atṭhasālīniyaṃ gaṇṭhipadatṭhaṃ surāvinicchayañca akāsi. Tato pacchā tena rañña yācīto abhidhānappaṭīpikāya atṭhaṃ marammahāsāya yojesi. Rañño nāmalañchaṃ chandolaṅkārasaddanettividaggaṇḍībyañjīnanayehi alaṅkaritvā rājādhirājānamatṭhappakāsinīṃ nāma ganthampi akāsi.

Rājā hatthisālanāmake dese kārāpitagehaṃ bhinditvā satappamaṇe vihāre kārāpetvā sabbesampi vihāraṇaṃ kittijeyyavāsaṭṭhāpananti nāmāni paññāpetvā tasseva therassa adāsi. Vihāraṇameva ca therassāpi taṃsamañña ahoṣi.

Tasmiñca kâle akyakarañño piturañño ca kâle tesamaṃ dvinnaṃ gaṇānaṃ vivādavasena avippakatavacanaṃ puna vivādassa vūpasamanatṭhāya attano attano vādaṃ kathāpesi. Pārūpanagaṇe so thero padhāno hutvā ekamaṣikagaṇe pana pāsaṃsatthero padhāno hutvā yathāyuddhaṃ akāsi. Atha rājā ativiya rājavallabhaṃ jeyyabhūmisuvaṇṇavihāravāsīttheramaṃ tesamaṃ vādassa vinicchindanatṭhāya vinayacareṭṭhāne ṭhapesi.

Kiñcāpi so pana thero pāliatṭhakathāṭīkāganthantaresu thokaṃyeva jānakattā pariyaṭṭikovidesu abbohārikoyeva ahoṣi, rājavallabhattā pana rājā yathābhūtaṃ ajānitvā vinayadharatṭhāne ṭhapesi. Yathā pana ayaṃ puratṭhimadisā, ayaṃ pana pacchimadisābhi evamaḍiṇā disāvavatṭhānamattaṃyeva kātuṃ samatṭhaṃ naṅgalakoṭīyā saṃvaḍḍhantaṃ parisuṃ rājāgāre dhammavinicchakāmapaccaṭṭhāne ṭhapeti, evameva rājā ayaṃ īdiso ayaṃ īdisoti ajānitvā vinayadharatṭhāne ṭhapitattā so jeyyabhūmisuvaṇṇavihāravāsītthero tesamaṃ dvinnaṃ pakkhānaṃ dvīsu vādesu ayaṃ bhūto ayaṃ abhūtoti vattuṃ na sakkā, advāraghare pavitṭhakāleviya tadā ahoṣi. Seyyathāpi nāma mahiso attano samīpe ṭhatvā devagītaṃ gāyitvā devaviṇaṃ vādentassa devagandhabbassa veḷusalākaṃ paharantassa ca gāmadārakassa saddesu kiñci visesaṃ na jānāti,

evamidaṃ sampadaṃ daṭṭhabbaṃ. Atha rājā mama vijite yeyebhikkhū yaṃyaṃicchanti, tetebhikkhū taṃtaṃcaritvā yathākammaṃ nisīdantūti rājalekhaṇaṃ ṭhapesi. Tesam vivādo tadā na vūpasami.

Aparabhāge terasādhike sate sahasse ca sampatte ratanapūranagaraṃ vinassi.

Tato pacchā dutiye saṃvacchare ratanasikhanagaraṃāpako rājā rāmaññaraṭṭhindassa rañño senaṃ yavakhattato cātakasakuṇaṃviya attano puññanubhāvena marammaraṭṭhato nīharitvā sakalampi rāmaññaraṭṭhaṃ attano hatthagataṃ katvā rajjaṃ kāresi.

Tasmiṃca kāle sakalamarammaraṭṭhavāsīnaṃ cittaṃ pasādesi, yathā nāma sūriyātapena milāyantānaṃ kumudānaṃ anotattodakena siñcitvā haritattaṃ pāpeti, evameva rāmaññaraṭṭhindassa senābalātapehi dukkhappattānaṃ marammaraṭṭhavāsīnaṃ gahaṭṭhānañceva bhikkhūnañca attano puññānotattodakena chiñcitvā kāyikacetāsikavasena duvidhampi sukhaṃ uppādesi.

Sakalamarammaraṭṭhavāsino ca ayaṃ ambhākaṃ rājā bodhisattoti vohāriṃsu. Atha ekasmiṃ māse catūsu uposathadivasesu bhikkhusaṅghaṃ nimantetvā antepure pavesetvā piṇḍapātena bhojesi. Rājorodhāmaccehi saddhiṃ uposathaṃ upavasi. Sabbesampi rājorodhāmaccānaṃ guṇattayapāṭhaṃ saha atthayojanāyena vācagataṃ kārāpesi.

Atha beluvagāmaṃvāsīyasattheraṃ anetvā attano ācariyaṭṭhāne ṭhapesi. Mahāatulasadhammarājagurūti nāmalañchampi adāsi. Tato paṭṭhāya pana atulatheroti nāmena pākato ahosi. Tasmiṃca kāle pārūpanagaṇapakkhāpaliṇagāmaṃvāsīsujātattherādayo sāmaṇeraṇaṃ gāmapavesanakāle cīvaraṃ pārūpitvā pavisitabbanti akkharaṃ likhitvā rañño santikaṃ sandesapaṇṇaṃ paveseti.

Atha ekaṃsikagaṇapakkhāpi atulatherādayo pubbesaṃ rājūnaṃ kāle adhikaraṇaṃ vūpasami, idāni vūpasamitakammaṃ puna na uppādetabbanti lekhaṇaṃ likhitvā rañño santikaṃ pesesi.

Atha rājā dvinnaṃ pakkhānaṃ sakasakavādaṃ kathetukāṃmopi idāni rājappaṭisaṃyuttaṃ kammaṃ bahu atthi, tiṭṭhasu tāva sāsanaṃpaṭisaṃyuttaṃ kammaṃ, rājappaṭisaṃyuttameva kammaṃ paṭhamaṃ ārabhissāmi, pacchā sāsanaṃpaṭisaṃyuttaṃ kammaṃ karissāmi rājalekhaṇaṃ ṭhapesi. Aparabhāge pana rājā evaṃ āṇaṃ ṭhapesi, idāni mama vijite sabbepi bhikkhū mama ācariyassa matim anuvattitvā carantūti.

Atha pārūpanagaṇabhikkhūpi ekaṃsikagaṇaṃ anuvattesaṃ rañño āṇavasena. Sahassorodhagāme pana dve mahātherā attano parisam pārūpanavaseneva gāmapavesanavattaṃ paripūritabbanti ovaditvā nisīdiṃsu.

Tadā rañño ācariyo yasatthero tamatthaṃ sutvāte pakkosāpesi. Te ca āgantvā nagaraṃ sampattakāle eko upāsako pasanno hutvā tesam therānaṃ piṇḍapātena upaṭṭhahi. Atha atulathero te mahāthere dūraṭṭhānato vālukaṃ ānetvā tassa upāsakassa gehasamīpe okirāpesi. Idaṃ vinayadhammassa ananulomavasena carantānaṃ daṇḍakammanti kolāhalampi uppādesi. Atha tesam vālukaṃ āharantānaṃyeva aññaṃaññaṃ sallapesuṃ, idāni bhante vinayadhammānulomavasena ācarantānaṃ ambhākaṃ īdisaṃ kammaṃ asārūpaṃ, aho acchariyadhammo lokoti eko thero āha. Atha pana eko thero evamāha, idāni āvuso lokapālā devā īdisaṃ adhammakammaṃ disvāyeva ajjuhekkhitvā apposukā nisīdituṃ na sakkā, idāni lokapālā devā pamajjitvā nisīdanti maññeti.

Tasmiṃyeva khaṇe vegena megho uṭṭhahitvā atulatherassa vihāre rājagehe ca ekakkhaṇe asaniyo nipatiṃsu. Evaṃ samānopi so thero atimānathaddhatāya satim na labhi.

Puna rājā idāni mama vijite sabbepi bhikkhū mama ācariyassa matim anuvattanti vā mā vāti amacce puchi. Amaccāpi evaṃ rañño ārocesuṃ, idāni mahārāja kukhananagare nīpagāme nisinno eko mahāthero munindaghoso nāma atthi, so pārūpanavasena attano parisam ovādetvā bahuguṇaṃ uppādetvā nisīdatīti.

Atha rājā evamāha,-taṃ pakkosetvā sudhammasasāyaṃ mahāthere sannipābhāpetvā tassa therassa vinaya paṇṇattiṃ yathābhūtaṃ ajānantassa yathābhūtaṃ sabhāvaṃ dassetvā ovādentūti.

Atha amaccā tathā akaṃsu. Mahātherā ca sudhammasassayaṃ sannipatitvā taṃ pakkosetvā ovadiṃsu. Tesu pana mahātheresu eko thero bhūpālassa saṅgharaṅṅo ca mukhaṃ oloketvā bhagavato pana sammāsambuddhassa mukhaṃ anoloketvā munindaghosattheraṃ evamāha,- idāni āvuso imasmiṃ marammaraṭṭhe sabbepe bhikkhū bhūpālassa saṅghassa raṅṅo ca āṇaṃ anuvattitvā ekaṃsikāyeva ahesuṃ, tvaṃyeva eko saddhiṃ parisāya pārūpanavatthaṃ caritvā nisīdasi, kasmā pana tvaṃ mānathaddho hutvā īdisaṃ anācāraṃ avijahitvā tiṭṭhasīti.

Atha munindaghosatthero tassa therassa mukhaṃ ujukaṃ oloketvā evamāha,- tvaṃ lajjīpesalo sikkhākāmoti pubbe mayā sutapubbo, īdiso pana puggalo īdisaṃ vacanaṃ vattunaṃ yutto, īdisassa hi puggalassa īdisaṃ vacanaṃ assārūpaṃ, sace tvaṃ ayaṃ appapuṅṅo nittejo anāthoti maṃ maṅṅitvā agāravavasena vattuṃ iccheyyāsi, evaṃ santepi mamācariyassa mukhaṃ oloketvā mamācariyassa guṇaṃ jānitvā tassa sissoyanti anussaritvā īdisaṃ vacanaṃ adhammikaṃ vattuṃ na sakkāti.

Atha so thero taṃ pucchi,-ko pana tavācariyoti. Atha sukhammasabhāyaṃ ṭhapitaṃ buddharūpaṃ vadditvā ayaṃ mamācariyoti āha. Mamācariyoti vatvā pana bhikkhusaṅghamajjhe utṭhahitvā ekaṃsaṃ uttarāsaṅgaṃ katvā ukkuṭikaṃ nisīditvā añjaliṃ paggahetvā ahaṃ bhante yāva jīvitapariyosānā mama jīvitamyeva pariccajissāmi, bhagavato panati lokaggassa sikkhāpadaṃ na vijahissāmīti ārocesi.

Atha rājā tamatthaṃ sutvā mānathaddho eso mama vijite nisīdāpetuṃ vaṭṭati, raṭṭhantaram pabbājetabboti rājāṇāya raṭṭhantaram pesesi.

Rājapurisā ca taṃ pakkosetvā raṭṭhantaram ānesi. Bahaṅgaṃ nāma desaṃ patvā bahaṅganāyako puriso rājapurisānaṃ laṅgaṃ datvā evamāha,- ayaṃ pana bhonto marammaraṭṭhassa pariyaṇṭapadeso, idheva ṭhapetvā tumhe nivattathāti.

Rāja purisāpi laṅgaṃ gahetvā tattheva ṭhapetvā nivattiṃsu. Theropi catūhi disāhi āgatānaṃ bhikkhusāmaṇeraṇaṃ pārūpanavasena ovādaṃ datvā pariyattiṃ vācetvā tattha nisīdi. Abhidhammatthasaṅgahaganthassa atthayojanampi marammabhāsāya akāsi.

Aparabhāge rājā tamatthaṃ sutvā idāni so thero mama vijitapariyanteyeva nisīditvā amhehi anicchitaṃ nivāritaṃ kammaṃ katvā nisīdi, taṃ pakkosathāti āha.

Rājadūtā ca tattha gantvā pakkosiṃsu. Thero ca idāni maṃ rājā māretukāmoti maṅṅitvā sikkhaṃ paccakkhitvā gihivatthaṃ nivāsetvā tehi saddhiṃ āgacchi. Nagaraṃ pana āgantvā pattakāle raṅṅo santikaṃ ānesi.

Atha rājā evamāha,-tvaṃ bhikkhu hutvā gaṇaṃ vaḍḍhāpetvā nisīdasīti mayā sutuṃ, kasmā panidāni gihi bhavasīti. Sace tvaṃ mahārāja maṃ māretukāmo pakkoseyyāsi, evaṃ sati yadi sikkhaṃ appaccakkhāya ṭhitaṃ maṃ māreyyāsi, tava bhāriyaṃ kammaṃ bhavissatīti manasikaritvā tava kammaṃ abhāriyatthāya sikkhaṃ paccakkhitvā āgatomhi, sace maṃ māretukāmosi, mārehihi. Rājā ca taṃ bandhanāgāre ṭhapetvā syāmaratṭhaṃ yujjhanatthāyagacchi. Yajjhanatthāya pana gantvā paccāgatakāle antarāmaggeva divaṅgato ahoṣīti.

Kaliyuge pana dvāvīsādhike vassasate sahasse ca sampatte tassa jeṭṭhaputto siripavaramahādhammarājā nāma rajjaṃ kāresi. Ratanasikhanagaraṭo saṅkametvā jeyyapuraṃ dutiyaṃ māpitattā jeyyapuramāpeko rājātipi tassa samaṅṅā ahoṣi. Tasmīṅca kāle mahāpabbatabbhantarānagaravāsīṃ nāṇattheraṃ ānetvā ācariyaṭṭhāne ṭhapesi. Sokira thero gambhīrapaṅṅo ekasmiṃ divase nava vā dasa vā bhāṇavāre vācuggaṃ kātuṃ samattho ahoṣi. Abhinavopasampannakāleyeva padavibhāgaganthaṃ nyāsasaṃ vaṇṇanaṃ yamakasaṃvaṇṇanaṃ mahāpaṭṭhānaṃvaṇṇanaṅca marammabhāsāya akāsi. Rājā mahābhūmirammaṇiyavihāraṃ nāma kārapetvā tasseva adāsi. Nāṇālaṅkāramahādhammarājagurū tipi nāmalaṅchaṃ adāsi.

Tasmiñca kāle pārūpanagaṇe therā evaṃ cintesuṃ,- idāni pana amhākaṃ pakkhiko thero rañño ācariyo ahoṣi, idāni mayaṃ patitṭhānaṃ labhāmāti. Evaṃ pana cintetvā sāmaṇerānaṃ gāmapavesanakāle cīvaraṃ pārūpetvā pavisitabbanti sandesapaṇṇaṃ rañño santikaṃ pavesesi. Atha atulathero pubbe vuttanayena vūpasamitaṃ kammamidanti sandesapaṇṇaṃ rañño santikaṃ pavesesi. Teneva aññaṃaññaṃ paṭivacanavasena dassetuṃ okāsaṃ na labhiṃsūti.

Tato pacchā kaliyuge pañcavīsavassādhike sate sahasse ca sampatte tassa rañño siripavarasudhammahārājindādhīpati nāma rajjaṃ kāresi. Ratanapūraṃ pana tatiyaṃ māpakattā ratanapūramāpakoti ekassa pana chaddantanāgarājassa sāmibhūtattā setibhindoti ca samañña ahoṣi. Caracca gāmaṃvāsīcandāvaram nāma theram ānetvā attano ācariyaṭṭhāne ṭhapesi. Sūmikittiatulaṃ nāma vihāraṃ kārapetvā tassa adāsi. Jambudīpaanantadhajamahādhammarājagurūtipi nāmalañchaṃ adāsi. Tassa rañño kāle ekacce manussā diṭṭhivipallāsā ahesuṃ, tepi pakkosāpetvā sammādiṭṭhiṃ gaṇhāpesi. Tassa pana rañño kāle ekaṃsikagaṇaṃ abhibhavituṃ okāsaṃ na labhiṃsūti.

Tato pacchā kaliyuge aṭṭhatimsādhike vassasate sahasse ca sampatte tassa rañño putto mahādhamme rājādhirājā nāma rajjaṃ kāresi. Nagarassa dakkhiṇadisābhāge pañcabhūmikavihāraṃ kārapetvā jeyyabhūmivāsātulanāmena paññāpetvā mārāvattānassa nāma therassa adāsi. Guṇamunindābhisāsanadhajamahādhammarājādhirājagurūtipi nāmalañchaṃ adāsi.

Tasmiñca kāle nandamālo nāma thero calaṅganagarassa puratthimadisābhāge vihāre nisīditvā bahūnaṃ bhikkhusāmaṇerānaṃ ganthaṃ vācesi. Sāmaṇerānaṃ gāmapavesanakāle pārūpanavattameva paripūretvā pavisitabbaṃ, ekaṃsikavattaṃ pana neva pāliyaṃ na aṭṭhakathāyaṃ na ca ṭikāsu nāpi ganthantaresu dissati, na dhammānulomanti ovādaṃ abhiṅhaṃ adāsi. Pāliyaṭṭhakathādisu āgatavinicchayaṃ dassetvā ekampiganthaṃ akāsi.

Atha ekaṃsikagaṇikā bhikkhū taṃ ganthaṃ rañño santikaṃ pavesiṃsu dosāvikaṇaṭṭhāya. Tasmiñca kāle rājā evarūpaṃ supinaṃ passi, -sakko hi devarājā setavattaṃ nivāsetvā setālankārehi alaṅkaritvā setakusumāni pilanditvā rañño santikaṃ āgantvā evamāha,- aparantaṭṭhehi mahārāja nampadānadīre pādacetiye bahūni tiṅāni uṭṭhahitvā aññaṃaññaṃ mūlena mūlaṃ khandhena khandhaṃ pattena pattaṃ sampandhitvā paṭicchādetvā ṭhitāni, tāni pana pubbarājūhi yathābhūtaṃ ajānantehi avisodhitāni, idāni pana tayā yathābhūtaṃ jānantena parisuddhaṃ kattukāmena visodhitabbāni, tattthaca eko bhikkhu āgantvā upadesanayaṃ dassatīti.

Evaṃ pana supinaṃ passitvā nandamālaṃ nāma theram pakkosāpetvā ratanapūranagarassa esannaṭṭhāne udakakīlanatthāya kārapite rājagehe vasāpesi.

Atha thero sāmaṇerānaṃ gāmapavesanakāle pārūpanavasena pavisitabbanti pāliyaṭṭhakathāṭikāganthantarehi rājānaṃ jānāpesi, yathā mahāmoggaliputtatissatthero siridhammasokarājānaṃ sammāvādanti. Atha rājā paricita pāramīpuññasambhāro mahāññaṃ jānāsi,- pārūpanavādoyeva pāliyaṭṭhakathāṭikāganthantaresu āgato, ekaṃsikavādo pana tesu kattacipi na āgatoti. Evaṃ pana jānitvā rañño gehe dve pakkhe there sannipātāpetvā attano attano vādaṃ kathāpesi.

Atha ekaṃsikatthero evamāhaṃsu,-tumhākaṃ pārūpanavādo kattha āgatoti. Tadā pārūpanattherā parimaṇḍalaṃ pārūpissāmītiādinā nayena pāliyaṭṭhakathāṭikāganthantaresu pārūpanavādo āgatoti āhaṃsu. Tato pacchā pārūpanattherā evamāhaṃsu,-tumhākaṃ pana ekaṃsikavādo kattha āgatoti. Tadā te ekaṃsikattherā advāragharaṃ pavitṭhakāloviya rattibhāge mahāvanamagge gamanakāloviya ca hutvā kiñci vattuṃ na sakkā. Mukhaṃ nāma kathanatthāya bhūñjanatthāya hotīti vuttattā yaṃ vā taṃ vā vadantāpi rājānaṃ ārādhetuṃ na sakkhiṃsu.

Rājā ca theram nissāya vinaye kosallatāya pāliyaṃ idisoyeva āgato, aṭṭhakathādisu idisoyevāti vatvā tumhākaṃ ekaṃsikavādo pāliyaṭṭhakathāṭikāganthantaresu na dissati, evampi samānā kasmā idisaṃ vattaṃ akaṃsūti pucchi. Atha te ekaṃsikattherā catuhatthagabbhe sahoḍḍena gahitacorāviya manussehi gatitakāviya ca kiñci vattuṃ asakkuṇeyyatāya sabbadisāsu oloketvāyeva amhākaṃ cārittaṃ pāliyaṭṭhakathādisu na diṭṭhapubbaṃ, atha kho pana ācariyappaveṇīvaseneva carimhāti vatvā

parājayaṃ patvā pārūpanapakkeheva pavasiṃsūti. Rājā ca ito paṭṭhāya bhikkhū pārūpanavattameva kārāpetuṃ sāmaṇeraṃ ovaḍantūti rājānaṃ ṭhapesi. Tato paṭṭhāya ekaṃsikapakkhātherā aruṇuggamanakāle kosiyāviya sīsaṃ uṭṭhahitumpi na sakkāti.

Sokasarabhūmahācetiyaṃ puratthimadisābhāge dvīhi pāsādehi alaṅkataṃ catubhūmikaṃ bhūmikittivirāmaṃ nāma vihāraṃ kārāpetvā nandamālattherassa adāsi, narindābhidhajamahādhammarājādhirājagurūti nāmalañchampi adāsi. So pana thero chappadavaṃsikoti daṭṭhabbo. Abhinavopasampannakāleyeva vinayavinicchayassa suttasaṅgahassa mahāvaggaṭṭhakathāya ca atthayojanaṃ marammabhāsāya akāsi, sāsanasuddhidīpikaṃ nāma ganthampi akāsīti.

Tato pacchā kaliyuge tecattālīsādhike vassasate sahasse ca sampatte phaggunamāsassa kāḷapakkhapanna rasamiyaṃ ratanasikhamāpakassa rañño majjhimaputto rajjaṃ kāresi.

Tadā rājā evaṃ cintesi, -ekaṃsikapārūpanavasena uppanno vivādo pubbesaṃ rājūnaṃ kāle vūpasamituṃ na sakkā, siripavarasudhammahārājindādhīpatino kālepi rājagehe sannipātāpetvā rañño sammukhe kathāpitattā vissaṭṭhena kathetuṃ okāsassa aladdhattā yathākāmaṃ vattuṃ avisahattā parājayo ahoṣīti lesaṃ oḍḍatuṃ okāso bhavyeyamayhaṃ pana kāle īdisaṃ akatvā tesāṃ tesāṃ therānaṃ vihāre dūtaṃ pesetvā sakasakavādaṃ kathā pessaṃmi, evañhi sati tetetherā vissaṭṭhā hutvā kathessantīti.

Evaṃ pana cintetvā antoyudhanāyakaṃ amaccaṃ padhānaṃ katvā tesāṃ tesāṃ therānaṃ santikaṃ gantvā ārocāpesi, -sakasakavādaṃ vissaṭṭhā hutvā vadathāti. Atha ekaṃsikagaṇikā therā amhehi vuttavacanaṃ pālīādīsu na dīssati, atha kho pana ācariyappaṇḍitavaseneva mayaṃ carimhāti anujāniṃsu.

Mahārājā ca evaṃ therānaṃ anujānane sati kiñci kattabbaṃ natthi, idāni parimaṇḍalasuppaṭicchannasikkhāpadāni avikopetvā sāmaṇerā gāmaṃ pavisaṇṭūti rājalekhaṇaṃ tattha tattha pesesi.

Aparabhāge pana sahasrorodhagāmato upasampadā vassena sattavassikaṃ ṇāṇaṃ nāma bhikkhuṃ ānetvā antoyudhavihāraṃ nāma kārāpetvā tassa adāsi, ṇāṇābhīsāsanadhajamahādhammarājagurūti nāmalañchampi adāsi. Atha raññā yācīto rājābhisekaganthaṃ parisodhetvā marammabhāsāya atthaṃ yojesi.

Aparabhāge bhagavā dharamānoyeva āgantvā catunnaṃ yakkhānaṃ dametvā tehi dīnaṃ maṃsodanaṃ paṭiggahetvā pabbatasāmantadesaṃ gantvā paribhuñjitvā taṃ ṭhānaṃ oloketvā sitaṃ pātvaḷkāsi. Atha ānandatthero kāraṇaṃ pucchi. Anāgate kho ānanda imasmiṃ dese mahānagaraṃ bhavissati, cattāro ca ime yakkhā tasmīṃ nagare rājāno bhavissantīti byākāsi.

Yathābyākataniyāmeneva kaliyuge catucattālīsādhike vassasate sahasse ca sampatte māghamāsassa kāḷapakkhadvādasamiyaṃ aṅgāravāre uttaraphaggunīnakkhattena yoge amarapuraṃ nāma mahārājaṭṭhānīnagaraṃ māpesi.

Siriparavijayānantayasatribhavanādityādhipatipaṇḍitamahādhammarājādhirājāti nāmalañchampi paṭiggaṇhi.

Aggamahesiyā kārāpitaṃ jeyyabhūmivihāraḷkittināmaḷkaṃ vihāraṃ guṇābhilaṅkārasaddhammahādhammarājādhirājaguruttherassa adāsi, yo ‘me o sayāḍo’ iti vuccati.

Kannīnagarabhojakāya rājakaññāya kārāpitaṃ vihāraramaṇīyavirāmaṃ nāma vihāraṃ guṇamunindādhīpati mahādhammarājādhirājaguruttherassa adāsi, yo ‘māṃ le sayāḍo’ iti vuccati.

Uparañño deviyā kārāpitaṃ maṅgalāviraṃaṃ nāma vihāraṃ

tipiṭakasaddhammasāmimahādhammarājādhirājaguruttherassa adāsi, yo ‘soṃ ṭhā sayāḍo’ iti vuccati.

Majjhimagehavāsīdeviyā kārāpitaṃ maṅgalāvāsātulaṃ nāma vihāraṃ ñāṇajambudīpaanantadhajamahādhammarājādhirājaguruttherassa adāsi, yo ‘mem jvā sayāḍo’ iti vuccati.

Ime ppana cattāro mahāthere saṅgharājāṭṭhāne ṭhapesi.

Uttaragehavāsīdeviyā kārāpitaṃ maṅgalabhūmikittiṃ nāma vihāraṃ kavindābhisaddhammadharadhajamahādhammarājaguruttherassa adāsi, yo ‘ñyoṃ kāṃ sayāḍo’ iti vuccati.

Sirikhettanagarabhojakena rājakumārena kārāpitaṃ atulabhūmivāsaṃ nāma vihāraṃ kavindābhisaddhammapavaramahādhamma rājaguruttherassa adāsi, yo ‘sve ṭoṃ sayāḍo’ iti vuccati.

Antoamaccena ekena kārāpitaṃ vihāraṃ ñāṇālaṅkārasaddhammadhajamahādhammarājaguruttherassa adāsi, yo ‘seṃ ṭe sayāḍo’ iti vuccati.

Vāmabalanāyakenāmaccena kārāpitaṃ vihāraṃ paramasirivaṃsadhajamahādhammarājaguruttherassa adāsi, yo ‘me ṭhī sayāḍo’ iti vuccati.

Dhammavinicchakena ekenāmaccena kārāpitaṃ vihāraṃ kavinda sāradhajamahādhammarājādhirājaguruttherassa adāsi, yo ‘lokā mhāṃ keṃ sayāḍo’ iti vuccati.

Icevaṃ pariyattikovidānaṃ anekānaṃ mahātherānaṃ saddhiṃ nāmalañchena vihāraṃ datvā anuggahaṃ akāsi. Yasmā pana sabbesaṃ therānaṃ nāmaṃ uddharitvā visuṃ visuṃ kathite ayaṃ sāsanaṃvamsappadīpikakathā atippapañcā bhavissati, tasmā idha ajjupekkhitvā vattabbameva vakkhāmāti.

Pacchābhāge cattāro mahātherā rājādubbalatāya yathākāmaṃ sāsanaṃ visodhetuṃ sakkhissantīti maññitvā puna aṭṭha there etehi catūhi mahātherehi saddhiṃ sāsanaṃ visodhāpetuṃ saṅghanāyakaṭṭhāne ṭhapesi. Seyyathidaṃ, kavindābhisaddhammapavaramahādhammarājagurutthero, tipiṭakālaṅkāradhajamahādhammarājagurutthero, cakkindābhidhajamahādhammarājaguruttherā, paramasirivaṃsadhajamahādhammarājagurutthero, janindābhipavaramahādhammarājagurutthero, mahāñāṇābhidhajamahādhammarājagurutthero, ñāṇālaṅkārasaddhammadhajamahādhammarājagurutthero, ñāṇābhisāsanaadhajamahādhammarājaguruttheroti.

Atha arahāpi samāno nissayamuccakaṅgavikalo vinānissayācariyena vasituṃ na vaṭṭatīti jānitvā nissayā cariyappahonakānaṃ therānaṃ nissayaṅgāni nissayamuccakārahānaṃ nissayamuccakaṅgāni paripūrāpetvā nissitakānaṃ nissayaṃ gaṇhitvāva nisīdāpesi.

Tato pacchā kaliyuge paññāsādhike vassasate sahasseva sampatte ñāṇābhisāsanaadhajamahādhammarājaguruttheraṃyeva ekaṃ saṅgharājāṭṭhāne ṭhapesi. Tato paṭṭhāya soyeva eko saṅghanāyako hutvā sāsanaṃ visodhaya.

Tato pacchā ekapaññāsādhike vassasate sahasse ca sampatte phaggunamāse mahāmunicetiyassa dakkhiṇadisābhāge dvīhi iṭṭhakamayehi pākārehi parikkhitaṃ pañcabhūmikaṃ asokārāme ratanabhūmikittiṃ nāma vihāraṃ atimahantaṃ kārāpetvā ñāṇābhisāsanaadhajamahādhammarājaguruttherassa adāsi. Ñāṇābhivaṃsadhammasenāpatimahādhammarājādhirājagurūti nāmalañchampi puna adāsi. Tato aññāni jeyyabhūmivihārakittimaṅgalavirāmādayo anekepi vihāre tasseva adāsi.

So pana tesu vihāresu vārena nisīditvā pariyattim vācesi. Ubhatovibhaṅgānīpi vācuggatam akāsi. Niccaṃyeva ekāsanikadhujaṅgam samādiyi.

So pana thero upasampadāvassena pañcavassiko hutvā pubbeva saṅgharājabhāvato peṭakālaṅkāra nāma nettisaṃvaṇṇanam abhinavaṭīkam akāsi. Aṭṭhavassīkakāle saṅgharājā ahosi. Saṅgharājā hutvā sādhuḥjanavilāsiniṃ nāma dīghanikāyaṭīkam akāsi. Ariyavaṃsālaṅkāram nāma ganthañca akāsi. Mahādhammaraññā yācito jātakatṭhakathāya atthayojanam catusāmaṇeravatthum rājovādavatthum tigumbhathomanam chaddantanāgarājuppattikatham rājādhirāja vilāsiniṃ nāma ganthañcāti evamādayopi akāsii.

Kaliyuge pana dvāsattṭhādḥike vassasate sahasse ca sampatte sīhaḷadīpato ampagahapatisso, mahādampo, koccha godho, brāhmaṇavatto, bhogahavatto, vāturagammoṭī ime cha sāmaṇerā dasa dhātuyo dhammapaṇṇā kāratthāya ānetvā amarapuram nāma mahārājatṭhānīnagaraṃ āgatā saddhiṃ ekena upāsakena.

Atha ñāṇābhivaṃsadhammasenāpatimahādhammarājādhirājagurunā saṅgharaññā upajjhāyena kavindābhisaddhammadharadhajamahādhammarājaguruttherena janindābhidhajamahādhammarājaguruttherena munindaghosamahādhammarājaguruttherenāti evamādīhi rājagurutthe rehi kammavācariyehi hatthirajjusuvaṇṇaguhasīmāyam upasampadakammaṃ kārāpesi, upāsakañca sāmaṇerabhūmiyam patitṭhāpesi, tato pacchā ca anekavāram āgatānam bhikkhūnam puna sikkham gaṇhāpesi, sāmaṇerānañca upasampadakammaṃ kārāpesi, upāsakānañca pabbajjakammanti.

Aparabhāge pana kaliyuge chacattālīsādḥike vassasate sahasse ca sampatte piturañño ācariyapubbo atulo nāma thero cīvarapaṭalam upariśaṅghāṭim katvā urabandhanavattham bandhitabbanti cūḷagaṇṭhipade vuttattā sāmaṇerānam gāmappavasena kāle ekaṃsam uttarāsaṅgam katvā urabandhanavattham bandhitvāyeva pavisitabbanti daḷam katvā rañño santikam lekhanam pavesesi.

Atha rājā tam sutvā mahāthere sudhammasabhāyam sannipātāpetvā atulatherena saddhiṃ sākaccham kārāpesi. Atha atulathero cīvarapaṭalam upariśaṅghāṭim katvā urabandhanavattham bandhitabbanti cūḷagaṇṭhipade āgatapāṭham dassetvā sāmaṇerānam gāmappavesanakāle ekaṃsam uttarāsaṅgam katvā urabandhanavattham bandhitvā pavisitabbanti āha.

Atha mahātherā tam pucchimsu, -īdiso adhippāyo aññattha dissati vā mā vāti. Atha atulathero evamāha, -aññattha pana īdiso adhippāyo na dissatīti. Evaṃ hotu, ayam gantho kena katoti. Sīhaḷadīpe anurādhapurassa dakkhiṇadisābhāge pokkanti gāme arahantena moggalānattherenāti. Ayamatto katham jānitabboti. Piṭakattayalakkhaṇaganthe āgatattāti. Ayañca piṭakattaya lakkhaṇagantho kuto laddhoti. Buddhaghosattherena kira sīhaḷadīpato ānītattā tato, ayañhi gantho sīhaḷadīpato attanā ānītesu ganthesu asuko gantho asukena therena katoti viññāpanatthāya buddhaghosattherena kato, idānāyam gantho amhākam hatthe saṃvijjatīti. Sace idānāyam gantho tumhākam hatthe saṃvijjati, amhākam dassēhīti. Passathāvuso ayamamhākam hatthe ganthoti dassesi. Atha mahātherehi saṅgharājappamukhehi tasmim ganthe passite vinayaṅgaṇṭhipadam sīhaḷadīpe parakkamabāhurañño kāle moggalānatthero akāsīti āgataṃ, na cūḷagaṇṭhipadam sīhaḷadīpe anurādhapurassadakkhiṇadisābhāge pokkantigāme arahā moggalānatthero akāsīti.

Atha therā evamāhaṃsu, -kasmā pana piṭakattayalakkhaṇaganthe anāgatampi āgataṃviya katvā musā vadatha, na nu tumhākampi ekaṃsīkabhikkhūnam musāvādasikkhāpadam atthīti. Atha atulathero uttarim vattum asakkuṇeyyattā luddakassa vākure bandhamigoviya phandamāno hutvā atṭhāsi, sahoḍḍena gahitoviya coro sahamusāvādakammena so thero gahito ahoṣīti.

Idam imassa atthassa āvibhāvattāya vatthu, –

Imasmim kira raṭṭhe eko janapadavāsīpuriso kenacideva karaṇīyena amarapuram nāma mahārājatṭhānīnagaraṃ āgacchi. Āgantvā ca paccāgatakāle antarāmagge pātheyyam khayam ahosi.

Athassa etadahosi,- idāni mama pātheyyaṃ khayam ahoṣi, imasmiṃ kira raṭṭhe saḥassorodhagāme laddhavarō nāma mahāseṭṭhi sabbattha bhūtaḷe ativiya pākato. Tassāhaṃ ñāṭīti vañcetvā kathessāmi, evaṃ sati tena mahāseṭṭhinā mittasanthavaṃ kātuṃ tetegāmikā manussā mama bahu lābhaṃ dassanti, tadā pātheyyena akiccho bhavissāmīti. Evaṃ pana cintetvā antarāmagge sampattasampattagāmesu mahābhogānaṃ gehaṃ vicinetvā mahābhogānaṃ santikaṃ pavisitvā kathāsallāpaṃ akāsi.

Atha tetegāmikā tvaṃ kuto āgato, kuhiṃ gamissasi, kassa ñāṭī,ko vā tvanti pucchiṃsu. Amarapūramahārājaṭṭhānīnagarato āgato, saḥassorodhagāmaṃ gamissāmi, saḥassorodhagāme laddhavarassa nāma mahāseṭṭhino jāmātā dhanavaḍḍhako nāmāhanti āha.

Atha tetegāmikā laddhavarena mahāseṭṭhinā mittasanthavaṃ kātuṃ nānābhojanehi bhojesuṃ. Aññehipi bahūhi paṇṇākārehi saṅghaṃ akaṃsu. Imināva nayena sampatta sampattagāmesu vañcetvā attano guṇaṃ kathetvā addhāna maggaṃ tari. Pacchā pana saḥassorodhagāmaṃ sampatto. So saḥassorodhagāmaṃ na sampattapubbo. Laddhavarō mahāseṭṭhi tena na diṭṭhapubbo. Saḥassorodhagāmaṃ sampatteyeva ayaṃ kiṃ nāma gāmoti apucchitvāyeva tasmīṃ gāme mahābhogatarassa mahāgehaṃ vicinanto tasseva laddhavarassa seṭṭhino mahantaṃ gehaṃ passitvā laddhavarassa seṭṭhino santikaṃ pavisitvā tena saddhiṃ kathāsallāpaṃ akāsi.

Atha mahāseṭṭhi taṃ pucchi,-tvaṃ kuto āgato, kuhiṃ gamissasi, kassa ñāṭī,ko tvanti. Amarapuramahārājaṭṭhānīnagarato sāmī āgato, saḥassorodhagāmaṃ gamissāmi, saḥassorodhagāme laddhavarassa nāma mahāseṭṭhino jāmātā, dhanavaḍḍhako nāmāhanti āha.

Atha mahāseṭṭhi tassa mukhaṃ ujum oloketvā ayaṃ māṇava saḥassorodhagāmoyeva, ahampi laddhavarō nāma mahāseṭṭhi, mama dhītarō santi, tāpi sassāmikāyeva honti, idāni tā sakasakassāmikānaṃyeva santike vasanti, na tvaṃ kadāci mayā diṭṭhapubbo, kena kāraṇena kuto āgantvā mama jāmātā bhavasīti pucchi.

Atha so mmanussehi anubandhiyamānoviya migo sakalampi kāyaṃ phandāpetvā kiñci vattabbaṃ vacanaṃ ajānitvā aladdhappatiṭṭhānatāya evaṃ sati kuto āgato, kuhiṃ gamissāmi, kassa ñāṭī, ko vā ahanti idāni na jānāmi, sabbadisā sammuyhāmi, khamāhi mama aparādhaṃ, ito paṭṭhāya yāva jīvitapariyosānā na vañcessāmi, vañcetum na visahāmi, idāni ativiya bhāyāmi, mā kiñci daṇḍakammaṃ karohīti vatvā vegena uṭṭhahitvā palāyīti.

Icevaṃ atulathero dummukho hutvā yaṃvātaṃvā mukhārūḷaṃ vilapitvā saṅghamajjhe nisīdi.

Ayaṃ atulatherassa paṭhama parājayo.

Tato pacchā khalitvā kaddame patitaṃ purisaṃ puna upari akkamantāviya puna mahātherā evaṃ pucchiṃsu,-idaṃ bhante tava cūḷagaṇṭhipadaṃ nāma tīsu vinayamahāṭīkāsū sādhaḷavasena dassitaṃ cūḷagaṇṭhipadaṃ udāhu aparanti. Tīsu vinayamahāṭīkāsū sādhaḷavasena dassitaṃ cūḷagaṇṭhipadaṃyeva idanti. Evaṃsati kasmā tava cūḷagaṇṭhipadeyeva vuttañhi vajirabuddhiṭīkāyaṃ, vuttañhi sārattadīpanīṭīkāyaṃ, tathā hi vuttaṃ vimati vinodanīṭīkāyanti tāsāṃ vinayamahāṭīkānaṃ pacchā hutvā tisso vinayamahāṭīkāyo sādhaḷavasena dassitāti. Evaṃ pana pucchanto so mayā pubbe vuttaṃ tīsu vinayamahāṭīkāsū sādhaḷavasena dassitaṃ cūḷagaṇṭhipadaṃyeva idanti vacanaṃ saccamevāti mukhāsūññatthāya punappunaṃ vadi.

Idaṅca imassa atthassa āvibhāvattthāya vatthu, –

Eko kira puriso ekena saḥāyena saddhiṃ puttadāraposanaṭṭhāya rañño bhatitaṃ gahetvā yuddhakammaṃ kātuṃ saṅgāmaṃ gacchati. Atha parasenāya yujjhitaṃ parasenā abhibhavitvā sabbe manussā attano attano abhimukhaṭṭhānaṃ palāyīṃsu. Atha sopi puriso tena saḥāyena saddhiṃ attano abhimukhaṭṭhānaṃ palāyī. Tokaṃ palāyitvā antarāmagge parasenāhi paharitadaṇḍena mucchito hutvā so puriso tena saddhiṃ gantuṃ na sakkā, antamaso nisīditumpi na sakkā.

Atha sahāyassa etadahosi,-idāni ayaṃ ativiya bāḷagilāno hoti maraṇāsanno, sacāhaṃ tassa upatthahitvā idheva nisīdeyyaṃ, verino āgantvā maṃ gaṇhissanti. Evaṃ pana cintetvā gilānassa santakāni kahāpaṇavatthādīni gahetvā taṃ tattheva ṭhapetvā gacchati. Sakaṭṭhānasamīpaṃ pana pattassa tassa etadahosi,- sace taṃ antarāmagge ṭhapetvā āgacchāmīti vadeyyaṃ, tassa ñātakā mama upari dosaṃ ropessanti, idāni so maritvā ahaṃ ekakova āgacchāmīti vadissāmīti. Sakaṭṭhānaṃ pana patvā tassa bhariyā tassa santikaṃ āgantvā mayhaṃ pana sāmiko kuhiṃ gato, kattha ṭhapetvā tvaṃ ekakova āgacchāsīti pucchi. Tava ayye sāmiko paresaṃ āvudhena paharivā kālaṅkato, imāni tava sāmikassa santakānīti vatvā kahāpaṇavatthādīni datvā mā soci mā paridevi, idāni matakabhattaṃ datvā puññabhāgaṃyeva bhājehīti samassāsesi. Atha sā tāni gahetvā roditvā matakabhattaṃ datvā puññabhāgaṃ bhājesi.

Aparabhāge pana thokaṃ kālaṃ atikkante gilānā vutthito sakagehaṃ āgacchati. Bhariyāpi taṃ na saddahi. Ahaṃ na kālaṅkato, gilānaṃyeva maṃ ṭhapetvā so mama santakāni gahetvā gato, sace maṃ tvaṃ na saddhasi, ahaṃ antogabbhe nilīyitvā nisīdissāmi, taṃ pakkosetvā pucchāhīti āha.

Atha sā taṃ pakkosetvā bahi gabbhe nisīditvā pucchi,-mama sāmi sāmiko kālaṅkatoti taṃ saccaṃ vā alikaṃ vāti. Saccamevettaṃ, yaṃ tava sāmiko kālaṅkatoti.

Atha so puriso bahi gabbhaṃ nikkhamitvā aṅgulim pasāretvā na idāni bhosamma ahaṃ kiñci mattopi marāmi, kasmā pana amarantaṃyeva maṃ mato esoti vadesīti. Atha kiñci vattabbassa kāraṇassa adissanato mukhāsuññatthāya aṅgulim pasāretvā ujum oloketvā idāni tvaṃ idha āgantum samatthopi matoyeva, matoti mayā vutta vacanaṃ saccaṃyeva, nāhaṃ kiñci alikaṃ vadāmīti āha. Evaṃ so punappunaṃ vadantopi jīvamānakassa saṃvijjamānattā paccakkheyyeva ca tassa ṭhitattā kocipi tassa vacanaṃ na saddahi, parājayaṃyeva so pattoti.

Icevaṃ atulathero mukhāsuññatthāya vadantopi koci na saddahi, parājayaṃyeva so pattoti.

Ayaṃ atulatherassa dutiyo parājayo.

Punapi seyyathāpi luddako kuñjaraṃ disvā ekena vārena usunā vijjhivā patantampi kuñjaraṃ puna anuṭṭhāhanatthāya katipayavārehi usūhi vijjhati, evameva ekavāreneva parājayaṃ pattaṃ pana vādassa anukkhīpanatthāya katipayavārehi parājayaṃ pāpetum pārūpanavādīno mahātherā evamāhaṃsu,- tava cūḷagaṇṭhipadeyyeva sāmaṇeraṇaṃ parimaṇḍalassuppaṭicchannādīni vattāni abhinditvāyeva pavisitabboti pubbe vatvā cīvaraṇapaṭalauparisaṅghāṭim katvā urabandhanavatthaṃ bandhitabbanti pana vuttaṃ, kasmā pana pubbena aparaṃ asaṃsanditvā vuttaṃ, tumhākaṃ vāde paṭisaraṇabhūtānaṃ pāḷiaṭṭhakathāṭikāganthantarānaṃ natthitāya amhākaṃ paṭisaraṇabhūtaṃ cūḷagaṇṭhipadanti vadatha, tumhākaṃ paṭisaraṇabhūtā cūḷagaṇṭhipadatoyeva bhayaṃ uppajjati vatvā saha nilīyanaṭṭhānena gahitaṃ coraṃ viya saha nissayena adhammavādīno gaṇhiṃsu.

Idaṃ imassa atthassa avibhāvatthāya vatthu, –

Atīte kira bārāṇasito avidūre nadīre gāmake pāṭali nāma naṭamacco vasati. So ekasmiṃ ussava divase bhariyamādāya bārāṇasiṃ pavisitvā naccitvā vīṇaṃ vāditvā gāyitvā dhaṇaṃ labhitvā ussavapariyosāne bahu surābhattaṃ gāhāpetvā attano gāmaṃ gacchanto nadītiraṃ patvā navodakaṃ āgacchantam disvā bhattaṃ bhuñjanto suraṃ vivanto nisīditvā matto hutvā attano balaṃ ajānanto mahāvīṇaṃ gīvāya bandhitvā nadiṃ otarivā gamissāmīti bhariyaṃ hatthe gahetvā nadiṃ otari. Vīṇāchiddehi udakaṃ pāvīsi. Atha naṃ sā piṇā uduke osīdāpesi. Bhariyā panassa osīdanabhāvaṃ ñatvā taṃ vissajjitvā uttaritvā nadīre atthāsi. Naṭapāṭali sakiṃ ummujjati, sakiṃ nimmujjati, udakaṃ pavisitvā uddhumātaudaro ahoṃ. Athassa bhariyā cintesi,-mayhaṃ sāmiko idāni marissati, ekaṃ gītaṃ yācitvā parisamajjhe taṃ gāyantī jīvitaṃ kappessāmīti cintetvā sāmi tvaṃ uduke nimmujjasi, ekaṃ me gītaṃ dehi, tena jīvitaṃ kappessāmīti vatvā–

Bahussutaṃ cittakathaṃ, gaṅgā vahati pāṭalim;
Vuyhamānakaṃ bhaddante, ekaṃ me dehi gāthakanti.

Atha naṃ naṭapāṭali bhadde kathaṃ tava gītaṃ dassāmi, idāni mahājanassa patisaraṇabhūtaṃ udakaṃ maṃ māretīti vatvā-

Yena siñcanti dukkhitaṃ, yena siñcanti āturaṃ;
Tassa majjhe marissāmi, jātaṃ saraṇato bhayanti.

Atha atulathero attano patisaraṇabhūtā cūḷagaṇṭhipadato bhayaṃ uppajjitvā kiñci vattabbaṃ ajānitvā adhomukho hutvā parājāyaṃ pattoti.

Ayaṃ atulatherassa tatiyo parājāyo.

Atha rājā tesāṃ dvinnaṃ pakkhānaṃ vacanaṃ sutvā cūḷagaṇṭhipadassa pubbāparavirodhidosahi ākulattā suttasuttānulomādīsu appaviṭṭhattā āgamasuddhiyā ca abhāvato parovassasataṃ ciraṃ ṭhitassa gehassaviya atidubbalavasena athirataṃ jānitvā idāni sāsanaṃ parisuddhaṃ bhavissatīti somanassappatto hutvā mama vijite sabbepi bhikkhū pārupanavasena samānavādikā hontūti āṇaṃ ṭhapesi. Tato paṭṭhāya yāvajjatanā sakalepi marammaratṭhe pārupanavasena samānavādikā bhavantīti.

Ayamettha saṅkhepo,-tesaṃhi dvinnaṃ pakkhānaṃ sannipatitvā vacanappaṭivacana vasena vivādakathā vitthārena vuccamānā chapañcasāṇavāramattampi patvā niṭṭhaṃ na pāpuṇeyya. Yasmā pana sabbhaṃ anavasesetvā vuccamānaṃ ayaṃ sāsanaṃsappaṭipikā atippapañcā bhavissati, tasmā ettha icchitamattameva dassayitvā ajjuhekkhāmāti.

Ñāṇābhivaṃsadhammasenāpatimahādhammarājādhirāja guru pana saṅgharājā mahāthero sīhaḷāḍipe amarapurānikāyikānaṃ bhikkhūnaṃ ādibhūto ācariyo bahūpakāro. Amarapurānikāyoti tattherappabhavoti.

Kaliyuge pana ekāsītādhike vassasate sahasse ca sampatte tassa rañño nattā siritribhavanādityapavarapaṇḍitamahādhammarājādhirājā nāma rajjaṃ kāresi. So pana amarapurato saṅkamitvā ratanapūraṃ catutthaṃ māpesi. Tassa rañño kāle guṇamunindādhīpatimahādhammarājādhirājaguruttherassa sīssaṃ sajjivagāmaṃvāsīm sīlacāraṃ nāma therāṃ araṇṇāvāsīnaṃ bhikkhūnaṃ pāmokkhatṭhāne ṭhapesi. Rājāgāranāmake dese vihāraṃ kārapetvā tasseva adāsi.

Kaliyuge ekāsītādhike vassasate sahasse ca sampatte calaṅgapurato paññāsīhaṃ nāma therāṃ ānetvā asokārāme ratanabhūmikittivihāre patiṭṭhapesi, munindābhīsisaddhammadhājamahādhammarājādhirājagurūti nāmalañchampi adāsi.

Kaliyuge catūsīsādhike vassasate sahasse ca sampatte munindābhīvaṃsadhammasenāpatimahādhammarājādhirājagurūti nāmalañchaṃ datvā mahājeyyabhūmivihārammaṇīyaṃ nāma vihāraṃ datvā taṃyeva mahātherāṃ saṅgharājāṭṭhāne ṭhapesi.

Ekasmiṃca samaye mahāthere rājā pucchi,-catasso dāṭhā nāma cattālīsāya dantesu antogadhā vā, udāhu cattālīsāya dantehi visuṃ bhūtāti pucchi.

Atha ekacce therā evamāhaṃsu,-catasso dāṭhā nāma cattālīsāya dantesu antogadhāti. Ekacce pana catasso dāṭhā nāma cattālīsāya dantehi visuṃ bhūtāti āhaṃsu. Atha rājā ganthaṃ āharathāti āha. Atha antogadhavādikā therā ganthaṃ āharīmsu,- aññesaṃ paripuṇṇadantānampi dvattiṃsadantā honti, imassa pana cattālīsaṃ bhavissantīti ca.

Dantāti paripuṇṇadantassa dvattiṃsadantaṭṭhikāni. Tepi vaṇṇato setā, saṅṭhānato anekasaṅṭhānā. Tesaṃhi heṭṭhimāya tāva dantapāḷiyā majjhe cattāro dantā mattikāpiṇḍe paṭipāṭiyā ṭhapitaālābubijasaṅṭhānā, tesāṃ ubhosu passesu ekeko ekamūlako ekakoṭiko

mallikamakuḷasaṅṭhāno, tato ekeko dvimūlako dvikoṭiko yānakaupatthamphinisāṅṭhāno, tato dve dve timūlakā tikoṭikā, tato dve dve catumūlakā catukoṭikāti. Uparimāya dantapāḷiyāpi eseva nayoti ca.

Tassa kira uttaroṭṭhaappakatāya tiriyam phāletvā apanītaddhamviya khāyati, cattāro dante dve ca dāṭhā na chādeti, tena nam oṭṭhaddhoti voharantīti ca.

Tattha tassāti licchavino nāma rājakumārassa, uttaroṭṭhaappakatāyāti upari oṭṭhassa appakatāya. Apanītaddham viyāti upari oṭṭhassa upaḍḍhabhāgaṃ apanītaṃ viya khāyatīti attho. Na chādetīti upari oṭṭhassa upaḍḍhabhāge pana na paṭicchādeti. Tenāhi yena cattāro dante dve ca dāṭhā na chādeti, tena nam licchavīrājakumāraṃ oṭṭhaddhoti voharantīti. Evaṃ antogadhavādehi therehi ganthaṃ āharitvā dassite sabbeṃ tasmim vāde patiṭṭhahimsūti.

Ekasmiṅca kāle rājā mantiniṃ amaccaṃ pucchi,-pubbarājūhi vihārassa cetiyassa vā dinnāni khettavatthuādīni pacchimarājūnaṃ kāle yathādinnaṃ tāni patiṭṭhahanti vā mā vāti.

Atha mantiniāmacco evaṃ kathesi,- saṅghikāya bhūmiyā puggalikāni bijāni ropayanti, bhāgaṃ datvā paribhuñjitabbānīti dasakoṭṭhāse katvā eko koṭṭhāso bhūmissāmikānaṃ dātābboti ca vinayapāḷiaṭṭhakathāsu vuttattā pubbe ekena rañña dinnāni khettavatthuādīni pacchā ekassa rañño kāle yathādinnaṃ ṭhitāni. Ettha hi saṅghikāya bhūmiyāti vuttattā lābhasīmāyaṃviya balimyeva adatvā saha bhūmiyā dinnattā paveṇīvasena saṅghikā bhūmi atthīti viññāyati. Etthaca paṭiggāhakesu matesu tadañño catuddisasaṅgho anāgatasāṅgho ca issaro, tassa santako, tena vicāretābboti.

Cetiya padīpatthāya paṭisaṅkhāraṇatthāya vā diinnaārāmopi jaggitabbo, vettanaṃ atvāpi jaggāpetābboti cetiye chattaṃ vā vedikaṃ vā jīṇṇaṃ vā paṭisaṅkharontena sudhākammādīni vā karontena cetiyassa upanikkhepatō kāretābanti ca aṭṭhakathāyaṃ vuttattā pubbarājūhi cetiyassa dinnāni khettavatthuādīni pacchimarājūnaṃ kālepi cetiyasantakasāveneva ṭhitānīti veditābbāni.

Athāparampi pucchi,- kadā kassa rañño kāle ādiṃ katvā khettavatthuādīni vihārassa cetiyassa vā dinnānīti.

Atha mantinamacco evamāha,-purimakappesu purimānaṃ rājūnaṃ kālepi vihārassa cetiyassa vā dinnānīti veditābbāni, teneva sujātassa nāma bhagavato amhākaṃ bodhisatto cakkavattirājā saddhiṃ sattahi ratanehi dvisahassee khuddakādīpe cattāro mahādīpe ca adāsi, raṭṭhavāsino ca āramagopakakiccaṃ kārapesīti ganthesu āgataṃ, tasmā cirakālatoyeva paṭṭhāya pubbarājūhi khettavatthuādīni dinnānīti veditābbāni.

Rājavaṃsesupi bhagavato parinibbānato vassasatānaṃ upari sirikhettanagare ekāya āpūpikāya pañcakarīsa mattaṃ khattaṃ ekassa therassa dinnāṃ, taṃ dvattaponko nāma rājā vilumpitvā gaṇhi. Atha pahāraghaṇṭhabheriyo paharītāpi saddaṃ na akaṃsu. Rañño kuntacakkampi yathā pubbe, tathā pesitaṭṭhānaṃ na gacchi. Atha taṃ kāraṇaṃ ṇatvā āpūpikāya yathādinnaṃeva therassa niyyādesīti.

Kaliyuge pana navanavutādhike vassasate sahasse ca sampatte tassa kaniṭṭho siripavarādityalokāpeti vijayamahādhammarājādhirānā rajjaṃ kāresi, so pana rājā ratanapūrato saṅkamitvā amarapuraṃ dutiyaṃ māpesi. Tassa rañño rajjaṃ pattasaṃvacchareyeva jeṭṭhamāsassa juṇhapakkhapañcamiyaṃ ratanapūranagare māravijayaratanasudhammāya nāma piṭakasālāya sūriyavaṃsassa nāma therassa parisamajjhe rājalekhaṇaṃ vācāpetvā saṅgharajjaṃ niyyādesi. Sūriyavaṃsābhisiripavarālaṅkāradhammasenāpatimahādhammarājādhirājagurūti nā malañchampi adāsi.

So pana thero kaliyuge pañcavīsādhike vassasate sahasse ca sampatte migasiramāsassa juṇhapakkhasattamiyaṃ suttavāre vālukavāpigāme paṭisandhiyā vijātōtisattatvayaṃ sampatte saṅgharajjaṃ patto santindriyo khantī dhammo sikkhākāmo pariyattivihārado tiṭṭhakālaṅkāramahādhammarājaguruttherassa sisso. So pana kaliyuge pannarasādhike dvivassasate sahasseca sampatte tassa rañño kāleyeva maccuvasaṃ patto.

Atha rājā anekasahasseehi pāsādehi abhūtapubbehi acchariyakammehi sarīrajhāpanakiccaṃ akāsi. Atha kaliyuge seḷasādhike vassasate sahasseca sampatte tassa mahātherassa sissaṃ ñeyyadhammaṃ nāma theram puna saṅgharājatṭhāne ṭhapesi. Paṭhamaṃ ñeyyadhammālaṅkāradhamma senāpatimahādhammarājādhirājagurūti nāmalañchaṃ adāsi. Tato pacchā dutiyaṃ ñeyyadhammābhivaṃsasiripavarālaṅkāradhammasenāpatimahādhammarājādhirājagurūti nāmalañchaṃ adāsi.

So pana thero kaliyuge ekasaṭṭhādhike vassasate sahasseca devasūragāme paṭisandhiyā vijāto hutvā asītādhike vassasate sahasseca paṭhamaāsāḷimāsassa juṅhapakkhacuddasamiyaṃ upasampadabhūmiṃ patto.

Tassa rañño kāle kaliyuge navanavutādhike vassasate sahasseca sampatte sīhaḷadīpato paññātisso nāma thero saddhiṃ sunandena nāma bhikkhunā indasārena nāma sāmaṇerena ekena upāsakena ekena dārakenaca amarapuraṃ nāma nagaraṃ sampatto. Atha saṅgharājā tesam paccayānuggahena dhammānuggaheca anuggahesi. Tesu aparabhāge kaliyuge dvivassādhike dvisate vassasahasseececa sampatte paññātissatthero jararogena abhibhūtattā saṅkhāradhammānaṃ sabhāvaṃ anativattattā kālamakāsi. Tassa puna sikkhaṃ gaṇhissāmīti parivittakko matthakaṃ appatto hutvā vinassayi. Tenābhagavā, –

Acintitampi bhavati, cinti tampi vinassati;
Na hi cintāmayā bhogā, itthiyā purisassa vāti.

Imasmīṃ pana loke paṇḍito puññaṃ kattukāmo abhitthareva kareyya. Ko nāma jaññā ajje vā suve vā parasuve vā maraṇaṃ bhavissabhīti. Tenāha bhagavā, –

Abhittharetha kalyāṇe, pāpā cittaṃ nivāraye;
Dandañhi karato puññaṃ, pāpasmiṃ ramatī manoti.

Atha mahārājā tassa sarīrajhāpanakiccaṃ bahūhi sādhuḷānasabhāyehi akāsi. Tato pacchā sunandassa nāma bhikkhussa puna sikkhaṃ adāsi. Sāmaṇeraṃ pana upasampadabhūmiyaṃ patiṭṭhapesi. Dārakañca sāmaṇerabhūmiyanti.

Te pana mahārājā kaliyuge tivassādhike dvisate sahasseca sampatte māghamāse bahūhi paccayehi upatthambhetvā tānitāni sabbāni kammāni tīretvā kusimanagaraḷeṭṭhassa ekassa amaccassa bhāraṃ katvā tasseva sabbāni kiccāni niyyādetvā sīhaḷadīpaṃ pahiṇīti.

Saṅgharājāmahāthero pana sāsanassa ciraṭṭhitattāyā sotārānaṃ sukhappaṭibodhanattāyā nānāganthehi pāṭhaṃ visodhetvā saddhammapajjotikāyā nāma mahāniddesaṭṭhakathāyā atthayojanaṃ marammabhāsāyā akāsi. Bahūnaṃ sissānaṃ pariyattivācanavasena jinasāsanassa anuggahaṃ akāsīti.

Aparabhāge kaliyuge aṭṭhavassādhike dvisake sahasseca sampatte migasiramāsassa juṅhapakkhaaṭṭhamiyaṃ tassa putto sīripavarādityavijayānantayasamahādhammarājādhirājā nāma rajjaṃ kāresi. Tadā sūriyavaṃsābhīsiripavarālaṅkāradhammasenāpatimahādhammarājādhirājaguru- mahātherassa sissaṃ paññājotābhidhajamahādhammarājādhirājaguruttheraṃ saṅgharājatṭhāne ṭhapesi.

Sopi sīlavā pariyattikovidō sikkhākāmo lajjīpesalo. Aṅguttaranikāyapāḷiyā tadaṭṭhakathāyaca attha yojanaṃ marammabhāsāyā akāsi.

Tassa rañño kāle ñeyyadhammābhivaṃsasiripavarālaṅkāradhammasenāpatimahādhammarājādhirāja- gurutthero saddhammavilāsiniyā nāma paṭisambhidāmaggaṭṭhakathāyā atthayojanaṃ marammabhāsāyā akāsi.

Mañijotasaddhammālaṅkāramahādhammarājādhirājaguruttherosaṃyutta- nikāyapāliyā
tadaṭṭhakathāyaca atthayojanam marammabhāsāya akāsi.

Medhābhivaṃsasaddhammadhajamahādhammarājādhirājagurutthero dīghanikāyapāliyā
tadaṭṭhakathāyaca atthayojanam marammabhāsāya akāsi.

Ñeyyadhammābhivaṃsasiripavarālaṅkāradhammasenāpatimahā
dhammarājādhirājaguruttherassa sisso upasampadāvasena pañcavassiko paññāsāmi nāmāham
saddatthabhedacintānamakassaganthassa gaṇṭhipadatthavaṇṇanam marammabhāsāya akāsim.
Dasavassikakāle pana abhidhānappadīpikāsaṃvaṇṇanāya atthayojanam marammabhāsāya akāsim.
Tassāca pāṭham bahūhi ganthehi saṃsadditvā visodhesinti.

Aparabhāge sakkarāje cuddasādhike dvisate sahasseca sampatte ayaṃ ambhākaṃ dhammiko rājā
anekasatajātīsu upacitapuññānubhāvena jinasāsanassa paggaṇhanatthāya sammādevalokapālehi
uyyojīyanoviyarajjasampattiṃ paṭilabhi. Dasabalassasāsanam paggaṇhitukāmassa dhammarājassa
manoratho matthakaṃ patto ahoṣi. Mariyādam bhinditvā dinnakatamaggaṃviya udakaṃ
laddhokāsātāya saddhā mahogho avattharivā tiṭṭhati. Cattārica vassāni atikkamitvā besākhamāse
pañcakakudhabhaṇḍādīhi anekehi rājabhoggabhaṇḍehi parivāretvā udumbarabhaddapiṭṭhe saddhiṃ
mahesiyā abhisekaṃ patto. Tenāvocumhā nāgarājuppattikathāyaṃ,-

Mahāpuñña rājāyaṃ, kaṭṭhaṭagheva āgate;
Sakkarāje hi sampattiṃ, patvā dāne rato vate.

Tadā cattāri vassāni, atikkamitvā visādhike;
Saddhiṃ mahesiyā sekaṃ, patto hutvā mahātale.

Jinacakkañca jotesi, mahāsokādayo yathā;
Alajjino ca niggayha, paggahetvāna lajjino.

Raṭṭheca dānasīlesu, bhāvanāyābhiyuñcaye;
Nimirājādayo yathāti.

Tadā yasmā alajjino niggahitabbapuggale avīcinarake nikkhipantoviya niggahakammaṃ akāsi,
tasmā te aladdhokāsā nilīyanti, yathā aruṇuggamanakāle kosiyāti. Tenāvocumhā
nāgarājuppattikathāyaṃ,-

Tadā pana jinacakkaṃ, nabhe candova pākaṭam;
Alajjino nilīyanti, aruṇuggeva kosiyāti.

Yasmāca lajjino paggahitabbapuggale bhavaggeukkipantoviya paggahakammaṃ karoti, tasmā
te laddhokāsā uṭṭhitasīsā nirāsāṅkā hutvā tiṭṭhanti, yathā candimasūriyālokānaṃ paṭiladdhakāle
ādikappikāti. Tenāvocumhā, –

Tadāpica jinacakkaṃ, khe bhāṇumāva pākaṭam;
Lajjinopi uṭṭhahanti, obhāladdheva kappikāti.

Tepiṭakampi navaṅgaṃ buddhavacanaṃ ciraṭṭhitikaṃ kattukāmo pariyattivissaradehi
mahātherehi visodhāpetvā lekhakānaṃ bhatim datvā kaṇṭhajamuddhajādividhānaṃ
sithiladhānitādividhānañca punappunaṃ vicāretvā antamaso paricchedalekhamattampi avirādhētvā
antepuraṃ pavisetvā suvaṇṇamayesu lohamayesu potthakesu likhāpesi. Nāṇathāmasampanneca
bhikkhū vicinetvā yathābalaṃ vinayapiṭakaṃ visuṃ visuṃ dhāreti vācuggataṃ kārapeti.
Aggamahesiṃ ādim katvā sakala orodhādayo bahū rājasevakā amaccādayo nāgarikeca yathābalaṃ
suttantapiṭakaṃ abhidhammapiṭakañca visuṃ visuṃ ekekasuttamātikāpadabhājanīcittavārādivasena
vibhājetvā dhāreti vācuggataṃ kārapeti. Sayañca anattalakkhaṇādikaṃ anekavidhaṃ suttaṃ

devasikaṃ sajjhāyaṃ karoti. Jinasāsanassa ciraṭṭhitatthāyasakalavijiteca araññavāsīnaṃ bhikkhūnaṃ assamassa samantato pañcadhanusatappamaṇe ṭhānethaladakacarānaṃ sabbesaṃ sattānaṃ abhayaṃ adāsi. Pariyatti visāradānañca therānutherānaṃ mātāpitādayo ñātake sabbarājakkato balikammatoca mocāpetvā yathāsukhaṃ vasāpeti. Ekāhenevāpi sahasamatte kulaputte pabbajūpasampadabhūmīsu patiṭṭhāpetvā sāsanaṃ paggaṇhi. Aññānīpi bahūni puññakammāni karoti. Katvāca vivaṭṭameva pattheti, no vaṭṭaṃ. Aññeca orodhādayo tumhe yāni kānīci puññakammāni katvā vivaṭṭameva pattheta, mā vaṭṭanti abhiṇhaṃ ovadati. Aniccalakkhaṇādisaṃyuttāya dhammakathāya niccaṃ ovadati. Sayampi samathavipassanāsu niccāraddhaṃ akāsi. Rājūnaṃ pana raṭṭhasāmikānaṃ dhammatāya kiccabāhullatāya kadāci kadāci okāsaṃ na labhati kammaṭṭhānāmanuyuñjītuṃ, evampi samāno sarīramalaparijagganakālepi kammaṭṭhānāmanuyuñjatiyeva, na moghavasena kālaṃ khepeti. Loke hi amaṅgalasammatānīpi manussasīsakapālaṭṭhiādīni susāsanaṭṭhāni ānetvā dantakaṭṭhādīni vā taṃsadisāni kārapetvā attano samīpe ṭhapetvā aṭṭhikādibhāvanāmayapuññaṃ vicināti.

Tadā pana amhākaṃ ācariyavaraṃ pariyaṭṭivisaṭṭadānaṃ tikkha javanagacchirādīñāṇopetaṃ vicitraddhamadesanākathaṃ sakala marammikabhikkhūnaṃ onamitaṭṭhānabhūtaṃ vuddhāpacāyīṃ rūpasobhaggapattaṃ yuttavādikaṃ ñeyyadhammābhimunivaraññakittisiriḍhadhammasenāpati-mahādharmarājādhiraṅgagurūti tatiyaṃ laddhalañchaṃ taṃ bhikkhusaṅghānaṃ sakalaraṭṭhavāsīnaṃ pāmokkhabhāve patiṭṭhāpesi asokamahārājāviya mahāmoggaliputtatissattheraṃ. Tenāvocumhā nāgarājupattikathāyaṃ,—

Tadāca bhikkhusaṅghānaṃ, therānaṃ pāmokkhabhāvake;
Ñeyyādiladdhalañchaṃ taṃ, patiṭṭhāpesi sādhuṃkanti.

Tadāca amhākaṃ dhammikamahārājā sakkarāje ekūnavisaṭṭadhike sahasse dvisateca sampatte mantalākhyātācalassa samīpe subhūmilakkhaṇopetaṃ ekanipātattitthamiva bahujanāyanānavihaṅgānaṃ sabbanagarālaṅkārehi parikkhittaṃ manussānaṃ cakkhulolatājanakaṃ nānāratanehi sampuññaṃ nānā verajjavāñijānaṃ puṭabhedanaṭṭhānabhūtaṃ ratanapuññanāmakaṃ mahārājāṭṭhānikaṃ māpesi, mandhātuviya rājagahaṃ, sudassano viyaca kusāvatinagaraṃ. Tenāvocumhā nāgarājupattikathāyaṃ,—

Tadā kaṭṭhatajhe sampatte, mantalākhyācalassaca;
Erāvātīti nāmāya, māpesi samīpe nagaraṃ.

Subhūmilakkhaṇopetaṃ, ratanapuññanāmakaṃ;
Rājagahaṃva mandhātu, akirammanīyaṃ subhanti.

Seyyathāpi nāma loke ālokatthikānaṃ sattānaṃ pītisomanassaṃ uppādentō upakaronto udayapabbatato sahasaraṃsī divākaro utṭhahati, evamevaṃ marammarāṭṭhikānaṃ lajjīpesalānaṃ sikkhākāmānaṃ bhikkhūnaṃ gihīnañca pītisomanassaṃ uppādentō upakaronto ayaṃ dhammikorājā imasmiṃ marammarāṭṭhe uppajjati.

Imaṅca dhammikarājānaṃ nissāya marammarāṭṭhe sammāsambuddhassa sāsanaṃ ativiya joteti. Vuḍḍhiṃ virūḷiṃ vepullaṃ āpajjati.

Sāsanañca nāmetaṃ rājānaṃ nissāya tiṭṭhatīti. Ayaṃ dhammikarājāyeva na sāsanaṃsūpakāro dhammacārī dhammamānī, apica kho dhammikarājānaṃ nissitāpi sabbaraṭṭhavāsikā sāsanaṃsūpakārāyeva dhammacārino dhammamānino rājānugatā hutvā. Tenevāha mahābodhiṅgātākadīsū, —

Gavañce taramānānaṃ, ujum gacchati puṅgavo;
Sabbā gāvī ujum yanti, nette ujum gate sati.

Evameva manussesu, yo hoti seṭṭhasammato;
So cepi dhammaṃ carati, pageva itarā pajā;

Sabbarattham sukham seti, rājā ce hoti dhammikoti.

Visesato pana dutiyaṃ amarapuraṃ māpentassa mahādhammarañño aggamaheṣiyā ajjavamaddavasohajjādiguṇayuttāya dhītā amhākaṃ rañño aggamaheṣī sammācārinī patibbatā. Sabbanārīnaṃ aggabhāvaṃ pattāpi samānā kāmaguṇasaṅkhātena surāmadena appamajjivā puññakammesu appamādasena nīccāraddhavīriyā hoti. Nīccam pariyattiyā uggahaṇaṃ akāsi. Vedapāragūca ahosi. Sammāsambuddhasāsane ativiya pasannā aññāpi orodhādayo mahādhammarañño ovāde ṭhatvā dhammaṃ carimṃsu. Sāsanaṃ pasīdimṃsueva. Uparājāpi mahādhammarājassa ekamātāpītiko mahādhammarājicchāya avirodhetvāyeva sakalaratthavāsīnaṃ gihīnaṃ bhikkhūnaṃca atthahitamāvahati, seyyathāpi cakkavattirañño santike jeṭṭhaputto thāmajavasampanno atisūro utthānavīriyo. Aññāpi amaccā anekasahassappamañā mahādhammaraññā laddhesu laddhesu ṭhānantaresu ṭhitā mahādhammarañño taṃ taṃ kīccamāvahanti puññakammesu abhiramanti. Sakalaratthavāsīnoca manussā dānasīlabhāvanāsueva cittaṃ ṭhapenti. Bhikkhūca saṅgharājappamukhādayo theranavamajjhīmā ganthadhuravipassanādhuresu abhiyuñjanti.

Evamekassa sādhuḥjanassa guṇaṃ mahantena ussāhena kathentopi dukkaramtāva niṭṭhaṃ pāpetuṃ, bhagavato pana tilokaggassa anekasahassapāramitānubhāvena pavattaṃ guṇaṃ ko nāma puggalo sakkhissati niṭṭhaṃ pāpetvā kathetuntī. Evaṃ mahādhammarājassaca aggamaheṣiyāceva uparājādīnaṃca guṇe viṣṭāthena vitthārato kathiyamāne imissā sāsanaṃ sappadīpikāya anekasatabhānavāramattampi patvā pariyanto na paññāyeyya, yasmāca atippapañcā bhaveyya, tasmā saṅkhepenevāyaṃ kathitā sādhuḥjanānaṃ mahāpuññamayāya pītiyā anumodanattāya. Idañhi suṇantehi sādhuḥjanehi anumoditabbaṃ,- asukasmim kira kāle asukasmim ratthe asuko nāma rājā sāsanaṃ paggaṇhitvā vuḍḍhim virūḷim vepullamāpajji, seyyathāpi nāma rukkho bhūmodakānaṃ nissāya vuḍḍhim virūḷim vepullamāpajjīti.

Imassa rañño kāle ñeyyadhammābhimunivaraññānakitti siridhajadhammasenāpatimahādhammarājādhirājaguru nāma saṅgharājā mahāthero raññā abhiyācito surājamaggadīpanim nāma ganthaṃ akāsi. Majjhimanikāyatthakathāya atthaṃ sissānaṃ vācetvā yathāvācitanīyāmena atthayojanāyamaṃ potthake āropāpesi.

Medhābhivaṃsasaddhammadhajamahādhammarājādhirājaguru nāma mahāthero jātakapāliyā atthayojanāyamaṃ marammabhāsāya akāsi.

Saṅgharājassa sisso paññāsāmisirikavidhajamahādhammarājādhirājagurūti raññā laddhanāmalañcho soyevāhaṃ dhamma raññā aggamaheṣiyāca abhiyācito silakathaṃ nāma ganthaṃ upāyakathaṃ nāma ganthaṃca akāsim. Rañño ācariyabhūtena disāpāmokkhena nāma upāsakena abhiyācito soyevātaṃ akkharavisodhaniṃ nāma ganthaṃ āpattivīnicchayaṃ nāma ganthaṃca. Tathā saṅgharaññā codito soye vāhaṃ nāgarājuppatikathaṃ vohāratthabhedañca vivādavinicchayañca akāsim. Tathā pañcajambugāmbhojakena lekhamācena dvīhica ārocanalekhamācchehi abhiyācito so yevāhaṃ rājasevakadīpanim nāma ganthaṃ akāsim. Tathā dīghanāvānagarabhojakena mahāamācena abhiyācito soyevāhaṃ nirayakathādīpakam nāma ganthaṃ akāsim. Tathā silāleḍḍukanāmakena upāsakena abhiyācito soyevāhaṃ uposathavinicchayaṃ nāma ganthaṃ akāsim. Tathā bahūhi sotujanehi abhiyācito soyevāhaṃ saddanītiyā saṃvaṇṇanaṃ pālibhāsāya akāsinti.

Ekasmiñca samaye kaliyuge vīsādhike dvisate sahasseca sampatte rañño etadahosi,- idāni buddhassa bhagavato sāsane kesañci bhikkhūnaṃ sāmaṇerānaṃca kuladūsanādīasāruppakammehi uppādītā cattāro paccayā bahū dissanti, kecipi alajjī puggalā jātarūpādinissaggiyavatthumpisādiyanti, kecipi vinā paccayaṃ vikāle tambulaṃ khādanti, sannidhiñca katvā dhūmanīca pivanti, agilānā hutvā saupāhanā gāmaṃ pavisanti, chattaṃ dhārenti, aññāpi avinayānulomācāre caranti, idāni bhikkhūnaṃ sāmaṇerānaṃca buddhassa sammukhe buddhaṃ sakkhim katvā ime anācāre na carissāmāti paṭiññaṃ kārapetvā bhagavato sikkhāpadāni rakkhāpetuṃ vaṭṭati, evaṃca sati bhikkhū sāmaṇerāca mayamaṃ buddhassa sammukhe evamaṃ paṭiññaṃ karoma, paṭiññañca katvā vikāraṃ āpajjantānaṃ amhākaṃ imasmimyeva atthabhāve imasmimyeva paccakkhe kiñci bhayaṃ uppajjeyyāti paccakkhabhayaṃ apekkhitvā te sikkhāpadaṃ rakkhissantīti. Evaṃ pana cintetvā bhikkhūnaṃ sāmaṇerānaṃca evamaṃ

paṭiññaṃ kārāpetuṃ yujjati vā mā vāti mayamaṃ na jānāma, idāni saṅgharājādayo mahāthere sannipātāpetvā pucchissāmīti puna cintesi.

Atha sabbepi mahāthere saṅgharājassa vihāre sannipātāpetvā imaṃ kāraṇaṃ pucchathāti amacce ānāpesi. Atha amaccā mahāthere sannipātāpetvā pucchimsu, -idāni bhante sāsane bhikkhūnaṃ sāmaṇerānañca avinayānulomācārāni disvā buddhassa sammukhe buddhaṃ sakkhim katvā rājā yathā ime anācāre na carissāmāti paṭiññaṃ kārāpetvā bhagavato sikkhāpadāni rakkhāpetuṃ icchati, tathā kārāpetuṃ yujjati vā mā vāti.

Atha saṅgharājappamukhādayo mahātherā evamāhaṃsu, - yasmā sāsanaṃ parisuddhabhāvaṃ icchanto evaṃ karoti, tasmā tathā kārāpetuṃ yujjati.

Paṇḍitābhīdhamunindaghosamahādhammarājaguruttherādayo pana katipayattherā evamāhaṃsu, – idāni bhikkhū nāma saddhābalādīnaṃ thokatāya bhagavato ānāsankhātāṃ sacittakācittakāpattiṃ āpajjitvā bhagavatāyeva anuññātehi desanāvuttānākaṃmehi paṭikarivā sīlaṃ parisuddhaṃ katvā lajjīpesalabhāvaṃ karonti, na kadāci āpattiṃ anāpajjitvā, tasmā bhagavatā paṭikkhittaṃ kammaṃ sañciccana vītikkamissāmāti buddhassa sammukhe paṭiññākaraṇaṃ atibhāriyaṃ hoti, sacepi pubbe paṭiññaṃ katvā pacchā viśaṃvādeyya, evaṃ sati paṭissavavisaṃvāde suddhacittassa dukkaṭaṃ paṭissavakkhaṇeeva pācitti itarassacāti vacanato taṃ taṃ āpattiṃ paṭissavavisaṃvādanadukkāpettiyā saheva āpajjeyya, atha paṭiññākaraṇatoyeva āpattibahulatā bhaveyya, yathā pana rogaṃ vūpasamituṃ asappāyabhesajjaṃ paṭisevati, athassa rogo avūpasamitvā atikkameyya, evaṃ āpattiṃ anāpajjitukāmo buddhassa sammukhe paṭiññaṃ karoti, athassa āpattibahulāyeva bhaveyyāti, kiñca bhīyo abhayadassāvino bhikkhū anekasatabuddhassa sammukhe anekasatavārānīpi paṭiññaṃ katvā sikkhāpadaṃ vītikkamituṃ viśahissantiyevāti.

Atha saṅgharājā mahāthero attano sissaṃ paññāsāmisirikavidhamahādhammarājādhirājaguruṃ nāma maṃ uyyojesi, tassa therassa vacane paṭivacanaṃ dātuṃ.

Athāhaṃ evaṃ vadāmi, - dve puggalā abhabbā sañcicca āpattiṃ āpajjituṃ bhikkhūca bhikkhuniyoca ariyā puggalā, dve puggalā sabbā sañcicca āpattiṃ āpajjituṃ bhikkhūca bhikkhuniyoca puthujjanāti parivārapāliyaṃ vuttatā ariyapuggalānaṃviya puthujjanānaṃ viśatthena paṭiññaṃ kātuṃ na vaṭṭatīti manasikarivā puthujjanabhikkhūnaṃ paṭiññākaraṇaṃ atibhāriyanti vedeyyace, sabbehipi ariyaputhujjanehi bhikkhūhi upasampadāmālake āditova cattāri akaraṇīyāni ācikkhitabbānīti vuttetu catūsu akaraṇīyesu antamaso tiṇasalākaṃ upādāya yo bhikkhu pādaṃ vā pādārahaṃ vā atirekapādaṃ vā adinnaṃ theyyasaṅkhātāṃ ādiyati, assamaṇo hoti asakyaputtīyoti, antamaso kuntakipillikaṃ upādāya yo bhikkhu sañcicca manussaviggahaṃ jīvitāṃ voropesi, antamaso gabbhapātaṇaṃ upādāya assamaṇo hoti asakyaputtīyoti, antamaso suññāgāre abhiraṃmānīti yo bhikkhu pāpiccho icchāpakato asantaṃ abhūtaṃ uttarimanussadhammaṃ ullapati, assamaṇo hoti asakyaputtīyotica upajjhācariyena ovadiyamānehi abhinavopasampannehi āma bhanteti paṭiññākathāyeva. Sāmaṇerehipi pabbajjakkhaṇeyeva upajjhāyassa santike paṇātipātāveramaṇisikkhāpadaṃ samādiyāmītiadinā paṭhamāṃ paṭiññā katāyeva. Tathā bhikkhūhi taṃtaṃāpattiṃ āpajjitvā desanāya paṭikaraṇakāle sādhu suṭṭhu bhante saṃvarissāmīti abhiṇhaṃ paṭiññā katāyeva. Sāmaṇerehipi upajjhācariyassa santike sikkhāggahaṇakālepi paṇātipātāvera maṇisikkhāpadaṃ samādiyāmītiadinā abhiṇhaṃ paṭiññā katāyeva. Tāhi pana paṭiññāhi abhāyitvā itoyeva bhāyāmīti vuttavacanaṃ acchariyaṃviya hutvā khāyati. Imāya hi paṭiññāya tāsāṃ paṭiññānaṃ viśesatā na dissatīti.

Ayaṃ panettha sanniṭṭhānattho, - paṭissavadukkaṭāpatti nāma sāvattīyaṃ passenadikosalaraññā imasmiṃ vihāre vassaṃ upagacchāhīti āyācīte sādhuṃ paṭijānitvā lābhabahulataṃ paṭicca antarāmagge aññasmiṃ vihāre vassaṃ upagantvā paṭissavavisaṃvādanapaccayā upanandaṃ nāma bhikkhuṃ ārabha paññattā. Samantapāsādikāñca nāma vinayattakathāya vassūpanāyikakkhandhakavaṇṇanāyaṃ paṭissaveca āpatti dukkaṭassāti ettha na kevalaṃ imaṃ temāsaṃ idha vassaṃ vasathāti etasseva paṭissave āpatti, imaṃ temāsaṃ bhikkhaṃ gaṇhatha, ubhopi mayāṃ vassaṃ vasissāma, ekato uddissāpessāmāti evamādināpi tassa tassa paṭissave dukkaṭaṃ,

tañca kho paṭhamam suddhacittassa pacchā viṣaṃvādanapaccayā, paṭhamampi asuddha cittassa pana paṭissave pācittiyanti vuttaṃ.

Icevaṃ bhikkhūnaṃ aññamaññaṃ dāyakehica saddhiṃ paṭijānitvā viṣaṃvādanapaccayā aññesaṃ atthahitabhedeveva dukkaṭāpatti vuttā, na attano icchāvasena sayameva ahaṃ bhuñjissāmi sayissāmīti evamādinā vatvā yathāvuttānurūpaṃ akatvā viṣaṃvādaneti. Sace pana bhikkhusāmaṇeraṇaṃ paṭhamameva āma bhantetiādinā paṭiññaṃ katvā pacchā kenacideva karaṇīyena taṃtaṃāpattiṃ āpajjanto saha paṭissavaviṣaṃvādena dukkaṭāpattiyā āpajjeyya, evaṃ sati tattha tattha sikkhāpadesu dve dve āpattiyo paññaṃpeyya, na ca evampi paññattā, teneva paṭissavadukkaṭāpatti nāma paresaṃ santike paresaṃ matim gahetvā paṭijānitvā viṣaṃvādanaṭṭhāneyeva paññattāti daṭṭhabbā.

Idāni rājā sāsanassa suddhiṃ icchanto iminā upāyena bhikkhusāmaṇeraṇaṃ sīlaṃ saṃvarāpentō paccakkhasamparāyikabhayaṃ anupekkhitvā saṃvaraṃ āpajjeyyunti cintetvā buddhassa sammukhe paṭiññaṃ kārāpitattā na koci doso dissati. Bhikkhusāmaṇeraṇampi bhīyosomattāyasīlaṃ saṃvaritvā sīlaparisuddhi bhaveyyāti. Atha rājā sabbesaṃ bhikkhusāmaṇeraṇaṃ buddhassa sammukhe paṭiññaṃ kārāpetvā sīlaṃ rakkhāpesīti.

Icevaṃ imassa rañño kāle pubbe alajjinopi samānā bhayaṃ anupekkhitvā yebhuyena lajjinova bhavantīti.

Buddhassa bhagavato parinibbānato tisatādhikānaṃ dvivassasahassānaṃ upari navutime saṃvacchare bahinadīṭṭire gāmasīmato paṭṭhāya yāva antoudakukkhepā, tāva kammaṃ karontānaṃ bhikkhūnaṃ sukkena gamanattāya gahaṭṭhā gāmasīmāya udakukkhepasīmaṃ sambandhitvā setuṃ akaṃsu.

Atha tattha ñāṇālaṅkārasumanamahādhammarājagurugaṇā cariyānāmakō thero upasampadādivinayakammāni katipaya vassesu akāsi.

Dhīrānandatthero pana tattha saṅkaradoso hotīti kammaṃ kātuṃ na icchati. Tathā paṭṭhāya ye ye ñāṇālaṅkārasumanamahādhammarājagurugaṇācariyassa matim ruccanti, te te tassa pakkhikā bhavanti. Ye ye pana dhīrānandattherassamatim ruccanti, tete tassa pakkhikā bhavanti. Evaṃlaṅkādiṭṭe amarapurānikāyikā bhikkhū. Dvedhā bhinditvā tiṭṭhanti.

Atha dhīrānandapakkhe bhikkhu tappakkhikassa sīlakkhandhattherassa sisse dhammakhandhavanaratanabhikkhū amhākaṃ jambudīpe ratanapuṇṇanagaraṃ pesesuṃ saṅgharājamaḥātherassa santike ovādassa paṭiggāhaṇattāya. Te ca kaliyuge aṭṭhārasādhike dvivassasate sahasseca sampatte kattikamāsassa juṇhapakkhaaṭṭhamiyaṃ sīhaḷadīpato nikkhamitvā āgacchantā ekūnavīsādhike dvivassasate sahasseca sampatte phaggunamāsassa juṇhapakkhasattamiyaṃ ratanapuṇṇanagaraṃ sampattā.

Atha dhammarājā saṅgharājassa ārāme catubhūmikaṃ vihāraṃ kārāpetvā tattha te vasāpesi. Catūhi paccayehica saṅghaṃ akāsi. Saṅgharājāca tesaṃ dvinnaṃ pakkhikānaṃ vacanaṃ sutvā bahūhi ganthehi saṃsanditvā vivādaṃ vinicchindi. Tādise ṭṭhāne saṅkaradosassa atthibhāvaṃ pakāsetvā sandesapaṇṇampi tesaṃ adāsi.

Mahādhammarājāca tesaṃ puna sikkhaṃ saṅgharājassa santike gaṇhāpetvā piṭakattayapotthakādīni dātabbavattūni datvā tasmimyeva saṃvacchare paṭhamaāsālimāsassa kāḷapakkhadasamiyaṃ nāvāya te pesesi.

Tato pacchāca ñāṇālaṅkārasumanamahādhammarājagurugaṇācariyapakkhe bhikkhūpi tappakkhikassa paññāmolittherassa sisse vimalajotidhammanandabhikkhū pesesuṃ saddhiṃ ariyālaṅkārena nāma sāmaṇerena catūhica upāsakehi. Teca kaliyuge vīsādhike dvisate sahasseca sampatte kattikamāsassa juṇhapakkhapañcamiyaṃ sampattā.

Tadāpi saṅgharājassa ārāmeveva ekaṃ vihāraṃ kārāpetvā te vasāpesi. Catūhi paccayehica saṅghaṃ akāsi. Saṅgharājāpi puna vinicchayaṃ adāsi yathāvuttanayena. Dhammarājā tesampi bhikkhūnaṃ saṅgharājassa santike puna sikkhaṃ gaṇhāpetvā sāmaṇerañca upasampādetvā catūhi paccayehi saṅghaṃ katvā pahīni.

Tato pacchāca kaliyuge bāvīsādhike dvivassasate sahasseca sampatte māghamāsassa kāḷapakkhaekādasamiyaṃ sīhaḷadīpatoyeva dve bhikkhū tayo sāmaṇerā cattāro upāsakā sarajatasuvaṇṇakaraṇḍakaṃ sarajatasuvaṇṇacetiyadātuṃ hatthidantamayaṃ buddharūpaṃ mahābodhipattāni mahābodhitacaṃ mahābodhipatiṭṭhānasūmiṃ sīhaḷadakkhiṇasākhābodhipattāni dutiyasattāhaanimisattṭhānabhūmiñca dhammapaṇṇākārattṭhāya gahetvā ratanapuṇṇaṃ nāma mahārājaṭṭhānīnagaraṃ sampattā. Tesampi dhammarājā catūhi paccayehi saṅghaṃ katvā saṅgharañño ārāme vasāpesi. Bhikkhunañca puna sikkhaṃ gaṇhāpesi. Sāmaṇerañca upasampadakkammaṃ gahaṭṭhānañca pabbajjakammaṃ gaṇhāpesi.

Icevaṃ marammaratṭhe bhagavato parinibbānato paṭṭhāya yāvajjatanā sāsanassa theraparamparavasena patiṭṭhānatā veditabbā.

Icevaṃ marammamaṇḍale arimaddanapure arahantattheragaṇo uttarājīvatherachappadattheragaṇo sivalittheragaṇo ānandattheragaṇo tāmalindattheragaṇoti pañca gaṇā ahesuṃ.

Idāni arimaddananagare pañcagaṇato paṭṭhāya vijayapurajeyyapuraratanapūresu theraparamparavasena sāsanassa anukkamena āgatabhāvaṃ dassayissāmi. Sirikhettanagare hi ‘so yāṃ noṃ’ nāma rājā parakkamavaṃsikassa sāradasittherassa antevāsikaṃ saddhammaṭṭhittheraṃ attano ācariyaṃ katvā pūjesi.

Kaliyugassa catuvassādhikaaṭṭhasatakāle sirikhettanagarato āgantvā so ratanapūre rajjaṃ kāresi. Atha attano puttāṃ anekibhaṃ nāma rājakumāraṃ mahārāja nāmena sirikhettanagaraṃ bhuñjāpesi. Dakkhiṇadisābhāge ‘kū vṭhe ṭa-yo mo’ nagaraṃ, pacchimidisābhāge ‘pho khoṃ’ nāma ṭhānaṃ, uttaradisābhāge ‘ma loṃ’ nagaraṃ, puratthimidisābhāge ‘koṃ khoṃ’ nāma ṭhānaṃ, etthantare nisinnānaṃ gihīnaṃ mama puttassa āṇā pavattatu, bhikkhūnaṃ mamācariyassa saddhammaṭṭhittherassa āṇā pavattatūti niyyādesi.

Tassaca saddhammaṭṭhittherassa ariyavaṃsatthero mahāsāmittheroti dve sissā ahesuṃ. Tesu mahāsāmitthero pubbe vuttanayena sāsanavaṃsaṃ ānessāmīti sīhaḷadīpaṃ gantvā sīhaḷadīpato saddhiṃ pañcahi bhikkhūhi saddhammacāriṃ nāma therāṃ ānetvā abhinavasikkhaṃ gaṇhitvā sirikhettanagare sīhaḷadīpavaṃsikaṃ sāsaṇaṃ vaḍḍhāpetvā nisīdi. Tassa mahāsārittherassa sisso atulavaṃso nāma thero catūsu disāsu ahiṇḍitvā pariyattim uggaṇhitvā sirikhettanagareveva tambulabhūñjamātikāsamīpe sāsaṇaṃ paggaṇhitvā nisīdi. Tassa atulavaṃsattherassa sisso ratanaraṃsī nāma thero ca pariyattivesārajjāṃ patvā sirikhettanagareveva sāsaṇaṃ paggaṇhitvā nisīdi. Tassaca ratanaraṃ sittherassa sisso satvavadhammarājassa ācariyo abhisanketo nāma thero pariyattivesārajjāṃ patvā sirikhettanagaraveva sāsaṇaṃ paggaṇhitvā nisīdi. Tassa pana sisso munindaghoso nāma thero atthi. Kaliyuge sattatādhike navasate sampatte pacchimapakkhādhikarājā sirikhettanagaraṃ abhibhavitvā nandayodhena nāma amaccena saddhiṃ taṃ munindaghosattheraṃ ānetvā ratanapūre patiṭṭhāpesi.

So kira pacchimapakkhādhikarājā evaṃ kathesi,- ahaṃ sirikhettanagaraṃ labhitvā ekaṃveva bhikkhuṃ ekaṃveva gihim labhāmīti.

So pana thero sāmaṇeranāmena munindaghoso nāma. Upasampannakāle pana mātulabhūtassa therassa nāmena upāli nāma. Dinnanāmena pana tipītakālaṅkāro nāma. Tiriyapabbatavihāre pana vāsattā ṭhānanāmena tiriyapabbatathero nāma.

So kira erāvatinadītīre catubhūmikavihāre paṭhamāṃ nisīditvā pacchā kaliyugassa vassasahassee kālesaṭṭhivassāyuko hutvā tiriyapabbatavihāre nisīdi. Sāmaṇerakāle so jalumasyāmbhayena

ratanapūrato nikkhamitvā ketumatīnagaraṃ patvā tattha tisāsanadhajatttherassa sissabhūtassa dhammarājaguruttherassa santike ganthaṃ uggaṇhiṃ. Pāliatthakathāṭikāsu aticheckatāya daharakāleyevaca vessantarajātakam kabyālaṅkārena bandhitvā kathanato ativiya pākaṭo ahosi. Tassa pana therassa sisso uccanagaravāsī mahātissattheroti saṅgirajanapade araṇṇavāsaṃ vasitvā pariyattim vācetvā sāsanaṃ paggaṇhi. Tassa pana sisso reminagāme gāmvāsī candatthero nāma. Tassa sisso taṃgāmvāsī guṇasiritthero nāma. Tassa sisso taṃgāmvāsī kalyāṇadhajatttharo nāma. So pana thero padumanagare saḥsorodhadhodadhigāmesu pariyattim vācetvā nisīdi. Tassa sisso bodhodadhigāmvāsino indobhāsakalyāṇacakkavimalācārattherā saḥsorodhagāmvāsino guṇasāracandasārattherā vaṃtumagāmvāsī varaesitthero kanninagare jararājagāma vāsī guṇasirittherocāti ime therā kalyāṇadhajatttherassa santike puna sikkhaṃ gahetvā pariyattim uggaṇhitvā kovidā ahesuṃ.

Tasseva kalyāṇadhajatttherassa sisso saṅgirajanapade samivanagāme nisinno dhammadharo nāma thero mahallakakāle padumanagare kusumamūlagāme nisīditvā ganthaṃ vācetvā sāsanaṃ paggaṇhi.

Tesu guṇasiritthero amarapuramāpakassa raṇṇo kāle guṇābhilaṅkārasaddhammahārājādhirājagurūti nāmalaṅchaṃ gaṇhitvā jeyyabhūmivāsakittivihāre paṭivasi.

Tassa pana therassa sisso ṇāṇābhivaṃsadhammasenāpatimahādhammarājaguru nāma mahāthero. Tasseva raṇṇo kāle saṅgharājā ahosi. So pana thero sīhaḷadīpe amarapurānikāyikānaṃ pabhavo. Guṇābhilaṅkārasaddhammahādhammarājādhirājaguruttherasseva sisso tīpītakālaṅkāramahādhammarājaguru nāma thero. Tassa sisso sūriyavaṃsābhīsiripavarālaṅkāradhammasenāpati mahādhammarājādhirājaguru nāma thero amarapuradutiyamāpakassa raṇṇo kāle saṅgharājā ahosi. Tassa pana sisso ñeyya dhammābhivaṃsamunivaraṇṇakittisiripavarālaṅkāradhammasenāpati- mahādhammarājādhirājaguru mahāthero dutiyamāpakassa ratanapuṇṇamāpakassaca raṇṇo kālesu saṅgha rājā ahosi. So pana ṇāṇābhivaṃsadhammasenāpatimahādhammarājādhirājaguruttherassa saṅgharaṇṇo sissopi varaesittherassa sissoca ahosi.

Ayaṃ sīhaḷadīpato sabbapacchimāgatehi saddhammacārīmahāsāmittherehi yāva amhākaṃ ācariyā theraparamparā dassanakathā.

Ayampi aparā theraparamparā veditabbā. Chappadattheravaṃsiko saddhammakitti nāma thero jeyyapuramā āgantvā catudīpabhūmitṭhāne nisīditvā mahāriyavaṃsattherassa santike pariyattim uggaṇhitvā tato pacchā jetavanavihāraṃ saṅkamtivā tattha nisīditvā pariyattim vācetvā sāsanaṃ paggaṇhi.

Tassa saddhammakittittherassa sisso tisāsanadhajo nāma. Tassa sisso dhammarājaguru nāma. Tassa sisso munindaghoso nāma. Tassa sisso mahātisso nāma. Tassa sisso candapaṇṇo nāma. Tassa sisso guṇasiri nāma. Tassa sisso ṇāṇadhajo nāma. Tassa sisso dhammadharo nāma. Tassa sisso indobhāso nāma. Tato paṭṭhāya kalyāṇacakka vimalācāra guṇasāra candasāra varaesī guṇasiri ṇāṇābhivaṃsa ñeyyadhammābhivaṃsattherānaṃ vasena sāsanaṃ veditabboti.

Ayaṃ pattalaṅkassa chappadattherassa sissabhūtā saddhammakittittherato paṭṭhāya theraparamparadassanakathā.

Idaṃ ratanapuṇṇanagare sāsanaṃ patiṭṭhānaṃ.

Evamāparantaraṭṭhasaṅkhātena ekadesena sakalampi marammaraṭṭhaṃ gahetvā sāsanaṃ dassetabbo. Bhagavāpi hi aparantaraṭṭhe candanavihāre vasitvā tambadīparaṭṭhe taṃtaṃdesampi iddhiyā caritvā sattānaṃ dhammaṃ desesiyevāti.

Iti sāsanaṃse aparantaraṭṭhasāsanaṃsakathāmaggo

Nāma chaṭṭho paricchedo.

7. Kasmiragandhāraratṭhasāsanaṃsakathāmaggo

7. Idāni yathāvuttamātikāvasena kasmīravandhāraratṭhasāsanaṃsakathāmaggaṃ vattum okāso anupatto, tasmā taṃ vakkhāmi.

Tatīyasāṅgītāvasāne hi mahāmoggaliputtatissatthero majjhanti kattheraṃ kasmīragandhāraratṭhaṃ pesesi, -tvam etaṃ ratṭhaṃ gantvā ettha sāsanaṃ pabhiṭṭhāpehīti. Ettha ca kasmīragandhāraratṭhaṃ nāma cīnaratṭhasamīpe tiṭṭhati. Teneva hi adhunā kasmīragandhāraratṭhavāsino cīnaratṭhavāsino ca manussā aravāḷassa nāma nāgarājassa uppajjanakālato paṭṭhāya yāvajjatanā nāgarūpaṃ katvā mānenti pūjenti sakkaronti, vatthabhājanādīsupi nāgarūpameva te yebhuyyena karontīti.

Soca majjhantikatheropi catūhi bhikkhūhi saddhiṃ attha pañcama hutvā pāṭaliputtato vehāsaṃ abbhuggantvā himavati aravāḷadahassa upari otari. Tena kho pana samayena kasmīragandhāraratṭhe sassapākasamaye aravāḷo nāma nāgarājā aravāḷadahe nisīditvā karakavassaṃ nāma vassāpetvā sassaṃ harāpetvā mahāsamuddaṃ pāpesi. Teroca aravāḷadahassa upari otarivā aravāḷadahapitṭhikaṃ caṅkamatipi tiṭṭhatipi nisīdatipi seyyampi kappeti. Nāgamānavakā taṃ disvā aravāḷassa nāgarājassa ārocesuṃ, - mahārāja eko chinnabhinnapaṭadharo bhaṇḍukāsāvavasano ambhākaṃ udakaṃ dūsetīti. Tadā pana thero attānaṃyeva nāgānaṃ dasseti. Nāgarājā tāvadeva kodhābhībhūto nikkhamitvā therāṃ disvā makkhaṃ assahamāno antalikkhe anekāni bhīṃsanakāni nimmini. Tato tato bhusāvātā vāyanti, rukkhā chijjanti, pabbatakūṭā patanti meghāgajjanti, vijjūmlatā niccharanti, asaniyo phalanti, bhinnaṃ viya gaganāṃ udakaṃ paggharati, bhayānakaṃ nāgakumārā sannipatanti, sayampi dhūmāyati pajjalati, paharaṇavutṭhiyo vissajjeti, ko ayammuṇḍako chinnabhinnapaṭadharotiādīhi pharusavacanehi therāṃ santajjeti, etha gaṇhatha hanatha niddhamatha imaṃ samaṇanti nāgabalaṃ āṇāpesi.

Thero sabbaṃ taṃ bhīṃsanakaṃ attano iddhibalena paṭibāhitvā nāgarājānaṃ āha, -

Sadevakopi ce loko, āgantvā tāsayeyya maṃ;
Na me paṭibalo assa, janetuṃ bhayabheravaṃ.

Sacepi tvam mahim sabba, sasamuddaṃ sapabbataṃ;
Ukkhipitvā mahānāga, khipeyyāsi mamūpari.

Neva me sakkūpeyyāsi, janetuṃ bhayabheravaṃ;
Aññadatthu tavevassa, vighāto uragādhipāti.

Evam vutte nāgarājā vihatānubhāvo nipphalavāyāmo dukkhī dummano ahosi.

Taṃ thero taṅkhaṇānurūpāya dhammiyā kathāya sandassetvā samādapetvā samuttejetvā sampahaṃsetvā tīsu saraṇesu pañcasuca sīlesu paṭiṭṭhāpesi saddhiṃ caturāsītiyā nāgasahashehi. Aññēpi bahū himavantavāsino yakkhāca gandhabbāca kumbhaṇḍāca therassa dhammakathaṃ sutvā saraṇesuca sīlesuca paṭiṭṭhahimsu. Pañcakopi yakkho saddhiṃ bhariyāya yakkhiniyā pañcāhica puttasatehi paṭhame phale paṭiṭṭhito. Athāyasmā majjhanti katthero sabbenāgayakkharakkhase āmantetvā evamāha, -

Mādāni kodhaṃ janayittha, ito uddhaṃ yathā pure;
Sassaghātañca mā kattha, sukhakāmā hi pāṇino;
Karotha mettaṃ sattesu, vasantu manujā sukhanti.

Te sabbe pi sādhu bhanteti therassa vacanaṃ paṭissuṇitvā yathānusiṭṭhaṃ paṭipajjimsu. Taṃ divasameva nāgarājassa pūjāsamayo hoti. Atha nāgarājā attano ratanamayaṃ pallaṅkaṃ āharāpetvā

therassa paññapesi. Nisīdi thero pallaṅke. Nāgarājāpi theram bījayamāno samīpe aṭṭhāsi. Tasmim̄ khaṇe kasmīragandhāraratṭhavāsino āgantvā theram disvā amhākaṃ nāgarājatopi thero mahiddhikataroti therameva vanditvā nisinnā. Thero tesam̄ āsivisopamasuttaṃ kathesi. Suttapariyosāne asītiyāpāṇasahassānaṃ dhammābhisamayo ahoṣi. Kulasatasahassaṇca pabbaji. Tato pabhuti ca kasmīragandhāro yāvajjetanā kāsāvapajjotā isivātaṭṭhāpāṇānaṃ.

Gantvā kasmīragandhāram, isi majjhantiko tadā;
Duṭṭham nāgaṃ pasādetvā, mocesi bandhanā bahūti.

Adhunā pana kasmīragandhāraratṭhe sāsanaṃ atthaṅgatassaviya sūriyassa obhāso na paññāyati, tasmā tattha sāsanaṃ patiṭṭhāne vitthārena vattabbakiccaṃ natthīti.

Iti sāsanaṃse kasmīragandhāraratṭhasāsanaṃsakathāmaggo

Nāma sattamo paricchedo.

8. Mahimsakaratṭhasāsanaṃsakathāmaggo

8. Idāni yathāvuttamātikāvasena mahimsakaratṭhasāsanaṃsakathāmaggaṃ vattum okāso anupatto, tasmā taṃ vakkhāmi.

Tatīyaṅgītāvasāne hi mahāmoggaliputtatissatthero mahārevattheram mahimsakamaṇḍalaṃ pesesi,- tvam̄ etaṃ ratṭham gantvā ettha sāsanaṃ patiṭṭhāpehīti.

Soca attapañcamo hutvā mahimsakamaṇḍalaṃ agamāsi paccantimesu janapadesu pañcavaggo gaṇo alaṃ upasampadakammāyāti maññamāno. Thero mahimsakamaṇḍalaṃ gantvā devadūtasuttaṃ kathesi. Suttapariyosāne cattālīsapāṇasahassāni dhammacakkhum̄ ppaṭilabhiṃsu. Cattālīsamyeva pāṇasahassāni pabbajiṃsu.

Gantvāna ratṭham mahimsaṃ, mahārevo mahiddhiko;
Codetvā devadūtehi, mocesi bandhanā bahūti.

Adhunā pana tattha sāsanaṃ abbhehiviya paṭicchannassa sūriyassa okāso dubbalo hutvā paññāyati.

Iti sāsanaṃse mahimsakaratṭhasāsanaṃsakathāmaggo

Nāma aṭṭhamo paricchedo.

9. Mahāratṭhasāsanaṃsakathāmaggo

9. Ito paraṃ mahāratṭhasāsanaṃsakathāmaggaṃ kathayissāmi yathāvuttamātikāvasena.

Tatīyaṅgītāvasāne hi mahāmoggaliputtatissatthero mahādhammarakkhittheram mahāratṭham pesesi,-tvam̄ etaṃ ratṭham gantvā ettha sāsanaṃ patiṭṭhāpesīti.

Mahādhammarakkhitattheroca attapañcamo hutvā mahāratṭham gantvā mahānāradakassapajātakakathāya mahāratṭhake pasādetvā caturāsītipāṇasahassāni maggaphalesu patiṭṭhāpesi. Terasasahassāni pabbajiṃsu. Evaṃ so tattha sāsanaṃ patiṭṭhāpesi.

Mahāratṭham isi gantvā, so mahā dhammarakkhito;
Jātaṃ kathayitvāna, pasādesi mahājananti.

Tattha kira manussā pubbe aggihutādamicchākammaṃ yebhuyyena akaṃsu. Teneva thero mahānāradakassapajātakakathaṃ desesi. Tato paṭṭhāya tattha manussā jātaka kathaṃ yebhuyyena sotuṃ ativiya icchanti. Bhikkhūca yebhuyyena gahaṭṭhānaṃ jātakakathaṃyeva desenti. Viseso pana vassantarajātakakathaṃ te manussā bahūhi dātabbavattūhi pūjetvā suṇanti.

Taṅca mahāraṭṭhaṃ nāma syāmaratṭhasamīpe ṭhitaṃ, teneva syāmaratṭhavāsinopi bhikkhū gahaṭṭhāca yebhuyyena sotuṃ icchantīti. Mahādhammarakkhitattheropi mahāraṭṭhavāsīhi saddhiṃ sakalasyāmaratṭhavāsīnaṃ dhammaṃ desesi, amatarasaṃ pāyesi, yathā yonakadhammarakkhitatthero aparantaratṭhaṃ gantvā sakalamarammaratṭhavāsīnanti.

Yaṃ pana yonakaratṭhasāsanavaṃsakathāyaṃ vuttaṃ, tampi sabbaṃ etthāpi daṭṭhabbaṃyeva, tehi tassa ekasadisattena ṭhitattāti. Tathā hi nāgasenattheropi yonakaratṭhe vasitvā syāmaratṭhādīsopi sāsanaṃ patiṭṭhāpesi. Yonakaratṭhavāsino mahādhammagambhīrattheramahāmedhaṅkarattherāca saddhiṃ bahūhi bhikkhūhi sīhaḷadīpaṃ gantvā tato punāgantvā syāmaratṭhe sokkatayanagaraṃ patvā tattha nisīditvā sāsanaṃ paggaṇhitvā pacchā lakunnaṃyeva nisīditvā sāsanaṃ paggaṇhi. Evaṃ yonakaratṭhe sāsanaṃ ṭhitaṃ syāmādīsopi ṭhitaṃyevāti daṭṭhabbaṃ.

Buddhassa bhagavato parinibbānato dvisatādhikānaṃ dvinnaṃ vassasahassānaṃ upari navutime vassa sīhaḷadīpe rajjaṃ pattassa kittissirirājasīhamahārājassa abhisekato tatiye vasse teneva kittissirirājasīhamahārāññā pahitapaṇṇākārasāsanaṃ āgama sarāmādhīpatidhammikamahārājādhirājēnāṇatthehi laṅkādīpaṃ āgatehi upālitthe rādīhi patiṭṭhāpito vaṃso upālivāṃsoti pākāto. Soca duvidho pubbārāmavihārāvāsīabhayagirivihārāvāsīvasenāti. Evaṃ mahānagarayonakalyāmaratṭhesu sāsanaṃ thiraṃ hutvā tiṭṭhatīti veditabbanti.

Iti sāsanaṃyeva mahāraṭṭhasāsanavaṃsakathāmaggo nāma

Navamo paricchedo.

10. Cīnaratṭhasāsanavaṃsakathāmaggo

10. Tato paraṃ pavakkhāmi cīnaratṭhasāsanavaṃsakathāmaggaṃ yathāṭṭhavitamātikāvasena.

Tatīyasāṅgītāvasāne hi mahāmoggaliputtatissatthero majjhimattheraṃ cīnaratṭhaṃ pesesi,-tvaṃ etaṃ raṭṭhaṃ gantvā ettha sāsanaṃ patiṭṭhāpehīti.

Majjhimattheroca kassapagottarena aḷakarevattherena dundabhiyattherena mahārevattherenaca saddhiṃ himavantappadesa pañcācīnaratṭhaṃ gantvā dhammacakkappavattanasuttantakathāyamaṃ desaṃ pasādetvā asītipāṇakoṭīyo maggaḷaḷaratanāni paṭilābhesi. Pañcapica te therā pañcāraṭṭhāni pasādesuṃ. Ekamekassa santike sahasamattā pabbajīṃsu. Evaṃ te tattha sāsanaṃ patiṭṭhāpesuṃ.

Gantvā majjhimatthero, himavantaṃ pasādayi;
Yakkhasenaṃ pakāsento, dhammacakkappavattananti.

Tattha kira manussā yebhuyyena candīparamīsvārānaṃ yakkhānaṃ pūjamaṃ karonti. Teneva te pañca therā tesamaṃ yakkhasenaṃ pakāsavitvā dhammaṃ desesuṃ. Kasmīragandhāraraṭṭhaṃ pana kadāci kadāci cīnaratṭhindassa vijitaṃ hoti, kadāci kadāci pana visuṃ hoti. Tadā pana visuṃyeva ahoṣīti daṭṭhabbaṃ.

Cīnaratṭhe pana bhagavato sāsanaṃ dubbalaṃyeva hutvā aṭṭhāsi, na thiraṃ hutvā. Teneva idāni tattha katthaciyeva sāsanaṃ chāyāmatṭamaṃ paññāyati, vātavegena vikiṇṇaabbhamaṃviya tiṭṭhatīti.

Iti sāsanaṃyeva cīnaratṭhasāsanavaṃsakathāmaggo nāma

Dasamo paricchedo.

Evam sabbena sabbaṃ sāsanaṃsakathāmaggo niṭṭhito.

Ettāvātāca –

Laṅkāgatena santena, citraññaṇena bhikkhunā;
Saraṇaṅkaraṇāmena, saddhammaṭṭhitikāminā.

Dūratoyeva dīpamhā, sumaṅgalena jotinā;
Visuddhasīlināceva, dīpantaraṭṭhabhikkhunā.

Aññehicābhiyācīto, paññāsāmīti nāmako;
Akāsiṃ suṭṭhukaṃ ganthaṃ, sāsanaṃsappadīpikaṃ.

Dvisateca sahasseca, tevīsādhike gate;
Puṇṇāyaṃ migasīrassa, niṭṭhaṃ gatāva sabbaso.

Koci ettheva doso ce, paññāyati sucittakā;
Taṃ khamantu ca suddhiyā, gaṇhantu yuttikaṃ haveti.